

世界書局印行

景
搞藻堂印
四庫全書叢要

集
第一一五冊部
總集類



198. PSL



本 冊 目 次

書 名 及 撰 人

御選唐宋詩醇四十七卷目錄二卷 清乾隆十五年御選

卷十六至卷四十七

卷 次

四六二十一

頁 次

梁詩正等輯評

欽定四庫全書薈要

集部

御選唐宋詩醇卷十六

欽定四庫全書薈要
御選唐宋詩醇卷十六

襄陽杜甫詩八

目錄



涪江泛舟送韋班歸京

春日梓州登樓

郪城西原送李判官兄武判官弟赴成都府

送路六侍御入朝

欽定四庫全書

御選唐宋詩醇
卷十六 目錄

望牛頭寺

上兜率寺

登牛頭山亭子

陪李梓州王閬州蘇遂州李果州四使君登惠義

寺

涪城縣香積寺官閣

戲題寄上漢中王

倦夜

詳校官原任主事臣李斯咏

對雨

王命

有感

送元二適江左

章梓州水亭

翫月呈漢中王

登高

遣憤

欽定四庫全書
御選唐宋詩醇
卷十六目錄
送陵州路使君赴任

西山三首

絕句

城上

傷春五首

放船

奉侍嚴大夫

奉寄高常侍

將赴荆南寄別李劍州

泛江

陪王使君晦日泛江就黃家亭子

春遠

百舌

地隅

游子

歸夢

欽定四庫全書
御選唐宋詩醇
卷十六目錄
滕王亭子

玉臺觀

滕王亭子

渡江

送韋郎司直歸成都

將赴成都草堂途中有作先寄嚴鄭公

別房太尉墓

自閬州領妻子却赴蜀山行三首

山館

倚杖

登樓

春歸

歸雁

贈王二十四侍御契四十韻

寄董卿嘉榮十韻

過故斛斯校書莊二首

欽定四庫全書

御選唐宋詩略
卷十六目錄

立秋雨院中有作

奉和嚴鄭公軍城早秋

院中晚晴懷西郭茅舍

宿府

遣閑奉呈嚴公二十韻

送舍弟頴赴齊州

奉觀嚴鄭公廳事岷山池江畫圖十韻

正月三日歸溪上有作簡院內諸公

春日江村

絕句

哭嚴僕射歸櫬

渝州候嚴六侍御不到先下峽

禹廟

題忠州龍興寺所居院壁

旅夜書懷

十二月一日

欽定四庫全書

御選唐宋詩略
卷十六目錄

長江二首

承聞故房相公靈櫬自閬州啓殯歸葬東都有作

二首

懷錦水居止

子規

立春

漫成一絕

老病

南楚

寄岑嘉州

欽定四庫全書薈要卷一萬九千三百四十 集部

御選唐宋詩醇卷十六

襄陽杜甫詩八

涪江泛舟送韋班歸京

得山字

追餓同舟日傷春一水間飄零為客久衰老羨君還花
遠重重樹雲輕處處山天涯故人少更益鬢毛斑

春日梓州登樓

行路難如此登樓望欲迷身無却少壯跡有但羈栖江

水流城郭春風入鼓鞚雙雙新燕子依舊已銜泥

滿目悲涼頸聯却極醞藉

郪城西原送李判官兄武判官弟赴成都府

憑高送所親久坐惜芳辰遠水非無浪他山自有春野
花隨處發官柳著行新天際傷愁別離筵何太頻

三四比興有味

送路六侍御入朝

童稚情親四十年中間消息兩茫然更為後會知何地

忽漫相逢是別筵不分桃花紅勝錦生憎柳絮白於綿
劍南春色還無賴觸忤愁人到酒邊

張潛曰妙用倒敘法前四句歲多少曲折

望牛頭寺

牛頭見鶴林梯逕繞幽深春色浮山外天河宿殿陰傳
燈無白日布地有黃金休作狂歌老廻看不住心

上兜率寺

兜率知名寺真如會法堂江山有巴蜀棟宇自齊梁庾

欽定四庫全書
御選唐宋詩醇
卷十六
二

戲題寄上漢中王

葉夢得曰詩人以一字為工世固知之唯變化開闔出
奇無窮殆不可以形迹捕詰如江山有巴蜀棟宇自齊
梁則其遠近數千里上下數百年盡在有自兩字間
而吞吐山川之氣俯仰古今之懷皆見於言外也

登牛頭山亭子

路出雙林外亭窺萬井中江城孤照日山谷遠含風兵
革身將老關河信不通猶殘數行淚忍對百花叢

陪李梓州王閬州蘇遂州李果州四使君登惠義

寺

春日無人境虛空不住天蠶花隨世界樓閣寄山巔遲
暮身何得登臨意惘然誰能解金印瀟灑共安禪

涪城縣香積寺官閣

寺下春江深不流山腰官閣迥添愁念風翠壁孤雲細
背日丹楓萬木稠小院迴廊春寂寂浴兒飛鷺晚悠悠
諸天合在藤蘿外昏黑應須到上頭

欽定四庫全書
御選唐宋詩醇
卷十六
三

羣盜無歸路衰顏會遠方尚憐詩警言策猶記酒顛狂魯
衛彌尊重徐陳畧喪亡空餘枚叟在應念早升堂

王士禎曰頸聯十字情事可感

朱鶴齡曰開元中上幸寧王憲宅與諸王宴探韻賦
詩曰魯衛情先重親賢尚轉多瑪為寧王之子詩用
明皇語也

倦夜

竹涼侵卧內野月滿庭隅重露成涓滴稀星乍有無暗飛螢自照水宿鳥相呼萬事干戈裏空悲清夜徂

王直方曰東坡云司空表聖自論其詩以為得味外

味綠樹連村暗黃花入夢稀此句最善又云棋聲花院閉幡影石壇高吾嘗獨遊五老峯入白鶴觀松陰滿地不見一人惟聞棋聲然後知此句之工但恨其寒儻有僧態若子美暗飛螢自照水宿鳥相呼四更山吐月殘夜水明樓才力富健去表聖之流遠矣

欽定四庫全書

對雨

莽莽天涯雨江邊獨立時不愁已道路恐濕漢旌旗雪嶺防秋急繩橋戰勝遲西戎甥舅禮未敢背恩私感時憂國觸緒即來非忠義根于至性者不可強為所以獨冠千古而上繼騷雅

王命

漢北豺狼滿巴西道路難血埋諸將甲骨斷使臣鞍牢落新燒棧蒼茫舊築壇深懷喻蜀意慟哭望王官

朱鶴齡曰嚴武入朝而吐蕃陷河西隴右又圍松州

蜀人思得武以代高適也

有感

將帥蒙恩澤兵戈有歲年至今勞聖主何以報皇天白骨新交戰雲臺舊拓邊乘槎斷消息無處覓張騫

洪邁曰前輩謂少陵當流離顛沛之際一飯不忘君故詩有云萬方頻送喜無乃聖躬勞至今勞聖主何以報皇天獨使至尊憂社稷諸君何以答昇平天子

欽定四庫全書

亦應厭奔走諸君固合思昇平皆是心也

幽薦餘蛇豕乾坤尚虎狼諸侯春不貢使者日相望慎勿吞青海無勞問越裳大君先息戰歸馬華山陽

朱鶴齡曰是時史朝義下諸降將奄有幽魏之地驕恣不貢代宗悞弱不能致討此詩蓋嘆之也李翹云

唐子孫不能以天下取河北正此意

洛下舟車入天中貢賦均日聞紅粟腐寒待翠華春莫取金湯固長令宇宙新不過行儉德盜賊本王臣

中原未得平安報醉裏眉攢萬國愁以韻語據讐議其

源固自二雅來也至今勞聖主何以報皇天直使泄泄之臣置身無地不遇行儉德盜賊本王臣其識解閼遠

如此

王嗣奭曰此五詩皆救時之碩畫報主之赤心自許稷契真非虛語

黃生曰七律之諸將責人臣也五律之有感諷人君

也然此雖諷人君未嘗不責其臣以疆圉國事敗壞

至此皆人臣之罪也公平日諄諄論社稷憂時事者

大指盡此

朱鶴齡曰自吐蕃入寇車駕東幸程元振勸帝都洛

陽郭子儀論奏畧曰東周之地久陷賊中宮室焚燒

十不存一刻其土地狹隘纔數百里間東有成臯南有二室險不足恃適為戰場明明天子躬儉節用苟

能抑豎刁易牙之權任蘧瑗史鰌之直則黎元自理

寇盜自息公此詩正槩括汾陽論奏大意

送元二適江左
亂後今相見秋深復遠行風塵為客日江海送君情晉
室丹陽尹公孫白帝城經過自愛惜取次莫論兵

原注
元常

應孫吳
科舉

劉會孟曰戒其經過論兵豈非藩鎮節度有難言者

乎此等結語熟味最是深厚

章梓州水亭

原注時漢中王薰道士席謙在會同用荷字韻

城晚通雲霧亭深到芰荷吏人橋外少秋水席邊多近

屬淮王至高門薊子過荊州愛山簡吾醉亦長歌

三四佳致

翫月呈漢中王

夜深露氣清江月滿江城浮客轉危坐歸舟應獨行關山同一照烏鵲自多驚欲得淮王術風吹暈已生

登高

風急天高猿嘯哀渚清沙白鳥飛迴無邊落木蕭蕭下
不盡長江滾滾來萬里悲秋常作客百年多病獨登臺

艱難苦恨繁霜鬢潦倒新停濁酒杯

氣象高渾有如巫峽千尋走雲連風誠為七律中希有
之作後人無其骨力徒肖之於聲貌之間外強而中乾
是為不善學杜者

胡應麟曰五十六字如海底珊瑚瘦勁難移沈深莫
測而精光萬丈力量萬鈞通章章法句法字法前無
昔人後無來者此當為古今七律第一

遺憤

欽定四庫全書

御選唐宋詩

卷十六

八

聞道花門將論功未盡歸自從收帝里誰復總戎機蜂
蠻終懷毒雷霆可振威莫令鞭血地再濕漢臣衣
朱鶴齡曰永泰元年郭子儀與回紇破吐蕃前後
贈賚無算所謂論功未盡歸也京師解嚴魚朝恩統
神策軍軍勢浸盛誰復總戎機蓋諷中人曲兵而任
子儀之不專也

送陵州路使君赴任

王室比多難高官皆武臣幽燕通使者岳牧用詞人國

待賢良急君當拔擢新佩刀成氣象行蓋出風塵戰伐
乾坤破瘡痍府庫貧衆寮宜潔白萬役但平均霄漢瞻
佳士泥途任此身秋天正搖落迴首大江濱

西山三首

異界荒山頂蕃州積雪邊築城依白帝轉粟上青天蜀
將分旗鼓羌兵助井泉西南背和好殺氣日相纏
辛苦三城成長防萬里秋烟塵侵火井雨雪閉松州風
動將軍幕天寒使者裘漫山賊營壘迴首得無憂

欽定四庫全書

御選唐宋詩

卷十六

九

子弟猶深入關城未解圍蠶庭鐵馬瘦灌口米船稀
韓士安邊策元戎決勝威今朝烏鵲喜欲報凱歌歸
仇兆鰲曰公抱憂國之懷籌時之畧而又游逢亂離
故在梓闈間有感於朝事邊防凡見諸詩歌者多悲
涼激壯之語而各篇精神煥發氣骨風神並臻其極

熟復長吟知為千古絕唱也

絕句

江邊踏青罷回首見旌旗風起春城暮高樓鼓角悲

城上

草滿巴西綠空城。白日長風吹花片。片春動水茫茫八
駿隨天子羣臣從。武皇遙聞出巡守。早晚徧遐荒。

用周穆漢武為喻立言得體。

王嗣興曰：叙景言情，真堪痛哭。詩之不愧風人者也。

傷春五首

天下兵雖滿春光日自濃。西京疲百戰。北闕任羣兇。關
塞三千里。烟花一萬重。蒙塵清露急。御宿且誰供。殷復

欽定四庫全書

御選唐宋詩譜

十一

前王道周遷舊國容蓬萊足雲氣應合總從龍

鶯入新年語花開滿故枝。天青風捲幔草碧水通池牢。
落官軍速蕭條萬事危。鬢毛元自白。渙點向來垂。不是
無兄弟其如有別離。巴山春色靜北望轉逶迤。

日月還相鬪。星辰屢合圍。不成誅執法。焉得變危機。
大角纏兵氣。鉤陳出帝畿。烟塵昏御道。耆舊犯天衣。
行在諸軍闕。來朝大將稀。賢多隱。屠鈞王肯載。同歸

再有朝廷亂。難知消息真。近傳王在洛。復遣使歸秦。奪

馬悲公主。登車泣貴嬪。蕭關迷北上。滄海欲東巡。敢料

安危體。猶多老大臣。豈無嵇紹血。霑灑屬車塵。

聞說初東幸。孤兒却走多難分。太倉粟競棄。魯陽戈胡
虜。登前殿。王公出御河。得無中夜舞。誰憶大風歌。春色
生烽燧。幽人泣薜蘿。君臣重脩德。猶足見時和。

無窮悲憤一片忠懇大雅之後絕無而僅有。論詩至此
可以表乾裏坤。與天地終始。求之於風容色澤之間無
以涉其藩籬。況堂奧乎？

欽定四庫全書

御選唐宋詩譜

十二

朱鶴齡曰：代宗致亂因信任非人。老臣不用故曰賢。多

隱屠鈞曰：猶多老大臣。曰：誰憶大風歌。篇中每三致
意焉。

仇兆鰲曰：此與有感皆記時事。纏綿悱惻發於忠君
愛國之誠。當與洞房八首並傳。

通鑑廣德元年十月吐蕃陷京師。上幸陝州。官吏奔
散。無復供擬扈從。將士不免飢餓。乃幸魚朝恩營。是
時下詔徵兵。諸將畏程元振讒構。莫有至者。及至行

在太常博士柳伉上疏請斬元振以謝天下乃削其

官放歸田里郭子儀合衆軍擊吐番復長安

放船

送客蒼溪縣山寒雨不開直愁騎馬滑故作泛舟廻青

惜峯巒過黃知橘柚來江流大自在坐穩興悠哉

頸聯語極作意而不傷巧

吳子良曰錢起詩山來指樵火峯去惜花林不如此

詩頸聯

欽定四庫全書

御選唐宋詩辭 卷十六

十三

奉待嚴大夫

殊方又喜故人來重鎮還須濟世才常怪偏裨終日待

不知旌節隔年迴欲辭巴徼啼鶯合遠下荆門去鸞催

身老時危思會面一生襟抱向誰開

奉寄高常侍

汶上相逢年頗多飛騰無那故人何總戎楚蜀應全未

方駕曹劉不啻過今日朝廷須汲黯中原將帥憶廉頗

天涯春色催遲暮別淚遙添錦水波

將赴荊南寄別李劍州

使君高義驅今古寥落三年坐劍州但見文翁能化俗

焉知李廣未封侯路經灔澦雙蓬鬢天入滄浪一釣舟

戎馬相逢更何日春風廻首仲宣樓

通體響亮

申涵光曰王李七子全學此五六句法

泛江

方舟不用楫極目揔無波長日容盃酒深江淨綺羅亂

欽定四庫全書
御選唐宋詩辭 卷十六
十三

離還奏樂飄泊且聽歌故國流清渭如今花正多

陪王使君晦日泛江就黃家亭子

山豁何時斷江平不肯流稍知花改岸始驗鳥隨舟結

束多紅粉歡娛恨白頭非君愛人客晦日更添愁

次句寫物甚工楊慎以為求工反拙不及李羣玉樂府

及巴渝竹枝詞何乃妄加軒輊

春遠

肅肅花絮晚菲菲紅素輕日長唯鳥雀春遠獨柴荆數

有關中亂何曾効外清故鄉歸不得地入亞夫營

黃生曰寫有景之景詩人類能之寫無景之景唯杜

獨擅場此詩上半當想其虛中取意之妙

百舌

百舌來何處重重祗報春知音兼衆語整翮宣多身花密藏難見枝高聽轉新過時如發口君側有讒人

運古如已出然亦露却色相

地隅

江漢山重阻風雲地一隅年年非故物處處是窮途喪

亂秦公子悲涼楚大夫平生心已折行路日荒蕪

游子

巴蜀愁難語吳門興杳然九江春草外三峽暮帆前厭就成都卜休為吏部眠蓬萊如可到衰白問羣仙

末句比也謂遠思蓬山者失之

歸夢

道路時通塞江山日寂寥偷生唯一老伐叛已三朝雨

急青楓暮雲深黑水遙夢歸歸未得不用楚辭招

極沉鬱逸宕之妙

滕王亭子

君王臺榭枕巴山萬丈丹梯尚可攀春日鶯啼竹裏

仙家犬吠白雲間清江錦石傷心麗嫩藥濃花滿目斑

人到於今歌出牧來遊此地不知還

仇兆鰲曰末二句一氣讀下正刺其荒游非頌其遺

澤也

玉臺觀

原注滕王造

中天積翠玉臺遙上帝高居絳節朝遂有馮夷來擊鼓始知羸女善吹簫江光隱見鼈鼈窟石勢參差烏鵲橋更肯紅顏生羽翼便應黃髮老漁樵

純從空際形容穠郁之中彌見格力

滕王亭子

寂寞春山路君王不復行古牆猶竹色虛閣自松聲鳥雀荒村暮雲霞過客情尚思歌吹入千騎把霓旌

渡江

春江不可渡二月已風濤舟楫欹斜疾魚龍偃卧高渚
花兼素錦汀草亂青袍戲問垂綸客悠悠見汝曹

送韋郎司直歸成都

竊身來蜀地同病得韋郎天下干戈滿江邊歲月長別
筵花欲暮春日鬢俱蒼為問南溪竹抽梢合過牆

原注余草堂在成都西郭

將赴成都草堂途中有作先寄嚴鄭公

欽定四庫全書

御選唐宋詩醇

卷十六

得歸茅屋赴成都直為文翁再剖符但使閭閻還揖讓
敢論松竹久荒蕪魚知丙穴由來美酒憶郫筒不用酤
五馬舊曾諳小徑幾回書札待潛夫

南門戶

欽定四庫全書

御選唐宋詩醇

卷十六

別房太尉墓

他鄉復行役駐馬別孤墳近淚無乾土低空有斷雲對
碁陪謝傅犯劍覓徐君唯見林花落鶯啼送客聞

李因篤曰有歎息此人去蕭條天地空之感

自閬州領妻子却赴蜀山行三首

汨汨避羣盜悠悠經十年不成向南國復作游西川物
役水虛照魂傷山寂然我生無倚著盡室畏途邊

居人不自解東西書籤樂裏封蝶網野店山橋送馬蹄

豈藉荒庭春草色先判一飲醉如泥

錦官城西生事微烏皮几在還思歸昔去為憂亂兵入
今來已恐隣人非側身天地更懷古迴首風塵甘息機

共說總戎雲鳥陣不妨遊子艾荷衣

數詩情致委折骨肉停勻杜詩之最近人者末篇特用

拘調節奏極佳

王士禎曰不作奇語高調而情致圓足遂開玉局劍

欽定四庫全書

御選唐宋詩醇

卷十六

南門戶

欽定四庫全書

御選唐宋詩醇

卷十六

別房太尉墓

他鄉復行役駐馬別孤墳近淚無乾土低空有斷雲對
碁陪謝傅犯劍覓徐君唯見林花落鶯啼送客聞

李因篤曰有歎息此人去蕭條天地空之感

自閬州領妻子却赴蜀山行三首

汨汨避羣盜悠悠經十年不成向南國復作游西川物
役水虛照魂傷山寂然我生無倚著盡室畏途邊

苦調奇語

長林偃風色廻復意猶迷衫裏翠微潤馬銜青草嘶棧
懸斜避石橋斷却尋溪何日干戈盡飄飄愧老妻

行色遞隱見人烟時有無僕夫穿竹語稚子入雲呼轉
石驚魑魅抨弓落狹鼯真供一笑樂似欲慰窮途

山館

南國晝多霧北風天正寒路危行木杪身遠宿雲端山
鬼吹燈滅厨人語夜闌鷄鳴問前館世亂敢求安

倚杖

欽定四庫全書

御選唐宋詩

六

看花雖郭內倚杖即溪邊山縣早休市江橋春聚船狎
鷗輕白浪歸雁喜青天物色兼生意淒涼憶去年

登樓

花近高樓傷客心萬方多難此登臨錦江春色來天地

玉壘浮雲變古今北極朝廷終不改西山寇盜莫相侵

可憐後主還祠廟日暮聊為梁甫吟

律法甚細隱衷極厚不獨以雄渾高濶之象陵轡千古

葉夢得曰七言律難於氣象雄渾句中有力而紓徐

不失言外之意自老杜錦江春色五更鼓角等句後
常恨無復繼者

申涵光曰北極西山二語可抵一篇王命論

春歸

苔逕臨江竹茅簷覆地花別來頻甲子倏忽又春華倚
杖看孤石傾壺就淺沙遠鷗浮水靜輕燕受風斜世路
雖多梗吾生亦有涯此身醒復醉乘興即為家

仇兆鰲曰螢雪叢說云老杜詩好下文字東坡尤愛

欽定四庫全書

御選唐宋詩

九

輕燕受風斜句以為燕迎風低飛乍前乍後却非受
鷗輕白浪歸雁喜青天物色兼生意淒涼憶去年

字不能形容

楊德周曰微風燕子斜正與此同看詠之不盡味之

有餘

歸鴈

東來萬里客亂定幾年歸腸斷江城鴈高高正北飛

自寫心事與王勃九日一絕正堪對照

贈王二十四侍御契四十韻

往往雖相見飄飄媿此身不關輕紱冕俱是避風塵一

別星橋夜三移斗柄春敗亡非赤壁奔走為黃巾子去

何瀟灑余歲異隱淪書成無過鴈衣故有懸鶴恐懼行

裴數伶俜卧疾頻曉鳴工逕淚秋月解傷神會面嗟黎

黑含悽話苦辛接輿還入楚王粲不歸秦錦里殘丹竈

花溪得釣綸消中祇自惜晚起索誰親伏柱聞周史乘

槎有漢臣鴛鴦不易狎龍虎未宜馴客則桂冠至交非

傾蓋新由來意氣合直取性情真浪跡同生死無心恥

欽定四庫全書
御選唐宋詩醇
卷十六

賤貧偶然存蔗芋幸各對松筠麤飯依他日窮愁怪此

辰女長裁褐穩男大卷書勻湘口江如練蠶崖雪似銀

名園當翠巒野棹沒青蘋屢喜王侯宅時邀江海人追

隨不覺晚歌曲動彌旬但使芝蘭秀何煩棟宇隣山陽

無俗物鄭驛正留賓出入並鞍馬光輝參席珍重遊先

主廟更歷少城閨石鏡通幽魄琴臺隱絳唇送終惟冀

土結愛獨荆榛置酒高林下觀碁積水濱區區甘累趼

稍稍息勞筋網聚圓鯽絲繁煮細尊長歌敲柳瘦小

睡凭藤輪農月須知課田家敢忘勤浮生難去食良會

惜清晨列國兵戈暗今王德教淳要聞除禊猶休作盡

麒麟洗眼看輕薄虛懷任屈伸莫令膠漆地萬古重雷

陳

明淨整齊佳語霏霏如吐玉屑

張潛曰卷收舒放一一如意具有仙氣

寄董卿嘉榮十韻

聞道君牙帳防秋近赤霄下臨千雪嶺却背五繩橋海

欽定四庫全書

御選唐宋詩醇

主

內久戎服京師今晏朝犬羊曾爛漫宮闈尚蕭條猛將宜嘗膽龍泉必在腰黃圖遭汚辱月窟可焚燒會取干

戈利無令斥候騎居然雙捕虜自是一嫖姚落日思輕

騎高天憶射雕雲臺盡形像皆為掃氛妖

過故斛斯校書莊二首

原注老儒艱難時病于庸蜀歎其沒後方授一官

此老已云歿隣人嗟亦休竟無宣室召徒有茂陵求妻

子寄他食園林非昔遊空堂總帷在淅淅野風秋

燕入非傍舍鷗歸祇故池斷橋無復板臥柳自生枝遂

有山陽作多慚鮑叔知素交零落盡白首淚雙垂

黃生曰借古叙事處見筆之老寫景寓情處見筆之

靈二種筆法俱難到

朱鶴齡曰文苑英華注云名融公詩有走覓南隣愛

酒伴注云斛斯融吾酒徒

立秋雨院中有作

山雲行絕塞大火復西流飛雨動華屋蕭蕭梁棟秋窮
途愧知己暮齒借前壽已費清晨謁那成長者謀解衣

欽定四庫全書

御選唐宋詩醇

卷十六

欽定四庫全書

御選唐宋詩醇

卷十六

三十三

開北戶高枕對南樓樹濕風涼進江喧水氣浮禮寬心
有適節爽病微瘳主將歸調鴟吾還訪舊丘

遣悶奉呈嚴公二十韻

三四殊有靈氣勝謝眺朔風吹飛雨蕭條江上來之句
奉和嚴鄭公軍城早秋

秋風嫋嫋動高旌玉帳分弓射虜營已收滴博雲間戍
更奪蓬婆雪外城

院中晚晴懷西郭茅舍

幕府秋風日夜清澹雲踈雨過高城葉心朱實看時落

階面青苔先自生復有樓臺銜暮景不勞鐘鼓報新晴
浣花溪裏花饒笑肯信吾兼吏隱名

張璁曰此公有不樂於幕府者也明年正月遂行歸

草堂

宿府

清秋幕府井梧寒獨宿江城蠟炬殘永夜角聲悲自語
中天月色好誰看風塵荏苒音書絕關塞蕭條行路難

已忍伶俜十年事強移栖息一枝安

多少心事於無聊中出之字字沈鬱

遣悶奉呈嚴公二十韻

白水魚竿客清秋鶴髮翁胡為來幕下祗合在舟中黃
卷真如律青袍也自公老妻憂坐痺幼女問頭風平地
專歌倒分曹失異同禮甘衰力就義忝上官通疇昔論
詩早光輝仗鉞雄寬容存性拙剪拂念途窮露裏思藤
架烟霏想桂叢信然龜觸網直作鳥窺籠西嶺紆村北
南江遙舍東竹皮寒舊翠椒實雨新紅浪簸船應坼杯

乾甕即空藩籬生野徑斤斧任樵童束縛酬知己蹉跎
効小忠周防期稍稍太簡遂忽忽晚入朱扉啟昏歸盡
角終不成尋別業未敢息微躬烏鵲愁銀漢駕駘怕錦
幪會希全物色時放倚梧桐

黃生曰公與嚴武始終睽合之故具見此一首蓋公
在蜀兩依嚴武其於公故舊之情不可謂不厚及居
幕中未免以禮數相拘又為同輩所譖此公所以不
堪其束縛往往寄之篇詠也

絕幽襟興激昂從來謝太傅丘壑道難忘
甫心繫國家往往因題闡入今為嚴武題盡而不及此
蓋志將遠引故語不旁及其詩精嚴流麗點睛在虛字
讀者宜細玩之

胡夏客曰起聯莊重接聯精警收語穩足此最入格
之篇

仇兆鰲曰昔人論此詩為宋人詠盡之祖但其分寫

山水亦本謝靈運始寧墅詩杜用以詠盡更較詳

欽定四庫全書
御選唐宋詩醇
卷十六
二十五
細精工耳

正月三日歸溪上有作簡院內諸公

野外堂依竹蘿邊水向城蟻浮仍臘味鷗泛已春聲藥

許隣人斲書從稚子擎白頭趨幕府深覺負平生

王嗣奭曰自是衷語

春日江村

農務村村急春流岸岸深乾坤萬里眼時序百年心茅
屋還堪賦桃源自可尋艱難賤生理飄泊到如今

訝杉松冷兼疑茭荇香雪雲虛點綴沙草得微茫嶺鴈
隨毫末川婉飲練光霏紅洲藻亂拂黛石蘿長暗谷非
關雨丹楓不為霜秋成立圃外景物洞庭旁繪事功殊

李因篤曰領聯十字縱橫八極俯仰千秋有鳶飛魚

躍之意

絕句

兩箇黃鸝鳴翠柳一行白鷺上青天窗含西嶺千秋雪
門泊東吳萬里船

雖非正格自是絕唱近人以四句皆對為截律詩中四

句是不知古人兩句一聯四句一絕也

哭嚴僕射歸櫬

欽定四庫全書

御選唐宋詩醇

卷十六

素幔隨流水歸舟返舊京老親如宿昔部曲異平生風

送蛟龍匣天長驃騎營一哀三峽暮遺後見君情

劉克莊曰老親如宿昔二句極其悽愴李義山過舊

府有寄諸掾詩云莫憑無鬼論終負托孤心猶有故

吏之情可以矯薄俗

渝州侯嚴六侍御不到先下峽

聞道乘驄發沙邊待至今不知雲雨散虛費短長吟山

帶烏蠻濶江連白帝深船經一柱觀留眼共登臨

禹廟

禹廟空山裏秋風落日斜荒庭垂橘柚古屋畫龍蛇雲
氣生虛壁江聲走白沙早知乘四載疏鑿控三巴

龍蛇橘柚宋人亦知其用本事不知其妙在無迹極鏡
花水月之趣學者悟此乃得使事三昧法

題忠州龍興寺所居院壁

忠州三峽內井邑聚雲根小市常爭米孤城早閉門空
看過客淚莫覓主人恩淹泊仍愁虎深居賴獨園

旅夜書懷

欽定四庫全書

御選唐宋詩醇

卷十六

細草微風岸危檣獨夜舟星垂平野闊月湧大江流名
豈文章著官應老病休飄飄何所似天地一沙鷗

小市常爭米孤城早閉門寫荒涼之景如在目前若此

孤舟夜泊著語乃極雄傑當由真力彌滿耳李白山隨

平野一聯語意暗合不分上下亦見大家才力天然相

似

劉會孟曰等閒星月著一湧字更覺不同

十二月一日

寒輕市上山烟碧日滿樓前江霧黃負鹽出井此谿女
打破發船何郡郎新亭舉目風景切茂陵著書消渴長
春花不愁不爛漫楚客唯聽棹相將

借拗調以遣懷鏘然可聽

即看燕子入山扉宜有黃鸝歷翠微短短桃花臨水岸
輕輕柳絮點人衣春來準擬開懷久老去親知見面稀
他日一盃難強進重嗟筋力故山違

朱鶴齡曰詩作於冬而有燕子黃鸝桃柳之句蓋逆
道其事所謂他日一盃難強進也

長江二首

衆水會涪萬瞿塘爭一門朝宗人共挹盜賊爾誰尊孤
石隱如馬高蘿垂飲猿歸心異波浪何事即飛翻

浩浩終不息乃知東極臨衆流歸海意萬國奉君心色
借瀟湘濶聲驅灑澑深未辭添霧雨接上過衣襟

王嗣奭曰詩以長江命題乃寫其朝宗之性以警盜

賊之背主者兩章同意

王道俊曰江流之大不辭霧雨接江流而上過人
衣襟之間所謂波浪兼天者如此

通鑑永泰元年夏嚴武卒以郭英乂代之漢州刺史
崔旰攻英乂英乂奔簡州為韓澄所殺楊子琳等起

兵討旰蜀中大亂

承聞故房相公靈櫬自閬州啟殯歸葬東都有作

二首

遠聞房太尉歸葬陸渾山一德興王後孤魂久客間孔
明多故事安石竟崇班他日嘉陵涕仍霑楚水還

丹旐飛飛日初傳發閬州風塵終不解江漢忽同流劍
動親身匣書歸故國樓盡哀知有處為客恐長休

陳師道詩云丘園無起日江漢有東流為後人傳誦故
當本於此詩

懷錦水居止

萬里橋西宅百花潭北莊層軒皆面水老樹飽經霜雪

嶺界天白錦城曛日黃惜哉形勝地回首一茫茫

葛常之曰公作草堂經營上元之始斷手寶應之年

始終四載而其間往梓閬三年公詩所謂三年奔走

空皮骨也其起居寢處之興不足以償其經營往來之勞可謂一世之羈人然自唐至今已數百載而草

堂之名與其山川草木皆因公詩以不朽矣

子規

峽裏雲安縣江樓翼瓦齊兩邊山木合終日子規啼眇

欽定四庫全書

御選唐宋詩

卷十六

眇春風見蕭蕭夜色淒客愁那聽此故作傍人低

申涵光曰領聯爽豁如彈丸脫手此太白雋語也

立春

春日春盤細生菜忽憶兩京梅發時盤出高門行白玉

菜傳纖手送青絲巫峽寒江那對眼杜陵遠客不勝悲

此身未知歸定處呼兒覓紙一題詩

俯拾即是純用本色讀者當得其自然之趣

漫成一絕

江月去人只數尺風燈照夜欲三更沙頭宿鷺聯拳靜

船尾跳魚撥刺鳴

老病

老病巫山裏稽留楚客中藥殘他日裏花發去年叢夜足霑沙雨春多逆水風合分雙賜筆猶作一飄蓬

南楚

南楚青春異暄寒早早分無名江上草隨意嶺頭雲正

月蜂相見非時鳥共聞杖藜妨躍馬不是故離羣

欽定四庫全書

御選唐宋詩

卷十六

寫出閒曠之致如見沂水春風氣象昭明所云語時事

則指而可想論懷抱則曠而且真杜老有之

寄岑嘉州

原注州據蜀江外

不見故人十年餘不道故人無素書願逢顏色關塞遠

宣意出守江城居外江三峽且相接斗酒新詩終日疎

謝朓每篇堪諷誦馮唐已老聽吹噓泊船秋夜經春草

伏枕青楓限玉除眼前所寄選何物贈子雲安雙鯉魚

脫去排比之迹絕無雕飾之痕何等風韻

欽定四庫全書
薈要

御選唐宋詩醇卷十七

襄陽杜甫詩九

目錄

移居夔州郭

宿江邊閣

西閣口號呈元二十一

西閣

欽定四庫全書

御選唐宋詩醇

卷十七 目錄

閣夜

瀼西寒望

入宅

暮春題瀼西新賃草屋

秋野五首

課小豎鉏斫舍壯果林枝蔓荒穢淨訖移牀

自瀼西荆扉且移居東屯茅屋

東屯月夜

御選唐宋詩醇卷十六

欽定四庫全書

御選唐宋詩醇

卷十六

三十二

欽定四庫全書
御選唐宋詩醇
卷十六

暫往白帝復還東屯

刈稻了咏懷

上白帝城

上白帝城

武侯廟

八陣圖

謁先主廟

灔澦堆

欽定四庫全書

御選唐宋詩醇
卷十七 目錄

灔澦

白帝

白帝城最高樓

諸葛廟

峽口二首

天池

瞿塘兩崖

夔州歌

偶題

秋興八首

詠懷古跡五首

諸將五首

贈李八秘書別三十韻

秋日夔府詠懷奉寄鄭監審李賓客之芳一百韻

解悶

復愁

欽定四庫全書

御選唐宋詩醇
卷十七 目錄

承聞河北諸道節度入朝歡喜口號

洞房

宿昔

能畫

鬪鷄

鸚鵡

厯厯

驪山

提封

欽定四庫全書
御選唐宋詩醇卷十七
集部

襄陽杜甫詩九

移居夔州郭

伏枕雲安縣遷居白帝城春知催柳別江與放船清農
事聞人說山光見鳥情禹功饒斷石且就土微平

黃庭堅曰好作奇語自是文章一病但當以理為主
理得而詞順文章自然出羣拔萃觀子美到夔州後

欽定四庫全書
御選唐宋詩醇
卷十七
一
詩退之自潮州還朝後文皆不煩絕削而自合矣

宿江邊閣

暝色延山逕高齋次水門薄雲巖際宿孤月浪中翻鶴
鶴追飛靜豺狼得食喧不眠憂戰伐無力正乾坤

仇兆鰲曰何仲言詩尚在實處摹景此句轉換一二
字間便覺點睛欲飛

西閣口號呈元二十一

山木抱雲稠寒江繞上頭雪崖纔變石風慢不依樓社

御選唐宋詩醇卷十七目錄

稷堪流涕安危在運籌看君話王室感動幾銷憂

三四刻畫中雅調後半則無窮忠憤不覺觸之即動矣

西閣

巫山小搖落碧色見松林百鳥各相命孤雲無自心層
軒俯江壁要路亦高深朱綾猶紗帽新詩近玉琴功名
不早立衰病謝知音哀世非王粲終然學越吟

閣夜

歲暮陰陽催短景天涯霜雪霽寒宵五更鼓角聲悲壯

三峽星河影動搖野哭幾家聞戰伐夷歌數處起漁樵
卧龍躍馬終黃土人事依依漫寂寥

音節雄渾壯闊不獨五更鼓角聲

三峽星河膾炙人口為足賞也

杜修可曰西清詩話云作詩用事要如水中著鹽飲

水乃知鹽味此說詩家秘藏也如子美五更鼓角聲
悲壯三峽星河影動搖人徒見陵轢造化之工不知
乃用故事也

李因萬曰壯采以朴氣行之非泛為聲調者可比

瀼西寒望

水色含羣動朝光劫太虛年侵頻悵望興遠一蕭疎猿
挂時相學鷗行炯自如瞿塘春欲至定卜瀼西居

發端甚工

入宅

奔峭背赤甲斷崖當白鹽客居愧遷次春酒漸多添花
亞欲移竹鳥窺新捲簾衰年不敢恨勝槩欲相兼

亂後居難定春歸客未還水生魚復浦雲暖麝香山半
頂梳頭白過眉拄杖斑相看多使者一一問函闕

暮春題瀼西新賃草屋

久嗟三峽客再與暮春期百舌欲無語繁花能幾時谷
虛雲氣薄波亂日華遲戰伐何由定哀傷不在茲
此邦千樹橘不見比封君養拙于戈際全生麋鹿羣畏
人江北草旅食瀼西雲萬里巴渝曲三年實飽聞
綠雲陰復白錦樹曉來青身世雙蓬鬚乾坤一草亭哀

歌時自短醉舞為誰醒細雨荷鋤立江猿吟翠屏

領聯情在言中耐人諷味結語深秀

黃生曰江猿吟翠屏即白鷗元水宿何事有餘哀意

而含蓄較深永

秋野五首

秋野日疏蕪寒江動碧虛繫舟蠻井絡卜宅楚村墟棗

熟從人打葵荒欲自鋤盤飧老夫食分減及溪魚

王嗣奭曰棗從人打則人已一視葵欲自鋤則貴賤

欽定四庫全書

御選唐宋詩醇

四

一視食及溪魚則物戒一視此皆見道語

易識浮生理難教一物違水深魚極樂林茂鳥知歸吾
老甘貧病榮華有是非秋風吹几杖不厭此山薇

用龐公語得委運之旨與遺興篇不同

禮樂攻吾短山林引興長掉頭紗帽仄曝背竹書光風
落收松子天寒割密房稀疎小紅翠駐屐近微香

遠岸秋沙白連山晚照紅潛鱗輸駭浪歸翼會高風砧

響家家發樵聲箇箇同飛霜任青女賜被隔南宮

三四目擊道存中藏感興又與次篇殊旨字法精穩句
有氣象

身許騏驥盡年衰鶯鶯羣大江秋易盛空峽夜多聞逕

隱千重石帆留一片雲兒童解蠻語不必作參軍

浦起龍曰五詩俱見安貧適志氣象此變風之正聲

課小監鉏研舍北果林枝蔓荒穢淨訖移牀

籬弱門何向沙虛岸只推日斜魚更食客散鳥還來寒

水光難定秋山響易哀天涯稍曛黑倚杖獨徘徊

欽定四庫全書

御選唐宋詩醇

五

自瀼西荆扉且移居東屯茅屋

白鹽危嶠北赤甲古城東平地一川穩高山四面同煙
霜淒野日蒼稻熟天風人事傷蓬轉吾將守桂叢

東屯復瀼西一種住青溪來往兼茅屋淹畱為稻畦市
喧宜近利林僻此無蹊若訪衰翁語須令賸客迷

東屯月夜

抱疾漂萍老防邊舊穀屯春農親異俗歲月在衡門青
女霜楓重黃牛峽水喧泥畱虎闕跡月挂客愁村喬木

澄稀影輕雲倚細根數驚聞雀噪暫眠想猿蹲日轉東
方白風來壯斗昏天寒不成寢無夢寄歸魂

月桂客愁村極刻畫之妙

黃生曰首尾見羈旅之意妙在先安首五字覺全篇

字字寫景字字寫情

暫往白帝復還東屯

復作歸田去猶殘獲稻功築場憐穴蟻拾穗許村童落
杵光輝白除芒子粒紅加飧可扶老倉庾慰飄蓬

欽定四庫全書

御選唐宋詩

六

邵寶曰三四見仁民愛物之意

刈稻了咏懷

稻穫空雲水川平對石門寒風疎落木旭日散鷄豚野

哭初聞戰樵歌稍出村無家問消息作客信乾坤

上白帝城

城峻隨天壁樓高更女牆江流思夏后風至憶襄王老

去聞悲角人扶報夕陽公孫初恃險躍馬意何長

上白帝城

江城含變態一上一回新天欲今朝雨山歸萬古春英

雄餘事業衰邁久風塵取醉他鄉客相逢故國人兵戈
猶擁蜀賦歛強輸秦不是煩形勝深慙畏損神

盧世㴶曰起四句見天地之心知雨腸之性窮新舊

之變領山水之神俱能朗朗寫出

武侯廟

遺廟丹青落空山草木長猶聞辭後主不復卧南陽

十字中包括武侯一生行跡不涉議論彌淡彌高

欽定四庫全書

御選唐宋詩

七

八陣圖

功蓋三分國名成八陣圖江流石不轉遺恨失吞吳

遂使諸葛精誠炳然千古讀之殷殷有金石聲

朱鶴齡曰先主征吳敗還至魚腹孔明歎曰法孝直

若在必能制主上東行不至傾危矣公詩意亦如此

世傳子瞻云云坡無此言纖兒偽託耳

謁先主廟

慘澹風雲會乘時各有人力侔分社稷志屈偃經綸復

漢畱長策中原仗老臣雜耕心未已歐血事酸辛霸氣

西南歌雄圖歷數屯錦江元過楚劍閣復通秦舊俗存

祠廟空山泣鬼神虛簷交鳥道枯木半龍鱗竹送清溪

月苔移玉座春閭閻兒女換歌舞歲時新絕域歸舟遠

荒城繫馬頻如何對搖落况乃久風塵孰與關張並功

臨耿鄧親應天才不小得士契無鄰遲暮堪帷幄飄零

且釣緒向來憂國淚寂寞酒衣巾

格調莊嚴氣骨渾厚有典有則長律當以此為正宗其

開局雄渾以包舉見力量至於閭閻幾換而歌舞自新

寫百世不忘之意可謂善於形容矣關張耿鄧四語若

云仍切先主固屬重複即云自叙亦欠分曉蓋世亂身

窮故於君臣遇合之感功名建樹之難撫時思古反復

寄慨收歸已身以完謁字之意如此則收拾精神立意

乃有歸著

仇兆鰲曰以弔古之情寫用世之志激昂悲壯感慨

淋漓足令千年上下英雄墮淚烈士撫膺不獨記叙

廟貌處見其古色斑斕哀音悽愴也此詩全以議論成章他人無此深厚力量

灑瀝堆

巨石水中央江寒出水長沉牛答雲雨如馬戒舟航天意存傾覆神功接混茫干戈連解纜行止憶垂堂

立意宏大

李祥長曰少陵劍閣以前皆五古瞿塘以後多五律

各盡山水之奇每讀一句令人如目見山水而又得

欽定四庫全書

御選唐宋詩

卷十七

九

山水之所以然總由源本深厚窺見廣大意無有窮

極耳

灑瀝

灑瀝既沒孤根深西來水多愁太陰江天漠漠鳥雙去

風雨時時龍一吟舟人漁子歌迴首估客胡商淚滿襟

寄語舟航惡年少休翻鹽井擲黃金

葉夢得曰詩下雙字極難水田飛白鷺夏木轉黃鸝

摩詰添漠漠陰陰四字精彩數倍不然但是詠景耳

要之當令如老杜無邊落木蕭蕭下不盡長江滾滾

來與江天漠漠鳥雙去風雨時時龍一吟等句乃為

超絕

王士禎曰真有萬夫之稟頓挫悲壯兩有之

白帝

白帝城中雲出門白帝城下雨翻盆高江急峽雷霆鬪
翠木蒼藤日月昏戎馬不如歸馬逆千家今有百家存
哀哀寡婦誄求盡慟哭秋原何處村

欽定四庫全書

御選唐宋詩醇

十一

白帝城最高樓
城尖徑仄旌旆愁獨立縹渺之飛樓峽坼雲霧龍虎卧
江清日抱龜鼉遊扶桑西枝對斷石弱水東影隨長流
杖藜歎世者誰子泣血逆空迴白頭

筆勢險絕與題相配

王嗣奭曰此詩真作驚人語是緣憂世之心發之以
自消其噩塊

黃生曰微見其詞翻成激楚悲壯之響變聲第一

275 25 14

諸葛廟

久遊巴子國屢入武侯祠竹日斜虛寢溪風滿薄帷君
臣當共濟賢聖亦同時翊戴歸先主并吞更出師蟲蛇
穿畫壁巫覡醉蛛絲歎憶吟梁父躬耕也未遲

峽口二首

峽口大江間西南控百蠻城欹連粉堞岸斷更青山開
闢多天險防隅一水關亂離聞鼓角秋氣動衰顏
時清關失險世亂戟如林去矣英雄事荒哉割據心蘆

欽定四庫全書

御選唐宋詩醇

十一

花箇客晚楓樹坐猿深疲茶煩親故諸侯數賜金
原注
柏中丞頻
分月傳

蘆花楓樹一聳隱然蒼秀

天池

天池馬不到嵐壁鳥纔通百頃青雲杪層波白石中鬱
紆騰秀氣蕭瑟浸寒空直對巫山出兼疑夏禹功魚龍
開闢有菱芡古今同聞道奔雷黑初看浴日紅飄零神
女雨斷續楚王風欲問支機石如臨獻寶宮九秋驚雁

序萬里狎漁翁更是無人處誅茅任薄躬

瞿塘兩崖

三峽傳何處雙崖壯此門入天猶石色穿水忽雲根猱
玃猱耳古蛟龍窟穴尊羲和冬馭近愁畏日車翻故作奇語畫出險峻之勢

夔州歌

中巴之東巴東山江水開闢流其間白帝高為三峽鎮
夔州險過百牢關

欽定四庫全書

御選唐宋詩鵠

十二

欽定四庫全書

御選唐宋詩鵠

十三

赤甲白鹽俱刺天問閻繚繞接山巔楓林橘樹丹青合
複道重樓錦繡懸

瀼東瀼西一萬家江北江南春冬花背飛鶴子遺瓊葉

相趁鳥雜入蔣牙

蜀麻吳鹽自古通萬斛之舟行若風長年三老長歌裏
白晝攤錢高浪中

諸作亦自成風調存之以備一體

偶題

文章千古事得失寸心知作者皆殊列名聲豈浪垂驥
人嗟不見漢道盛於斯前輩飛騰入餘波綺麗為後賢
兼舊列歷代各清規法自儒家有心從弱歲疲永懷江
左逸多病鄴中奇驟驥皆良馬騏驥帶好兒車輪徒已
斲堂構惜仍虧漫作潛夫論虛傳幼婦碑緣情慰漂蕩
抱疾屢遷移經濟慚長策飛棲假一枝塵沙傍蜂蠭江
峽繞蛟螭蕭瑟唐虞遠聯翩楚漢危聖朝兼盜賊異俗
更喧卑鬱鬱星辰劍蒼蒼雲雨池兩都開幕府萬寓挿
軍麾南海殘銅柱東風避月支音書恨烏鵲號怒怪熊
羆稼穡分詩興柴荆學土宜故山迷白閣秋水隱黃陂
不敢要佳句愁來賦別離

文章千古事得失寸心知其識解可謂廣大精微前輩

飛騰入餘波綺麗為則操觚秘要覺陸機文賦為繁昔
元稹為甫志曰上薄風騷下該沈宋言奪蘇李氣吞
曹劉掩顏謝之孤高雜徐庾之流麗盡得古今之體勢
而兼文人之所獨專其推許誠不為過要未及此二十

字之包括也。甫他詩云：讀書破萬卷，下筆如有神。與此參觀而微會之於甫之能事，思過半矣。

王嗣興曰：公詩嘗言文章本小技，於道未為尊。此須識其道之所尊者安在？得所尊則文垂千古，失所尊則文止小技，初無二義也。

仇兆鰲曰：前半論詩文以文章千古事為綱領，後半敘境遇以緣情。慰漂蕩為關鍵，漫作潛夫論虛傳。幼婦碑隱以千古事自期矣，不敢要佳句；愁來賦別離，仍以慰漂蕩自解矣。其段落整嚴，脉理精細如此。

秋興八首

玉露凋傷楓樹林，巫山巫峽氣蕭森。江間波浪兼天湧，塞上風雲接地陰。叢菊兩開他日淚，孤舟一繫故園心。寒衣處處催刀尺，白帝城高急暮砧。

王嗣興曰：秋興八章以首章起興，而後章俱發隱衷。或起下，或承上，或互發，或遙應，總是一篇文字。

浦起龍曰：首章八詩之綱領也。

黃生曰：杜公七律當以秋興為表領，乃公一生心神結聚所作也。八首之中，難為軒輊。

夔府孤城落日斜，每依南斗望京華。聽猿實下三聲淚，奉使虛隨八月查。畫省香爐違伏枕，山樓粉堞隱悲笳。請看石上藤蘿月已映，洲前蘆荻花。

仇兆鰲曰：張性演義拈夔府、京華為主，以聽猿山樓應夔府，以奉使畫省應京華，逐層分項，非作者本意。千家山郭靜朝暉，日日江樓坐翠微。信宿漁人還汎汎，清秋燕子故飛飛。匡衡抗疏功名薄，劉向傳經心事違。同學少年多不賤，五陵衣馬自輕肥。

陳廷敬曰：前三章詳夔州，而畧長安；後五章詳長安，而畧夔州，次第秩然。

聞道長安似奕棋，百年世事不勝悲。王侯第宅皆新主，文武衣冠異昔時。直北闕山金鼓振，征西車馬羽書遲。魚龍寂寞秋江冷，故國平居有所思。

黃生曰：下數章皆故國事，特詳言之，以舒其悲感耳。

或謂寫謔明皇神仙游宴武功之事是猶人方痛哭流涕而誣其嬉笑怒罵豈情也哉

陳廷敬曰末句猶云厯厯開元事分明在目前此結本章以起下數章

蓬萊宮闕對南山承露金莖霄漢間西望瑤池降王母

東來紫氣滿函闕雲移雉尾開宮扇日繞龍鱗識聖顏
一卧滄江驚歲晚幾回青瑣點朝班

仇兆鼇曰或謂上四句用宮殿字太多五六似早朝

欽定四庫全書

御選唐宋詩

主

語今按賦長安景事自當以宮殿為首公以布衣召見感荷主知故追憶入朝覲君之事若必全首說秋景則筆下有秋意中無興矣

昆明池水漢時功武帝旌旗在眼中織女機絲虛夜月
石鯨鱗甲動秋風波漂菰米沉雲黑露冷蓮房墜粉紅
關塞極天唯鳥道江湖滿地一漁翁

欽定四庫全書

御選唐宋詩

主

楊慎曰隋任希古昆明池詩回望牽牛清激賞鑊鯨川
見太平氣象今變為織女石鯨云云荒煙野草之悲見言外矣西京雜記太液池彤葦鳧雁唼喋其間三輔貢圖

瞿塘峽口曲江頭萬里風煙接素秋花萼夾城通御氣
芙蓉小苑入邊愁朱簾繡柱圍黃鸝錦纓牙檣起白鷗
迴首可憐歌舞地秦中自古帝王州
王嗣奭曰城通御氣前則敦倫勤政苑入邊愁後則耽樂召憂見一人之身而理亂頓殊也

陳廷敬曰此承上章先宮殿而後池苑也下繼昆明二章先內苑而及外城也上下四章皆前六句長安後二句夔州此章在中間首句從瞿塘引端下六句則專言長安事具見章法變化之妙

陳廷敬曰此承上章先宮殿而後池苑也下繼昆明二章先內苑而及外城也上下四章皆前六句長安後二句夔州此章在中間首句從瞿塘引端下六句則專言長安事具見章法變化之妙

近體以七律為難唐代名家人不數首其量固有所止也獨至杜甫天授神詣造絕窮微卓然為千古之冠如此八首根源二雅繼述騷辭思極深而不晦情極哀而不傷九曲迴腸三叠怨調諷之足以感蕩心靈直使九天之雲下垂四海之水皆立其所自云足以喻矣又况拳拳忠愛發乎至情有溢於語言文字之表者哉錢謙益箋十得八九擇其合者錄之餘人尚有雌黃抑亦不知量耳

劉會孟曰八詩大體沈雄富麗哀傷無限盡在言外故自不厭確實小家數不可彷彿耳

吳渭曰詩有六義興居其一凡陰陽寒暑草木鳥獸山川風景得於適然之感而為詩者皆興也老杜秋興八首深詣詩人之間奧興之入律者宗焉

陳繼儒曰雲霞滿空回翔萬狀天風吹海怒濤飛湧

可渝老杜秋興諸篇

浦起龍曰卒章之在京華無專指於前三章外別為

一例此則明收入自身遊賞諸處所謂向之所欣已為陳迹情隨事遷感慨係之此秋興之所為也為八詩大結局張綎曰秋興八首皆雄渾豐麗沈著痛快其有感於長安者但極摹其盛而所感自寫於中徐而味之則凡懷鄉戀闕之情慨往傷今之意與夫風俗之非舊盛衰之相尋所謂不勝其悲者固已不出乎意言之表矣卓哉一家之言夐乎百世之上此杜子所以為詩人之宗仰也

郝敬曰秋興八首富麗之詞沈渾之氣力扛九鼎勇奪三軍真大方家如椽之筆王元美謂其藻繡太過肌膚太肥造筆牽率而情不接結響奏合而意未調如此諸篇往往有之由其才大而氣厚格高而聲宏如萬石之鐘不為悶悶細響河流萬里得不千里一曲子美之於詩烹綜條貫非單綠獨竹一戛一擊可以論工商者也陳廷敬曰秋興八首命意鍊句之妙自不必言即以

章法論分之如駭鷄之屏四面皆見合之如常山之

蛇首尾互應蓋合子長孟堅如一手者也

詠懷古跡五首

支離東北風塵際漂泊西南天地間三峽樓臺淹日月
五溪衣服共雲山羯胡事主終無賴詞客哀時且未還
庾信平生最蕭瑟暮年詩賦動江關
以庾信自比情事恰合

搖落深知宋玉悲風流儒雅亦吾師悵望千秋一灑淚

蕭條異代不同時江山故宅空文藻雲雨荒臺草夢思

欽定四庫全書
御選唐宋詩醇
卷十七

最是楚宮俱泯滅舟人指點到今疑
顧宸曰李義山詩云襄王枕上元無夢莫枉陽臺一

段雲得此詩之旨

岸山萬壑赴荆門生長明妃尚有村一去紫臺連朔漠
獨留青冢向黃昏畫圖省識春風面環珮空歸月夜魂

千載琵琶作胡語分明怨恨曲中論

破空而來文勢如天驥下坂明珠走盤詠明妃者此為

第一歐陽修王安石詩猶落第二乘

蜀主窺吳幸三峽崩年亦在永安宮翠華想像空山裏
玉殿虛無野寺中古廟杉松巢水鶴歲時伏臘走村翁
武侯祠屋常隣近一體君臣祭祀同

諸葛大名垂宇宙宗臣遺像肅清高三分割據糾籌策
萬古雲霄一羽毛伯仲之間見伊呂指揮若定失蕭曹
運移漢祚難恢復志決身殲軍務勞

劉克莊曰卧龍沒已千載而有志世道者皆以三代
之佐許之此詩儕之伊呂伯仲間而以蕭曹為不足

欽定四庫全書
御選唐宋詩醇
卷十七

道此論自子美發之考亭南軒近代大儒不能廢也

諸將五首

漢朝陵墓對南山胡虜千秋尚入關昨日玉魚蒙葬地
早時金盃出人間見愁汗馬西戎逼曾閃朱旗北斗殷
多少材官守涇渭將軍且莫破愁顏

韓公本意築三城擬絕天驕拔漢旌豈謂盡煩回紇馬

翻然遠救朔方兵胡來不覺潼關隘龍起猶聞晉水清
獨使至尊憂社稷諸君何以答升平

洛陽宮殿化為烽，休道秦闕百二重。
滄海未全歸禹貢，

薊門何處盡堯封。朝廷來職誰爭補？天下軍儲不自供。

稍喜臨邊王相國，肯銷金甲事春農。

迴首扶桑銅柱標，冥冥氛祲未全銷。
越裳翡翠無消息，

南海明珠久寂寥。殊錫曾為大司馬，總戎皆插侍中貂。

炎風朔雪天王地，只在忠臣翊聖朝。

錦江春色逐人來，巫峽清秋萬壑哀。
正憶往時嚴僕射，共迎中使望鄉臺。

前後三持節，軍令分明數舉杯。

欽定四庫全書

御選唐宋詩譜

五

西蜀地形天下險，安危須仗出羣材。

骨力如馬班議論，如董賈特緣以韻語耳。既已精理為文，亦復秀氣成采。讀者於此沿洪流而窮深源，然後知甫之所以度越千古也。其詩本自分明，說者紛爭殊為多事。

郝敬曰：此以詩當紀傳議論時事，非吟風弄月登眺游覽可任。興漫作也。必有子美憂時之真心，又有其識。學筆力乃能斟酌裁補，合度如律。其各首縱橫開

合，宛是奏議訓誥與三百篇並存可也。

黃生曰：有感五首與諸將相為表裏，大旨在於忠君。

報國休兵恤民，安邊而弭亂。其老謀碩畫，歎歎披陳。

純是至誠血性語。

秋日夔府詠懷奉寄鄭監審李賓客之芳一百韻。
絕塞烏蠻北孤城，白帝邊飄零。仍百里消渴已三年，雄

劍鳴，開匣。羣書滿，繫船亂。離心不展，衰謝日蕭然。筋力

妻孥問，青華歲月遷。登臨多物色，陶冶賴詩篇。峽東滄

欽定四庫全書

御選唐宋詩譜

三

江起巖排石，樹圓拂雲霓。楚氣朝海蹴，吳天煮井為鹽。

速燒畲，度地偏。有時驚疊嶂，何處覓平川。鷗鷺雙雙舞

獮，猴壘懸碧蘿。長似帶錦石，小如錢春草。何曾歇寒

花，亦可憐。獮人吹戍火，野店引山泉。喚起搔頭急，扶行

幾屐穿兩京。猶薄產，四海絕隨肩。幕府初交辟，郎官幸

箇員瓜時，猶旅寓萍泛苦。夤緣藥餌虛狼藉，秋風灑靜

便，開襟驅瘴癘。明日掃雲烟，高宴諸侯禮佳人。上客前

衷，爭傷老大華屋艷。神仙南內開元曲，常時弟子傳法

歌聲變轉滿座涕潺湲

原注都督柏中丞筵聞梨園弟子李仙奴歌

弔影夢

州僻回腸杜曲煎

原注馬門也渭水龍厩門內

即今龍厩水莫帶犬戎羶

原注西京龍厩門苑流苑馬門內

耿賈扶王室蕭曹拱御筵

來威滅蜂蠻戮

力効鷹鸇舊物森猶在凶徒惡未悛

國須行戰伐人憶

止戈鋌奴僕何知禮恩榮錯與權胡星一彗孛

黠首遂

拘撲哀痛絲綸切煩苛法令蠲業成陳始王兆喜出於

畋宮禁經綸密台階翊戴全熊羆載呂望鴻雁美周宣

側聽中興主長吟不世賢音微一柱數道里下牢干

原注

欽定四庫全書

御選唐宋詩醇卷十七

三十四

鄭在江陵李在夷陵鄭李光時論文章竝我先陰何尚清省沈宋

歛聯翩律比崑崙竹音知燥濕絃風流俱善價樞當久

忘筌置驛常如此登龍蓋有焉雖云隔禮數不敢墜周

旋高視收人表虛心味道玄馬來皆汗血寫喉必青田

羽翼商山起蓬萊漢閣連管寧紗帽淨江令錦袍鮮東

郡時題壁南湖日扣舷遠遊凌絕境佳句染華牋每欲

孤飛去徒為百慮牽生涯已寥落國步尚迷遭余枕成

蕪沒池塘作棄捐

原注平生多病卜葬遺懷

別離憂怛怛伏臘涕漣

連露菊斑鄙鷄秋疏影澗潭共誰論昔事幾處有新阡

富貴空迴首喧爭懶著鞭兵戈塵漠漠江漢月娟娟局

促眉秋燕蕭疎聽晚蟬雕蟲蒙記憶烹鯉問沉綿卜羨

君平杖偷存子敬檀囊虛把釵釧米盡坼花鉏甘子陰

涼葉茅齋八九椽陣圖沙北岸市暨瀼西巔

原注峽人船處曰市暨江水橫通山谷處方人謂之瀼

羈絆心常折棲遲病即痊紫

山谷處方人謂之瀼蜀市井泊

岷嶺芋白種陸池蓮色好梨勝頰穰多栗過拳勑厨唯

一味求飽或三鱸兒去肴魚苟人來坐馬羈縛柴門窄

欽定四庫全書

御選唐宋詩醇卷十七

三十五

窄通竹溜涓涓慙抵公畦稜

原注京師農人指田遠近多云幾稜稜音去聲

村依野廟壠缺籬將棘拒倒石賴藤纏借問頻朝謁何如

穩醉眠誰云行不逮自覺坐能堅霧雨銀章灑馨香粉

署妍紫鸞無近遠黃雀任翩翾困學違從衆明公各勉

勗聲華夾宸極早晚到星躔憇諫留匡鼎諸儒引服虔

不過輸鯁直會是正陶甄宵旰憂虞軫黎元疾苦駢雲

臺終日畫青簡為誰編行路難何有招尋興已專由來

具飛械翹擬控鳴弦身許雙峯寺門求七祖禪落帆追

宿昔衣褐向真詮安石名高晉

原注鄭高簡得謝太傅之風

昭王客

赴燕

原注李宗親有燕昭之美燕周之商

途中非阮籍杳上似張騫披拂

雲寧在淹留景不延風期終破浪水怪莫飛涎他日辭

神女傷春怯杜鵑淡交隨聚散澤國遼迴旋本自依迦

葉何曾藉偓佺鑪峯生轉盼橘井尚高褰東走窮歸鶴

南征盡跕鶻晚聞多妙教卒踐塞前愆顧凱丹青列頭

旆琬琰鐫衆香深黯黯幾地肅芊芊勇猛為心極清羸

任體孱金甃空刮眼鏡象未離銓

欽定四庫全書

御選唐宋詩醇

卷十七

欽定四庫全書

御選唐宋詩醇

卷十七

長袖善舞多錢善賈洋洋大篇為後人伐山道源雖不免鋪叙之迹未可輕議也豐碩而不失之繁雜流動而不失之輕儇汪洋曼衍後人正未易學步

盧世㴶曰此是集中第一首長詩其中起伏轉折頓挫承遞若斷若續乍離乍合波瀾層疊竟無絲痕真絕作也風流善價惟當忘筌即可取此語以評此詩仇兆鰲曰詩有近體古意衰矣近體而有排律去古益遠長篇排律起於少陵多至百韻實為後人濫觴

此篇典雅工秀才學既優而部伍森嚴章法尤為精密

贈李八秘書別三十韻

往時中補右扈蹕上元初反氣凌行在妖星下直廬六龍瞻漢闕萬騎略姚墟元朔迴天步神都憶帝車一戎繩汗馬百姓免為魚通籍蟠螭印差肩列鳳輿事殊迎代邸喜異賞朱虛寇盜方歸順乾坤欲晏如不才同補

袞奉詔許牽裾鴛鷺叨雲閣麒麟滯玉除文園多病後

欽定四庫全書

御選唐宋詩醇

卷十七

中散舊交疎飄泊哀相見平生意有餘風煙巫峽遠臺榭楚宮虛觸目非論故新文尚起予清秋凋碧柳別浦落紅蕖消息多旗幟經過歎里閭戰連唇齒國軍急羽毛書幕府籌頻問

原注山劍元帥杜相公初屈幕府山參籌畫相公朝謁今赴後期也

家藥正鋤

原注秘書北

臥青城山中台星入朝謁使節有吹噓西蜀

災長弭南翁憤始撫對激抗士卒乾沒費倉儲勢藉兵須用功無禮忽諸御鞍金驥裏宮硯玉蟾蜍拜舞銀鈎落恩波錦帕舒此行非不濟良友昔相於去旆依顏色

泓流想疾徐沉綿疲井臼倚薄似樵漁乞米煩佳客鈔

詩聽小胥杜陵斜晚照滴水帶寒淤莫話清溪髮蕭蕭

白映梳

黃生曰時諸將連兵討崔旰勝負未決杜鵑漸以節度使讓旰而使諸將各罷兵公蓋深憤此事故於贈

李詩中寓詞告杜蓋深諷其處事之草草也

解悶

商胡離別下揚州憶上西陵故驛樓為問淮南米貴賤

欽定四庫全書

御選唐宋詩辭
卷十七

三

老夫乘興欲東流

一辭故國十經秋每見秋瓜憶故丘今日南湖采薇蕨

何人為覓鄭瓜州

原注今鄭
秘監審

黃生曰連環句搭亦絕句玉筆之法大家時一為之

耳

復憶襄陽孟浩然清詩句句盡堪傳即今耆舊無新語漫釣槎頭縮項編

王士禎曰子美與浩然詩不同調此詩可謂具眼次

篇亦具眼公論古人不必苟同也

不見高人王右丞藍田丘壑漫寒藤最傳秀句寰區滿

未絕風流相國能

原注右丞弟
今相國續

先帝貴妃今寂寞荔枝還復入長安炎方每續朱櫻獻

玉座應悲白露團

仇兆鰲曰寄諷微婉

憶過瀘戎摘荔枝青楓隱映石逶迤京中舊見無顏色

紅顆酸甜只自知

欽定四庫全書

御選唐宋詩辭
卷十七

三

朱鶴齡曰張曲江荔枝賦曰何斯美之獨遠嗟爾命之不逢每被銷於凡口罕獲知於貴躬即此詩之旨

也

復愁

今日翔麟馬先宜駕跛車無勞問河北諸將覺榮華

仇兆鰲曰有感詩云大君先息戰不當息而息也此云無勞問河北當問而不問也俱屬諷詞

任轉江淮粟休添范圍兵由來貔虎士不滿鳳凰城

盧元昌曰當時漕運取給江淮故史有唐得江淮濟

中興之語若宿衛冗軍不裁立見其匱也至唐制府兵竄為近古自張說建議召募宿衛更番上下兵農遂分神策軍尤為非古時魚朝恩以神策軍屯禁中居北軍之右公詩隱述祖制以諷時事

承聞河北諸道節度入朝歡喜口號

澶漫山東一百州削成如桉抱青丘芭茅重入歸闈內王祭還供盡海頭

欽定四庫全書

御選唐宋詩醇

三十

李相將軍擁薊門白頭雖老赤心存竟能盡說諸侯入

知有從來天子尊

朱鶴齡曰舊書光弼輕騎入徐州田神功遽歸河南

尚衛殷仲卿來瑱皆相繼赴闕及懼魚朝恩譖不敢
詩云直筆在史臣將來洗箱篋此公之直筆也

十二年來多戰場天威已息陣堂堂神靈漢代中興主

功業汾陽異姓王

推功李郭足為史筆

朱鶴齡曰弘正間學杜者專法此等詩摹擬其槎牙突兀粗皮老幹以為形似而不知其敦厚雋永今人憲生吞活剥之病并此詩與秋興諸將而嗤點之則又矮人觀場之見豈足道哉

洞房

洞房環珮冷玉殿起秋風秦地應新月龍池滿舊宮繫舟今夜遠清漏往時同萬里黃山壯園陵白露中

欽定四庫全書

御選唐宋詩醇

三十一

洞房宿昔諸篇風調清深詞意悽惻純是忠臣孝子之心自然流露俯仰感衰含情無限自是子美絕作

劉會孟曰語不迫切而意獨至悲慨滿目情致黯然

宿昔

宿昔青門裏蓬萊仗數移花嬌迎雜樹龍喜出平池落日留王母微風倚少兒宮中行樂秘少有外人知

黃生曰此章畧見風刺然其詞微而婉如綠山宮裏號國門前之句非唯失風人之意亦全無臣子之禮

矣

能畫

能畫毛延壽投壺郭舍人每蒙天一笑復似物皆春政
化平如水皇恩斷若神時時用紙戲亦未雜風塵
平平叙去論斷亦允自古國家未有不失政而後致亂
者使明皇卒任姚宋九齡諸人即此二者誠屬細事至
於所任非人林甫國忠繼進而鬪鷄舞馬與一切喪志
之具罔不類聚而大亂隨之矣甫蓋身歷治亂之交故
言之切當如此

欽定四庫全書

御選唐宋詩醇

卷十七

三

黃生曰政平明斷自指開元之治從半腰說起轉折
方不費力若將此意頓在前叙事必拖沓矣

驪山

歴歷開元事分明在眼前無端盜賊起忽已歲時遷巫
峽西江外秦城北斗邊為郎從白首卧病數秋天

歷歷

顧宸曰分明有才人失路託身異族之感

鸚鵡

鸚鵡含秋思聰明憶別離翠衿渾短盡紅觜漫多知未
有開籠日空殘舊宿枝世人憐復損何用羽毛奇

敦厚之遺教洵篤論也

此詩似明皇無失國之慘者此意非元白所曉黃生

云不以荒宴直接描逕則有傷痛而無譏刺是溫柔

敦厚之遺教洵篤論也

提封

驪山絕望幸花萼罷登臨地下無朝燭人間有賜金
湖龍去遠銀海鴈飛深萬歲蓬萊日長懸舊羽林
黃生曰此章即申首章園陵宿露之感而言更深切

浦起龍曰前後轉闋處述明皇兩頭事中間插遷一
段泯然隱起盛衰存沒之間滿目淚痕矣假使單讀

提封漢天下萬國尚同心借問懸軍守何如儉德臨時

徵俊又入莫慮犬羊侵願戒兵猶火恩加四海深
忠君愛國直據讜議自是告戒當時他詩云不過行儉
德盜賊本王臣與此正合非謂代宗之時可以罷兵不
用也

王嗣興曰堂堂正正即孟子所以告齊梁之君者自

許稷契以此

黃生曰諸詩述開元以來之事借古喻今美惡不掩
風人之旨盡於此矣他時有連及者固無譏刺之意

以為是非具在國史非臣子所得而私議至受恩先
帝沒齒不忘深思慨慕則時有之後人不能推公之
意毛求影捕輒謂有所譏刺失子美之志矣

仇兆鰲曰秋興及洞房諸詩有關國家治亂興亡寄
然洞房諸詩意思沈鬱詞旨淒涼讀之令人感傷欲
絕此皆少陵聚精會神之作故能舌吐風雲筆參造
化千載之下猶可歌而可涕也



總校官庶吉士臣張能照
校對官中書臣范鰲
謄錄監生臣張若湘

欽定四庫全書叢書要

集部


御選唐宋詩醇卷十八

欽定四庫全書叢書要

御選唐宋詩醇卷十八

襄陽杜甫詩十

目錄



江上

中夜

江漢

欽定四庫全書

御選唐宋詩醇
卷十八 目錄

吾宗

有嘆

中宵

南極

獨坐

遠遊

夜

返照

詳校官原任主事
臣李斯咏

日暮

八月十五夜月二首

十六夜翫月

十七夜翫月

月

雨

夜

反照

欽定四庫全書
御選唐宋詩醇

卷十八目錄

向夕

曉望

雷

熟食日示宗文宗武

社日

九日

大歷二年九月三十日

小至

憶鄭南玭

愁

即事

喜觀即到復題短篇二首

第五弟豐獨在江左近三四載寂無消息覓使寄

此二首

舍弟觀赴藍田取妻子到江陵喜寄

欽定四庫全書
御選唐宋詩醇

卷十八目錄

陪栢中丞觀宴將士

七月一日題終明府水樓

季秋蘇五弟纓江樓夜宴崔十三評事韋少府姪

過客相尋

孟倉曹步趾領新酒醬二物滿器見遺老夫

柳司馬至

謁真諦寺禪師

送李八秘書赴杜相公幕

送李功曹之荊州充鄭侍御判官重贈

見螢火

吹笛

孤雁

白小

鹿

見王監兵馬使說近山有白黑二鷹羅者久取竟
未能得王以為毛骨有異他鷹恐臘後春生鶩飛

遊暖勁翮思秋之甚眇不可見請余賦詩

大歷三年春白帝城放船出瞿塘峽久居夔府將

適江陵漂泊有詩凡四十韻

泊松滋江亭

行次古城店汎江作不揆鄙拙奉呈江陵幕府諸

公

書堂飲既夜復邀李尚書下馬月下賦絕句

舟月對驛近寺

江南逢李龜年

官亭夕坐戲簡顏十少府

暮歸

公安送韋二少府匡贊

公安縣懷古

公安送李二十九弟晉肅入蜀余下沔鄂

宴王使君宅

泊岳陽城下

欽定四庫全書

御選唐宋詩醇
卷十八目錄

登岳陽樓

陪裴使君登岳陽樓

宿青草湖

宿白沙驛

湘夫人祠

祠南夕望

歸雁

入喬口

江閣對雨有懷行營裴二端公

千秋節有感二首

登舟將適漢陽

舟中夜雪有懷盧十四侍御弟

樓上

送魏二十四司直充嶺南掌選崔郎中判官兼寄

韋韶州

燕子來舟中作

欽定四庫全書

御選唐宋詩醇

卷十八目錄

六

歸雁二首

小寒食舟中作

清明

發潭州

聞惠二過東溪特一送

舟泛洞庭

遣憂

巴西聞收宮闈送班司馬入京

去蜀

欽定四庫全書

御選唐宋詩醇

卷十八目錄

七

御選唐宋詩醇卷十八目錄

欽定四庫全書
唐宋詩醇卷一萬九千三百四十二

集部

御選唐宋詩醇卷十八

襄陽杜甫詩十

草閣

草閣臨無地，柴扉永不關。
魚龍迴夜水，星月動秋山。
久露清初濕，高雲薄未還。
汎舟慚小婦，飄泊損紅顏。

江上

江上日多雨，蕭蕭荆楚秋。
高風下木葉，永夜攬貂裘。
勲

欽定四庫全書

御選唐宋詩醇

卷十八

業頻看鏡行，歲獨倚樓時。
危思報主衰，謝不能休。
領聯抑鬱無聊却，說得如此含蓄。宜宋真宗之亟稱之也。

中夜

中夜江山靜，危樓望北辰。
長為萬里客，有愧百年身。
故國風雲氣，高堂戰伐塵。
胡鵠負恩澤，嗟爾太平人。

江漢

江漢思歸客，乾坤一腐儒。
片雲天共遠，永夜月同孤落。

日心猶壯，秋風病欲疎。古來存老馬，不必取長途。

趙汸曰：中四句情景混合入化。

胡應麟曰：含潤大於沉深。高岑瞠乎其後。

吾宗

原注衛倉
曹崇簡

吾宗老孫子質朴，古人風耕鑿安時。
論衣冠與世同，在家常早起。
憂國願年豐語及君臣際，經書滿腹中。

胡應麟曰：寓神奇於古澹，儲益莫能為前。

有歎

欽定四庫全書

御選唐宋詩醇

卷十八

壯心久零落，白首寄人間。
天下兵常鬪，江東客未還。
窮猿號雨雪，老馬怯關山。
武德開元際，蒼生豈重攀。

有慨乎其言之，是為匪風下泉之緒。

中宵

西閣百尋餘，中宵步綺疏。
飛星過水白，落月動沙虛。
揮木知幽鳥，潛波想巨魚。
親朋滿天地，兵甲少來書。

領聯名雋比之月映清淮之句，真復相似。

南極

南極青山象西江白谷分古城疎落木荒成密寒雲歲

月蛇常見風鼯虎或聞近身皆鳥道殊俗自人羣睥睨
登哀柝矛弧照夕曛亂離多醉尉愁殺李將軍

獨坐

白狗斜臨北黃牛更在東峽雲常照夜江月會兼風曬

藥安垂老應門試小童亦知行不逮苦恨耳多聾

遠遊

江闊浮高棟雲長出斷山塵沙連越雋風雨暗荆蠻鴈

矯銜蘆內猿啼失木間弊裘蘇季子歷國未知還

情致纏綿却有寬閒之意

夜

露下天高秋水清空山獨夜旅魂驚疎燈自照孤帆宿
新月猶懸雙杵鳴南菊再逢人卧病壯書不至鴈無情

步檐倚杖看牛斗銀漢遙應接鳳城

宛轉闕生渾然無迹

范杼曰善詩者就景中寫意不於意中尋景如杜詩

無端落葉蕭蕭下疎燈自照孤帆宿殊方落日元猿
哭諸聯即景物之中含蓄多少愁恨意若說出便短
淺矣

返照

楚王宮北正黃昏白帝城西雨過痕返照入江翻石壁
歸雲擁樹失山村衰年肺病唯高枕絕塞愁時早閉門

不可久留豺虎亂南方實有未招魂

日暮

欽定四庫全書

御選唐宋詩

四

牛羊下來久各已閉柴門風月自清夜江山非故園石
泉流暗壁草露滴秋根頭白燈明裏何須花燼繁

八月十五夜月二首

滿目飛明鏡歸心折大刀轉蓬行地遠攀桂仰天高水
路疑霜雪林棲見羽毛此時瞻白兔直欲數秋毫

起句突兀可謂工於發端

稍下巫山峽猶衝白帝城氣沉全浦暗輪仄半樓明刁
斗皆催曉蟾蜍且自傾張弓倚殘魄不獨漢家營

十六夜翫月

舊挹金波爽皆傳玉露秋關山隨地濶河漢近人流谷
口樵歸唱孤城笛起愁已童渾不寢半夜有行舟

胡應麟曰咏物起自六朝唐初沿襲雖風華競爽而

獨造未聞唯杜公諸作自開堂奧盡削前規如咏月

則關山隨地濶河漢近人流咏雨則野徑雲俱黑江
船火獨明咏雪則暗度南樓月寒深北渚雲咏夜則

重露成涓滴稀星乍有無皆精深奇邃前無古人

欽定四庫全書

御選唐宋詩醇

五

十七夜翫月

欽定四庫全書

御選唐宋詩醇

六

秋月仍圓夜江村獨老身捲簾還照客倚杖更隨人光
射潛虬動明翻宿鳥頻茅齋依橘柚清切露華新

李因篤曰只仍圓夜二字說十七夜已足再添便為

俗筆

也

楚雨石苔滋京華消息遲山寒青兕叫江晚白鷗飢神
女花鉢落鮫人織杼悲繁憂不自整終日灑如絲

夜

絕岸風威動寒房燭影微嶺猿霜外宿江鳥夜深飛獨
立親雄劍哀歌嘆短衣烟塵繞闇闔白首壯心違

反照

四更山吐月殘夜水明樓座匣元開鏡風簾自上鉤兔

應疑鶴髮蟾亦戀貂裘斟酌姮娥寡天寒奈九秋

反照開巫峽寒空半有無已低魚復暗不盡白鹽孤荻

起聯之妙不可形容東坡稱為絕唱不虛也

姚寬曰塵匣二句本沈雲卿月詩臺前疑挂鏡簾外
自懸釣之句

雨

微雨不滑道斷雲疎復行紫崖奔處黑白鳥去邊明秋
日新霑影寒江舊落聲柴扉臨野碓半得搗香杵

黃生曰前半不煩絕削後半極力經營自起句外止
霑影二字著雨其餘俱是襯說此文家避實擊虛法

欽定四庫全書

御選唐宋詩醇

五

十七夜翫月

欽定四庫全書

御選唐宋詩醇

六

月

岸如秋水松門似畫圖牛羊識僮僕既夕應傳呼

物色在有無之間可謂善於寫照

向夕

畎畝孤城外江村亂水中深山催短景喬木易高風鶴
下雲汀近鷄棲草屋同琴書散明燭長夜始堪終

深情畢露三四用字體物入微

曉望

白帝更聲盡陽臺曙色分高峯寒上日壘嶺宿霾雲地

欽定四庫全書

御選唐宋詩醇

七

坼江帆隱天清木葉聞荆扉對麋鹿應共爾為羣

李因篤曰寫景最工天清木葉聞更為微妙

雷

巫峽中宵動滄江十月雷龍蛇不成蟄天地劃爭迴却

碾空山過深蟠絕壁來何須妬雲雨霹靂楚王臺

熟食日示宗文宗武

消渴游江漢羈棲尚甲兵幾年逢熟食萬里逼清明松

栢邙山路風花白帝城汝曹惟我老回首淚縱橫

不著一字悲感無窮惟真故妙耳

社日

陳平亦分肉太史竟論功今日江南老他時渭北童歡

娛看絕塞涕淚落秋風鴛鷺迴金闕誰憐病峽中

仇兆鰲曰慨古傷情其自負原不淺也

九日

重陽獨酌盃中酒抱病起登上臺竹葉於人既無分

菊花從此不須開殊方日落元猿哭舊國霜前白雁來

欽定四庫全書

御選唐宋詩醇

八

弟妹蕭條各何往干戈衰謝兩相催

悲塞矣而聲情高亮後人九日詩無及之者

黃生曰岑參詩云見雁思鄉信聞猿積淚痕與五六
意同而此之融會蘊藉更過彼十字也

大歷二年九月三十日

敵虛風翠花禁冷葉紅年年小搖落不與故園同

黃生曰題作特書之體記為客之歲月便自具文見

意

浦起龍曰起法跳脫

小至

天時人事日相催
冬至陽生春又來
刺繡五紋添弱線
吹葭六琯動飛灰
岸容待臘將舒柳
山意衡寒欲放梅

雲物不殊鄉國異
教兒且覆掌中杯

憶鄭南玭

鄭南伏毒寺瀟灑
到江心石影銜珠閣
泉聲帶玉琴風

杉曾曙倚雲嶠憶春
臨萬里滄浪外龍蛇
只自深

五六可謂鬆秀晴烟沙苑樹
曉日渭川帆雖住猶為習
見語

仇兆鰲曰吳若注云玭疑作玭玉色鮮潔也按鄭南

華州鄭縣之南詳詩意只是憶鄭南寺舊遊耳

愁原注強戲
為吳體

江草日日喚愁生巫峽泠泠非世情盤渦鶯浴底心性
獨樹花發自分明十年戎馬暗萬國異域賓客老孤城

渭水泰山得見否人今罷病虎縱橫

黃生曰沈憂莫寫對物生憎皆是愁人實厯之境草
生花發水流鶯浴皆喚愁之具愁從中來微物之故
則亦強戲言之而已

即事

暮春三月巫峽長晶晶行雲浮日光雷聲忽送千峯雨
花氣渾如百和香黃鶯過水翻迴去燕子銜泥濕不妨

飛閣捲簾圖畫裏虛無只少對瀟湘

欽定四庫全書

高麗唐宋詩譜

卷十八

即事

天畔羣山孤草亭江中風浪雨冥冥一雙白魚不受釣
三寸黃甘猶自青多病馬卿無日起窮途阮籍幾時醒
未聞細柳散金甲腸斷秦川流濁涙

朱瀚曰孤亭風雨不免有長鋏之歎

喜觀即到復題短篇二首

巫峽千山暗終南萬里春病中吾見弟書到汝為人意
答兒童問來經戰伐新泊船悲喜後欵欵話歸秦

三四語自秉發本色到家

待爾嗔烏鵲
拋書示鶴鵠
枝間喜不去原上急曾經江

閣嫌津柳風帆數驛亭應論十年事愁絕始星星

第五弟豐獨在江左近三四載寂無消息覓使寄

此二首

亂後嗟吾在羈樓見汝難草苗驥驥病沙晚鶴鵠寒楚

設闕城險吳吞水府寬十年朝夕淚衣袖不曾乾

聞汝依山寺杭州定越州風塵淹別日江漢失清秋影

欽定四庫全書

御選唐宋詩醇

十一

欽定四庫全書

御選唐宋詩醇

十二

著啼猿樹魂飄結蜃樓明年下春水東盡白雲求

舍弟觀赴藍田取妻子到江陵喜寄

馬渡秦關雪正深壯來肌骨苦寒侵他鄉就我生春色

故國移居見客心刺欲提攜如意舞喜多行坐白頭吟

巡簷索共梅花笑冷藥疎枝半不禁

盧世㴶曰次聯還題明淨而意更溫深

黃生曰浣花溪裏花饒笑肯信吾兼吏隱名言其不信已衷巡簷索共梅花笑冷藥疎枝半不禁言其善

會人意此嚴滄浪所謂詩有別趣非閑理也

陪柏中丞觀宴將士

繡段裝簷額金花帖鼓腰一夫先舞劍百歲後歌樵江

樹城孤遠雲臺使寂寥漢朝頻選將應拜霍嫖姚

得第三聯方見風格非尋常公宴語也

七月一日題終明府水樓

宓子彈琴邑宰日終軍棄繡英妙時承家節操尚不泯為政風流今在茲可憐賓客盡傾蓋何處老翁來賦詩

欽定四庫全書

御選唐宋詩醇

十三

楚江巫峽半雲雨清簟疎簾看奕碁

蘇軾曰參寥子言老杜詩云楚江巫峽半雲雨清簟

疎簾看奕碁此句可畫但恐畫不就耳僕言公禪人亦復愛此綺語耶寥云譬如不事口腹人見江瑤柱豈免一朶頤哉

季秋蘇五弟纓江樓夜宴崔十三評事韋少府姪

峽險江驚急樓高月迥明一時今夕會萬里故鄉情星

落黃姑渚秋辭白帝城老人因酒病堅坐着君傾

過客相尋

窮老真無事江山已定居地幽忘盥櫛客至罷琴書挂

壁移筐果呼兒問煮魚時聞繫舟楫及此問吾廬

孟倉曹步趾領新酒醬二物滿甕見遺老夫

楚岸通秋屐胡牀面夕畦藉糟分汁滓甕醬落提攜飯

糲添香味朋來有醉泥理生那免俗方法報山妻

二詩本色愛其涉筆成趣饒有逸致

柳司馬至

欽定四庫全書

御選唐宋詩醇

三

有使歸三峽相過問兩京函闕猶出將渭水更屯兵設
備邯鄲道和親還此城幽燕唯鳥去商洛少人行衰謝
身何補蕭條病轉嬰霜天到宮闕戀主寸心明

黃鶴曰大歷二年九月十月京師以吐蕃入寇兩戒

嚴故作此詩

謁真諦寺禪師

蘭若山高處烟霞嶂幾重凍泉依細石晴雪落長松間

法者詩妄觀身向酒慵未能割妻子卜宅近前峯

三四與泉聲咽危石一聯相似特意近自然耳

送李八秘書赴杜相公幕

青簾白舫益州來巫峽秋濤天地迴石出倒聽楓葉下
櫓搖背指菊花開貪趨相府今晨發恐失佳期後命催

南極一星朝北斗五雲多處是三台

寫楓葉菊花語極工細

送李功曹之荊州充鄭侍御判官重贈

曾聞宋玉宅每欲到荊州此地生涯晚遙悲水國秋孤

城一柱觀落日九江流使者雖光彩青楓遠自愁

孟浩然擅名之句贈送中乃有其氣象

見螢火

巫山秋夜螢火飛簾疎巧入坐人衣忽驚屋裏琴書冷
復亂簷邊星宿稀却繞井欄添箇箇偶經花藥弄輝輝

滄江白髮愁者汝來歲如今歸未歸

結聯點入見字便覺通體皆活

吹笛

吹笛秋山風月清誰家巧作斷腸聲風飄律呂相和切

月傍闕山幾處明胡騎中宵堪北走武陵一曲想南征
故園楊柳今搖落何得愁中却盡生

吞吐含芳安詳合度極頓挫之妙而高雅絕人明人何
景明七律全本此種千載而下固有合續弦膠者也

孤雁

孤雁不飲啄飛鳴聲念羣誰憐一片影相失萬重雲望

盡似猶見哀多如更聞野鷗無意緒鳴噪自紛紛

欽定四庫全書

御選唐宋詩

十五

師氏曰鮑當孤雁詩云更無聲斷續空有影相隨孤
則孤矣豈若此詩孤之中仍有不孤之意乎

白小

白小羣分命天然二寸魚細微霑水族風俗當園蔬入
肆銀花亂傾箱雪片虛生成猶拾卵盡取意何如

王嗣奭曰此詩起結藹然有萬物一體之念

鹿

水與清溪別蒙將玉饌俱無才逐仙隱不敢恨庖厨亂

世輕全物微聲及禍樞衣冠兼盜賊饔餐用斯須

顧宸曰中郎之於董卓中散之於司馬及禍雖異其

以微聲致累則同也苟全性命於亂世不求聞達於

諸侯隆中所以獨高千古二語感慨甚大

見王監兵馬使說近山有白黑二鷹羅者久取竟

未能得王以為毛骨有異他鷹恐臘後春生鷙飛

避暖勁翮思秋之甚眇不可見請余賦詩

雪飛玉立盡清秋不惜奇毛恣遠遊在野只教心力破

欽定四庫全書

御選唐宋詩

十六

干人何事網羅求一生自獵知無敵百中爭能恥下羈
鵬礙九天須却避兔藏三穴莫深憂

儼然為異人寫照奇傑之士亦復干人何事國家必求

之者有以取之也使負其岸異而不就網羅亦終無用
於世此詩引而伸之義可旁通知此可與言詩

王嗣奭曰氣魄雄偉不落纖巧家數

朱鶴齡曰太白詩神鷹夢澤不顧鷗鳥為君一擊

鵬搏九天義與此同

大歷三年春白帝城放船出瞿唐峽久居夔府將

適江陵漂泊有詩凡四十韻

老向巴人裏今辭楚塞隅入舟翻不樂解纜獨長吁窄
轉深啼狹虛隨亂浴皂石苔凌几杖空翠撲肌膚疊壁
排霜劍奔泉濺水珠杳冥藤上下濃淡樹榮枯神女峯
娟妙昭君宅有無曲留明怨惜夢盡失歡娛擺闔盤渴
沸歌斜激浪輸風雷纏地脉冰雪耀天衢鹿角真走險
狼頭如跋胡惡灘寧變色高卧負微軀書史全傾撓裝

欽定四庫全書

御選唐宋詩醇

七

欽定四庫全書

御選唐宋詩醇

六

囊半壓濡生涯臨臬兀死地脫斯須不有平川決焉知
衆壑趨乾坤霾漲海雨露洗春蕪鷗鳥牽絲颶驪龍濯
錦紝落霞沉綠綺殘月壞金樞泥筍苞初荻沙茸出小
浦雁兒爭水馬燕子逐檣鳥絕島容烟霧環洲納曉晡

前聞辨陶牧轉眄拂宜都縣郭南畿好

原注路入津亭

松滋縣

壯望孤勞心依憇息朗詠劃昭蘇意遣樂還笑衰迷賢

與愚瓢蕭將素髮汨沒聽洪鑪邱壑曾忘返文章敢自
誣此生遭聖代誰分哭窮途卧疾淹為客蒙恩早廁儒

廷爭酬造化樸直乞江湖灑灑險相迫滄浪深可渝浮
名尋已已懶計却區區喜近天皇寺先披古畫圖

有晉右軍書張僧繇畫

此寺

原注

孔子泊顏子十哲形像應經帝子渚同泣舜蒼梧朝士

兼戎服君王按湛盧旄頭初斂擾鵠首麗泥塗甲卒身

雖貴書生道固殊出塵皆野鶴厯塊匪轄駒伊呂終難

降韓彭不易呼五雲高太甲六月曠搏扶回首黎元病

爭權將帥誅山林託疲苶未必免崎嶇

處處刻劃間以情思其體則班彪潘岳之征行其情則

王粲之登樓也隊仗整肅骨力雄健長律最可學者

欽定四庫全書

御選唐宋詩醇

七

欽定四庫全書

御選唐宋詩醇

六

紗帽隨鷗鳥扁舟繫此亭江湖深更白松竹遠微青一
柱全應近高唐莫再經今宵南極外甘作老人星

行次古城店汎江作不揆鄙拙奉呈江陵幕府諸
公

老年常道路遲日復山川白屋花開裏孤城麥秀邊濟
江元自潤下水不勞牽風蝶勤依桑春鷗懶避船王門

高德業幕府盛才賢行色兼多病蒼茫況愛前

風蝶一聯寫物色何其新雋

書堂飲既夜復邀李尚書下馬月下賦絕句

湖月林風相與清殘尊下馬復同傾久拚野鶴如霜鬢
遮莫鄰雞下五更

野鶴如霜鬢正云霜鬢似野鶴如前云黃鸝高於五尺
童化為白鳧似老翁正云五尺童高如黃鸝化為老翁

似白鳧耳此詩家用筆之妙

欽定四庫全書

御選唐宋詩醇

十九

舟月對驛近寺

更深不假燭月朗自明船金刹青楓外朱樓白水邊城

烏啼眇眇野鷺宿娟娟皓首江湖客釣簾獨未眠

以四句了題舟夜遣懷詞意清麗乃爾

江南逢李龜年

岐王宅裏尋常見崔九堂前幾度聞正是江南好風景

落花時節又逢君

言情在筆墨之外悄然數語可抵白氏一篇琵琶行矣

休唱貞元供奉曲當時朝士已無多劉禹錫之婉情鉏
蟬金雁皆零落一曲伊州淚萬行溫庭筠之哀調以彼
方此何其超妙此千秋絕調也

黃生曰此詩與劍器行同意今昔盛衰之感言外黯
然欲絕見風韻於行間寓感慨於字裏即使龍標供
奉操筆亦無以過乃知公於此體非不能為正聲也

官亭夕坐戲簡顏十少府

南國調寒杵西江浸日車客愁連蟋蟀亭古帶蒹葭不

欽定四庫全書

御選唐宋詩醇

十九

返青絲鞚虛燒夜燭花老翁須地主細細酌流霞

清麗奪目可謂老樹著花

暮歸

霜黃碧梧白鶴棲城上擊柝復烏啼客子入門月皎皎

誰家搗練風淒淒南渡桂水闕舟楫北歸秦川多鼓鼙

年過半百不稱意明日看雲還杖藜

盧世㴵曰全首矯秀無一點悲愁溽氣讀去如竹枝

樂府七言律中散仙也

公安送韋二少府匡贊

逍遙公後世多賢送爾維舟惜此筵念我能書數字至

將詩不必萬人傳時危兵甲黃塵裏日短江湖白髮前

古往今來皆涕淚斷腸分手各風煙

公安縣懷古

野曠呂蒙營江深劉備城寒天催日短風浪與雲平灑落君臣契飛騰戰伐名維舟倚前浦長嘯一含情

黃生曰章法最整

欽定四庫全書

御選唐宋詩醇

卷十八

欽定四庫全書

御選唐宋詩醇

卷十八

主

公安送李二十九弟晉肅入蜀余下沔鄂

正解柴桑繩仍看蜀道行檣鳥相背發塞雁一行鳴南紀連銅柱西江接錦城憑將百錢卜飄泊問君平

宴王使君宅

汎愛容霜髮留歡上夜闌自吟詩送老相勸酒開顏戎馬今何地鄉園獨舊山江湖隨清月酩酊任扶還英華辯証世傳杜子美不避家諱兩押閑字其實非也或改作夜闌又不在本韻下園集杜詩自是留歡

泊岳陽城下

江國踰千里山城僅百層岸風翻夕浪舟雪灑寒燈留滯才難盡艱危氣益增圖南未可料變化有鯤鵬

登岳陽樓

昔聞洞庭水今上岳陽樓吳楚東南坼乾坤日夜浮親朋無一字老病有孤舟戎馬關山壯憑軒涕泗流元氣渾淪不可湊泊千古絕唱

劉會孟曰氣壓百代為五言雄渾之絕

唐庚曰子美岳陽樓詩不過四十字耳其氣象闊放涵蓄深遠殆與洞庭爭雄所謂富哉言乎者

仇兆鰲曰金玉詩話云洞庭天下壯觀自昔驗人墨

客闌麗搜奇者尤衆然莫若氣蒸雲夢澤波撼岳陽城則洞庭空曠無際雄壯如在目前至讀杜子美詩則又不然吳楚東南坼乾坤日夜浮不知少陵胸中

上夜闌蓋有投轄之意上字訛為卜下字訛為闊耳

方回曰嘗登岳陽樓左序毬門壁間大書孟詩右書杜詩後人不敢復題劉長卿云瞿浪浮元氣中流沒

太陽世不甚傳他可知矣

陪裴使君登岳陽樓

湖濶兼雲霧樓孤屬晚晴禮加徐孺子詩接謝宣城雪岸叢梅發春泥百草生敢違漁父問從此更南征

宿青草湖

洞庭猶在日青草續為名宿樂依農事郵籤報水程寒
欽定四庫全書
御選唐宋詩醇
卷十八
三

永爭倚薄雲月遞微明湖雁雙雙起人來故北征

宿白沙驛

水宿仍餘照人煙復此亭驛邊沙舊白湖外草新青萬

象皆春氣孤槎自客星隨波無限月的的近南溟

萬象皆春氣五字濶大中有實在處精神正在下句

湘夫人祠

肅肅湘妃廟空牆碧水春蟲書玉佩蘚燕舞翠帷塵晚

泊汀樹微馨借渚蘋蒼梧恨不盡染淚在叢筠

王嗣興曰臣望君不啻妻望夫蒼梧之恨不為夫人發也

祠南夕望

百丈牽江色孤舟泛日斜興來猶杖屨目斷更雲沙山

鬼迷春竹湘娥倚暮花湖南清絕地萬古一長嗟

秀色中含老氣何景明之淵源也

歸雁

聞道今春雁南歸自廣州見花辭漲海避雪到羅浮是
欽定四庫全書
御選唐宋詩醇
卷十八
三

物闊兵氣何時免客愁年年霜露隔不過五湖秋

黃生曰五六本屬結意却作中聯矯變異常

入喬口

漠漠舊京遠遲遲歸路賒殘年傍水國落日對春華樹密早蜂亂江泥輕燕斜賈生骨已朽悽惻近長沙

江閣對雨有懷行營裴二端公

南紀風濤壯陰晴屢不分野流行地日江入度山雲層閣憑雷殷長空面水文雨來銅柱北應洗伏波軍

千秋節有感二首

自罷千秋節頻傷八月來先朝常宴會壯觀已塵埃鳳

紀編生日龍池慙刼灰湘川新涕淚秦樹遠樓臺寶鏡
羣臣得金吾萬國迴衢尊不重飲白首獨餘哀

御氣雲樓敞含風綠仗高仙人張內樂王母獻宮桃羅

襪紅蕖艷金羈白雪毛舞階銜壽酒走索背秋毫聖主
他年貴邊心此日勞桂江流向北滿眼送波濤

極哀樂之情包理亂之故妙有含蓄

欽定四庫全書

御選唐宋詩醇

卷十八

三五

登舟將適漢陽

春宅棄汝去秋帆催客歸庭蔬尚在眼浦浪已吹衣生
理飄蕩拙有心遲暮違中原戎馬盛遠道素書稀塞雁

與時集檣鳥終歲飛鹿門自此往永息漢陰機

舟中夜雪有懷盧十四侍御弟

朔風吹桂水朔雪夜紛紛暗度南樓月寒深北渚雲燭
斜初近見舟重竟無聞不識山陰道聽雞更憶君

遂為咏雪粉本賦物如此乃能使氣格超勝

黃生曰不摹雪之狀而寫雪之神此化工之筆

樓上

天地空搔首頻抽白玉簪皇輿三極壯身事五湖南戀
關勞肝肺論材媿杞柂亂離難自救終是老湘潭

浦起龍曰聲情激越

送魏二十四司直充嶺南掌選崔郎中判官兼寄

韋韶州

選曹分五嶺使者歷三湘才美膺推薦君行佐紀綱佳

欽定四庫全書

御選唐宋詩醇

卷十八

三六

聲期共遠雅節在周防明白山濤鑒嫌疑陸賈裝故人

湖外少春日嶺南長憑報韶州牧新詩昨寄將
忠告欵欵得古人贈言之義凡為使者當書紳佩之

燕子來舟中作

湖南為客動經春燕子銜泥兩度新舊入故園常識主

如今社日遠看人可憐處處巢君室何異飄飄託此身
暫語船檣還起去穿花落水益霑巾

盧世淮曰比物連類有身世無窮之感却又一字不

說出讀之但覺滿紙是淚

歸雁二首

萬里衡陽雁今年又北歸雙雙瞻客上一一背人飛雲
裏相呼疾沙邊自宿稀繫書元浪語愁寂故山薇
欲雪違胡地先花別楚雲却過清渭影高起洞庭羣塞
北春陰暮江南日色曛傷弓流落羽行斷不堪聞
楚調淒然深情無限

小寒食舟中作

欽定四庫全書

御選唐宋詩醇

二十七

佳辰強飯食猶寒隱几蕭條帶鷗冠春水船如天上坐
老年花似霧中看娟娟戲蝶過閒慢片片輕鷗下急湍
雲白山青萬餘里愁看直北是長安

黃庭堅曰船如天上坐人似鏡中行船如天上坐魚
似鏡中懸此沈雲卿詩也老杜此詩第三句乃祖述

佺期語次句蓋觸類而長之也

顧宸曰詩眼謂公詩多本沈語無一字無來歷余謂
少陵所以獨立千古者不在有所本也讀書破萬卷

偶拈來即是耳詩三百篇豈必有所本哉

清明

此身飄泊苦西東右臂偏枯半耳聲寂寂繫舟雙下淚
悠悠伏枕左書空十年蹴踘將離遠萬里鞶韁習俗同
旅雁上雲歸紫塞家人鑽火用青楓秦城樓閣煙花裏
漢主山河錦繡中風水春來洞庭闊白蘋愁殺白頭翁
風致自足氣亦逸宕何可妄加訾議

發潭州

欽定四庫全書

御選唐宋詩醇

二十六

夜醉長沙酒晚行湘水春岸花飛送客牆燕語留人賈
傅才未有褚公書絕倫高名前後事廻首一傷神

楊慎丹鉛錄以此領聯為賈島逸句所本然在杜集亦
尋常句耳郊島輩非無警句而氣體寒饅以視李杜大
家真類虫吟草間矣

聞惠二過東溪特一送

惠子白駒瘦歸溪惟病身皇天無老眼空谷滯斯人崖
密松花熟山林竹葉新柴門了無事黃綺未稱臣

洪芻曰劉路左車言嘗收得唐人雜編詩冊有老杜送惠二歸故居詩即此也

舟泛洞庭

蛟室圍青草龍堆擁白沙護江盤古木迎櫂舞神鵠破

浪南風正收颸畏日斜雲山千萬疊底處上仙槎

一氣湧出筆筆老健非子美不能辦也

王直方曰此老杜過洞庭湖詩也潘淳云元豐中有
人得此詩刻於洞庭湖中不載名氏以示山谷曰子

欽定四庫全書

御選唐宋詩醇

三九

美作也今蜀本已收入

遣憂

亂離知又甚消息苦難真受諫無今日臨危憶古人紛
紛乘白馬攘攘著黃巾隋氏留宮室焚燒何太頻

吳曾曰唐顧陶大中丙子歲編唐詩類選載此詩世
所傳本杜集皆無之

巴西聞收官闕送班司馬入京

聞道收宗廟鳴鑾自陝歸傾都看黃屋正殿引朱衣劍

外春天遠巴西勅使稀念君經世亂匹馬向王畿

鄭繼之曰詩之妙處正在不必寫到真說到盡而其

欲寫欲說者自宛然可想斯得風人之義此詩有不

真不盡之興矣

去蜀

五載客蜀郡一年居梓州如何關塞阻轉作瀟湘遊世

事已黃髮殘生隨白鷗安危大臣在不必淚長流

朱鶴齡曰二篇朝奉大夫員安字所收

欽定四庫全書

御選唐宋詩醇

三九

御選唐宋詩醇卷十八

欽定四庫全書
欽定四庫全書
欽定四庫全書

御選唐宋詩醇卷十九

太原白居易詩一

目錄

賀雨

觀刈麥

雲居寺孤桐

問友

鶯詩示劉叟

杏園中棗樹

放魚

文柏牀

秦中吟十首

議婚

重賦

傷宅

傷友

不致仕

立碑

輕肥

五弦

歌舞

買花

和答詩十首
錄四首

欽定四庫全書
御選唐宋詩醇
卷十九目錄

和陽城驛

答桐花

答四皓廟

和雉媒

御選唐宋詩醇卷十九目錄

欽定四庫全書
唐宋詩醇卷十九

御選唐宋詩醇卷十九

太原白居易詩一

唐人詩篇什最富者無如白居易詩其源亦出於杜甫而視甫為更多史稱其每一篇出土人傳誦雞林行賈售其國相詩名之盛前古罕儼矣且夫居易豈徒以詩傳哉當其為左拾遺忠誠謇諤抗論不回中遭遠謫處之怡然牛李構讐絕無依附不以姍嫋逢時不以黨援干進不以坎壈顛躡而於邑無憇自非識力涵養有大過人者安能進退綽有餘裕若是洎太和開成之後時事日非宦情愈淡唯以醉吟為事遂托於詩以自傳焉其與元微之書云志在兼濟行在獨善諷諭者意激而言質間適者思澹而辭迂作詩指歸具見於此蓋根柢六義之旨而不失乎溫厚和平之意變杜甫之雄渾蒼勁而為流麗安詳不襲其面貌而得其神味者也而杜牧譏其纖艷淫媠非莊人雅士所為夫居易之莊雅孰

欽定四庫全書

御選唐宋詩醇

一

欽定四庫全書

御選唐宋詩醇

二

與牧牧詩乃纖艷淫媠之尤者而反唇以此告居易乎宋祁據以立論抑亦惑之甚者冷齋夜話所載樂天每作詩令一老嫗解之解則錄之不解則又復易之亦屬附會之說不足深辨嘗考居易同時素相牴牾者莫如李德裕德裕每屏其詩不觀劉禹錫以為言德裕曰吾於斯人不足久矣覽之恐回吾心此正歐陽修所謂雖其怨家讐人不能少毀而掩蔽之者也茲集之選芟其體之重複詞之淺易者約存若干首全集佳篇殆盡於此居易生平出處亦畧見於此彼耳食者或猶加詆毀焉韓愈不云乎蚍蜉撼大樹可笑不自量何損於香山居士歟

賀雨

皇帝嗣寶歷元和三年冬自冬及春暮不雨旱燼燼上心念下民懼歲成災凶遂下罪已詔殷勤告萬邦帝曰予一人繼天承祖宗憂勤不遑寧夙夜心忡忡元年誅劉闢一舉靖巴邛二年戮李錡不戰安江東顧惟眇眇

德遠有巍巍功或者天降沴無乃儆予躬上思答天戒
下思致時邕莫如率其身慈和與儉恭乃命罷進獻乃
命賑饑窮宥死降五刑已責寬三農官女出宣徽廄馬
減飛龍庶政靡不舉皆出自宸衷奔騰道路人偃僂田

野翁歡呼相告報感泣涕沾胷順人人心悅先天天意
從詔下纔七日和氣生沖融凝為油油雲散作習習風
晝夜三日雨淒淒復濛濛萬心春熙熙百穀青芃芃人
變愁為喜歲易儉為豐乃知王者心憂樂與衆同皇天

與后土所感無不通冠珮何鏘鏘將相及王公蹈舞呼

萬歲列賀明庭中小臣誠愚陋職忝金鑾宮稽首再三
拜一言獻天聰君以明為聖臣以直為忠敢賀有其始

亦願有其終

皇帝嗣寶歷至皆出自宸衷歷叙遇災修省之政應天
以實不以文也奔騰道路人至歲儉易為豐極形喜雨
之情天人感召捷於影響也乃知王者心至末鋪陳賀
雨之意而以願有其終結致規戒之詞焉史稱憲宗剛

明果斷慨然發憤削平僭叛唐之威令幾於復振晚節
信用非人不終其業蓋保治之難如此是詩情辭劖切
忠愛藹然極有關係之作

汪立名曰按元和四年閏三月憲宗以久旱欲降德
音公見詔節未詳即建言乞免江淮兩賦以救流瘠
且多出宮人上悉從之制下而雨公集中有奏請加
德音中節目二件狀已責乃用左傳晉悼公已責事
謂止逋債也今本皆作責已誤

觀刈麥

自注時為
盩厔縣尉

田家少閒月五月人倍忙夜來南風起小麥覆龍黃婦
姑荷簞食童稚攜壺漿相隨餉田去丁壯在南岡足蒸
暑土氣背灼炎天光力盡不知熱但惜夏日長復有貧
婦人抱子在其傍右手秉遺穗左臂懸弊筐聽其相顧
言聞者為悲傷家田輸稅盡拾此充飢腸今我何功德
曾不事農桑吏祿三百石歲晏有餘糧念此私自愧盡

日不能忘

力盡不知熱二句曲盡農家苦心恰是從旁看出貧婦一段悲憫更深蟲夷中詩摹寫不到

雲居寺孤桐

一株青玉立千葉綠雲委亭亭五丈餘高意猶未已山僧年九十清淨老不死自云手種時一顆青桐子直從萌芽拔高自毫末始四面無附枝中心有通理寄言立身者孤直當如此

香山集中古體多以鋪敘暢達見長短篇則以含蓄蘊藉生姿此首短峭中殊有遠勢高意猶未已五字尤妙

問友

種蘭不種艾蘭生艾亦生根荄相交長莖葉相附榮香莖與臭葉日夜俱長大鋤艾恐傷蘭溉蘭恐滋艾蘭亦未能溉艾亦未能除沉吟意不決問君合何如

通首分三層一層一意妙有頓挫 短篇換韻音節亦古

燕詩示劉叟

并序

叟有愛子背叟逃去叟甚悲念之叟少年時亦嘗如是故作燕詩以諭之

梁上有雙燕翩翩雄與雌
唧泥兩椽間一巢生四兒
四兒日夜長索食聲孜孜青蟲不易捕黃口無飽期
觜爪雖欲獎心力不知疲須臾十往來猶恐巢中飢辛勤
三十日母瘦雛漸肥喃喃教言語一一刷毛衣一旦羽翼成
引上庭樹枝舉翅不回顧隨風四散飛雌雄空中鳴
聲盡呼不歸却入空巢裏啁啾終夜悲燕燕爾勿悲爾

當返自思爾為雛日高飛背母時當時父母念今日爾應知

極尋常語却有關風化足以警世老嫗皆知或謂此也

杏園中棗樹

人言百果中唯棗凡且鄙皮皴似龜手葉小如鼠耳胡為不自知生花此園裏宜宜遇攀翫幸免遭傷毀二月曲江頭雜英紅旖旎棗亦在其間如嫫對西子東風不擇木吹煦長未已眼看欲合抱得盡生生理寄信遊春

客乞君一廻視君愛繞指柔從君憐柳杞君求悅目豔

不敢爭桃李君若作大車輪軸材須此

放魚

自注自此後詩到江州作

曉日提竹籃家童買春蔬青青芹蕨下疊卧雙白魚無聲但呀呀以氣相喚濡傾籃寫地上揆刺長尺餘豈唯刀机憂坐見蟠蟻圖脫泉雖已久得水猶可蘇放之小池中且用救乾枯水小池窄狹動尾觸四隅一時幸苟活久遠將何如憐其不得所移放於南湖南湖連西江好去勿踟蹰施恩即望報吾非斯人徒不須泥沙底辛苦覓明珠

欽定四庫全書

御選唐宋詩醇卷十九

七

欽定四庫全書

御選唐宋詩醇卷十九

八

施恩即望報四語小中見大蘇軾和潛師放魚詩意本此

議婚

天下無正聲悅耳即為娛人間無正色悅目即為姝顏色

欽定四庫全書

御選唐宋詩醇卷十九

九

非相遠貧富則有殊貧為時所棄富為時所趨紅樓富家女金縷繡羅襦見人不歛手嬌癡二八初母兄未開口已嫁不須臾綠牕貧家女寂寞二十餘荆釵不直錢衣上無真珠幾廻人欲聘臨日又踟蹰主人會良媒置酒滿玉壺四座且勿飲聽我歌兩途富家女易嫁嫁早輕其夫貧家女難嫁嫁晚孝於姑聞君欲娶婦娶婦意其多奇文宜升君子堂刮削露節目拂拭生輝光元班狀狸首素質如截肪雖充悅目翫終乏周身防革彰誠

可愛生理苦已傷方知自殘者為有好文章

時貶江州隱然有自傷之意方知自殘者為有好文章

即杜甫古柏行之意而反用之

秦中吟十首

并序

重賦

厚地植桑麻所要濟生民生民理布帛所求活一身身
外充征賦上以奉君親國家定兩稅本意在愛人厥初
防其淫明勅內外臣稅外加一物皆以枉法論柰何歲
月久貪吏得因循浚我以求寵歛索無冬春織絹未成
匹繅絲未盈斤里胥迫我納不許轉送巡歲暮天地閉

陰風生破村夜深烟火盡霰雪白紛紛幼者形不蔽老

者體無溫悲喘與寒氣併入鼻中辛昨日輸殘稅因窺
官庫門縉帛如山積絲絮似雲屯號為羨餘物隨月獻

欽定四庫全書

御選唐宋詩解
卷十九

九

至尊奪我身上暖買爾眼前恩進入瓊林庫歲久化為

塵

通達治體故於時政源流利弊言之了然其沉著處令
讀者酸鼻杜甫石壕吏之嗣音也

傷宅

誰家起甲第朱門大道邊豐屋中櫛比高牆外廻環纍
累六七堂棟宇相連延一堂費百萬鬱鬱起青煙洞房
溫且清寒暑不能干高堂虛且迫坐卧見南山繞廊紫

藤架夾砌紅藥欄攀枝摘櫻桃帶花移牡丹主人此中
坐十載為大官廚有臭敗肉庫有貫朽錢誰能將我語
問爾骨肉間豈無窮賤者忍不救饑寒如何奉一身直
欲保千年不見馬家宅今作奉誠園

唐書曰馬燧子暢終少府監諸子無室廬自託奉誠
園亭觀即其安邑里舊第云

桂苑叢談曰馬暢以第中大杏餽中人實文場文場
以進德宗德宗未嘗見頗怪暢因令中使就封其樹

欽定四庫全書

御選唐宋詩解
卷十九

十

暢懼進宅廢為奉誠園

傷友

陋巷孤寒士出門苦恓恓雖云志氣高豈免顏色低平
生同門友通籍在金闈襄者膠漆契邇來雲雨睽正逢
下朝歸軒騎五門西是時天久陰三日雨淒淒蹇驢避
路立肥馬當風嘶迴頭忘相識占道上沙堤昔年洛陽
社貧賤相提携今日長安道對面隔雲泥近日多如此
非君獨慘悽死生不變者唯聞任與黎

自注任公
叔黎

是時天久陰六句摹寫炎涼之况真是不堪近日多如此又拓開一層寄慨益深

不致仕

七十而致仕禮法有明文何乃貪榮者斯言如不聞可憐八九十齒墮雙眸昏朝露貧名利夕陽憂子孫掛冠顧翠綾懸車惜朱輪金章腰不勝偃僂入君門誰不愛富貴誰不戀君恩年高須告老名遂合退身少時共嗤

謂晚歲多因循賢哉漢二疎彼獨是何人寂寥東門路

欽定四庫全書

御選唐宋詩醇

卷十九

十一

無人繼去塵

朝露貧名利二句入之淵明集中幾無以辨或謂樂天

淺易豈其然乎

汪立名曰按八朝偶雋元和初杜佑為司徒年過七

十猶未請老裴晉公時知制誥因高郢致仕令詞曰以年致仕抑有前聞近代寡庶罕由斯道蓋譏佑也

公詩所指當與裴同

立碑

勛德既下衰文章亦陵夷但見山中石立作路旁碑銘勲悉太公叙德皆仲尼復以多為貴千言直萬言為文彼何人想見下筆時但欲愚者悅不思賢者嗤豈獨賢者嗤仍傳後代疑古石蒼苔字安知是愧詞我聞望江

縣麌令撫寧斃自注麌令名信陵在官有仁政名不聞京師身歿欲歸葬百姓遮路岐攀轍不得歸留葬此江湄至今

道其名男女涕皆垂無人立碑碣唯有邑人知

汪立名曰按麌信陵貞元元年鮑防榜下及第以六

欽定四庫全書

御選唐宋詩醇

卷十九

十二

年作望江令其投石祝江祈雨文云必也私欲之求行於邑里慘黷之政策於黎元令長之罪也神得而誅之豈可移於人以害其歲其為政蓋可想而知矣

輕肥

意氣驕滿路鞍馬光照塵借問何為者人稱是內臣朱紱皆大夫紫綬或將軍誇赴軍中宴走馬去如雲尊罍溢九醞水陸羅八珍果摩洞庭橘膾切天池鱗食飽心自若酒酣氣益振是歲江南旱衢州人食人

結句斗絕有一落千丈之勢

五弦

清歌且罷唱紅袂亦停舞趙叟抱五弦宛轉當胷撫大聲麤若散颯颯風和雨小聲細欲絕切切鬼神語又如此聲形神若無主行客聞此聲駐足不能舉嗟嗟俗人耳好今不好古所以綠牕琴日日生塵土

歌舞

欽定四庫全書

御選唐宋詩醇

卷十九

十三

秦城歲云暮大雪滿皇州雪中退朝者朱紫盡公侯貴有風雪興富無饑寒憂所營唯第宅所務在追遊朱門車馬客紅燭歌舞樓歡酣促密坐醉暖脫重裘秋官為主人廷尉居上頭日中為一樂夜半不能休豈知閨鄉獄中有凍死囚

買花

帝城春欲暮喧喧車馬度共道牡丹時相隨買花去貴賤無常價酬直看花數灼灼百朵紅交綃五束素上張

帷幕庇旁織巴蘿護水洒復泥封移來色如故家家習為俗人人迷不悟有一田舍翁偶來買花處低頭獨長歎此歎無人諭一叢深色花十戶中人賦

結語即漢文惜造露臺意

馮班曰白公諷刺詩周詳明直娓娓動人自創一體古人無是也凡諷諭之文欲得深隱使言者無罪聞者足戒白公盡而露其妙處正在周詳讀之動人此亦出於小雅也

欽定四庫全書

御選唐宋詩醇

卷十九

十四

和答詩十首

錄四首

五年春微之從東臺來不數日又左轉為江陵士曹掾詔下日會予下內直歸而微之已即路邂逅相遇於街衢中自永壽寺南抵新昌里北得馬上話別語不過相勉保方寸外形骸而已因不暇及他是夕足下次於山北寺僕職役不得去命季弟送行且奉新詩一軸致於執事凡二十章率有興比淫文豔韻無一字焉意者欲足下在途諷讀且以遣日時消憂憇

又有以張直氣而扶壯心也及足下到江陵寄在路所為詩十七章凡五六千言言有為章有旨迨於宮律體裁皆得作者風發緘開卷且喜且怪僕思牛僧孺戒不能示他人唯與杓直拒非及樊宗師輩三四人時一吟讀心甚貴重然竊思之豈僕所奉者二十章遽能開足下聰明使之然耶抑又不知足下是行也天將屈足下之道激足下之心使感時發憤而臻於此耶若兩不然者何立意措辭與足下前時詩如

欽定四庫全書
御選唐宋詩醇
卷十九
十五

此之相遠也僕既羨足下詩又憐足下心盡欲引狂簡而和之屬直宿拘牽居無暇日故不即時如意旬月來多乞病假假中稍間且摘卷中尤者繼成十章亦不下三千言其間所見同者固不能自異異者亦不能強同同者謂之和異者謂之答并別錄和夢遊春詩一章各附於本篇之末餘未和者亦續致之頃者在科試間常與足下同筆硯每下筆時輒相顧共患其意太切而理太周故理太周則辭繁意太切則言激然與足下為文所長在於此所病亦在於此足下來序果有辭犯文繁之說今僕所和者猶前病也待與足下相見日各引所作稍刪其繁而晦其義焉

餘具書白

和陽城驛

欽定四庫全書
御選唐宋詩醇
卷十九
十六

商山陽城驛中有歎者誰云是元監察江陵謫去時忽見此驛名良久涕欲垂何故陽道州名姓同於斯憐君一寸心寵辱誓不移疾惡若巷伯好賢如繙衣沉吟不能去意者欲改為避賢驛大署於門楣荆人愛羊祜戶曹改為辭一字不忍道况兼姓呼之因題八百言言直文甚奇詩成寄與我鏗若金和絲上言陽公行友悌無等夷骨肉同衾裯至死不相離次言陽公迹夏邑始棲遲鄉人化其風少長皆孝慈次言陽公道終日對酒危兄弟笑相顧醉貌紅怡怡次言陽公節謇謇居諫司誓心除國蠹決死犯天威終言陽公命左遷天一涯道州炎瘴地身不得生歸一一皆實錄事事無子遺凡

是為善者聞之惻然悲道州既已矣往者不可追何世無其人來者亦可思願以君子文告彼大樂師附於雅歌末奏之白玉墀天子聞此章教化如法施直諫從如流佞臣惡如疵寃相聞此章政柄端正持進賢不知倦去邪勿復疑憲臣聞此章不敢懷依違諫臣聞此章不忍縱詭隨然後告史氏舊史有前規若作陽公傳欲令後世知不勞叙世家不用費文辭但使國史上全錄元稹詩

此詩分兩大段看商山陽城驛至事事無了遺詳叙元詩凡是為善者至末贊嘆之中自攬眉臆中有所感借題發揮正合繙衣好賢之旨不以理太周而辭繁為嫌也

答桐花

山木多翁鬱茲桐獨亭亭葉重碧雲片花簇紫霞英是時三月天春暖山雨晴夜色向月淺暗香隨風輕行者多商賈居者悉黎氓無人解賞愛有客獨屏營手攀花

枝立足蹋花影行生憐不得所死欲揚其聲截為天子琴刻作古人形云待我成器薦之於穆清誠是君子心恐非草木情胡為愛其華而反傷其生老龜被剗腸不如無神靈雄雞自斷尾不願為犧牲况此好顏色花紫葉青青宜遂天地性忍加刀斧刑我思五丁力拔入九重城當君正殿裁花葉生光晶上對月中桂下覆堦前蓂汎拂香爐煙隱映斧藻屏為君布綠陰當暑蔭軒楹沉沉綠滿地桃李不敢爭為君發清韻風來如叩瓊冷

冷聲滿耳鄭衛不足聽受君封植力不獨吐芬馨助君行春令開花應清明受君雨露恩不獨含芳榮戒君無戲言剪葉封弟兄受君歲月功不獨資生成為君長高枝鳳凰上頭鳴一鳴君萬歲壽如山不傾再鳴萬人泰泰階為之平如何有此用幽滯在巖洞歲月不爾駐孤芳坐凋零請向桐枝上為余題姓名待余有勢力移爾獻丹庭

元詩中有爾生不得所我願裁為琴安置君王側調和

元首音之句此詩前段命意相似所謂同者不能自異也我思五丁力以下推廣言之放聲大作所謂異者不能強同也詞意本之杜甫入蜀鳳凰臺一章然彼以淒涼激楚勝此則纏綿濃至一唱三嘆可知居易非無意用世者惜旋用旋默不獲竟其才耳

答四皓廟

天下有道見無道卷懷之此乃聖人語吾聞諸仲尼矯矯四先生同稟希世資隨時有顯晦秉道無磷缁秦皇

欽定四庫全書

御選唐宋詩醇

十九

肆暴虐二世遘亂離先生相隨去商嶺採紫芝君看秦

獄中戮辱者李斯劉項爭天下謀臣竟悅隨先生如鶩鶩去入冥冥飛君看齊鼎中燃爛者酈其子房得沛公自謂相遇遲八難掉舌樞三界役心機辛苦十數年晝夜形神疲竟雜霸者道徒稱帝者師子房爾則能此非

吾所宜漢高之季年嬖寵鍾所私冢嫡欲廢奪骨肉相憂疑豈無子房口口舌無所施亦有陳平心心計將何為皤皤四先生高冠危映眉從容下南山顧盼入東闈

前瞻惠太子左右生羽儀却顧戚夫人楚舞無光輝心不盡一計口不吐一詞暗定天下本遂安劉氏危子房吾則能此非爾所知先生道既光太子禮甚卑安車留住功成棄如遺如彼旱天雲一雨百穀滋澤則在天下雲復歸希夷勿高巢與由勿尚呂與伊巢由往不返伊呂去不歸豈如四先生出處兩逶迤何必長隱逸何必長濟時由來聖人道無朕不可窺卷之不盈握舒之亘八陲先生道甚明夫子猶或非願子辨其惑為予吟

欽定四庫全書

御選唐宋詩醇

十九

此詩

元詩責四皓定惠帝以釀呂氏之禍此事後之論未免過苛假令當年廢長立愛如意嗣位所恃以託孤者獨一周昌耳絳灌諸人未必帖然心服且產祿輩根蒂深固呂雉構患益急保無意外之變耶居易駁之自是正論起引孔子語末又歸到聖人之道前後照應中間以子房作陪蓋當劉項逐鹿之時羣雄擾擾皆功名之士子房獨具入道之姿其傑出者也借賓定主身分愈高

隨手帶出陳平則賓中賓也末又以伊呂巢由作襯議

論瀾翻不竭全是以作文法行之直可當一篇四皓論

讀

和雉媒

吟君雉媒什一哂復一歎和之一何晚今日乃成篇豈
唯鳥有之抑亦人復然張陳刎頸交竟以勢不完至今
不平氣塞絕泜水源趙襄骨肉親亦以利相殘至今不
善名高於磨笄山况此籠中雉志在飲啄間稻粱暫入

欽定四庫全書

御選唐宋詩

卷十九

五

口性已隨人遷身苦亦自忘同族何足言但恨為媒拙
不足以自全勸君今日後養鳥養青鸞青鸞一失侶至
死守孤單勸君今日後結客結任安主人賓客去獨住

御選唐宋詩

卷十九

多喻意少言下竦然驚心動魄

總校官庶吉士臣張能照

校對官中書臣范 蘭

謄錄監生臣張若湘



欽定四庫全書會要

集部

御選唐宋詩醇卷二十一

欽定四庫全書會要

御選唐宋詩醇卷二十

太原白居易詩二

目錄

新樂府

七德舞

海漫漫

立部伎

欽定四庫全書

御選唐宋詩醇
卷二十 目錄

上陽白髮人

新豐折臂翁

司天臺

捕蝗

昆明春

城鹽州

道州民

蠻子朝

詳校官原任主事臣李斯咏

驃國樂

縛戎人

驪宮高

百鍊鏡

青石

西涼伎

八駿圖

澗底松

欽定四庫全書

御選唐宋詩醇
卷二十目錄

牡丹芳

紅線毬

杜陵叟

賣炭翁

陰山道

鹽商婦

杏為梁

紫毫筆

隋堤柳

秦吉了

采詩官

欽定四庫全書

御選唐宋詩醇
卷二十目錄

御選唐宋詩醇卷二十目錄

欽定四庫全書
舊要卷一萬九千三百四十四 集部

御選唐宋詩醇卷二十

太原白居易詩二

新樂府并序
自注元和四
年為左拾遺時作

序曰凡九千二百五十二言斷為五十篇篇無定句
句無定字繫於意不繫於文首句標其目卒章顯其
志詩三百之義也其辭質而徑欲見之者易諭也其
言直而切欲聞之者深誠也其事覈而實使采之者

欽定四庫全書

御選唐宋詩醇

一

傳信也其體順而律可以播於樂章歌曲也總而言
之為君為臣為民為物為事而作不為文而作也

七德舞 美撥亂陳王業也

自注武德中天子始作秦王破陳樂以歌太宗之功業貞觀初太宗重制破陳樂舞圖詔魏徵虞世南等為之歌詞名七德舞自龍

朔巴後詔郊廟
享宴皆先奏之

七德舞七德歌傳自武德至元和小臣白居易觀

舞聽歌知樂意樂終稽首陳其事太宗十八舉義兵白
旄黃鉞定兩京擒充戮竇四海清二十有四功業成二

十有九即帝位三十有五致太平功成理定何神速速
在推心置人腹亡卒遺骸散帛收饑人賣子分金贖魏
徵夢見子夜泣張謹哀聞辰日哭怨女三千放出宮死
囚四百來歸獄剪鬚燒藥賜功臣李勣嗚咽思殺身含
血吮瘡撫戰士思摩奮呼乞効死則知不獨善戰善乘
時以心感人心歸爾來一百九十載天下至今歌舞

之歌七德舞七德聖人有作垂無極豈徒耀神武豈徒
誇聖文太宗意在陳王業王業艱難示子孫

欽定四庫全書

御選唐宋詩醇

二

五十首以此起體裁極合大雅原周受命之由而必本
之文王以明王業之所由盛唐之受命始於高祖而開
王業者則太宗之功大意歸重在得人心人心之歸王
業之本也亡卒遺骸散帛收十句皆得人心之實事鋪
陳詳贍詞旨莊雅琅琅可誦

雞肋集曰予幼時讀太平廣記見唐太宗遣蕭翼購
蘭亭敘事蓋謫以出之輒歎息曰蘭亭敘若是貴邪
至使萬乘之主捐信於匹夫傳稱子貢詐而存魯弦

高誕而存鄭遺一言之細建二國之業猶不可以為常以太宗之賢巍巍乎近古所無柰何溺小耆好而輕喪其所常之寶異於得原失信不圖而去矣晚多閒居頗屏世好獨於古人筆墨之遺愛而不能置因誦白居易七德歌曰功成理定何神速遠在推心置人腹怨女三千放出宮死囚四百來歸獄歎曰太宗以一旅取天下惟信耳夫不吝三千女而放出宮自信也不約四百囚而來歸獄人信也晉捨原何足道哉

信此語方士年年采藥去蓬萊今古但聞名煙水茫茫無覓處海漫漫風浩浩眼穿不見蓬萊島不見蓬萊不敢歸童男艸女舟中老徐福文成多誑誕上元太乙虛祈禱君看驪山頂上茂陵頭畢竟悲風吹蔓艸何況玄元聖祖五千言不言藥不言仙不言白日昇青天神仙之說世主多為所惑而方士因得乘其蔽而中之史策所垂足為炯戒憲宗不悟服柳泌金丹致殞此詩作於元和初想爾時已有先見耶唐室崇奉老子一結

借矛攻盾極其警快

立部伎 刺雅樂之替也

自注太常選坐部伎無性識者退入立部

伎又選立部伎絕無性識者退入雅樂部則雅樂之聲可知矣

右互辭以贊獨李昉無他言微誦七德舞詞曰怨女三千放出宮死囚四百來歸獄上聞之遽興曰朕不及朕不及卿言警朕矣

海漫漫 戒求仙也

海漫漫直下無底旁無邊雲濤煙浪最深處人傳中有三神山山上多生不死藥服之羽化為天仙秦皇漢武

坐部貴坐部退為立部伎擊鼓吹笛和雜戲立部又退伎有等級堂上者坐堂下立堂上坐部笙歌清堂下立部鼓笛鳴笙歌一聲衆側耳鼓笛萬曲無人聽立部賤坐部貴坐部退為立部伎擊鼓吹笛和雜戲立部又退

何所任始就樂懸操雅音雅音替壞一至此長令爾輩

調宮徵圓丘后土郊祀時言將此樂感神祇欲望鳳來
百獸舞何異北轍將適楚工師愚賤安足云太常三卿
爾何人

上陽白髮人

愍怨曠也

自注天寶五載已後楊貴妃專寵後宮人

無復進幸矣六宮有美色者輒置別所上陽是其一也貞元中尚存焉

上陽人紅顏暗老白髮新綠衣監使守宮門一閉上陽
多少春元宗末歲初選入人時十六今六十同時采擇
百餘人零落年深殘此身憶昔春悲別親族扶入車中

不教哭皆云入內便承恩臉似芙蓉脣似玉未容君王
得見面已被楊妃遙側目妬令潛配上陽宮一生遂向
空房宿宿空房秋夜長夜長無寐天不明耿耿殘燈背
壁影蕭蕭暗雨打窗聲春日遲日遲獨坐天難暮宮鶯
百轉愁厭聞梁燕雙棲老休妬鶯歸燕去長悄然春往
秋來不記年唯向深宮望明月東西四五百迴圓今日
宮中年最老大家遙賜尚書號小頭鞢履窄衣裳青黛
點眉眉細長外人不見見應笑天寶末年時世妝上陽

新豐折臂翁 戒邊功也

新豐老翁八十八頭鬢眉鬚皆似雪玄孫扶向店前行
左臂憑肩右臂折問翁臂折來幾年兼問致折何因緣
翁云貫屬新豐縣生逢聖代無征戰慣聽梨園歌管聲
不識旗槍與弓箭無何天寶大徵兵戶有三丁點一丁
點得驅將何處去五月萬里雲南行聞道雲南有瀘水
左臂憑肩右臂折問翁臂折來幾年兼問致折何因緣
翁云貫屬新豐縣生逢聖代無征戰慣聽梨園歌管聲
不識旗槍與弓箭無何天寶大徵兵戶有三丁點一丁
點得驅將何處去五月萬里雲南行聞道雲南有瀘水

椒花落時瘴烟起大軍徒涉水如湯未過十人二三死
村南村北哭聲哀兒別爺娘夫別妻皆云前後征蠻者
千萬人行無一回是時翁年二十四兵部牒中有名字
夜深不敢使人知偷將大石槌折臂張弓簸旗俱不堪
從茲始免征雲南骨碎筋傷非不苦且圖揀退歸鄉土
此臂折來六十年一肢雖廢一身全至今風雨陰寒夜
直到天明痛不眠痛不眠終不悔且喜老身今獨在不
然當時瀘水頭身死魂孤骨不收應作雲南望鄉鬼萬

人苦最多少亦苦老亦苦少苦老苦兩如何君不見昔
時呂尚美人賦又不見今日上陽宮人白髮歌

人家上哭呦呦老人言君聽取君不聞開元宰相宋開

府不賞邊功防黷武又不聞天寶宰相楊國忠欲求恩

幸立邊功未立生人怨請問新豐折臂翁

大意亦本之杜甫兵車行前後出塞等篇借老翁口中說出便不傷於直遂促促刺刺如聞其聲而窮兵黷武之禍不待言矣末又以宋璟楊國忠比勘開元天寶治亂之機具分於此前事不忘後事之師也可謂詩史

司天臺 引古以儆今也

欽定四庫全書

御選唐宋詩辭

七

司天臺仰觀俯察天人際義和死來職事廢官不求賢

空取藝術昔聞西漢元成間下陵上替謫見天北辰微暗

少光色四星煌煌如火赤耀芒動角射三台上台半滅中台坼是時非無太史官眼見心知不敢言明朝趨入明光殿唯奏慶雲壽星見天文時變兩如斯九重天子

不得知不得知安用臺高百尺為

捕蝗 刺長吏也

捕蝗捕蝗誰家子天熱日長飢欲死興元兵後傷陰陽

和氣盡蠹化為蝗始自兩河及三輔荐食如蠶飛似雨

雨飛蠶食千里間不見青苗空赤土河南長吏言憂農

課人晝夜捕蝗蟲是時粟斗錢三百蝗蟲之價與粟同

捕蝗捕蝗竟何利徒使饑人重勞費一蝗雖死百蝗來豈將人力勝天災我聞古之良吏有善政以政驅蝗蝗出境又聞貞觀之初道欲昌文皇仰天吞一蝗一人有慶兆民賴是歲雖蝗不為害

姚崇之法至今重之固將以人力救天災也詩意不主

欽定四庫全書

御選唐宋詩辭

八

捕蝗正以有向上一層在

昆明春 思王澤之廣被也

自注貞元
中始派泛

昆明春昆明春春池岸古春流新影浸南山青滉漾波沉西日紅絳淪往年因旱池枯竭龜尾曳塗魚喰沫詔開八水注恩波千介萬鱗同日活今來淨漾水照天游魚鱗鱗蓮田田洲香杜若抽心短沙暖鴛鴦鋪翅眠動植飛沉皆性遂皇澤如春無不被漁者仍豐網罟資貧人久獲菰蒲利詔以昆明近帝城官家不得收其征菰

蒲無租魚無稅近水之人感君惠感君惠獨何人吾聞

率土皆王民遠民何疎近何親願推此惠及天下無遠
無近同忻忻吳興山中罷榷茗鄱陽坑裏休封銀天涯
地角無禁利熙熙同似昆明春

城鹽州 美聖謨而誚邊將也

自注貞元壬申歲特詔城之

城鹽州城鹽州城在五原原上頭蕃東節度鉢闡布忽
見新城當要路金鳥飛傳贊普聞建牙傳箭集羣臣君
臣顏面有憂色皆言勿謂唐無人自築鹽州十餘載左

社鴈來不犯塞晝牧牛羊夜捉生長去新城百里外諸

邊急警勞成人唯此一道無煙塵靈夏潛安誰復辨秦

原暗通何處見鄜州驛路好馬來長安藥肆苦著賤城
鹽州鹽州未城天子憂德宗按圖自定計非關將畧與
廟謀吾聞高宗中宗世北虜猖狂最難制韓公創築受
降城三城鼎峙屯漢兵東西亘絕數千里耳冷不聞胡
馬聲如今邊將非無策心笑韓公築城壁相看養寇為
身謀各握強兵固恩澤願分今日邊將恩褒贈韓公封

子孫誰能將此鹽州曲翻作歌詞聞至尊

按新唐書吐蕃傳自虜得鹽州塞防無以障遏而靈武
單露廊坊侵迫寇日以騎數入為邊患貞元八年帝詔

城之九年訖功而虜兵不出嗣後韋皋等屢破其兵取

新城拔木恭顯二城禽其將乞悉範獻京師治憲宗初
遣使修好朝貢歲入鉢闡布者虜浮屠豫國事者也金
鳥飛傳者虜曰飛鳥猶傳騎也詩中叙事源委井然未
又挿入張仁愿築受降城事為當時邊將擁兵玩寇者

欽定四庫全書

御選唐宋詩醇

+
九

欽定四庫全書一

御選唐宋詩醇

九

十

道州民 美贊臣遇明主也

道州民多侏儒長者不過三尺餘市作矮奴年進奉號
為道州任土貢任土貢寧若斯不聞使人生別離老翁
哭孫母哭兒一自陽城來守郡不進矮奴頻詔問城云
臣按六典書任土貢有不貢無道州水土所生者只有
矮民無矮奴吾君感悟璽書下歲貢矮奴宜悉罷道州
民老者幼者何欣欣父兄子弟始相保從此得作良人

身道州民民到於今受其賜欲說使君先下淚仍恐兒孫忘使君生男多以陽為字

詔書何可違也正言之不可遜辭以謝之而民被其澤矣入情人理解人不當如是耶宋鮮于侁不敢青苗錢亦同此意

蠻子朝 刺將騎而相備位也

蜀川過蜀將收功先表賀臣聞雲南六詔蠻東連牂狗

欽定四庫全書

御選唐宋詩醇
卷二十

十一

西連蕃六詔星居初瑣碎合為一詔漸强大開元皇帝雖聖神唯蠻倔強不來賓鮮于仲通六萬卒征蠻一陳全軍沒至今西洱河岸邊箭孔刀痕滿枯骨誰知今日

慕華風不勞一人蠻自通誠由陛下休明德亦賴微臣

誘諭功德宗省表知如此笑令中使迎蠻子蠻子道從

者誰何摩挲俗羽雙隈伽清平官持赤藤杖大將軍繫金咷嗟異牟尋男尋閭勸特勅召對延英殿上心貴在懷遠蠻引臨玉座近天顏冕旒不垂親勞侏賜衣賜食

移時對移時對不可得大臣相看有羨色可憐宰相施紫佩金章朝日唯聞對一刻

自鮮于仲通李宓構兵南詔喪師匱財西南無寧歲韋皋經畧十餘年僅能服之而中國之力已殲矣元微之詩云自居劇鎮無他績幸得蠻來固恩寵蓋刺臯也此詩命意畧同誠由陛下休明德二句寫出藩臣驕蹇之狀宰相備位尾大不掉唐室卒以不振矣

新唐書南蠻傳南詔官曰清平官所以決國事輕重

欽定四庫全書

御選唐宋詩醇
卷二十

十二

猶唐宰相也大軍將十二與清平官等列曹長以降繫金怯苴怯苴韋帶也按咷嗟與怯苴同大將軍恐是大軍將之訛

驃國樂 欲王化之先邇後遠也

貞元十七年來獻之

驃國樂驃國樂出自大海西南角雍羌之子舒難陁來獻南音奉正朔德宗立仗御紫庭鼙纊不塞為爾聽玉螺一吹椎髻聳銅鼓一擊文身踊珠纓炫轉星宿搖花鬢斗數龍蛇動曲終王子啟聖人臣父願為唐外臣左

右歡呼何翕習至尊德廣之所及須臾百辟詣閭門俯伏拜表賀至尊伏見驃人獻新樂請書國史傳子孫時有擊壤老農父暗測君心間獨語聞君政化甚聖明欲感人心致太平感人在近不在遠太平由實非由聲觀身理國國可濟君如心兮民如體體生疾苦心惜悽民得和平君愷悌貞元之民若未安驃樂雖聞君不歡貞元之民苟無病驃樂不來君亦聖驃樂驃樂徒喧喧不如聞此芻蕘言

新唐書南蠻傳驃古朱波也在永昌南二千里貞元中王雍羌聞南詔歸唐有內附心遣弟悉利移城主舒難陁獻其國樂至成都韋臯譜次其聲以其舞容樂器異常乃圖畫以獻其樂五譯而至德宗授舒難陁太僕卿遣還開州刺史唐次述驃國獻樂頌以獻按詩中舒難陁作雍羌之子與唐書異

縛戎人縛戎人耳穿面破驅入秦天子矜憐不忍殺詔縛戎人縛戎人達窮民之情也

徙東南吳興越黃衣小使錄姓名領出長安乘遞行身被金創面多瘠扶病徒行日一驛朝食飢渴費杯盤夜卧腥臊汚牀席忽逢江水憶交河垂手齊聲嗚咽歌其中一虜語諸虜爾苦非多我苦多同伴行人因借問欲說嘆中氣憤憤自云鄉管本涼原大厯年中沒落蕃一落蕃中四十載遣著皮裘繫毛帶唯許正朝服漢儀歛衣整巾潛淚垂誓心密定歸鄉計不使蕃中妻子知暗思幸有殘筋力更恐年衰歸不得蕃候嚴兵鳥不飛脫

身冒死奔逃歸晝伏宵行經大漠雲陰月黑風沙惡驚藏青冢寒草疎偷渡黃河夜冰薄忽聞漢軍鼙鼓聲路旁走出再拜迎游騎不聽能漢語將軍遂縛作蕃生配為辛苦度殘年涼原鄉井不得見胡地妻兒虛棄捐沒蕃被囚思漢土歸漢被劫為蕃虜早知如此悔歸來兩地寧如一處苦縛戎人戎人之中我苦辛自古此冤應未有漢心漢語吐蕃身

邊將冒功之狀無幸被俘之情曲曲傳出結語尤令人失笑

元微之詩自注云近制西邊每擒蕃酋例皆傳置南方不加勦戮

驪宮高 美天子重惜人之財力也

高高驪山上有宮朱樓紫殿三四重遲遲兮春日玉甃

煖兮溫泉溢嫋嫋兮秋風山蟬鳴兮宮樹紅翠華不來

兮歲月久牆有衣兮瓦有松吾君在位已五載何不一

百鍊鏡鎔範非常規日辰處所靈且祇江心波上舟中鑄五月五日日午時瓊粉金膏磨瑩已化為一片秋潭水鏡成將獻蓬萊宮楊州長吏手自封人間臣妾不合照背有九五飛天龍人人呼為天子鏡我有一言聞太宗太宗常以人為鏡鑒古鑒今不鑒容四海安危居掌內百王治亂懸心中乃知天子別有鏡不是楊州百鍊銅

青石 激忠烈也

幸乎其中西去都門幾多地吾君不遊有深意一人出兮不容易六宮從兮百司備八十一車千萬騎朝有宴飲暮有賜中人之產數百家未足充君一日費吾君修己人不知不自逸兮不自嬉吾君愛人人不識不傷財兮不傷力驪宮高兮高入雲君之來兮為一身君之不

來兮為萬人

格調摹驗詞氣特婉約

百鍊鏡 辨皇王鑒也

百鍊鏡 辨皇王鑒也

百鍊鏡 辨皇王鑒也

百鍊鏡 辨皇王鑒也

百鍊鏡 辨皇王鑒也

石不能言我代言發端竒特後半未出二人寫得凜凜

有生氣不忠不烈者讀之故應汗下

西涼伎 刺封疆之臣也

銀帖齒奮迅毛衣擺雙耳如從流沙來萬里紫鬚深目
兩胡兒鼓舞跳梁前致辭應似涼州未陷日安西都護

進來時須臾云得新消息安西路絕歸不得泣向獅子
涕雙垂涼州陷沒知不知獅子回頭向西望哀吼一聲

欽定四庫全書

御選唐宋詩醇

七

觀者悲貞元邊將愛此曲醉坐筭看看不足娛賓犒士

宴監軍獅子胡兒長在目有一征夫年七十見弄涼州

低面泣罷歎手白將軍主憂臣辱昔所聞自從天寶

兵戈起夫戎日夜吞西鄙涼州陷來四十年河隴侵將

七千里平時安西萬里疆今日邊防在鳳翔緣邊空屯

十萬卒飽食溫衣閒過日遺民腸斷在涼州將卒相看

無意收天子每思常痛惜將軍欲說合慚羞奈何仍看

西涼伎取笑資歡無所媿縱無智力未能收忍取西涼

弄為戲

前半叙事却挿入應似涼州未陷日二句所謂橫空盤
硬語也涼州陷來四十年四句與前相映筆力排奡彷

彿似杜結處仍是香山本色

八駿圖 誠奇物懲佚游也

穆王八駿天馬駒後人愛之寫為圖背如龍兮頸如象
骨竦筋高脂肉壯日行萬里疾如飛穆王獨乘何所之
四荒八極踏欲遍三十二蹄無歇時屬車軸折趁不及

欽定四庫全書

御選唐宋詩醇

六

黃屋草生棄若遺瑤池西赴王母宴七廟經年不親薦
璧臺南與盛姬遊明堂不復朝諸侯白雲黃竹歌聲動
一人荒樂萬人愁周從后稷至文武積德累功世勤苦
豈知纔及四代孫心輕王業如灰土由來尤物不在大
能蕩君心即為害文帝却之不肯乘千里馬去漢道興
穆王得之不為戒八駿駒來周室壞至今此物尚稱珍
不知房星之精下為怪八駿圖君莫愛

澗底松 念寒雋也

有松百尺大十圍生在澗底寒且卑澗深山險人路絕老死不逢工度之天子明堂欠梁木此求彼有兩不知誰諭蒼蒼造物意但與之材不與地金張世祿原憲貧牛衣寒賤貂蟬貴貂蟬與牛衣高下雖有殊高者未必賢下者未必愚君不見沉沉海底生珊瑚歷歷天上種白榆

松是喻意金張原憲是正意一結仍用喻意比擬恰合

原憲貧或作黃憲賢者誤黃憲為牛醫兒與牛衣無

涉

牡丹芳 美天子憂農也

牡丹芳牡丹芳黃金榮綻紅玉房千片赤英霞爛爛百枝絳點燈煌煌照地初開錦繡段當風不結蘭麝囊仙人琪樹白無色王母桃花小不香宿露輕盈汎紫靄朝

陽照耀生紅光紅紫二色間深淺向背萬態隨低昂映葉多情隱羞面臥叢無力含醉妝低嬌笑容疑掩口凝思怨人如斷腸穠姿貴彩信奇絕雜卉亂花無北方石

欽定四庫全書

御選唐宋詩醇

十九

欽定四庫全書

御選唐宋詩醇

十九

人知可歎息我願暫求造化力減却牡丹妖靄色少迴卿士愛花心同似吾君憂稼穡

極寫牡丹之穠麗忽接三代以還文勝質四句迂腐語聳然奪目下乃接元和天子憂農桑一段正意便覺峭折有波瀾若低手為之則一直說下耳

容齋隨筆曰歐陽公牡丹釋名云牡丹初不載文字唐人如沈宋元白之流皆善咏花當時有一花之異彼必形於篇什而寂無傳焉唯劉夢得有咏魚朝恩

宅牡丹詩但云一叢千朵而已亦不云其美且異也
予按白公集有白牡丹一篇十四韻又秦中吟買花
一章云共道牡丹時相隨買花去而諷諭樂府有牡
丹芳一篇絕道花之妖艷至有一城之人皆若狂之
語又寄微之百韻詩云崇敬牡丹期注崇敬寺牡丹
花多與微之有期又有惜牡丹詩元微之有永壽寺
看牡丹詩八韻和樂天秋題牡丹叢三韻酬胡三咏牡
丹一絕又有五言二絕句許渾亦云近來無奈牡丹
欽定四庫全書
御選唐宋詩醇
卷二十
主

錦花冷不如此琰溫且柔年年十月來宣州宣州太守
加樣織自謂為臣能竭力百夫同擔進宮中線厚絲多
卷不得宣州太守知不知一丈琰千兩絲地不知寒人
要暖少奪人衣作地衣
通首直叙到底出以徑遂所謂長於激也
杜陵叟 傷農夫之困也
杜陵叟杜陵居歲種薄田一頃餘三月無雨旱風起麥
苗不秀多黃死九月降霜秋早寒禾穗未熟皆青乾長
欽定四庫全書
御選唐宋詩醇
卷二十
主

吏明知不申破急歛暴徵求考課典桑賣地納官租明
年衣食將何如剥我身上帛奪我口中粟虐人害物即
豺狼何必鈎爪鋸牙食人肉不知何人奏皇帝帝心惻
隱知人弊白麻紙上書德音京畿盡放今年稅昨日里
胥方到門手持尺牒榜鄉村十家租稅九家畢虛受吾
君蠲免恩
從古及今善政之不能及民者多矣一結慨然思深可
為太息

紅線琰 夏蠶桑之費也
紅線琰擇繭繅絲清水煮揀絲練線紅藍染染為紅線
紅於藍織作披香殿上琰披香殿廣十丈餘紅線織成
可殿鋪絲絲茸茸香拂拂線軟花虛不勝物美人蹋上
歌舞來羅襪繡鞶隨步沒太原琰澀毳縷硬蜀都襍薄

賣炭翁 苦宮市也

賣炭翁伐薪燒炭南山中。滿面塵灰煙火色。兩鬢蒼蒼十指黑。賣炭得錢何所營。身上衣裳口中食。可憐身上衣正單。心憂炭賤願天寒。夜來城外一尺雪。曉駕炭車輶冰轍。牛困人餽日已高。市南門外泥中歇。翩翩兩騎來是誰。黃衣使者白衫兒。手把文書口稱勅。回車叱牛牽向北。一車炭千餘斤。官使驅將惜不得。半匹紅紗丈綾繫向牛頭充炭直。

欽定四庫全書

御選唐宋詩醇

卷二十一

欽定四庫全書

御選唐宋詩醇

六首

直書其事而其意自見更不用著一斷語

陰山道 疾貪虜也

陰山道。陰山道。紇肥水泉好。每至戎人送馬時。道傍千里無纖艸。盡泉枯馬病羸。飛龍但印骨與皮。五

十匹練易一匹。練去馬來無了日。養無所用去非宜。每

歲死傷十六七。練絲不足女工苦。疎織短截充匹數。繭絲蛛網三丈餘。回鶻訴稱無用處。咸安公主號可敦。遠為可汗頻奏論。元和二年下新勅。內出金帛酬馬直。仍

詔江淮馬價織。從此不令疎短織合羅。將軍呼萬歲。捧授金銀與繚絲。誰知黠虜啟貪心。明年馬多來一倍。繚

漸好馬漸多。陰山虜奈爾何。

舊唐書回紇傳。回紇恃功自乾元後屢遣使以馬和市。繒帛仍歲來市。以馬一匹易絹四十匹。動至數萬馬。蕃得帛無厭。我得馬無用。朝廷甚苦之。大歷八年十一月。回紇使使領馬萬匹來市。代宗以馬價出於租賦。不欲重困民命。有司量入許市六千匹。按元微

之詩自注。李傳云。元和二年有詔悉以金銀酬回鶻。馬價新舊唐書俱不載。此詔是詩叙事極詳。可以補史傳之所不及。又按詩中五十匹織易一匹。新舊唐書俱作四十匹。亦與此異。未知孰是。

鹽商婦 惡幸人也

鹽商婦多金帛。不事田農與蠶績。南北東西不失家風。水為鄉船作宅本。是揚州小家女嫁得西江大商客。綠鬟富去金釵多。皓腕肥來銀釧窄。前呼蒼頭後叱婢。問

爾因何得如此壻作鹽商十五年不屬州縣屬天子每

年鹽利入官時少入官家多入私官家利薄私家厚鹽

鐵尚書遠不知何況江頭魚米賤紅鱘黃橙香稻飯飽

食濃妝倚枕樓兩朵紅顛花欲綻鹽商婦有幸嫁鹽商

終朝美飯食終歲好衣裳好衣美食來何處亦須慚媿

桑宏羊桑宏羊死已久不獨漢世今亦有

杏為梁刺居處僭也

杏為梁柱為柱何人堂室李開府碧砌紅軒色未乾去

欽定四庫全書

御選唐宋詩辭

二十一

欽定四庫全書

御選唐宋詩辭

卷二十一

二十六

年身沒今移主高其牆大其門誰家第宅盧將軍素泥
朱板光未滅今歲官收別賜人開府之堂將軍宅造未成
時頭已白逆旅重居逆旅中心是主人身是客更有
愚夫念身後心雖甚長計非久窮奢極麗越規模付子
傳孫令保守莫教門外過客聞撫掌回頭笑殺君君不見
馬家宅尚猶存宅門題作奉誠園君不見魏家宅屬
他人詔贖賜還五代孫儉存奢失今在日安用高牆圍

大屋

此詩與前傷宅一首大意相似後又引出魏徵宅一層

勸戒俱備

新唐書李師道上私錢六百萬為魏徵贖故第

居易言徵任宰相太宗用殿材成其正寢後嗣

不能守陛下猶宜以賢者子孫贖而賜之師道

人臣不宜掠美帝從之文集中有論魏徵舊宅

狀

紫毫筆誠失職也

欽定四庫全書

御選唐宋詩辭

卷二十一

二十六

紫毫筆尖如錐兮利如刀江南石上有老兔喫竹飲泉
生紫毫宣城工人采為筆千萬毛中揀一毫毫雖輕功
甚重管勒工名充歲貢君兮臣兮勿輕用勿輕用將何
如願賜東西府御史願頒左右臺起居搦管趨入黃金
闕抽毫立在白玉除臣有奸邪正衙奏君有動言直筆
書起居郎侍御史爾知紫毫不易致每歲宣城進筆時

隋堤柳憫亡國也

隋堤柳歲久年深盡衰朽風飄飄兮雨蕭蕭三株兩株
汴河口老枝病葉愁殺人曾經大業年中春大業年中
煬天子種柳成行夾流水西至黃河東至淮綠影一千
三百里大業末年春暮月柳色如煙絮如雪南幸江都
恣佚遊應將此柳繫龍舟紫髯郎將護錦纜青蛾御史
直迷樓海內財力此時竭舟中歌笑何日休上荒下困
勢不久宗社之危如綴旒煬天子自言福祚長無窮宣
知皇子封鄆公龍舟未過彭城閣義旗已入長安宮蕭

欽定四庫全書

御選唐宋詩醇

卷二十一

欽定四庫全書

御選唐宋詩醇

卷二十一

牆禍生人事變晏駕不得歸秦中土墳數尺何處葬吳
公臺下多悲風二百年來汴河路沙草和烟朝復暮後
王何以覽前王請看隋堤亡國樹
一起似謠似謠最有古意詳叙興亡之事仍以柳結俯
仰情深

秦吉了 哀冤民也

秦吉了出南中彩毛青黑花頸紅耳聰心慧舌端巧鳥
語人言無不通昨日長爪鳶今朝大觜鳥鳶捎乳燕一

窠覆烏啄母雞雙眼枯雞號隋地燕驚去然後拾卵攫
其雛豈無雕與鷄嗉中肉飽不肯搏亦有鸞鶴羣閑立
高颺如不聞秦吉了人云爾是能言鳥豈不聞雞燕之
冤苦吾聞鳳凰百鳥主爾竟不為鳳凰之前致一言安
用噪噪閑言語

采詩官 監前王亂亡之由也

采詩官采詩聽歌道人言言者無罪聞者誠下流上通
上下泰周滅秦興至隋氏十代采詩官不置郊廟登歌

欽定四庫全書

御選唐宋詩醇

卷二十一

讚君美樂府豔詞悅君意若求興諭規刺言萬句千章
無一字不是章句無規刺漸恐朝廷絕諷議諫臣杜口
為冗員諫鼓高懸作虛器一人負戾常端默百辟入門
兩自媚夕郎所賀皆德音春官每奏唯祥瑞君之堂兮
千里遠君之門兮九重闕君耳唯聞堂上言君眼不見
門前事貪吏害民無所忌奸臣蔽君無所畏君不見厲
王胡亥之末年羣臣有利君無利君兮君兮願聽此欲
開壅蔽達人情先向歌詩求諷刺

末章總結言者無罪聞者誠一語申明作詩之旨隱然

自附於三百篇之義也諸篇全倣杜甫新安石壕垂老

無家等作諷刺時事婉而多風其不及杜者只筆力之

縱橫格調之變化耳

郭茂倩曰新樂府者皆唐世之新歌也以其辭實樂府而未盡被於聲故曰新樂府大抵皆以諷諭為體欲以播於樂章歌曲焉

汪立名曰按元微之集有和李校書新題樂府上陽

白髮人華原磬等十二首序云予友李公垂貺予樂府新題二十首雅有所謂不虛為文予取其病時之尤急者列而和之蓋十二而已云云語未嘗及白而

此序中又不言和李作當是因李作而推廣者

御選唐宋詩醇卷二十

欽定四庫全書薈要

御選唐宋詩醇卷二十一

太原白居易詩三

目錄

病假中南亭門望

官舍小亭閒望

和錢員外禁中夙興見示

松聲

禁中寓直夢游仙遊寺

秋山

題楊穎士西亭

秋遊原上

閒居

遊悟真寺詩

朝回遊城南

舟行

泛溢水

晚望

遊石門澗

香鑪峯下新置草堂即事咏懷題於石上

長慶二年七月自中書舍人出守杭州路次藍溪

作

自蜀江至洞庭湖口有感而作

立春後五日

欽定四庫全書

御選唐宋詩醇

二

別元九後咏所懷

初與元九別後忽夢見之及寤而書適至兼寄桐

花詩悵然感懷因以此寄

秋江送客

溪中早春

渭村雨歸

寄微之三首

孟夏思渭村舊居寄舍弟

南湖晚秋

早秋晚望兼呈韋侍御

司馬宅

寄王質夫

送客回晚興

東樓竹

東坡種花二首

步東坡

欽定四庫全書

御選唐宋詩醇

三

竹牕

御選唐宋詩醇卷二十一目錄

欽定四庫全書
唐宋詩醇卷二十一

集部

御選唐宋詩醇卷二十一

太原白居易詩三

病假中南亭閒望

歌枕不視事兩日門掩闌始知吏役身不病不得閒閒意不在遠小亭方丈間西簷竹梢上坐見太白山遙嵬峯上雲對此塵中顏

神韻酷似淵明西簷二句亦摹採菊東籬下語意

欽定四庫全書

御選唐宋詩醇
卷二十一

官舍小亭閒望

風竹散清韻煙槐凝綠姿日高人吏去閒坐在茅茨葛衣禦時暑蔬飯療朝飢持此聊自足心力少營為亭上獨吟罷眼前無事時數峯太白雪一卷陶潛詩人心各自是我是良在茲迴謝爭名客甘從君所嗤

太白雪陶潛詩隨意所會綴而成文不相合而相合

和錢員外禁中夙興見示

膾白星漢曙牕暖燈火餘坐卷朱裏幕看封紫泥書宵

宵鐘漏盡瞳瞳霞景初樓臺紅照耀松竹青扶疎君愛此時好迴頭特謂余不知上清界曉景復何如

松聲
自注修竹里張家宅南亭作

月好好獨坐雙松在前軒西南微風來潛入枝葉間蕭寥發為聲半夜明月前寒山颸颸雨秋琴泠泠弦一聞滌炎暑再聽破昏煩竟夕遂不寐心體俱翛然南陌車馬動西隣歌吹繁誰知茲簷下滿耳不為喧

清境可想

欽定四庫全書

御選唐宋詩醇
卷二十一

禁中寓直夢遊仙遊寺

西軒草詔暇松竹深寂寂月出清風來忽似山中夕因成西南夢夢作遊仙客覺聞宮漏聲猶謂山泉滴

酷似摩訥

秋山

久病曠心賞今朝一登山山秋雲物冷稱我清羸顏白石卧可枕青蘿行可攀意中如有得盡日不欲還人生無幾何如寄天地間心有千載憂身無一日閒何時解

塵網此地來掩關

題楊穎士西亭

靜得亭上境遠詣塵外蹤憑軒東南望鳥滅山重重竹露冷煩襟杉風清病容曠然宜真趣道與心相逢即此可遺世何必蓬壺峯

秋遊原上

七月行已半早涼天氣清清晨起巾櫛徐步出柴荆露杖筇竹冷風襟越蕉輕閒攜弟姪輩同上秋原行新棗未全赤晚瓜有餘馨依依田家叟設此相逢迎自我到此村往往白髮生村中相識久老幼皆有情留連向暮歸樹樹風蟬鳴是時新雨足禾黍夾道青見此令人飽何必待西成

樸實說去一片真趣流行非徒擬王儲田家詩也

間居

深閑竹間扉靜掃松下地獨嘯晚風前何人知此意看山盡日坐枕帙移時睡誰能從我遊使君心無事

蕭疏蘊藉

遊悟真寺詩一百三
十韻

元和九年秋八月月上弦我遊悟真寺寺在王順山去山四五里先聞水潺湲自茲舍車馬始涉藍溪灣手拄青竹杖足蹋白石灘漸怪耳目曠不聞人世喧山下望山上初疑不可攀誰知中有路盤折通巖巔一息幡竿下再休石龕邊龕間長丈餘門戶無扃闥俯窺不見人石髮垂若鬟鬢驚出白蝙蝠雙飛如雪翻回首寺門望青

崖夾朱軒如擘山腹開置寺於其間入門無平地地窄虛空寬房廊與臺殿高下隨峯巒巖崿無撮土樹木多

欽定四庫全書

卷二十一

四

御選唐宋詩醇

瘦堅根株抱石長屈曲蟲蛇蟠松桂亂無行四時鬱芊芊枝梢嫋青翠韻若風中弦日月光不透綠陰相交延幽鳥時一聲聞之似寒蟬首憩賓位亭就坐未及安須臾開壯戶萬里明豁然拂簷虹霏微遙棟雲回旋赤日

間白雨陰晴同一川莖綠簇艸樹眼界吞秦原渭水細不見漢陵小於拳却顧來時路紫紺映朱闌厯厯上山

人一一遙可觀前對多寶塔風鐸鳴四端樂櫨與戶牖
恰恰金碧繁云昔迦葉佛在此坐涅槃至今鐵鉢在當
底手跡穿西開玉像殿白佛森比肩斗數塵埃衣禮拜
冰雪顏疊霜為袈裟貫電為華鬢逼觀疑鬼功其跡非
雕鐫次登觀音堂未到聞旃檀上階脫雙履歛足升淨
筵六楹排玉鏡四座敷金鉢黑夜自光明不待燈燭燃
衆寶互低昂碧珮珊瑚幡風來似天樂相觸聲珊瑚白
珠垂露凝赤珠滴血殷點綴佛髻上合為七寶冠雙瓶

欽定四庫全書

御選唐宋詩辭

五

白琉璃色若秋水寒隔瓶見舍利圓轉如金丹玉笛何
代物天人施祇園吹如秋鶴聲可以降靈仙是時秋方
中三五月正圓寶堂豁三門金魄當其前月與寶相射
晶光爭鮮妍照人心骨冷竟夕不欲眠曉尋南塔路亂
竹低嬋娟林幽不逢人寒蝶飛翾羈山果不識名離離
紙錢若歲有水旱詔使修蘋蘩以地清淨故獻奠無葷
羶危石疊四五巔嵬欹且剝造物者何意堆在巖東偏

冷滑無人跡苔點如花牋我來登上頭下臨不測淵目
眩手足掉不敢低頭看風從石下生薄人而上搏衣服
似羽翩開張欲飛騫雙雙三面峯峯尖刀劍攢往往白
雲過決開露青天西北日落時夕暉紅團團千里翠屏
外走下丹砂丸東南月上時夜氣青漫漫百丈碧潭底
寫出黃金盤藍水色似藍日夜長潺潺周迴繞山轉下
視如青環或鋪為慢流或激為奔湍泓澄最深處浮出
蛟龍涎側身入其中懸磴尤險艱捫蘿踏樅木下逐飲
欽定四庫全書

御選唐宋詩辭

六

澗猿雪迸起白鷺錦跳驚紅鱸歇定方盥漱濯去支體
煩淺深皆洞徹可照腦與肝但愛清見底欲尋不知源
東崖饒怪石積梵蒼琅玕溫潤發於外其間韞瓈璠卞
和死已久良玉多棄捐或時洩光彩夜與星月連中頂
最高峯柱天青玉竿聳巔上不得豈我能攀援上有白
蓮池素葩覆清瀾聞名不可到處所非人寰又有一片
石大如方尺甃挿在半壁上其下萬仞懸云有過去師
坐得無生禪號為定心石長老世相傳却上謁仙祠蔓

草生綿綿昔聞王氏子羽化升上玄其西懸藥臺猶對
步术田時復明月夜上聞黃鶴言廻尋畫龍堂二叟鬚
髮斑想見聽法時歡喜禮印壇復歸泉窟下化作龍蜿
蜒階前石孔在欲雨生白煙往有寫經僧身靜心精專
感彼雲外鷁羣飛千翩翩來添硯中水去吸巖底泉一
日三往復時節長不憊經成號聖僧弟子名揚難誦此
蓮花偈數滿百億千身壞口不壞舌根如紅蓮顱骨今
不見石函尚存焉粉壁有吳畫筆彩依舊鮮素屏有褚
欽定四庫全書
御選唐宋詩醇
卷二十一
七

書墨色如新乾靈境與異跡周覽無不殫一遊五晝夜
欲返仍盤桓我本山中人誤為時網牽牽率使讀書推
挽令効官既登文字科又忝諫諍員拙直不合時無益
同素餐以此自慚惕戚戚常寡歡無成心力盡未老形
骸殘今來脫簪組始覺離憂惠及為山水遊彌得縱疎
頑野麋斷羈絆行走無拘繩游魚放入海一往何時還
身著居士衣手把南華篇終來此山住永謝區中緣我
今四十餘從此終身閒若以七十期猶得三十年

洋洋灑灑一氣讀去幾於千巖競秀萬壑爭流目不給
賞矣就其中細尋之則步驟井然一絲不紊首四句點
清因遊寺而登山並年月日俱細敘出去山四五里至
置寺於其間寫寺外之景曲折靈異迥隔塵世如入仙
境妙在以回頭寺門望四句作一頓遂覺心神蕩漾宛
是初到神情入門無平地一句作提筆至聞之似寒蟬
叙寺中路逕之逶迤樹木之蒼鬱首憩賓位亭至可以
降靈仙細敘寺中所歷之境與相傳之法物開北戶而
前行又回顧而見來路是以對多寶塔也玉像殿觀音
堂皆寺西界是時秋方中至竟夕不欲眠摹寫夜中之
景與八月月上弦一句相映又作一束曉尋南塔路至
欲返仍盤桓歷敘連日所遊之境變化出之由南而東
而中而上不言北者自入寺門大抵皆向北行也其間
有神像有峯巖有水有怪石有白蓮有祠有臺有蓋有
書細細寫出日落月上復帶敘次日由晝入夜之景更
不拖沓寫經僧誦經弟子只虛寫在傳聞上敘出靈境

與異跡四句作一總束一遊五晝夜又與八月月上弦照應我本山中人至未收足遊字意四十餘三十年又與元和九年照應細玩全詩分明以作記序手筆用之於詩韓愈南山詩以奇肆勝此以秀折勝可謂匹敵謝靈運遊山

詩柳宗元山水記素稱奇構以彼方此不無廣狹之別矣

朝回遊南城

朝退馬未困秋初日猶長回轡城南去郊埜正清涼水竹夾小徑萦廻繞川崗仰看晚山色俯弄秋泉光青松

欽定四庫全書

御選唐宋詩醇

九

欽定四庫全書

御選唐宋詩醇

+

繫我馬白石為我牀常時簪組累此日和身忘旦隨鶴鷺末暮遊鷗鶴傍機心一以盡兩處不亂行誰辨心與跡非行亦非藏

機心既盡行藏自如居易一生真實受用在此

舟行自注路上作江州

帆影日漸高閑眠猶未起起問鼓枻人已行三十里船

頭有行竈炊稻烹紅鯉飽食起婆娑盥漱秋江水平生

滄浪意一旦來遊此何況不失家舟中載妻子

遷謫遠行絕不作牢騷語非實有見地者不能如謝靈運初發石首城便云蒼蒼萬里帆茫茫將何之豈復成員襟耶

泛溢水

四月末全熟麥涼江氣秋湖山處處好最愛溢水頭溢水從東來一派入江流可憐似紫帶中有隨風舟命酒一臨泛舍鞍揚棹謳放廻岸傍馬去逐波間鷗煙浪始渺渺風襟亦悠悠初疑上河漢中若尋瀛洲汀樹綠拂

欽定四庫全書

御選唐宋詩醇

+

地沙草芳未休青蘿與紫葛蔓垂相繆繫纜步平岸回頭望江州城雉映水見隱隱如蜃樓日入意未盡將歸復少留到官行半歲今日方一遊此地來何暮可以

寫吾憂

寫情如畫

晚望

江城寒角動沙洲夕鳥還獨在高亭上西南望遠山

小詩極有氣勢集中尤難得者

遊石門澗

石門無舊徑披榛訪遺跡時逢山水秋清輝如古昔常聞慧遠草題詩此巖壁雲覆苔封蒼然無處覓蕭疏野生竹崩剥多年石自從東晉後無復人遊厯獨有秋澗聲潺湲空旦夕

汪立名曰按石門澗有二處一在江州太平寰宇記

云石門澗在廬山西懸崖對聳形如闕當雙石之間懸流數丈有一石可坐二十許人一在杭州西湖咸

欽定四庫全書

御選唐宋詩

卷二十一

土

淳臨安志云武林山石門澗陸羽二寺記云南有巖巖舊有卧龍石橫澗石慈雲法師種松於此然詩中
有慧遠題詩語自是江州作西湖志亦收此詩誤也
香鑪峯下新置草堂即事咏懷題於石上

香鑪峯北面遺愛寺西偏白石何鑿鑿清流亦潺潺有
松數十株有竹千餘竿張翠繖蓋竹倚青琅玕其下
無人居悠哉多歲年有時聚猿鳩終日空風煙時有沉
冥子姓白字樂天平生無所好見此心依然如獲終老

地忽乎不知還架巖結茅宇廝寢開茶園何以洗我耳

屋頭飛落泉何以淨我眼砌下生白蓮左手攜一壺右手挈五弦傲然意自足箕踞於其間興酣仰天歌歌中聊寄言言我本野夫誤為世網牽時來昔捧日老去今歸山倦鳥得茂樹涸魚返清源舍此欲焉往人間多險

艱

草堂結構四圍景致詳於記中此詩只淡淡寫去自具朴老之致

欽定四庫全書

御選唐宋詩

卷二十一

三

草堂記匡廬奇秀甲天下山山北峯曰香鑪峯北寺曰遺愛寺介峯寺間其境勝絕又甲廬山元和十一年秋太原人白樂天見而愛之若遠行客過故鄉戀戀不能去因面峯腋寺作為草堂明年春草堂成三間兩柱二室四牖廣袤豐殺一稱心力洞北戶來陰風防徂暑也敞南堦納陽日虞祁寒也木斲而已不加丹牆圬而已不加白城階用石置希牕用紙竹簾紵幙率稱是焉堂中設木榻四素屏二漆琴一張儒道

佛書各三兩卷樂天既來為主仰觀山俯聽泉傍睨
竹樹雲石自辰及酉應接不暇俄而物誘氣隨外適
內和一宿體寧再宿心恬三宿後頽然嗒然不知其
然而然自問其故答曰是居也前有平地輪廣十丈
中有平臺半平地臺南有方池倍平臺環池多山竹
野卉池中生白蓮白魚又南抵石澗夾澗有古松老
杉大僅十人圍高不知幾百尺修柯戛雲低枝拂潭
如幢豎如蓋張如龍蛇走松下多灌叢蘿蕪葉蔓駢

欽定四庫全書

補遺唐宋詩譜

十三

欽定四庫全書

補遺唐宋詩譜

十四

織承翳日月光不到地盛夏風氣如八九月時下鋪
白石為出入道堂北五步據層崖積石嵌空垤塊雜
木異草蓋覆其上綠陰蒙蒙朱實離離不識其名四
時一色又有飛泉植茗就以烹燉好事者見可以永
日堂東有瀑布水懸三尺瀉階隅落石渠昏曉如練
色夜中如環珮琴筑聲堂西倚北崖右趾以剖竹架
空引崖上泉脈分綫懸自簷注砌累累如貫珠霏微
如雨露滴瀝飄灑隨風遠去其四傍耳目杖屨可及

者春有錦繡谷花夏有石門澗雲秋有虎谿月冬有
鑪峯雪陰晴顯晦昏旦含吐千變萬狀不可殫紀觀
縷而言故云甲廬山者噫凡人豐一屋華一簷而起
居其間尚不免有驕穩之態今我為是物主物至致
知各以類至又安得不外適內和體寧心恬哉昔永
遠宗雷輩十八人同入此山老死不反去我千載我
知其心以是哉矧予自思從幼迨老若白屋若朱門
凡所止雖一日二日輒覆簷土為臺聚拳石為山環
斗水為池其喜山水病癖如此一旦蹇剝來佐江郡
郡守以優容而撫我廬山以靈勝待我是天與我時
地與我所卒獲所好又何以求焉尚以冗員所羈餘
累未盡或往或來未遑寧處待予異時弟妹婚嫁畢
司馬歲秩滿出處行止得以自遂則必左手引妻子
右手抱琴書終老於斯以成就我平生之志清泉白
石實聞此言時三月廿七日始居新堂四月九日與
河南元集虛范陽張允中南陽張深之東西二林寺

長老湊朗滿晦堅等凡二十有二人具齋施茶果以落之因為草堂記

長慶二年七月自中書舍人出守杭州路次藍溪

作

太原一男子自顧庸且鄙老逢不次恩洗拔出泥滓既居可言地願助朝廷理伏閤三上章懇愚不稱旨聖人存大體優貳容不死鳳詔停舍人魚書除刺史冥懷齊寵辱委順遂行止我自得此心於茲十年矣餘杭乃名

欽定四庫全書

御選唐宋詩

五

欽定四庫全書

御選唐宋詩

六

郡郡郭臨江汜已想海門山潮聲來入耳昔予貞元末羈旅曾遊此甚覺太守尊亦諳魚酒美因生江海興每羨滄浪水尚擬拂衣行况今兼祿仕青山峰巒接白日煙塵起東道既不通改轍遂南指自秦窮楚越浩蕩五千里聞有賢主人而多好山水是行頗為愜所歷良可紀策馬渡藍溪勝遊從此始

中間以舊游一層作觀推波助瀾致有曲折

白文公年譜云時河朔復亂居易數上疏論其事天

子不能用遂求外任蓋穆宗荒縱宰相蕭俛杜元穎崔植等皆齷齪無遠畧宜公之不樂居朝也時汴軍亂路不通故由襄漢赴任

自蜀江至洞庭湖口有感而作

江從西南來浩浩無旦夕長波逐若薦連山鑿如劈千年不壅潰萬里無墊溺不爾民為魚大哉禹之績奠岷既艱遠距海無咫尺胡為不訖功餘水斯委積洞庭與青草大小兩相敵混合萬丈深淼茫千里白每歲秋夏

欽定四庫全書

御選唐宋詩

七

時浩大吞七澤水族窟穴多農人土地窄我今尚嗟嘆禹豈不愛惜邈未究其由想古觀遺跡疑此苗人頑恃險不終役帝亦無奈何畱患與今昔水流天地內如身有血脉滯則為疽疣治之在鍼石安得禹復生為唐水官伯手提倚天劍重來親指畫疏河似剪紙決壅同裂帛滲作膏腴田闢平魚鼈宅龍宮變閭里水府生禾麥

坐添百萬戶書我司徒籍

議論奇闢筆力亦渾勁與題稱集中此種絕少頗近昌

黎其源亦從杜甫劍門一篇脫胎

立春後五日

立春後五日春態紛婀娜白日斜漸長碧雲低欲墮殘
冰坼玉片新萼排紅顆遇物盡欣欣愛春非獨我迎芳
後園立就暖前檐坐還有惆悵心欲別紅爐火
遇物盡欣欣二句即茂叔不除窓前草之意

別元九後咏所懷

零落桐葉雨蕭條槿花風悠悠早秋意生此幽閒中况

與故人別中懷正無悰勿云不相送心到青門東相知

豈在多但問同不同同心一人去坐覺長安空

初與元九別後忽夢見之及寤而書適至兼寄桐

花詩悵然感懷因以此寄

自注元九
初謫江陵

永壽寺中語新昌坊北分歸來數行淚悲事不悲君悠

悠藍田路自去無消息計君食宿程已過商山北昨夜

雲四散千里同月色曉來夢見君應是君相憶夢中握

君手問君意何如君言苦相憶無人可寄書覺來未及

說叩門聲冬冬言是商州使送君書一封枕上忽驚起
顛倒著衣裳開緘見手札一紙十三行上論遷謫心下
說離別腸心腸都未盡不暇叙炎涼云作此書夜夜宿
商州東獨對孤燈坐陽城山館中夜深作書畢山月向
西斜月下何所有一樹紫桐花桐花半落時復道正相
思殷勤書背後兼寄桐花詩桐花詩八韻思緒一何深
以我今朝意憶君此夜心一章三遍讀一句十回吟珍

重八十字字字化為金

一意百折往復纏綿極平極曲愈淺愈深覺兩人覩面
對語無此親切也杜甫於李白居易於元微之皆友誼
中最篤者故兩集中贈答詩真摯乃爾 悲事不悲君
一句見從前之上章論救不係於私情也此是篇中眼
目

舊唐書本傳居易與河南元稹相善同年登制舉交
情隆厚稹自監察御史謫為江陵府士曹掾翰林學
士李絳崔羣於上面論稹無罪居易累疏切諫不

報

秋江送客

秋鴻次第過哀猿朝夕聞是日孤舟客此地亦離羣
濛潤衣雨漠漠冒帆雲不醉潯陽酒烟波愁殺人

溪中早春

南山雪未盡陰嶺留殘白西澗水已消春溜含新碧東
風未幾日蟄動萌草坼潛知陽和功一日不虛擲愛此
天氣暖來拂溪邊石一坐欲忘歸暮禽聲噴噴蓬蒿隔

欽定四庫全書

御選唐宋詩醇

十九

欽定四庫全書

御選唐宋詩醇

二十

江州望通州天涯與地末有山萬丈高有江千里闊間
之以雲霧飛鳥不可越誰知千古險為我二人設通州
君初到鬱鬱愁如結江州我方去迢迢行未歇道路日
乖隔音信日斷絕因風欲寄語地遠聲不徹生當復相
逢死當從此別

桑棗隱映煙火夕歸來問夜食家人烹薺麥

通首寫早春之景一結言外有情悠然不盡

渭村雨歸

渭水寒漸落離離蒲稗苗閒傍沙邊立看人刈葦苦近
水風景冷晴明猶寂寥復茲夕陰起野思重蕭條蕭條
獨歸路暮雨濕村橋

意致簡遠極似韋應物

寄微之三首

孟夏思渭村舊居寄舍弟

噴噴雀引雛稍稍苟成竹時物感人情憶我故鄉曲故

園渭水上十載事樵牧手種榆柳成陰陰覆牆屋免隱
豆苗肥鳥鳴桑椹熟前年當此時與爾同遊曠詩書課
弟姪農圃資童僕日暮麥登場天晴蠶拆簇弄泉南澗
坐待月東亭宿興發飲數杯悶來棋一局一朝忽分散
萬里仍羈束井鮒思反泉籠鶯悔出谷九江地卑濕四
月天炎燠苦雨初入梅瘴雲稍含毒泥秧水畦稻灰種
畬田粟已訝殊歲時仍嗟異風俗間登郡樓望日落江
山綠歸雁拂鄉心平湖斷人目殊方我漂泊舊居君幽
獨何時同一瓢飲水心亦足

欽定四庫全書

御選唐宋詩醇

卷二十一

三

欽定四庫全書

御選唐宋詩醇

卷二十一

三

早秋晚望兼呈韋侍御

九派繞孤城城高生遠思人煙半在船野水多於地穿
霞日脚直驅鴈頭利去國來幾時江上秋三至夫君
亦淪落此地同飄寄憫默向隅心摧頽觸龍翅且謀眼
前計莫問胷中事潯陽酒甚濃相勸時時醉

司馬宅

雨徑綠蕪合霜園紅葉多蕭條司馬宅門巷無人過唯

對大江水秋風夕波

瀨江冷署如在目前

寄王質夫

憶始識君時愛君世緣薄我亦吏王畿不為名利著春

尋仙遊洞秋上雲居閣樓觀水潺潺龍潭花漠漠吟詩

石上坐引酒泉邊酌因話出處心期老巖壑忽從風

雨別遂被簪纓縛君作出山雲我為入籠鶴籠深鶴殘

悴山遠雲飄泊去處雖不同同負平生約今來各何在

在淮楚有弟在蜀道萬里何時來烟波白浩浩

南湖晚秋

八月白露降湖中水方老旦夕秋風多衰荷半傾倒手
攀青楓樹足蹋黃蘆草慘淡老容顏冷落秋懷抱有兄
在淮楚有弟在蜀道萬里何時來烟波白浩浩

計仍蕭索方含去國愁且羨從軍樂舊游疑是夢往事
思如昨相憶春又深故山花正落
前後叙交情中間忽作比體格調頗近建安一結有風致

送客回晚興

城上雲霧開沙頭風浪定參差亂山出淡泞平江淨行
客舟已遠居人酒初醒嫋嫋秋竹梢巴蟬聲似磬
江城風景逐層寫得淒涼筆墨之外逼出一愁字

欽定四庫全書

御選唐宋詩

卷二十一

三

東樓竹

瀟灑城東樓遙樓多修竹森然一萬竿白粉封青玉卷
簾疇初覺欹枕看未足影轉色入樓牀席生浮綠空城
絕賓客向夕彌幽獨樓上夜不歸此君留我宿

娟淨可愛

東坡種花二首

持錢買花樹城東坡上栽但購有花者不限桃杏梅百
果參雜種千枝次第開天時有早晚地力無高低紅者

霞靄靄白者雪皚皚遊蜂逐不去好鳥亦來棲前有長
流水下有小平臺時拂臺上石一舉風前杯花枝蔭我
頭花蕊落我懷獨酌復獨咏不覺月平西巴俗不愛花
竟春無人來唯此醉太守盡日不能廻

東坡春向暮樹木今何如漠漠花落盡翳翳葉生初每
日領童僕荷鋤仍決渠剗土壅其本引泉溉其枯小樹
低數尺大樹長丈餘封植來幾時高下齊扶疎養樹既
如此養民亦何殊將欲茂枝葉必先救根株云何救根
株勸農均賦租云何茂枝葉省事寬刑書移此為郡政

欽定四庫全書

御選唐宋詩

卷二十一

三

庶幾毗俗蘇

前一首細寫種花之趣靜觀物理及時行樂獨善之義
也後一首推廣言之與柳宗元郭橐駘種樹說同意兼
濟之志也妙在說得極纖悉極平淡乃具真實本領宋
儒謂杜子美情多得志必能濟物亦是此意陳蕃不事
掃除一室而欲經營天下宜其志大而才疎也勸農均
賦省事寬刑豈獨治一郡哉雖以治天下可矣

二老堂詩話曰蘇文忠公不輕許可獨敬愛樂天屢

形詩篇蓋其文章皆主辭達而忠厚好施剛直盡言

與人有情於物無著大畧相似謫居黃州始號東坡其原必起於樂天忠州之作也

步東坡

朝上東坡步夕上東坡步東坡何所愛愛此新成樹種植當歲初滋榮及春暮信意取次栽無行亦無數綠陰斜景轉芳氣微風度新葉鳥下來萎花蝶飛去閒攜斑

欽定四庫全書

御選唐宋詩醇

卷二十一

欽定四庫全書

御選唐宋詩醇

卷二十一

三五

竹杖徐曳黃麻屨欲識往來頻青苔成白路

容齋隨筆曰東坡居黃州始自稱東坡居士其意蓋專慕樂天而然如贈寫真李道士云他時要指集賢人知是商山老居士贈善相程傑云我似樂天君記取華顛賞遍洛陽春送程懿叔云我甚似樂天但無素與蠻入侍邇英云定是香山老居士世緣終淺道緣深去杭州云出處依稀似樂天敢將衰朽較前賢則公之所以景仰者不止一再言之非東坡之名偶

爾暗合也

竹牕

常愛輞川寺竹牕東北廊一別十餘載見竹未曾忘今春二月初卜居在新昌未暇作廐庫且先營一堂開牕

不糊紙種竹不依行意取北簷下牕與竹相當遙屋聲

淅淅逼人色蒼蒼烟通杳靄氣月透玲瓏光是時三伏天天氣熱如湯獨此竹牕下朝迴解衣裳輕紗一幅巾小簾六尺牀無客盡日靜有風終夜涼乃知前古人言事頗諳詳清風北牕卧可以傲羲皇

欽定四庫全書

御選唐宋詩醇

卷二十一

三六



總校官庶吉士臣張能照
校對官中書臣范 蘭
謄錄監生臣張若湘

欽定四庫全書叢要

集部
御選唐宋詩醇卷二十二

欽定四庫全書叢要

御選唐宋詩醇卷二十二

太原白居易詩四

目錄

江南遇天寶樂叟

醉後走筆酬劉五主簿長句之贈兼簡張大賈二
十四先輩昆季

畫竹歌

欽定四庫全書

御選唐宋詩醇
卷二十二 目錄

長恨歌

琵琶引

醉後狂言酬贈蕭殷二協律

秋江晚泊

代書詩一百韻寄微之

和談校書秋夜感懷呈朝中親友

感秋寄遠

春題華陽觀

詳校官原任主事臣李斯咏

集部

縣西郊秋寄贈馬造

早春獨遊曲江

江南送北客因憑寄徐州兄弟書

欽定四庫全書
唐宋詩醇卷二十二

太原白居易詩四

江南遇天寶樂叟

欽定四庫全書

御選唐宋詩醇
卷二十二目錄

白頭病叟泣且言
祿山未亂入梨園
能彈琵琶和法曲
多在華清隨至尊
是時天下太平久
年年十月坐朝元
千官起居環珮合
萬國會同車馬奔
金鉢照耀石甕寺
蘭麝熏煮溫湯源
貴妃宛轉侍君側
體弱不勝珠翠繁

欽定四庫全書

御選唐宋詩醇
卷二十二

462-105

冬雪飄飈錦袍暖
春風蕩漾霓裳翻
歡娛未足燕寇至
弓勁馬肥胡語喧
幽土人遷避夷狄
鼎湖龍去哭軒轅
從此漂淪落南土
萬人死盡一身存
秋風江上浪無限
暮雨舟中酒一樽
涸魚久失風波勢
枯草曾沾雨露恩
我自秦來君莫問
驪山渭水如荒村
新豐樹老籠明月
長生殿閭鎖春雲
紅葉紛紛蓋欹瓦
綠苔重重封壞垣
唯有中官作宮使
每年寒食一開門

御選唐宋詩醇卷二十二目錄

象也俯仰今昔滿目蒼涼言外黯然欲絕樂叟未必實有其人特借以抒感慨之思耳

醉後走筆酬劉五主薄長句之贈兼簡張大賈二

十四先輩昆季

劉兄文高行孤立十五年前名翕習是時相遇在符離我年二十君三十得意忘年心迹親寓居同縣日知聞衡門寂寞朝尋我古寺蕭條暮訪君朝來暮去多攜手窮巷貧居何所有秋燈夜寫聯句詩春雪朝傾暖寒酒
欽定四庫全書
御選唐宋詩醇
卷二十二
二

陴湖綠愛白鷗飛濱水清憐紅鯉肥偶語閒攀芳樹立相扶醉蹋落花歸張賈弟兄同里巷乘閒數數來相訪雨天連宿草堂中月夜徐行石橋上我年漸長忽自驚鏡中冉冉髭鬚生心畏後時同勵志身牽前事各求名問我栖栖何所適鄉人薦為鹿鳴客二千里別謝交遊三十韻詩慰行役出門可憐唯一身弊裘瘦馬入咸秦鼙鼓街鼓紅塵闌晚到長安無主人二賈二張與余弟驅車邇迤來相繼操詞握賦為干戈鋒銳森然勝氣多

齊入文場同苦戰五人十載九登科二張得雋名居甲美退爭雄重告捷棠棣輝榮並桂枝芝蘭芬馥和荆葉唯有沅犀屈未伸握中自謂駭雞珍三年不鳴鳴必大豈獨駭雞當駭人元和運啟千年聖同遇明時余最幸始辭秘閣吏王畿遽列諫垣升禁闈蹇步何堪鳴珮玉衰容不稱著朝衣闇闔晨開朝百辟冕旒不動香煙碧步登龍尾上虛空立去天顏無咫尺宮花似雪從乘輿禁月如霜坐直廬身賤每驚隨內宴才微常媿草天書
欽定四庫全書
御選唐宋詩醇
卷二十二
三

晚松寒竹新昌第職居密近門多閉日暮銀臺下直回故人到門門斂開回頭下馬一相顧塵土滿衣何處來斂手炎涼叙未畢先說舊山今悔出岐陽旅宦少歡娛江左羈遊費時日贈我一篇行路吟吟之句句披沙金歲月徒催白髮貌泥塗不屈青雲心誰會茫茫天地意短才獲用長才棄我隨鶴鷺入煙雲謬上丹墀為近臣君同鷺鳳棲荆棘猶著青袍作選人惆悵知賢不能薦徒為出入蓬萊殿月慚諫紙二百張歲媿俸錢三十萬

大底浮雲何足道幾度相逢即身老且傾斗酒慰羈愁
重話符離問舊遊北巷隣居幾家去東林舊院何人住
武里村花落復開流溝山色應如故感此酬君千字詩
醉中分手又何之須知通塞尋常事莫歎浮沉先後時
慷慨臨岐重相勉殷勤別後加餐飯君不見買臣衣錦
還故鄉五十身榮未為晚

七古長篇一氣盤旋不必刻意求奇自具大家風格非
晚唐人寒儉迫促者所能到惆悵知賢不能薦四句自

占身分極高末段仍歸曠達是詩作於元和之初石易
為左拾遺未幾即丐改官除京兆戶曹叅軍外出蓋立
朝而道不行則奉身而退知愧者庶可無愧也

畫竹歌

并引

協律郎蕭悅善畫竹舉時無倫蕭亦甚自私重有終
歲求其一竿一枝而不得者知予天與好事忽寫一
十五竿惠然見投予厚其意高其藝無以答貺作歌
以報之凡一百八十六字云

欽定四庫全書

御選唐宋詩醇

四

欽定四庫全書

御選唐宋詩醇

五

昏頭雪色自言便是絕筆時從今此竹尤難得
波瀾意度直逼子美堂奧與香山平日面貌不類蓋有
意規倣子美題畫諸作而為之者

長恨歌

漢皇重色思傾國御宇多年求不得楊家有女初長成
養在深閨人未識天生麗質難自棄一朝選在君王側
廻眸一笑百媚生六宮粉黛無顏色春寒賜浴華清池
溫泉水滑洗凝脂侍兒扶起嬌無力始是新承恩澤時

植物之中竹難寫古今雖畫無似者蕭郎下筆獨逼真

丹青以來唯一人人畫竹身肥擁腫蕭畫莖瘦節節竦

人畫竹梢死羸垂蕭畫枝活葉葉動不根而生從意生
不筭而成由筆成野塘水邊磯岸側森森兩叢十五莖

嬪娟不失筠粉態蕭颯盡得風煙情舉頭忽看不似畫
低耳靜聽疑有聲西叢七莖勁而健省向天竺寺前石

上見東叢八莖疎且寒憶曾湘妃廟裏雨中看幽姿遠

思少人別與君相顧空長歎蕭郎蕭郎老可惜手顫眼

欽定四庫全書

御選唐宋詩醇

五

占身分極高末段仍歸曠達是詩作於元和之初石易

為左拾遺未幾即丐改官除京兆戶曹叅軍外出蓋立

朝而道不行則奉身而退知愧者庶可無愧也

雲鬢花顏金步搖芙蓉帳暖度春宵春宵苦短日高起

從此君王不早朝承歡侍宴無閒暇春從春遊夜專夜後宮佳麗三千人三千寵愛在一身金屋妝成嬌侍夜玉樓宴罷醉和春姊妹弟兄皆列土可憐光彩生門戶遂令天下父母心不重生男重生女驪宮高處入青雲仙樂風飄處處聞緩歌慢舞凝絲竹盡日君王看不足漁陽鼙鼓動地來驚破霓裳羽衣曲九重城闕煙塵生千乘萬騎西南行翠華搖搖行復止西出都門百餘里

欽定四庫全書

御選唐宋詩醇

卷二十二

六

六軍不發無奈何宛轉蛾眉馬前死花錮委地無人收翠翹金雀玉搔頭君王掩面救不得回看血淚相和流黃埃散漫風蕭索雲棧縈紆登劒閣峨眉山下少人行旌旗無光日色薄蜀江水碧空蜀山青聖主朝朝暮暮情行宮見月傷心色夜雨聞鈴腸斷聲天旋日轉回龍馭到此躊躇不能去馬嵬坡下泥土中不見玉顏空死處老臣相顧盡沾衣東望都門信馬歸歸來池苑皆依舊太液芙蓉未央柳芙蓉如面柳如眉對此如何不淚垂

春風桃李花開夜秋雨梧桐葉落時西宮南苑多秋草

落葉滿堦紅不掃梨園弟子白髮新椒房阿監青蛾老夕殿螢飛思悄然孤燈挑盡未成眠遲遲鐘鼓初長夜耿耿星河欲曙天駕鶩瓦冷霜華重翡翠衾寒誰與共悠悠生死別經年魂魄不曾來入夢臨邛道士鴻都客能以精誠致魂魄為感君王展轉思遂教方士殷勤覓排空馭氣奔如電升天入地求之遍上窮碧落下黃泉兩處茫茫皆不見忽聞海上有仙山山在虛無縹渺間

欽定四庫全書

御選唐宋詩醇

卷二十二

七

樓閣玲瓏五雲起其中綽約多仙子中有一人字太真雪膚花貌參差是金闕西廂叩玉扃轉教小玉報雙成聞道漢家天子使九華帳裏夢魂驚攬衣推枕起徘徊珠箔銀屏邇迤開雲鬢半偏新睡覺花冠不整下堂來風吹仙袂飄飄舉猶似霓裳羽衣舞玉容寂寞淚闌干不見長安見塵霧唯將舊物表深情錮合金釵寄將去

釵留一股合一扇釵璧黃金合分鈿但教心似金鉢堅
天上人間會相見臨別殷勤重寄詞詞中有誓兩心知
七月七日長生殿夜半無人私語時在天願作比翼鳥
在地願為連理枝天長地久有時盡此恨綿綿無絕期
從古女禍未有甚於唐者明皇踐祚覆轍匪遠開元厲
精幾致太平天寶以後溺情牀第太真潛納新臺同譏
艷妻煽處職為厲階倉皇播遷宗社再造幸也姚宋諸
賢臣輔之而不足一太真敗之而有餘南內歸來儻返

而自咎恨無終窮矣遑繫心於既殞傾城之婦耶長恨
一傳自是當時傳會之說其事殊無足論者居易詩詞
特妙情文相生沉鬱頓挫哀艷之中具有諷刺漢皇重
色思傾國從此君王不早朝君王掩面救不得皆微詞
也養在深閨人未識為尊者諱也欲不可縱樂不可極
結想成因幻緣奚罄總以為發乎情而不能止乎禮義
者戒也通首分四段漢王重色思傾國至驚破霓裳羽
衣曲暢敘楊妃擅寵之事却以漁陽鼙鼓動地來二句

暗攝下意一氣直下滅去轉落之痕九重城闕煙塵生
至夜雨聞鈴腸斷聲敘馬嵬賜死之事行宮見月傷心
色二句暗攝下意蓋以幸蜀之靡日不思引起還京之
彷徨念舊一直說去中間暗藏馬嵬改葬一節此行文
飛渡法也天旋日轉迴龍馭至魂魄不曾來入夢敘上
皇南宮思舊之情悠悠生死別經年二句亦暗攝下意
臨邛道士鴻都客至末敘方士招魂之事結處點清長
恨為一詩結穴戛然而止全勢已足更不必另作收束

陳鴻長恨歌傳曰開元中泰階平四海無事明皇在
位歲久倦於旰食宵衣政無大小始委於右丞相深
居遊宴以聲色自娛先是元獻皇后武淑妃皆有寵
相次即世宮中雖良家子千數無可悅目者上心忽
忽不樂時每歲十月駕幸華清宮內外命婦燭耀景
從浴日餘波賜以湯沐春風靈液淡蕩其間上心油
然若有顧遇左右前後粉色如上詔高力士潛搜外
宮得弘農楊元琰女於壽邸既笄矣鬚髮膩理纖穠

中度舉止閑治如漢武帝李夫人別疏湯泉詔賜潔
瑩既出水體弱力微若不任羅綺光彩煥發轉動照
人上甚悅進見之日奏霓裳羽衣曲以導之定情之
夕授金釵錙合以固之又命戴步搖垂金璫明年冊
為貴妃半后服用繇是治其容斂其詞婉變萬態以
中工意上益嬖焉時省風九州泥金五岳驪山雪夜
上陽春朝與上行同室宴專席寢專房雖有三夫人
九嬪二十七世婦八十一御妻暨後宮才人樂府妓
女使天子無顧盼意自是六宮無復進幸者非徒殊
艷尤態致是蓋才智明慧善巧便佞先意希旨有不
可形容者叔父昆弟皆列在清貫當時為通侯姊妹封
國夫人富埒王室車服邸第與大長公主侔而恩澤
勢力則又過之出入禁門不問京師長吏為側目故
當時謠詠有云生女勿悲酸生男勿喜歡又曰男不
封侯女作妃看女却為門上楣其人心羨慕如此天
寶末兄國忠盜丞相位愚弄國柄及安祿山引兵向

闕以討楊氏為詞潼關不守翠華南幸出咸陽道次
馬嵬亭六軍徘徊持戟不進從官郎吏伏上馬前請
誅錯以謝天下國忠奉斂纓盤水死於道周左右之
意未快上問之當時敢言者請以貴妃塞天下怒上
知不免而不忍見其死反袂掩面使牽之而去蒼黃
展轉竟絕於尺組之下既而明皇狩成都肅宗受禪
靈武明年大兇歸元大駕還都尊明皇為太上皇就
養南宮遷於西內時移事去樂盡悲來每至春之日
冬之夜池蓮夏開宮槐秋落梨園弟子玉琯發音聞
霓裳羽衣一聲則天顏不怡左右歔欷三載一意其
念不衰求之魂夢杳不能得適有道士自蜀來知上
皇心念楊妃如是自言有李少君之術明皇大喜命
致其神方士乃竭其術以索之不至又能遊神馭氣
出天界沒地府以求之不見又旁求四虛上下東極
大海跨蓬壺見最高仙山上多樓閣西廂下有洞戶
東向闔其門署曰玉妃太真院方士抽簪扣扉有雙

童女出應門方士造次未及言而雙鬟復入俄有碧
衣侍女又至詰其所從方士因稱唐天子使者且致
其命碧衣云玉妃方寢請少待之於時雲海沉沉洞
天日晚瓊戶重闔悄然無聲方士屏息歛足拱手門
下久之而碧衣延入且曰玉妃出見一人冠金蓮披
紫綃珮紅玉曳鳳鳥左右侍者七八人揖方士問皇
帝安否次問天寶十四年已還事言訖憫默指碧衣
取金釵鉢合各析其半授使者曰為謝太上皇謹獻
欽定四庫全書
御選唐宋詩醇
卷二十二
十三

是物尋舊好也方士受辭與信將行色有不足玉妃
固徵其意復前跪致詞請當時一事不為他人聞者
驗於太上皇不然恐鉢合金釵負新垣平之詐也玉
妃茫然退立若有所思徐而言曰昔天寶十載侍輦
避暑驪山宮秋七月牽牛織女相見之夕秦人風俗
是夜張錦繡陳飲食樹瓜果焚香於庭號為乞巧宮
掖間尤尚之夜殆半休侍衛於東西廂獨侍上上凭
肩而立因仰天感牛女事密相誓心願世世為夫婦
言畢執手各嗚咽此獨君王知之耳因自悲曰由此
一念又不得居此復墮下界且結後緣或為天或為
人決再相見好合如舊因言太上皇亦不久人間幸
唯自安無自苦耳使者還奏太上皇皇心震悼日日
不豫其年夏四月南宮晏駕元和元年冬十二月太
原白樂天自校書郎尉於盩厔鴻與琅邪王質夫家
於是邑暇日相攜遊仙遊寺話及此事相與感歎質
夫舉酒於樂天前曰夫希代之事非遇出世之才潤
欽定四庫全書
御選唐宋詩醇
卷二十二
十三

盡日晚於絲竹以致祿山倡亂乘輿播遷帝既誅妃以謝天下則宜悔過乃復展轉懷思不能自絕至今方士徧索其神得鈿合金釵而不辨其詐是真迷而不悟者矣吁以五十年致治之主而一女子覆其成功權去勢誣而以憂死悲夫女寵之禍豈淺鮮哉花鈿委地無人收伏後鈿合金釵案意者妃就絕之時花鈿散逸民間必有得之者方士特挾此以欺上皇非有他術也

詩人王屑曰峨眉山下少人行峨眉在嘉州與幸蜀全無交涉乃文章之病也

汪立名曰按隱居詩話云唐人咏馬嵬事多矣世所稱白居易六軍不發無奈何宛轉峨眉馬前死此乃歌詠祿山能使官兵叛逼追明皇不得已而誅楊妃也豈特不曉文章體裁而造語蠢拙抑亦失臣下事君之禮老杜則不然其北征詩曰不聞夏殷衰中自誅褒妲乃見明皇鑒夏商之敗畏天悔禍賜妃子以

死官軍何與焉此論為推尊少陵則可若以此貶棄天則不可論詩須相題長恨歌本與陳鴻玉質夫話楊妃始終而作猶慮詩有未詳陳鴻又作長恨歌傳所謂不特感其事亦欲懲尤物空亂隋垂於將來也自與北征詩不同若諱馬嵬事實則長恨二字便無著落矣讀書全不理會作詩本末而執片詞肆議古人已屬太過至謂歌詠祿山能使官軍云云則尤近乎鍛鍊矣宋人多文字吹求之禍皆釀於此等議論

若唐人作詩本無所謂忌諱忠厚之風自可慕也然陳傳中叙貴妃進於壽郎而白詩諱之但云楊家有女初長成養在深閨人未識天生麗質難自棄一朝選在君王側安得謂樂天不知文章大體耶倘有祖其謬以羅織少陵者必將以少陵憶昔詩張后不樂天子忙旬為失以臣事君之禮百官跣足隨天王句為歌詠吐蕃追逼代宗又豈通論乎

元和十年予左遷九江郡司馬明年秋送客溢浦口
聞船中夜彈琵琶者聽其音鏗鏘然有京都聲問其
人本長安倡女嘗學琵琶於穆曹二善才年長色衰
委身為賈人婦遂命酒使快彈數曲曲罷憫默自叙
少小時歡樂事今漂淪憔悴轉徙於江湖間予出官
二年恬然自安感斯人言是夕始覺有遷謫意因為
長句歌以贈之凡六百一十二言命曰琵琶行

潯陽江頭夜送客楓葉荻花秋瑟瑟主人下馬客在船

舉酒欲飲無管絃醉不成歡慘將別別時茫茫江浸月
忽聞水上琵琶聲主人忘歸客不發尋聲暗問彈者誰
琵琶聲停欲語遲移船相近邀相見添酒回燈重開宴
千呼萬喚始出來猶抱琵琶半遮面轉軸撥弦三兩聲
未成曲調先有情弦弦掩抑聲聲思似訴平生不得意
低眉信手續續彈說盡心中無限事輕攏慢撫抹復挑
初為霓裳後六么大弦嘈嘈如急雨小弦切切如私語
嘈嘈切切錯雜彈大珠小珠落玉盤間關鶯語花底滑

幽咽泉流水下灘水泉冷澀弦疑絕疑絕不通聲暫歇
別有幽愁暗恨生此時無聲勝有聲銀瓶乍破水漿迸
鐵騎突出刀鎗鳴曲終收撥當心畫四弦一聲如裂帛
東船西舫悄無言唯見江心秋月白沉吟放撥掉弦中
整頓衣裳起歛容自言本是京城女家在蝦蟆陵下住
十三學得琵琶成名屬教坊第一部曲罷曾教善才伏
妝成每被秋娘妬五陵年少爭纏頭一曲紅綃不知數
鈿頭雲篦擊節碎血色羅裙翻酒污今年歡笑復明年
秋月春風等閒度弟走從軍阿姊死暮去朝來顏色故
門前冷落鞍馬稀老大嫁作商人婦商人重利輕別離
前月浮梁買茶去去來江口守空船遙船月明江水寒
夜深忽夢少年事夢啼妝淚紅闌干我聞琵琶已歎息
又聞此語重唧唧同是天涯淪落人相逢何必曾相識
我從去年辭帝京謫居卧病潯陽城潯陽地僻無音樂
終歲不聞絲竹聲住近溢江地低濕黃蘆苦竹遙宅生
其間旦暮聞何物杜鵑啼血猿哀鳴春江花朝秋月夜

往往取酒還獨傾。豈無山歌與村笛，嘔啞嘲哳難為聽。
今夜聞君琵琶語，如聽仙樂耳暫明。莫辭更坐彈一曲。
爲君翻作琵琶行，感我此言良久立。却坐促弦弦轉急。
淒淒不似向前聲。滿座重聞皆掩泣。座中泣下誰最多？
江州司馬青衫濕。

滿腔遷謫之感，借商婦以發之。有同病相憐之意焉。比
興相緯，寄托遙深。其意微以顯其音哀，以思其辭麗，以

則十九首云：清商隨風發，中曲正徘徊。一彈再三歎，慷慨

有餘哀。及杜甫觀公孫大娘弟子舞劍器行，與此篇
同為千秋絕調，不必以古近前後分也。

容齋五筆曰：白公琵琶行讀者，但羨其風致，敬其詞
章，至形於樂府歌詠之不足，遂以謂真為長安故倡，而
作不知直欲據寫天涯淪落之恨爾。

唐汝詢曰：此宦遊不遂，因琵琶以托興也。言當清秋
明月之夜，聞琵琶哀怨之音，聽商婦自叙之苦，以動
我逐臣久客之懷，宜其泣下沾襟也。

藝苑雌黃曰：家在蝦蟆陵下住。按國史補云：舊說董
仲舒墓門下人至者，皆下馬故謂之下馬陵。語訛為
蝦蟆陵。故東坡詩云：隻雞敢忘喬公語，下馬聊尋董
相墳。又謝徐朝奉啓云：過而下馬空瞻董相之陵。蓋
用此事。郭氏佩觴亦嘗論此云：長安董仲舒墓名曰
下馬陵。今轉語為蝦蟆陵。事出黃京紀。白氏琵琶行
蓋徇俗之過也。

醉後狂言酬贈蕭殷二協律

餘杭邑客多羈貧，其間甚者蕭與殷。天寒身上猶衣葛，
日高甌中未拂塵。江城山寺十一月，北風吹沙雪紛紛。
賓客不見繅袍惠，藜庶未沾襦袴恩。此時太守自慚媿，
重衣複衾有餘溫。因命染人與針女，先製兩裘贈二君。
吳綿細軟桂布密，柔如狐腋白似雲。勞將詩書投贈我，
如此小惠何足論。我有大裘君未見，寬廣和暖如陽春。
此裘非縉亦非纊，裁以法度絮以仁。刀尺鈍拙製未畢，
出亦不獨裹一身。若令在郡得五考，與君展覆杭州人。

即杜甫廣廈千萬間意而暢言之前段黎庶未沾襦袴
恩句已伏後意末段又推廣一層淋漓暢竭言大而非
誇也

秋江晚泊

扁舟泊雲島倚棹念鄉國四望不見人煙江淡秋色客
心貧易動日入愁未息

代書詩一百韻寄微之

憶在貞元歲初登典校司身名同日授心事一言知肺

腑都無隔形骸兩不羈疎狂屬年少閒散為官卑分定
金蘭契言通藥石規交賢方汲汲友直每偲偲有月多
同賞無益不共持秋風拂琴匣夜雪卷書帷高上慈恩
塔幽尋皇子陂唐昌玉蕊會崇敬牡丹期笑勸迂辛酒
閒吟短李詩儒風愛敦質佛理賞元師自注辛立度李紳劉毅質庚元師
度日曾無悶通宵靡不為雙聲聯律句八面對宮棋
往往遊三省騰騰出九達寒銷直城路春到曲江池樹
暖枝條弱山晴彩翠奇峯攢石綠點柳宛麴塵絲岸草

煙鋪地園花雪壓枝早光紅照耀新溜碧逶迤幄幕侵
堤布盤筵占地施徵伶皆絕藝選妓悉名姬鉛黛凝春
態金鉢耀水嬉風流誇墮髻時世闊啼眉密坐隨歡促
華尊逐勝移香飄歌袂動翠落舞釵遺籌挿紅螺椀觥
飛白玉卮打嫌調笑易飲訶卷波遲殘席誼譁散歸鞍
酩酊騎酡顏烏帽側醉袖玉鞭垂紫陌傳鐘鼓紅塵塞
路歧幾時曾暫別何處不相隨荏苒星霜換迴環節候
推兩荷多請告三考欲成資運啓千年聖天成萬物宜
皆當少壯日同惜盛明時光景嗟虛擲雲霄竊暗窺攻
文朝矻矻講學夜孜孜策目穿如札毫鋒銳若錐繁張
獲鳥網堅守釣魚坻並受夔龍薦齊陳晁董詞萬言經
濟畧三策太平基中第爭無敵專場戰不疲輔車排勝
陳掎角寒降旗雙闕紛容衛千僚儼等衰恩隨紫泥降
名向白麻坡既在高科選還從好爵縻東垣君諫諍西
邑我驅馳再喜登烏府多慚侍赤墀官班分內外遊處
遂參差每列鷄鸞序偏瞻獮豸姿簡威霜凜冽衣彩繡

歲牒正色摧強禦剛腸嫉嗟嘵常憎持祿位不擬保妻
兒養勇期除惡輸忠在滅私下驚驚燕雀當道憚狐狸
南國人無怨東臺吏不欺理冤多定國功諫甚辛毗造
次行於是平生志在茲道將心共直言與行兼危水暗
波翻覆山藏路嶮巇未為明主識已被倖臣疑木秀遭
風折蘭芳遇霰萎千鈞勢易壓一柱力難措騰口因成
瘡吹毛遂得疵憂來吟貝錦謫去詠江離邂逅塵中遇
殷勤馬上辭賈生離魏闕王粲向荊夷水過清涼寺山

欽定四庫全書

御選唐宋詩

卷二十二

欽定四庫全書

御選唐宋詩

卷二十二

患應用道為醫想子今如彼嗟予獨在斯無憇當歲杪
有夢到天涯坐阻連襟帶行車接履綦潤銷衣上霧香
散室中芝念遠緣遷貶驚時為別離素書三往復明月七
盈虧舊里非難到餘歡不可追樹依興善老草傍靜安
衰前事思如昨中懷寫向誰北村尋古柏南宅訪辛夷
此日空搔首何人共解頤病多知夜永年長覺秋悲不
飲長如醉加餐亦似飢狂吟一千字因使寄微之

長律百韻始於杜甫夔府詠懷一篇繼之者元微之白

經綺里祠心搖漢皋佩淚墮峴亭碑驛路緣雲際城樓
枕水渭思鄉夕繞澤望闕獨登陴林晚青蕭索江平綠
渺瀰野秋鳴蟋蟀沙冷聚鷗鷺官舍黃茅屋人家苦竹
籬白醪充夜酌紅粟備晨炊寡鶴摧風翮鯉魚失水簪
聞雛啼渴旦涼葉隨相思一點寒燈滅三聲曉角吹藍
衫經雨故驄馬卧霜羸念涸誰濡沫嫌醒自歎醻耳垂
無伯樂舌在有張儀負氣衝星劍傾心向日葵金言自
銷鑠玉性肯磷縕伸屈須看蝮窮通莫問龜定知身是

居易居易集中百韻詩凡三篇杜甫排奡沉鬱局陣變化其才氣筆力自非居易所及居易法律井然條暢流美實可為後來之法學者未能闡杜之間奧且從此種問津自無艱澀凌亂之病

馮班曰勻細整贍力自有餘長詩有叙置次第起承轉合不可不知却拘不得須變化飛動為佳此篇勻整之至却細膩省淨無疊辭累句妃紅婉紫之病長

和談校書秋夜感懷呈朝中親友

遙夜涼風楚客悲清砧繁漏月高時秋霜似鬢年空長

春草如袍位尚卑詞賦擅名來已久煙霄得路去何遲
漢廷卿相皆知已不薦揚雄欲薦誰

清脆瀏亮古詩青袍似春草庾信賦亦云青袍如草第

四句妙於翻用

感秋寄遠

惆悵時節晚兩情千里同離憂不散處庭樹正秋風驚

影動歸翼蕙香銷故叢佳期與芳歲牢落兩成空

律法整嚴尚與盛唐相近腹聯已開晚唐李商隱一派

春題華陽觀

自注觀即華陽公主故宅有舊內人存馬

帝子吹簫逐鳳凰空留仙洞號華陽落花何處堪惆悵

頭白宮人掃影堂

縣西郊秋寄贈馬造

紫閣峯西清渭東野煙深處夕陽中風荷落葉蕭條綠

水蓼殘花寂寞紅我厭宦遊君失意可憐秋思兩心同

前四句寫景極蕭瑟之致結出懷人意自然警動

早春獨遊曲江

自注時為校書郎

散職無羈束羸駿少送迎朝從直城出春傍曲江行風起池東暖雲開山北晴水銷泉脉動雪盡草芽生露杏

紅初坼煙楊綠未成影遲新度鴈聲澀欲啼鶯閒地心俱靜韶光眼共明酒狂憐性逸藥効喜身輕慵慢疎人事幽棲逐野情廻音芸閣笑不似有浮名

中三聯刻畫早春之景細膩清新

欽定四庫全書

御選唐宋詩醇卷二十二

二十五

欽定四庫全書

御選唐宋詩醇卷二十二

二十五

江南送北客因憑寄徐州兄弟書

時年十五

故園望斷欲何如楚水吳山萬里餘今日因君訪兄弟

數行鄉淚一封書

御選唐宋詩醇卷二十二

欽定四庫全書
唐宋詩選

御選唐宋詩選卷二十三

太原白居易詩五

目錄

賦得古原草送別

旅次景空寺宿幽上人院

同李十一醉憶元九

同錢員外禁中夜直

欽定四庫全書

御選唐宋詩選
卷二十三目錄

禁中夜作書與元九

八月十五日夜禁中獨直對月憶元九

八月十五日夜聞崔大員外翰林獨直對酒翫月

因懷禁中清景偶題是詩

村夜

聞蟲

王昭君

題盧秘書夏日新栽竹二十韻

欲與元八卜隣先有是贈

題王侍御池亭

贈楊秘書巨源

驚子樓三首

襄陽舟夜

江夜舟行

浦中夜泊

舟中讀元九詩

欽定四庫全書

御選唐宋詩選
卷二十三目錄

歲晚旅望

望江州

東南行一百韻寄通州元九侍御澧州李十一舍

人果州崔二十二使君開州韋大員外庾三十二

補闕杜十四拾遺李二十助教員外竇七校書

初到江州寄翰林張李杜三學士

庾樓曉望

春末夏初閒遊江郭二首

題元八溪居

江樓早秋

送客之湖南

百花亭晚望夜歸

西樓

庚樓新歲

上香鑪峯

早發楚城驛

欽定四庫全書
御選唐宋詩醇

卷二十三目錄

三

建昌江

香鑪峯下新卜山居草堂初成偶題東壁

重題

編集拙詩成一十五卷因題卷末戲贈元九李二

十

湖上閒望

江樓夜吟元九律詩成三十韻

送客春遊嶺南二十韻

得行簡書聞欲下峽先以此寄

南湖早春

題韋家泉池

點額魚

夜送孟司功

湖亭與行簡宿

贈江客

潯陽秋懷贈許明府

欽定四庫全書
御選唐宋詩醇

卷二十三目錄

四

題遺愛寺前溪松

聞楊十二新拜省郎遙以詩賀

送韋侍御量移金州司馬

江西裴常侍以優禮見待又蒙贈詩輒叙鄙誠用

仲感謝

別草堂

行次夏口先寄李大夫

重贈李大夫

欽定四庫全書
欽定四庫全書
欽定四庫全書
欽定四庫全書

集部

御選唐宋詩醇卷二十三

太原白居易詩五

賦得古原草送別

離離原上草一歲一枯榮野火燒不盡春風吹又生遠
芳侵古道晴翠接荒城又送王孫去萋萋滿別情
復齋漫錄曰野火燒不盡春風吹又生不若劉長卿
春入燒痕青之句語簡而意盡

堯山堂外紀曰白樂天初至京以所業謁顧著作況
況覩姓名熟視曰長安米貴居大不易及披卷首篇
曰咸陽原上草一歲一枯榮野火燒不盡春風吹又
生乃嗟賞曰道得箇語居亦何難前言戲之耳因為
廷譽聲名遂振

旅次景空寺宿幽工人院

不與人境接寺門開向山暮鐘寒鳥聚秋雨病僧閒月
隱雲樹外螢飛廊宇間幸投花界宿暫得靜心願

思致清幽開晚唐宗派

同李十一醉憶元九

花時同醉破春愁醉折花枝當酒籌忽憶故人天際去

計程今日到梁州

意淺情深格調最近王龍標

本事詩曰元和四年三月元微之為御史鞫獄梓潼樂天兄弟送別後旬日與李侍郎建閒遊曲江及慈

恩寺飲酣作此詩後旬日得元書果以是日至褒仍

寄詩曰夢君兄弟曲江頭也到慈恩寺院遊驛吏喚

人排馬去忽驚身在古梁州千里神遇若合符契

同錢員外禁中夜直

宮漏三聲知半夜好風涼月滿松筠此時閒坐寂無語

藥樹影中唯兩人

禁中夜作書與元九

心緒萬端書兩紙欲封重讀意遲遲五聲宮漏初鳴後

一點窗燈欲滅時

欽定四庫全書

御選唐宋詩醇

二

欽定四庫全書

御選唐宋詩醇

三

汪立名曰按元和十二年公在江州作書與微之封題有詩昔憶封書與君夜金鑾殿後欲明天今夜封書在何處廬山菴裏曉燈前即指此書也

八月十五日夜禁中獨直對月憶元九

銀臺金闕夕沉沉獨宿相思在翰林三五夜中新月色
二十里外故人心諸宮東面煙波冷洛殿西頭鐘漏深
猶恐清光不同見江陵卑濕足秋陰

次聯本色語屬對却極工後來惟蘇軾深得此妙他人

倣顰則淺率無味矣

八月十五日夜聞崔大員外翰林獨直對酒翫月

因懷禁中清景偶題是詩

秋月高懸空碧外仙郎靜翫禁闈間歲中唯有今宵好
海內無如此地閒皓色分明雙闕榜清光深到九門關

遙聞獨醉還惆悵不見金波照玉山

絢爛之極乃造平淡此詩家漸老漸熟之境非淺學所
可貌為也

村夜

霜草蒼蒼蟲切切，村南村北行人絕。
獨出門前望野田，月明蒿麥花如雪。

一味真朴不假妝點，自具蒼老之致。
七絕中之近古者，聞蟲。

暗蟲唧唧夜繚繚，況是秋陰欲雨天。
猶恐愁人暫得睡，聲聲移近卧牀前。

王昭君

欽定四庫全書

御選唐宋詩醇
卷二十三

四

漢使却迴憑寄語，黃金何日贖蛾眉。
君王若問妾顏色，莫道不如宮裏時。

舊事翻新思路自別，後二句總從贖字生出。
此與李商隱詩金微本是無情物，不許文君憶故夫。
二句用意極相似，然彼近尖刻，此則深厚乃中晚之判也。

詩人玉屑曰：古今人作昭君詞多矣，余獨愛樂天一絕，其意優游而不迫切，然樂天賦此詩年甚少。

題盧秘書夏日新裁竹二十韻

湘竹初封植廬生，此考槃父持霜節。
苦新託露根難等度，須當砌疎稠。

要滿欄買隣分薄俸，裁稱作閒官葉剪藍羅碎莖抽玉琯。
端幾聲清淅瀝一簇綠檀櫟，未夜青

嵐入先秋白露團拂肩搖翡翠，熨手弄琅玕。
韻透窗風起陰鋪砌月殘，炎天聞覺吟窄地。
見疑寬梢動勝搖扇枝低好掛冠，碧籠煙罩幕珠灑。
雨珊瑚晚簾晴雲展，陰芽蟄虺蟠愛從抽馬策。
惜未截魚竿松韻徒煩聽桃夭不足觀，梁慚當家杏臺陋。
本公司蘭撐撥詩人興，勾牽酒

欽定四庫全書

御選唐宋詩醇
卷二十三

五

客歡靜連蘆簟滑涼拂葛衣單，宜止消時暑。
應能保歲寒，莫同凡草木一種夏中看。

正寫旁寫虛寫實寫曲盡新裁竹之趣，雕鏤組織異樣。
新鮮既不笨拙，又不纖巧。此變盛唐之格調而自出機杼者也。晚唐以後多學此種。

欲與元八卜隣先有是贈

平生心跡最相親，欲隱牆東不為身。
明月好同三徑夜，綠楊宜作兩家春。
每因暫出猶思伴，豈得安居不擇隣。

何獨終身數相見子孫長作隔牆人

句句細貼一層深一層

題王侍御池亭

朱門深鎖春池滿岸落薔薇水浸莎草竟林塘誰是主人來少客來多

贈楊秘書巨源

自注楊嘗有贈盧州詩云三刀夢益州一箭取遼城由是知名

早聞一箭取遼城相識雖新有故情清句三朝誰是敵

白鬚四海半為兄貧家難草時時入瘦馬尋花處處行

欽定四庫全書

御選唐宋詩醇卷二十三

六

不用更教詩過好折君官職足聲名

結是戲語歐陽修謂愈窮愈工則有慨乎其言之也

鶯子樓三首并序

徐州故張尚書有愛妓曰盼盼善歌舞雅多風態予

為校書郎時遊徐泗間張尚書宴予酒酣出盼盼以

佐歡歡甚予因贈詩云醉嬌勝不得風媚牡丹花盡

歡而去爾後絕不相聞迨茲僅一紀矣昨日司勲員

外郎張仲素續之訪予因吟新詩有鶯子樓三首詞

甚婉麗詰其由為盼盼作也續之從事武寧軍累年

頗知盼盼始末云尚書既沒歸葬東洛而彭城有張

氏舊第第中有小樓名鶯子盼盼念舊愛而不嫁居

是樓十餘年幽獨塊然于今尚在予愛續之新詠感

彭城舊遊因同其題作三絕句

滿窗明月滿簾霜被冷燈殘拂卧牀鶯子樓中霜月夜

秋來只為一人長

金釦羅衫色似煙幾回欲著即潛然自從不舞霓裳曲

欽定四庫全書

御選唐宋詩醇卷二十三

七

疊在空箱十一年

今春有客洛陽回曾到尚書墓上來見說白楊堪作柱

爭教紅粉不成灰

一唱三歎餘音繞梁似此風調雖起王昌齡李白輩為之何以復加

襄陽舟夜

下馬襄陽郭移舟漢陰驛秋風截江起寒浪連天白本

是多愁人復此風波夕

江夜舟行

煙淡月濛濛舟行夜色中江鋪滿槽水帆展半檣風呴
曙啾啾鴈啼秋唧唧蟲只應催北客早作白鬚翁

浦中夜泊

暗上江隄還獨立水風霜氣夜稜稜回看深浦停舟處
蘆荻花中一點燈

舟中讀元九詩

把君詩卷燈前讀詩盡燈殘天未明眼痛滅燈猶暗坐

欽定四庫全書

御選唐宋詩醇

八

欽定四庫全書

御選唐宋詩醇

九

逆風吹浪打船聲

字字沉著二十八字中無限層折元微之間樂天左降
江州詩云殘燈無焰影幢幢此夕聞君謫九江垂死病
中驚起坐暗風吹雨入寒窓居易以為此句他人尚不
可聞况僕心哉此詩真可謂同調

歲晚旅望

朝來暮去星霜換陰慘陽舒氣序牽萬物秋霜能壞色
四時冬日最凋年煙波半露新沙地鳥雀羣飛欲雪天

向晚蒼蒼南北望窮陰旅思兩無邊

倚天拔地字字奇警與杜甫閣夜詩極相似

望江州

江廻望見雙華表知是潯陽西郭門猶去孤舟三四里

水煙沙雨欲黃昏

東南行一百韻寄通州元九侍御澧州李十一舍
人果州崔二十二使君開州韋大員外郎庾三十

二補闕杜十四拾遺李二十助教員外竇七校書

欽定四庫全書

御選唐宋詩醇

九

南去經三楚東來過五湖山頭看候館水面問征途地

遠窮江界天低極海隅飄零同落葉浩蕩似乘桴漸覺
鄉原異深知土產殊夷音語嘲哳蠻態笑睢盱水市通
闌闊煙村混舳艤吏徵漁戶稅人納火田租亥日饒魚
蟹寅年足虎羣成人男作卯事鬼女為巫樓暗攢倡婦
隄長簇販夫夜船論鋪貨春酒斷瓶沽見果皆盧橘聞禽
悉鷗鵝山歌猿獨吠野哭鳥相呼嶺徼雲成棧江郊水
當鄂月移翹柱鶴風汎颭檣烏鼈礙潮無信蛟驚浪不

虞鼈鳴江擂鼓蜃氣海浮圖樹裂山鶴穴沙含水弩樞
喘牛犁紫芋羸馬放青菰繡面誰家婢頭幾歲奴泥
中采菱芡燒後拾樵蘇鼎臘愁烹鼈盤腥厭膾鐘儀
徒戀楚張翰浪思吳氣序涼還熱光陰旦復晡身方逐
萍梗年欲近桑榆渭北田園廢江西歲月徂憶歸恒慘
澹懷舊忽踟蹰自念咸秦客嘗為鄒魯儒蘊藏經國術
輕棄度闕襦賦力凌鸚鵡詞鋒敵輜輶戰文重掉鞅射
策一彎弧崔杜鞭齊下元韋轡並驅名聲逼揚馬交分

欽定四庫全書

御選唐宋詩醇
卷二十三

十一

過蕭朱世務輕摩揣周行竊覬覦風雲皆會合雨露各
霑濡共遇昇平代偏慚固陋軀承明連夜直建禮拂晨
趨美服領王府珍羞降御厨議高通白虎諫切伏青蒲
柏殿行陪宴花樓走看酺神旗張鳥獸天籟動笙竽戈
劍星芒耀魚龍電策驅定場排越妓促坐進吳歛縹緲
疑仙樂嬪勝畫圖歌鬟低翠羽舞汗墮紅珠別選閒
遊伴潛招小飲徒一杯愁已破三醥氣彌麤軟美仇家
酒幽閒葛氏妹十方得斗二八正當壚論笑杓胡碩

談憐翬囁嚅李酣丸短賓庚醉更駕迂鞍馬呼教住骰
盤喝遣輸長驅波卷白連擲采成盧籌併頻逃席觥嚴
別置孟滿卮那可灌頰玉不勝扶入視中樞艸歸乘內
廄駒醉曾衝宰相騎不揖金吾日近恩雖重雲高勢却
孤翻身落霄漢失脚到泥塗博望移門籍潯陽佐郡符
時情變寒暑世利算錙銖望日辭雙闕明朝別九衢播
遷分郡國次第出京都秦嶺馳三驛商山上二邦峴陽
亭寂寞夏口路崎嶇大道全生棘中丁盡執殳江闊未
徹誓淮冠尚稽誅林對東西寺山分大小姑廬峯蓮刻
削溢水帶紫紝九派吞青草孤城覆綠蕪黃昏鐘寂寂
清曉角嗚嗚春色辭門柳秋聲到井梧殘芳悲鶼鷀暮
節感茱萸蕊折金英菊花飄雪片蘆波紅日斜沒沙白
月平鋪幾見林抽筍頻驚燕引雛歲華何倏忽年少不
須臾眇默思千古蒼茫想八區孔窮緣底事顏夭有何
辜龍智猶經醢龜靈未免剗窮通應已定聖哲不能逾
况我身謀拙逢他厄運拘漂流隨大海錮鍛任洪爐險

欽定四庫全書

御選唐宋詩醇
卷二十三

十一

阻嘗之矣栖遲命也夫沈冥消意氣窮餓耗肌膚防瘴
和殘藥迎寒補舊襦書牀鳴蟋蟀琴匣網蜘蛛貧室如
懸磬端憂劇守株時遭人指點數被鬼揶揄兀兀都疑
夢昏昏半是愚女驚朝不起妻怪夜長吁萬里拋朋侶
三年隔友于自然悲聚散不是恨榮枯去夏微之瘡今

春席八殂天涯書達否泉下哭知無謾寫詩盈卷空盛
酒滿壺只添新悵望豈復舊歡娛壯志因愁減衰容與
病俱相逢應不識滿領白鬚鬚

欽定四庫全書

御選唐宋詩醇

十三

欽定四庫全書

御選唐宋詩醇

十三

汪立名曰按洪氏隆興職方乘嶺南村落有市謂之
墟以其不常會多虛日也西蜀曰疚言如疚疾間而
後作江南惡以疾稱因止曰亥獨徐筠水志云荆吳
俗以寅申巳亥日集於市觀公詩用亥日甚多則徐
氏之說為是

初到江州寄翰林張李杜三學士

早攀霄漢上天衢晚落風波委世途雨露施恩無厚薄
蓬蒿隨分有榮枯傷禽側翅驚弓箭老婦低顏事舅姑

碧落三山曾識面年深記得姓名無

喻意頗俚俗一入文人之口便極風雅其情深也

庚樓曉望

許彥周詩話曰春色辭門柳秋聲到井梧此語未易
及也
馮舒曰先叙東南行情景因情景追念前時以見題
之後先輕重與代書一篇體勢殊甚各致其情文章
變化因物賦形多類此也

獨憑朱檻立凌晨山色初明水色新竹霧曉籠銜嶺月
蘋風暖送過江春子城陰處猶殘雪衙鼓聲前未有塵
三百年來庾樓上曾經多少望鄉人
中兩聯寫景一遠一近結十四字如生鐵鑄成有千鈞
之力

春末夏初閒遊江郭二首

聞出乘輕屐徐行踏軟沙觀魚傍溢浦看竹入楊家

自注

溢浦多魚浦西有林逕穿離筍篠飄落水花雨埋釣舟
楊侍郎宅多好竹林逕穿離筍篠飄落水花雨埋釣舟
小風颶酒旗斜嫩剥青菱角濃煎白茗芽淹留不知夕
城樹欲栖鷗

柳影繁初合鶯聲澀漸稀早梅迎夏結殘絮送春飛西
日韶光盡南風暑氣微展張新小簾熨貼舊生衣綠蟻

杯香嫩紅絲鱠縷肥故園無此味何必苦思歸

欽定四庫全書

御選唐宋詩醇
卷二十三

清氣溢素襟句句切春末夏初景色

題元八溪居

溪風漠漠樹重重水檻山窗次第逢晚葉尚開紅躡躅

秋房初結白芙蓉聲來枕上千年鶴影落杯中五老峯
更媿殷勤留客意魚鮮飯細酒香濃

通首娟靜腹聯對句更超妙

江樓早秋

南國雖多熱秋來亦不遲湖光霽後竹氣晚涼時樓

閣宜佳客江山入好詩清風水蘋葉白露木蘭枝欲作

雲泉計須營伏臘資匡廬一步地官滿更何之

送客之湖南

年年漸見南方物事事堪傷北客情山鬼趨跳唯不足
峽猿哀怨過三聲帆開青草湖中去衣濕黃梅雨裏行

別後雙魚難定寄近來潮不到溢城

青草湖黃梅雨時地一併醒出屬對工切渾成

百花亭晚望夜歸

欽定四庫全書

御選唐宋詩醇
卷二十三

百花亭上晚徘徊雲影陰晴掩復開日色悠揚映山盡

雨聲蕭颯度江來鬢毛過病雙如雪心緒逢秋一似灰

向夜欲歸愁未了滿湖明月小船迴

次聯有氣勢蘇軾詩天外黑風吹海立浙東飛雨過江
來二句本此而下字更奇

西樓

小郡大江邊危樓夕照前青蘆卑濕地白露沉寥天鄉
國此時阻家書何處傳仍聞陳蔡戍轉戰已三年

神似杜甫

庚樓新歲

歲時銷旅貌風景觸鄉愁牢落江湖意新年上庾樓
唐汝詢曰此登樓而感謫宦也羈旅之貌隨時而銷懷鄉之情觸景而發人情之常也若乃牢落江湖之意則於新年登庾樓而益甚焉

上香鑪峯

倚石攀蘿歇病身青筇竹杖白紗巾他時畫出廬山障

欽定四庫全書

御選唐宋詩醇

卷二十三

欽定四庫全書

御選唐宋詩醇

七

便是香鑪峯上人

早發楚城驛

過雨塵埃減汎江道徑平月乘殘夜出人趁早涼行寂歷閒吟動冥濛暗思生荷塘翻露氣稻壟瀉泉聲宿犬聞鈴起栖禽見火驚曉曉煙樹色十里始天明

汪立名曰按太平寰宇記貞觀八年廢楚城縣歸潯陽詳其地即舊屬柴桑又云按圖經晉建興元年始立郡領潯陽柴桑彭澤上甲九江等五縣則潯陽柴

桑各有其地自後併潯陽入柴桑後廢柴桑為潯陽

於是潯陽柴桑合一縣而名異

建昌江

建昌江水縣門前立馬教人喚渡船忽似往年歸蔡渡草風沙雨渭河邊

香鑪峯下新卜山居草堂初成偶題東壁

五架三間新草堂石階桂柱竹編牆南簷納日冬天暖

北戶迎風夏月涼灑砌飛泉繞有點拂窗斜竹不成行

欽定四庫全書

御選唐宋詩醇

七

來春更葺東廂屋紙閣蘆簾著孟光

重題

長松樹下小谿頭班鹿胎巾白布裘藥圃茶園為產業野麋林鶴是交遊雲生澗戶衣裳潤嵐隱山厨火燭幽最愛一泉新引得清冷屈曲遠階流

日高睡足猶慵起小閣重衾不怕寒遺愛寺鐘欹枕聽香爐峯雪撥簾看匡廬便是逃名地司馬仍為送老官心泰身寧是歸處故鄉可獨在長安

觸境怡情及時行樂遷謫之感毫不挂懷全是一團真趣流露筆墨間

編集拙詩成一十五卷因題卷末戲贈元九李二十

一篇長恨有風情十首秦吟近正聲每被老元偷格律苦教短李伏歌行世間富貴應無分身後文章合有名莫怪氣粗言語大新排十五卷詩成

自負語實是苦心語末學詆訶居易殆杜甫所謂爾曹

欽定四庫全書 御選唐宋詩醇 卷二十三 大

身與名俱滅不廢江河萬古流也

湖上閒望

藤花浪拂紫茸條菰葉風翻綠剪刀閒弄水芳生楚思時時合眼詠離騷

江樓夜吟元九律詩成三十韻

昨夜江樓上吟君數十篇詞飄朱檻底韻隨淥江前清楚音諧律精微思入玄收將白雪麗奪盡碧石雲妍寸截金為句雙雕玉作聯八風淒間發五彩爛相宣永扣聲

聲冷珠排字字圓文頭交比繡筋肋骨輒於綿湏湧同波

浪錚錚過管絃醴泉流出地釣樂下從天神鬼聞如泣

魚龍聽似禪星迴疑聚集月落為流連鴈感無鳴者猿

愁亦悄然交流遷客淚停住賈人船闔被歌姬乞潛聞

思婦傳斜行題粉壁短卷寫紅箋肉味經時忘頭風當

日痊老張知定伏短李愛應顛道屈才方振身閒業始

專天教聲烜赫理合命速遭顧我文章劣知他氣力全

功夫雖共到巧拙尚相懸各有詩千首俱拋海一邊白

欽定四庫全書 御選唐宋詩醇 卷二十三 九

頭吟處變青眼望中穿酬答朝妨食披尋夜廢眠老償

文債負宿結字因緣每歎陳夫子常嗟李謫仙名高折

人爵思苦減天年不得當時遇空令後代憐相悲今若

此溢浦與通川

起聯點題因極贊元九之詩道屈才方振四句作轉軸

顧我文章劣至宿結字因緣叙自己之詩并及遭際每歎陳夫子至空令後代憐又舉古人之能詩不遇者以况兩人結出現在之地含蓄不盡其說詩處譬言如飲水

冷暖自知又如食蜜中邊皆甜兩人同調可方伯牙鍾

期矣

送客春遊嶺南二十韻

已訶遊何遠仍嗟別太頻離容君蹙促贈語我殷勤迢
遞天南面蒼茫海北漘河陵國分界交趾郡為隣翁鬱
三光晦溫曠四氣勻陰晴變寒暑昏曉錯星辰瘴地難
為老蠻陬不易馴土民稀白首洞主盡黃巾戰艦猶驚
浪戎軍未息塵紅旗圍卉服紫綬裏文身麪苦桄榔裏
漿酸橄欖新牙檣迎海舶銅鼓賽江神不凍貪泉暖無
霜毒草春雲煙鱗蛇氣刀劒鱷魚鱗路足羈棲客官多
謫逐臣天黃生颶母雨黑長楓人迴使先傳語征軒早
返輪須防盃裏鹽莫愛橐中珍北與南殊俗身將貨孰
親嘗聞君子誠憂道不憂貧

前叙嶺南風土物產之異結處規以不貪忠告善道所
以致殷勤也送遠詩如此用意乃為深厚泛作安慰語
便淺

欽定四庫全書

御選唐宋詩辭

辛

欽定四庫全書

御選唐宋詩辭

壬

幄之區東南水國蠻島夷洞之外無不曲盡其妙樂

天此詩亦可謂曲盡南中之俗矣

輟耕錄曰南方方言曰溫曠者得懷暖也王建宮詞

新晴草色暖溫曠

得行簡書聞欲下峽先以此寄

朝來又得東川信欲取春初發梓州書報九江聞頓喜
路經三峽想還愁瀟湘瘴霧加餐飯灑鴉驚波穩泊舟
欲寄兩行迎爾淚長江不肯向西流

南湖早春

風迴雲斷雨初晴返照湖邊暖復明亂點碎紅山杏發
平鋪新綠水蘋生翅低白鴈飛仍重舌澀黃鸝語未成
不道江南春不好年年衰病減心情

刻畫早春有色澤腹聯尤警

題韋家泉池

泉落青山出白雲繁村繞郭幾家分自從引作池中水

深淺方圓一任君

點額魚

龍門點額意何如紅尾青鬚却返初見說在天行雨苦為龍未必勝為魚

比體即曳尾泥中意

夜送孟司功

潯陽白司馬夜送孟功曹江闊管弦急樓明燈火高湖

波翻似箭霜草殺如刀且莫開征棹陰風正怒號

欽定四庫全書
御選唐宋詩醇
卷二十三

王

一氣旋折全以神行不知是情是景筆墨之痕俱化五律中此種境界開自老杜意到筆隨非可以規倣而得者也

湖亭與行簡宿

潰陽少有風情客招宿湖亭盡却回水檻虛涼風月好

夜深誰共阿憐來

贈江客

江柳影寒新雨地塞鴻聲急欲霜天愁君獨向沙頭宿

水繞蘆花月滿船

清冷逼人

潰陽秋懷贈許明府

霜紅二林葉風白九江波暝色投煙鳥秋聲帶雨荷馬
閒無處出門冷少人過幽莽還鄉夢依稀望闕歌共思
除醉外無計奈愁何試問陶家酒新芻得幾多

題遺愛寺前溪松

偃亞長松樹侵臨小石溪靜將流水對高共遠峯齊翠

欽定四庫全書
御選唐宋詩醇
卷二十三

王

蓋煙籠密花幢雪壓低與僧清影坐借鶴穩枝棲筆寫形難似琴偷韻易迷暑天風槭槭晴夜露淒淒獨契依爲舍間行統作蹊棟梁君莫采留著伴幽棲

咏物善取神韻故著題而不呆板若過於求切轉蹈剪綵爲花之弊

聞楊十二新拜省郎達以詩賀

文昌新入有光輝紫界宮牆白粉闈曉日雞人傳漏箭春風侍女護朝衣雪飄歌句高難和鶴拂煙霄老慣飛

官職聲名俱入手近來詩客似君稀

穩稱中自饒風致對句較出句必分外精警固由機熟亦本思長

送韋侍御量移金州司馬

春歡雨露同霑澤冬歎風霜獨滿衣留滯多時如我少遷移好處似君稀卧龍雲到須先起蟄燕雷驚尚未飛莫恨東西溝水別滄溟長短擬同歸

江西裴常侍以優禮見待又蒙贈詩輒叙鄙誠用

欽定四庫全書

御選唐宋詩醇

二十三

仲感謝

一從簪笏事金貂每借溫顏放折腰長覺身輕離泥滓忽驚手重捧瓊瑤馬因回顧雖增價桐遇知音已半焦

他日秉鈞如見念壯心直氣未全銷

優禮贈詩分對工細一結有身分遷謫之久一味感恩
偉澤豈復能自樹立耶

別草堂

三間茅舍向山開一帶山泉繞舍廻山色泉聲莫惆悵

三年官滿却歸來

行次夏口先寄李大夫

連山斷處大江流紅旆逶迤鎮上游幕下翹翔秦御史軍前奔走漢諸侯曾陪劖履升鸞殿欲謁旌幢入鶴樓假著緋袍君莫笑恩深始得向忠州

用事典切聲調高亮七律中正法眼藏與劉禹錫最相似

重贈李大夫

欽定四庫全書

御選唐宋詩醇

二十五

早接清班登玉陛同承別詔直金鑾鳳巢閣上容身穩鶴鑠籠中展翅難流落多年應是命量移遠郡未成官慚君獨不欺僂願猶作銀臺舊眼看

御選唐宋詩醇卷二十三



總校官庶吉士臣張能照
校對官庶吉士臣于鼎
謄錄監生臣何始連

欽定四庫全書叢要

集部

御選唐宋詩醇卷二十一

四

欽定四庫全書叢要

御選唐宋詩醇卷二十四

太原白居易詩六

目錄

江州赴忠州至江陵以來舟中示舍弟五十韻

題岳陽樓

入峽次巴東

郡齋暇日憶廬山草堂兼寄二林僧社三十韻皆

叙貶官以來出處之意

陰雨

送蕭處士遊黔南

竹枝詞四首

巴水

別種東坡花樹兩絕

別橋上竹

太平樂詞二首

詳校官原任事
臣李斯咏

欽定四庫全書

御選唐宋詩醇
卷二十四 目錄

閨怨詞三首 錄二首

長洲苑

憶江柳

初除主客郎中知制誥與王十一李七元九三舍人中書同宿話舊感懷

見于給事暇日上直寄南省諸郎官詩因以戲贈

西省北院新構小亭種竹開窗東通騎省與李常

侍隔窗小飲因題四韻

欽定四庫全書
御選唐宋詩醇
卷二十四目錄

送客南遷

舊房

新昌新居書事四十韻因寄元郎中張博士

勤政樓西老柳

偶題閣下廳

喜張十八博士除水部員外郎

晚庭逐涼

梨園弟子

暮江吟

聽彈湘妃怨
逢張十八員外籍

重到江城感舊遊題郡樓十一韻

題別遺愛草堂兼呈李十使君

舟中晚起

晚興

夜歸

欽定四庫全書
御選唐宋詩醇
卷二十四目錄

臘後歲前遇景詠意

郡齋暇日辱常州陳郎中使君早春晚坐水西館

書事詩十六韻見寄亦以十六韻酬之

題小橋前新竹招客

病中逢秋招客夜酌

洛下卜居

郡中西園

九日宴集醉題郡樓兼呈周殷二判官

霓裳羽衣歌

小童薛陽陶吹觱篥歌

雙石

和微之四月一日作

喜雨

六年春贈分司東都諸公

和微之詩二十三首錄三首

和三月三十日四十韻

欽定四庫全書

御選唐宋詩醇
卷二十四目錄

四

和酬鄭侍御東陽春悶放懷追越遊見寄

欽定四庫全書

御選唐宋詩醇
卷二十四

二

色江隨地改名風光近東早水木向南清夏口煙孤起
湘川雨半晴日煎紅浪沸月射白沙明北渚寒留雁南

枝暖待鶯駢朱桃露萼點翠柳含萌亥市魚鹽聚神林

鼓笛鳴壺漿椒葉氣歌曲竹枝聲繁縝沙靜垂綸愛

岸平水餐紅粒稻野茹紫花青甌泛茶如乳臺粘酒似

餠膾長抽錦縷蘋脆削瓊英容易來千里斯須進一程

未曾勞氣力漸覺有心情卧穩添春睡行遲帶酒醒忽

愁牽世網便欲濯塵纓早接文場戰曾爭翰苑盟掉頭

欽定四庫全書薈要卷一萬九千三百四十八集部

御選唐宋詩醇卷二十四

太原白居易詩六

江州赴忠州至江陵以來舟中示舍弟五十韻

昔作咸秦客常思江海行今來仍盡室此去又專城典
午猶為幸分憂固是榮屏篁州乘送艤牒驛船迎共載
皆妻子同遊即弟兄寧辭浪迹遠且貴賞心并雲展帆

高掛飈馳櫂迅征泝流從漢浦循路轉荆衡山逐時移

欽定四庫全書

御選唐宋詩醇
卷二十四

一

稱俊造翹足取公卿且昧隨時義徒輸報國誠衆排恩

易失偏壓勢先傾虎尾憂危切鴻性命輕燭蛾誰救

護蠶繭自縶縈歛手辭雙闕回眸望兩京長沙拋賈誼

漳浦卧劉楨題鷓鴣鳴還歇蟾蜍破又盈年光同激箭鄉

思極搖旌潦倒親知笑衰羸舊識驚烏頭應感白魚尾

為勞賴効學將何用丹燒竟不成孤舟萍一葉雙鬢雪

千莖老見人情盡閒思物理精如湯探冷熱似博鬪輸

贏險路應須避迷塗莫共爭此心知止足何物要經營

欽定四庫全書
御選唐宋詩醇
卷二十四
三

玉向泥中潔松經雪後貞無妨隱朝市不必謝寰瀛但

在前非悟期無後患嬰多知非景福少語足元亨晦即

全身樂明為伐性兵昏昏隨世俗蠹蠹學黎甿鳥以能言

繡龜緣入夢烹知之一何晚猶足保餘生

議論與叙事相間而行才氣渾翻潮湧一筆掃就

題岳陽樓

岳陽城下水漫漫獨上危樓凭曲闌春岸綠時連夢澤

夕波紅處近長安猿攀樹立啼何苦鴈點湖飛渡亦難

此地唯堪畫圖障華堂張與貴人看

結語振竦洞庭之險更不待實寫

入峽次巴東

不知遠郡何時到猶喜全家此去同萬里王程三峽外

百年生計一舟中巫山暮足霑花雨隴水春多逆浪風

兩片紅旌數聲鼓使君艤艤上巴東

量移涉險非樂境也中兩聯寫舟行之苦落句偏結得

有氣色

欽定四庫全書
御選唐宋詩醇
卷二十四
三

容齋隨筆曰杜子美詩夜足霑沙雨春多逆水風樂

天巫山隴水二句全用之

郡齋暇日憶廬山草堂兼寄二林僧社三十韻皆

叙貶官以來出處之意

諫諍知無補遷移分所當不堪匡聖主只合事空王龍

象授新社鷦鷯失故行沉吟辭北闕誘引向西方便住

雙林寺仍開一草堂平治行道路安置坐禪牀手版支

為枕頭巾閣在牆先生烏几烏居士白衣裳竟歲何曾

悶終身不擬忙滅除殘夢想換盡舊心腸世界多煩惱

形神久損傷正從風鼓浪轉作日銷霜吾道尋知止君恩偶未忘忽蒙頒鳳詔兼謝剖魚章蓮靜方依水葵枯重仰陽三車猶夕會五馬已晨裝去似尋前世來如別故鄉眉低出鷺嶺腳重下蛇岡漸望廬山遠彌愁峽路

長香鑪峯隱隱巴字水茫茫瓢挂留庭樹經收在屋梁

春拋紅藥圃夏憶白蓮塘唯擬捐塵事將何答寵光有期追永遠無政繼龔黃南國秋猶熱西齋夜暫涼閒吟

欽定四庫全書

御選唐宋詩醇

卷二十四

四

四句偈靜對一爐香身老同丘井心空是道場覓僧為去伴留俸作歸糧為報山中侶憑看竹下房會應歸去

在松菊莫教荒

一路順敘熨貼中鍼線細密宛轉斡旋無一毫痕跡此種長律正不易得

陰雨

嵐霧今朝重江山此地深灘聲秋更急峽氣曉多陰望闕雲遮眼思鄉雨滴心將何慰幽獨賴此壯窗琴

送蕭處士遊黔南

能文好飲老蕭郎身似浮雲鬢似霜生計拋來詩是業家園忘却酒為鄉江從巴峽初成字猿過巫陽始斷腸不醉黔中爭去得磨圍山月正蒼蒼

音節悲涼聞清歌應喚奈何也

竹枝詞四首

瞿塘峽口水煙低白帝城頭月向西唱到竹枝聲咽處

寒猿聞鳥一時啼

欽定四庫全書

御選唐宋詩醇

卷二十四

五

竹枝苦怨怨何人夜靜山空歇又聞蠻兒巴女齊聲唱

愁殺江樓病使君

巴東船舫上巴西波面風生雨脚齊水蓼冷花紅簇簇

江離溼葉碧淒淒

江畔誰人唱竹枝前聲斷咽後聲遲怪來調苦緣詞苦

多是通州司馬詩

聲韵悠揚最合竹枝之體

唐汝詢曰冷煙斜月之景竹枝悲咽之聲即寒猿暗

鳥尚不勝情況可使愁人聽之耶

巴水

城下巴江水春來似麴塵軟莎如渭曲斜岸憶天津影
蘸新黃柳香浮小白蘋臨流搔首坐惆悵為何人

別種東坡花樹兩絕

三年留滯在江城草樹禽魚盡有情何處殷勤重回首
東坡桃李種新成

花林好住莫顚願春至但知依舊春樓上明年新太守

欽定四庫全書

御選唐宋詩醇

卷二十四

六

不妨還是愛花人

深情達語

別橋上竹

穿橋迸竹不依行恐礙行人被損傷我去自慚遺愛少

不教君得似甘棠

太平樂詞二首

歲豐仍節儉時泰更銷兵聖念長如此何憂不太平
湛露浮堯酒熏風起舜歌願同堯舜意所樂在人和

閨怨詞三首 錄二首

珠箔籠寒月紗窓背曉燈夜來巾上淚一半是春冰
關山征戍遠閨閣別離難苦戰應顚願寒衣不要寬
二詩意在言外有盛唐人遺意

長洲苑

春入長洲草又生鷺鵠飛起少人行年深不辨娃宮處
夜夜蘇臺空月明

憶江柳

曾栽楊柳江南岸一別江南兩度春遙憶青青江岸上
不知攀折是何人

一氣直下節促而意長

初除主客郎中知制誥與王十一李七元九三舍

人中書同宿話舊感懷

閒宵靜話喜還悲聚散窮通不自知已分雲泥行異路
忽驚雞鶴宿同枝紫垣曹署榮華地白髮郎官老醜時
莫怪不如君氣味此中來校十年遲

居易以元和十年貶江州司馬十五年冬自忠州召還

拜尚書司門員外郎轉主客郎中知制誥在外凡六年矣撫今追昔無限感慨悲喜二字為一篇綱領第三句悲第四句喜第五句喜第六句悲末二句喜中有悲其實悲之意多於喜深厚蘊藉細玩自知居易非沾沾於祿位者故曰聚散窮通不自知蓋其安命素矣

見于給事暇日上直寄南省諸郎官詩因以戲贈

倚作天仙弄地仙誇張一日抵千年黃麻敕勝長生錄

白紵詞嫌內景篇雲彩誤居青瑣地風流合在紫微天

東曹漸去西垣近鶴駕無妨更著鞭

蔡寬夫詩話曰唐制諫議大夫班給事中上中書舍人班又次之然自外入為諫議者歲滿始遷給事中歲滿始遷舍人蓋以下為進故有上坡下坡之說樂天贈于給事詩雲彩誤居青瑣地四句雖以為戲亦當時實事也

西省北院新構小亭種竹開窗東通騎省與李常

侍闋憲小飲因題四韻

結託白鬚伴因依青竹叢題詩新壁上過酒小窗中深院晚無日虛檐涼有風金貂醉看回首紫垣東

蘇軾曰元祐元年予為中書舍人時執政患本省事多泄漏欲於舍人廳後作露籬禁同省往來予白詣公應須簡要清通何必裁籬插棘諸公笑而止明年竟作之暇日讀樂天此詩乃知唐時西掖後作憲以通東省而今日本省不得往來可歎也

送客南遷

欽定四庫全書

御選唐宋詩醇

八

欽定四庫全書

御選唐宋詩醇

九

我說南中事君應不願聽曾經身困苦不覺語丁寧燒處愁雲夢波時憶洞庭春舍煙勃勃秋瘴露冥冥蚊蚋經冬活魚龍欲雨腥水蟲能射影山鬼解藏形穴掉巴蛇尾林飄鷁鳥翎颶風千里黑茷草四時青客似驚弦雁舟如委浪萍誰人勸言笑何計慰漂零慎勿琴離膝長須酒滿餅大都從此去宜醉不宜醒

將欲詳說南中之苦而先著君應不願聽五字曲折深

摯中幅鋪叙風土物產未結出送之之情此詩與前送客遊嶺南同一機局然彼係宦遊故規以不貪此係遷謫故進以自遣義各有取爾

方回曰樂天一貶江州司馬移忠州刺史後歸朝為中書舍人出知杭州名復為蘇州未嘗遠貶其殆借此為題以誇筆端之富妙于鋪叙南土之景歟

舊房

遠壁秋聲蟲絡絲入檐新影月低眉牀帷半故簾旌斷

欽定四庫全書

御選唐宋詩醇

卷二十四

十一

仍是初寒欲夜時

平平寫景淒然欲絕此種意境非三唐以後所能到

新昌新居書事四十韻因寄元郎中張博士

冒寵已三遷歸朝始二年囊中貯餘俸園外買閒田孤兎同三徑蒿萊共一壘新園聊剗穢舊屋且扶顛檐漏移傾瓦梁敲換蠹椽平治繞臺路整頓近階甃巷狹開容駕牆低壘過肩門閭堪駐蓋堂室可鋪筵丹鳳樓當後青龍寺在前市街塵不到官樹影相連省吏嫌坊遠

豪家笑地偏敢勞賓客訪或望子孫傳不覓他人愛唯將自性便等閒裁樹木隨分占風煙逸致因心得幽期遇境牽松臂疑澗底草色勝河邊虛澗冰銷地晴和日出天苔行滑如簾莎坐軟於縣簾每當山卷帷夕待月褰籬東花掩映窗北竹蟬娟迹慕青門隱名慚紫禁仙假歸思晚沐朝去戀春眠拙薄才無取疎慵職不專題牆書命筆酌酒率分錢柏杵春靈藥銅鉢漱暖泉鑪香穿蓋散籠燭隔紗燃陳室何曾埽陶琴不要弦屏除俗事盡養活道情全尚有妻孥累猶為組綬纏終須拋爵祿漸擬斷腥羶大底宗莊叟私心事竺乾浮榮水劃字真諦火生蓮梵部經十二玄書字五千是非都付夢語默不妨禪博士官猶冷郎中病已痊多同僻處住久結靜中緣緩步攜筇杖徐吟展蜀箋老宜閒語話悶憶好詩篇蠻榼來方瀉蒙茶到始煎無辭數相見鬢髮各蒼然

鋪叙新居詩中有畫或議其俚俗瑣碎然不可及處正

在此入他人手必不能如此詳細遇求詳悉必不能如此位置妥帖竹頭木屑皆非棄物亦顧其用之者何如耳

耳

勤政樓西老柳

半朽臨風樹多情立馬人開元一株柳長慶二年春

不著一字盡得風流

偶題閣下廳

靜愛青苔院深宜白髮翁貌將松共瘦心與竹俱空暖

有低檐日春多颺幕風平生閒境界盡在五言中

喜張十八博士除水部員外郎

老何歿後吟聲絕雖有郎官不愛詩無復篇章傳道路

空留風月在曹司長嗟博士官猶屈亦恐騷人道漸衰

今日聞君除水部喜於身得省郎時

一氣呵成句句轉筆筆靈章法亦本杜甫不襲其貌而

得其神故佳宋人如楊廷秀輩有意摹仿此種徒成油

腔滑調耳

欽定四庫全書

御選唐宋詩醇

十二

欽定四庫全書

御選唐宋詩醇

十三

滿山紅葉鏘宮門

白頭垂淚話梨園五十年前雨露恩莫問華清今日事

梨園弟子

送客出門後移牀下砌初趁涼行繞竹引睡卧看書老更為官拙慵多向事疎松窗倚藤杖人道是僧居

晚庭逐涼

方回曰何遜以詩名老杜頌之曰能詩何水曹張籍是除樂天賀之五十六字如一直說話自然條暢

逢張十八員外籍

玉軫朱絃瑟瑟徵吳娃徵調奏湘妃分明曲裏衣愁雲雨似道蕭蕭郎不歸

自注江南新詞有云暮雨蕭蕭郎不歸

寫景奇麗是一幅著色秋江圖

聽彈湘妃怨

旅思正茫茫相逢此道傍晚風林葉闊秋露草花香白
髮江城守青衫水部郎客亭同宿處忽似夜歸鄉

重到江州感舊遊題郡樓十一韻

掌綸知是忝剖竹信為榮才薄官仍重恩深責尚輕昔
徵從典午今出自承明鳳詔休揮翰漁歌欲濯纓還乘
小艤船却到古溢城醉客臨江待禪僧出郭迎青山滿
眼在白髮半頭生又校三年老何曾一事成重過蕭寺
宿再上庾樓行雲水新秋思問閩舊日情郡民猶認得

欽定四庫全書

御選唐宋詩醇
卷二十四

十五

司馬咏詩聲

全首著意重到二字落句意與神會情景逼真

題別遺愛草堂兼呈李十使君

自注李亦廬山人常隱白鹿洞

曾住鑪峯下書堂對藥臺斬新蘿徑合依舊竹窗開砌
水新聞淺池荷手自裁五年方斂至一宿又須回縱未
長歸得猶勝不到來君家白鹿洞聞道亦生苔

草堂記中有清泉白石實聞斯言之語縱未長歸得二
句殆自為解嘲耶

遜叟詩話曰白樂天用斬新亦出杜斬新花榮未應
飛斬字正形容其新在可解不可解之間

舟中晚起

日高猶掩水窗眠枕簟清涼八月天泊處或依酤酒店
宿時多伴釣魚船退身江海應無用憂國朝廷自有賢
且向錢塘湖上去冷吟閒醉二三年

前四句即目之景皆退身無用實事也第六句忽接云

憂國朝廷自有賢此豈無意於國惟惄然漫諉之他人

欽定四庫全書

御選唐宋詩醇
卷二十四

十五

者蓋言既不用乞身遠出繫心不忘觸景生感不覺衝
口而出既而思之無可如何且惟冷吟閒醉而已命意
深厚直與杜甫同調非劉禹錫輩輕薄者所及

晚興

極浦收殘雨高城駐落暉山明虹半出松間鶴雙歸將
吏隨衙散文書入務稀閒吟倚新竹筠粉汙朱衣

夜歸

半醉間行湖岸東馬鞭敲鐙轡瓏璁萬株松樹青山上

十里沙堤明月中樓角漸移當路影潮頭欲過滿江風

歸來未放笙歌散盡戟門開蠟燭紅

次聯已盡西湖之景五六從空中摹擬而得潮頭欲過
滿江風較許渾山雨欲來風滿樓句更為闊大

汪立名曰按西湖蘇白隄相傳二公始築新書亦云

居易為杭州刺史始築隄捍錢塘湖此公初到杭州
詩已有十里沙堤句又錢唐湖石函記但云修築河
隄加高數尺別杭民詩注云增築湖隄築不自公始

欽定四庫全書

御選唐宋詩醇

志

欽定四庫全書

御選唐宋詩醇

志

明矣或以公詩有綠楊陰裏白沙隄為白隄所自來
然公詩如護江隄白蹋晴沙亦用白沙不獨湖隄也
况公所修湖隄在湖之東北接連下湖舊志近昭慶
有石函橋溜水橋是其故址即李泌設閘洩水引灌
六井處今杭人率指蘇隄之西為白隄蓋不相涉又
有指石徑塘為白隄者不知張祜已有斷橋荒蘚合
之句矣白詩誰開湖寺西南路草綠裙腰一道斜自
注云孤山寺在湖洲中草綠時望如裙腰正指今石

徑塘也

臘後歲前遇景詠意

海梅半白柳微黃凍水初融日欲長度臘都無苦霜霰
迎春先有好風光郡中起晚聽衙鼓城上行慵倚女牆
公事暫閒身且健使君殊未厭餘杭

郡齋暇日辱常州陳郎中使君早春晚坐水西館
書事詩十六韻見寄亦以十六韻酬之

新年多暇日晏起褰簾坐睡足心更慵日高頭未裹徐

傾下藥酒稍爇煎茶火誰伴寂寥身無弦琴在左遙思
毘陵館春深物嫋娜波拂黃柳梢風搖白梅朵衙門排曉
戟鈴閣開朝鎖太守水西來朱衣垂素舸良辰不易得
佳會無由果五馬正相望雙魚忽前墮魚中獲瑰寶持
玩何磊砢一百六十言字字靈珠顆上申心欸曲下敘
時輒慄才富不如君道孤還似我敢辭官遠慢且貴身
安妥勿復問榮枯冥心無不可

遙思毘陵館至佳會無由果一段先托起一層以下再

叙入寄詩便曲折有致行文最忌直遂詩亦何必不然
學者參此思過半矣

題小橋前新竹招客

雁齒小紅橋垂檐低白屋橋前何所有冉冉新生竹皮
開坼褐錦節露抽青玉筠翠如可餐粉霜不忍觸閒吟
聲未已幽鼯心難足管領好風煙輕欺凡草木誰能有
月夜伴我林中宿為君傾一杯狂歌竹枝曲

筠翠一聯寫得浮筠膩粉光動紙上曲盡新竹姿致

欽定四庫全書

御選唐宋詩醇

卷二十四

大

病中逢秋招客夜酌
不見詩酒客卧來半月餘合和新藥草尋檢舊方書晚
霽煙景度早涼窗戶虛雪生衰鬢久秋入病心初卧簾
蘄竹冷風襟卽葛疎夜來身校健小飲復何如

洛下卜居

三年典郡歸所得非金帛天竺石兩片華亭鶴一隻飲
啄供稻粱苞裏用茵席誠知是勞費其奈心愛惜遠從
餘杭郭同到洛陽陌下擔拂雲根開籠展霜翮貞姿不

可雜高性宜其適遂就無塵坊仍求有水宅東南得幽
境樹老寒泉碧池畔多竹陰門前少人迹未請中庶祿
且脫雙駿易自注買履道宅價足因以兩馬償之不宣獨為身謀安吾鶴
與石

清況可掬却是抒寫真趣非矯語鳴庶也鶴石分承細
寫一句結足不曰點綴新居而曰安鶴與石妙甚

郡中西園

閒園多芳草春夏香靡靡深樹足佳禽旦暮鳴不已院

欽定四庫全書

御選唐宋詩醇

卷二十四

十九

門閉松竹庭徑穿蘭芷愛彼池上橋獨來聊徙倚魚依
藻長樂鷗見人暫起有時舟隨風盡日蓮照水誰知郡
府內景物間如此始悟喧靜緣何嘗繫遠邇

九日宴集醉題郡樓兼呈周殷二判官

前年九日餘杭郡呼賓命宴虛白堂去年九日到東洛
今年九日來吳鄉兩邊蓬鬢一時白三處菊花同色黃
一日日知添老病一年年覺惜重陽江南九月未搖落

柳青蒲綠稻穟香姑蘇臺榭倚蒼靄太湖山水含清光
可憐假日好天色公門吏靜風景涼榜舟鞭馬取賓客
掃樓拂席排壺觴胡琴錚錚指撥刺吳娃美麗眉眼長
笙歌一曲思凝絕金鉢再拜光低昂日脚欲落備燈燭
風頭漸高加酒漿觥瓊濫飛菡萏葉舞鬟罷落茱萸房
半酣憑檻起四顧七堰八門六十坊遠近高低寺間出
東西南北橋相望水道脈分棹鱗次里閣幕布城冊方
人煙樹色無隙罅十里一片青茫茫自問有何才與政

欽定四庫全書

御選唐宋詩醇

卷二十一

高廳大館居中央銅魚今乃澤國節刺史自古吳都王
郊無戎馬郡無事門有棨戟腰有章盛時儻來合慚媿
壯歲忽去還感傷從事醒歸應不可使君醉倒亦何妨
請君停杯聽我語此語真實非虛狂五旬已過不為夭
七十為期蓋是常須知菊酒登高會從此多無二十場
以九日起以宴集結中幅鋪陳吳中山水人物城市之
勝可作圖經

霓裳羽衣歌

自注和微之

我昔元和侍憲皇曾陪內宴宴昭陽千歌百舞不可數
就中最愛霓裳舞舞時寒食春風天玉鉤欄下香案前
案前舞者顏如玉不著人家俗衣服虹裳霞帔步搖冠
鉢瓔珞纍纍珮珊珊娉婷似不任羅綺顧聽樂懸行復止
磬簫箏笛遞相攬擊撼彈吹聲邇迤散序六奏未動衣
陽臺宿雲慵不飛中序擘騫初入拍秋竹竿裂春冰坼
飄然轉旋迴雪輕嫣然縱送游龍驚小垂手後柳無力
斜曳裾時雲欲生煙蛾斂畧不勝態風袖低昂如有情
上元點鬟招綠萼王母揮袂別飛瓊繁音急節十二遍
跳珠撼玉何鏗鏘翔鸞舞了却收翅唳鶴曲終長引聲
當時乍見驚心目凝視啼聽殊未足一落人間八九年
耳冷不曾聞此曲溢城但聽山魈語巴峽唯聞杜鵑哭
移領錢塘第二年始有心情問絲竹玲瓏笙簧謝好箏
陳寵戚栗沈平笙清絃脆管纖纖手教得霓裳一曲成
虛白亭前湖畔前後祇應三度按便除庶子拋却來
聞道如今各星散今年五月至蘇州朝鐘暮角催白頭

貪看案牘常常侵夜不聽笙歌直到秋秋來無事多閒悶
忽憶霓裳無處問聞君部內多樂徒間有霓裳舞者無
答云七縣十萬戶無人知有霓裳舞唯寄長歌與我來
題作霓裳羽衣譜四幅花牋碧石間紅霓裳實錄在其中
千姿萬狀分明見恰與昭陽舞者同眼前髮鬢觀形質
昔日今朝想如一疑從魂夢呼召來似著丹青圖寫出
我愛霓裳君合知發於歌詠形於詩君不見我歌云驚
破霓裳羽衣曲又不見我詩云曲愛霓裳未拍時由來
欽定四庫全書
御選唐宋詩醇
卷二十四
三

能事皆有主楊氏創聲君造譜君言此舞難得人須是
傾城可憐女吳妖小玉飛作煙越縠西施化為土嬌花
巧笑久寂寥娃館苧蘿空處所如君所言誠有是君試
從容聽我語若求國色始翻傳但恐人間廢此舞妍蚩
優劣寧相遠大都只在人搢舉李娟張態君莫嫌亦擬
隨宜且教取

我昔元和侍憲皇至唳鶴曲終長引聲叙霓裳羽衣之
節奏聲容也當時乍見驚心目至聞道如今各星散敘

自己之仕途遷移而選伎以教霓裳也今年五月至蘇
州至似著丹青圖寫出敘微之之寄霓裳羽衣譜也我
愛霓裳君合知至末以和詩意作結而言此舞之不可
失其傳也曰就中最愛霓裳舞教得霓裳一曲成無人
知有霓裳舞恰與昭陽舞者同但恐人間廢此舞叙次
分明層層照應可當一篇霓裳羽衣記情致纏綿往復
極一唱三歎之妙

夢溪筆談曰葉法善引明皇入月宮聞仙樂及上歸
欽定四庫全書
御選唐宋詩醇
卷二十四
三

但記其半遂於笛中寫之會西涼府都督楊敬述進
婆羅門曲與其聲調相符遂以月中所聞為散序用
敬述所進為其腔而名霓裳羽衣曲其說出鄭嶧津
陽門詩注與公自注不同又蒲州逍遙樓橋上有唐
人橫書類梵字相傳是霓裳譜字訓不通莫知是非
或謂今燕部有獻仙音曲乃其遺聲然霓裳本謂之
道調法曲今獻仙音乃小石調耳未知孰是

韻語陽秋曰霓裳羽衣舞始於開元盛於天寶今寂

不傳矣賴有白詩可見一二爾虹裳二句言所飾之

服也散序二句及繁音二句言所奏之曲也而唐會
要謂破陣樂赤白桃李花望瀛霓裳羽衣總名法曲
今世所傳望瀛亦十二編散序無拍曲終亦長引聲
若樂奏望瀛亦可髣髴其遺意云

小童薛陽陶吹觱篥歌

自注和浙西
李大夫作

翦削乾蘆挿寒竹九孔漏聲五音足近來吹者誰得名

關璡老死李袞生袞今又老誰其嗣薛氏樂童年十二

欽定四庫全書

御選唐宋詩醇
卷二十四

二十五

指點之下師授聲含嚼之間天與氣潤州城高霜月明
吟霜思月欲發聲山頭澗底何悄悄猿聲不喘魚龍聽
翕然聲作疑管裂訣然聲盡疑刀截有時婉軟無筋骨
有時頓挫生稜節急聲員轉促不斷轢轢鱗鱗似珠貫
緩聲展引長有條有條直直如筆描下聲乍墜石沉重
高聲忽舉雲飄蕭明日公堂陳宴席主人命樂娛賓客
碎絲細竹徒紛紛宮調一聲雄出羣衆音覩縷不落道
有如部伍隨將軍嗟爾陽陶方稚齒下手發聲已如此

若教頭白吹不休但恐聲名壓關李

全是摹老杜觀舞劍器行而變化出之筆力峭勁詞意
奇警在集中又高一格

汪立名曰按李德裕有霜夜對月聽小童陽陶吹觱篥
栗歌羅隱詩平泉上相東征日曾為陽陶吹觱篥吳
江太守會稽侯相次三篇皆俊逸太守謂公會稽侯
謂元也然元相集中已失此詩

桂苑叢談曰咸通中姑臧公自梁移鎮淮海郡寡勝

欽定四庫全書

御選唐宋詩醇
卷二十四

二十五

遊之地且風亭月觀既已荒涼於戲馬臺連玉鉤道
開創池沼建亭臺既畢號曰賞心有浙右小校薛陽
陶監押度支運米入城公喜其姓名試詢之果是舊
人及問往日蘆管之事有朱崖陸暢元白所撰歌篇
一軸公益喜之以蘆管奏於茲亭其管絕微每一簞
栗管中常容三管聲聲如天際自然來云

雙石

蒼然兩片石厥狀怪且醜俗用無所堪時人嫌不取結

從胚渾始得自洞庭口萬古遺水濱一朝入吾手擔昇
來郡內洗刷去泥垢孔黑煙痕深罅青苔色厚老蛟蟠
作足古劍挿為首忽疑天上落不似人間有一可支吾
琴一可貯吾酒峭絕高數尺坳泓容一斗五絃倚其左
一杯置其右窪尊酌未空玉山頰已久人皆有所好物
各求其偶漸恐少年場不容垂白叟廻頭問雙石能伴
老夫否石雖不能言許我為三友

觸手明通游戲自在此種詩境開自居易而蘇軾效之

欽定四庫全書

御選唐宋詩醇

卷二十四

五

軾集中楊康功石一首本此

和微之四月一日作

四月一日天花稀葉陰薄泥新燕影忙蜜蜂聲樂麥
風低冉冉稻水平漠漠芳節或蹉跎遊心稍牢落春華
信為美夏景亦未惡颶浪嫩青荷重欄晚紅藥吳宮好
風月越郡多樓閣兩地誠可憐其奈久離索

喜雨

圃旱憂葵莖農旱憂禾菽人各有所私我旱憂松竹松

乾竹焦死眷眷在心目灑葉溉其根汲水勞僮僕油雲
忽東起涼雨淒淒相續似面洗垢塵如頭得膏沐千柯習
習潤萬葉欣欣綠千日澆灌功不如一霖霖方知宰生
靈何異活草木所以聖與賢同心調玉燭

千日澆灌功不如一霖霖口頭尋常語却是至理喜字
意纔寫得盡末四句推廣言之小中見大蓋濟人利物
之心無時或忘也

六年春贈分司東都諸公

時為河

欽定四庫全書

御選唐宋詩醇

卷二十四

五

我為同州牧內媿無才術忝擢恩已夕遭逢幸非一偶
當穀賤歲適值民安日郡縣獄空虛鄉閭盜奔逸其間
最幸者朝客多分秩行接駕鷺羣坐成芝蘭室時聯拜
表騎間動題詩筆夜雪秉燭遊春風攜榼出花教鶯點
檢柳付風排比法酒澹清漿含桃媚紅實洛童調金管
盧女鏗瑤瑟黛慘歌思深腰凝舞拍密每因同醉樂自
覺忘衰疾始悟肘後方不如杯中物生涯隨日過世事
何時畢老子苦乘慵希君數牽率

偶當穀賤歲四旬先將境內承平之況吏治之善特筆
提寫以下接入宴遊之樂便自不妨此其所以可幸也
儻四境不治而從事宴遊是曠官也方自媿之不暇何
以幸為韋應物詩云邑有流亡媿俸錢與此作兩得之
矣

和微之詩二十三首并序錄三首

微之又以近作二十三首寄來命僕繼和其間瘀絮
四百字車斜二十篇者流皆韻劇辭殫瓊奇怪謠又

欽定四庫全書

御選唐宋詩醇

卷二十一

欽定四庫全書

御選唐宋詩醇

三九

題云奉煩只此一度乞不見辭意欲定霸取威置僕
於窮地耳大凡依次用韻同而意殊約體為文文
成而理勝此足下素所長者僕何有焉今足下果用
所長過蒙見窘然敵則氣作急則計生四十二章麾
埽並畢不知大敵以為何如夫劙石破山先觀鏡迹
發矢中的兼聽弦聲以足下來章惟求相困故老僕
報語不覺大誇況曩者唱酬近來因繼已十六卷凡
千餘首矣其為敵也當今不見其為多也從古未聞

所謂天下英雄唯使君與操耳戲及此者亦欲三千
里外一破愁顏勿示他人以取笑謂樂天白

和三月三十日四十韻

送春君何在君在山陰署憶我蘇杭時春遊亦多處為
君歌往事豈敢辭勞慮莫怪言語狂須知酬答遽江南
臘月半水凍凝如瘞寒景尚蒼茫和風已吹噓女牆城
似竈雁齒橋如鋸魚尾上齋論草芽生沮洳律遲太簇
管日暖羲和馭布澤木龍催迎春土牛助雨師習習灑

雲將飄飄翥四野萬里晴千山一時曠杭土麗且康蘇
民富而庶善惡有懲勸剛柔無吐茹兩衙少辭牒四境
稀書疏俗以勞侏安政因閒暇著仙亭日登眺虎丘時
遊豫尋幽駐旌軒逞勝廻賓御舟移溪鳥避樂作林猿
覲池古莫邪沉石奇羅刹踞水苗泥易耨畬粟灰難鉏
紫蕨抽出畦白蓮理在淤萎花紅帶黯溼葉黃含菴鏡
動波颶菱雪迴風旋絮手經攀桂馥齒為嘗梅楚坐并
船脚敲行多馬蹄跔聖賢清濁醉水陸鮮肥飲魚膾芥

醬調水葵鹽豉雖微五袴歌幸免兆人詛但令樂不
荒何必遊無倨吳苑僕尋罷越城公尚據舊遊幾客存
新宴誰人與莫空文舉酒強下何曾箸江上易優游城
中多毀譽分應當自盡事勿求人怒我既無子孫君仍
畢婚娶久為雲雨別終擬江湖去范蠡有扁舟陶潛有
籃輦兩心苦相憶兩口遙相語最恨七年春春來各一處
和韻奇險正自章妥句適寫景歷歷如畫引人入勝但
令樂不荒何必遊無倨分應當自盡事勿求人怒尤
急從東吹流年懶恍不饒我美景鮮妍來為誰紅塵三

條界阡陌碧草千里鋪郊畿餘霞斷時綺幅裂斜雲展
處羅文紙暮鐘遠近聲互動暝鳥高下飛追隨酒酣將
歸未能去悵然迴望天四垂生何足養嵇著論途何足
泣楊漣渙胡不花下伴春醉滿酌綠酒聽黃鸝嘉魚點
頭時一歎聽我此言不知疲語終興盡各分散東西軒
騎分逶迤此時勿遣閒人見見恐與他為笑資白首舊
察知我者憑君一詠向周師自注周判官師範蘇杭
舊判官去範字叶韻

見道之言
和酬鄭侍御東陽春閑放懷追越遊見寄
君得嘉魚置賓席樂如南有嘉魚時勁氣森爽竹竿竦
妍文煥爛芙蓉披載筆在幕名已重補袞於朝官尚卑
一絰疏入掩谷永三都賦成排左思自言拜辭主人後
離心蕩颺風前旗東南門館別經歲春眼悵望秋心悲
自注已上 叙嘉魚昨日嘉魚來訪我方駕同出何所之樂遊原
頭春尚早百舌新語聲椑椑日趁花忙向南坼風催柳

整麗疎宕七古正則
和順之琴者
陰陰花院月耿耿蘭房燭中有弄琴人聲貌俱如玉清
冷石泉引雅澹風松曲遂使君子心不愛凡絲竹

御選唐宋詩醇卷二十四

欽定四庫全書
御選唐宋詩醇

卷二十五

秋涼閒卧

代鶴

太原白居易詩七

目錄

秋池二首

中隱

葺池上舊亭

翫止水

欽定四庫全書

御選唐宋詩醇
卷二十五目錄

聞崔十八宿予新昌敝宅時予亦宿崔家依仁新
亭一宵偶同兩興暗合因而成詠聊以寫懷

池上夜境

遊坊口懸泉偶題石上

詠興五首錄三首

出府歸吾廬

池上有小舟

四月池水滿

欽定四庫全書
御選唐宋詩醇

卷二十五

秋涼閒卧

代鶴

立秋夕有懷夢得

秋日與張賓客舒著作同遊龍門醉中狂歌凡二
百三十八字

南池早春有懷

北窗三友

裴侍中晉公以集賢林亭即事詩二十六韻見贈

欽定四庫全書

御選唐宋詩醇
卷二十五目錄

猥蒙徵和才拙詞繁輒廣為五百言以伸酬獻
晚歸香山寺因詠所懷

洛陽有愚吏

閒居自題

菩提寺上方晚望香山寺寄舒員外

小臺

池上作

小閣閒坐

遊平泉宴泥澗宿香山石樓贈座客

和夢得洛中早春見贈七韻

李盧二中丞各創山居俱誇勝絕然去城稍遠來
往頗勞敝居新泉實在宇下偶題十五韻聊戲二

君

夢上山

錢塘湖春行

西湖晚歸回望孤山寺贈諸客

欽定四庫全書

御選唐宋詩醇

三

杭州春望

湖亭晚歸

孤山寺遇雨

餘杭形勝

江樓夕望招客

渡淮

江樓晚眺景物鮮奇吟詠成篇寄水部張籍員外
晚興

春題湖上

別州民

西湖留別

答微之誇越州州宅

酬微之

微之整集舊詩及文筆為百軸以七言長句寄樂

天樂天次韻酬之餘思未盡加為六韻

答微之見寄

得湖州崔十八使君書喜與杭越隣郡因成長句

欽定四庫全書

御選唐宋詩醇

四

代賀兼寄微之

贈侯三郎中

履道新居二十韻

夢行簡

渡淮

自到郡齋僅經旬日方專公務未及宴遊偷閒走
筆二十四韻兼寄常州賈舍人湖州崔郎中仍呈

吳中諸客

故衫

泛太湖書事寄微之

病中多雨逢寒食

重答劉和州

城上夜宴

六月三日夜聞蟬

晚起

河亭晴望

欽定四庫全書

御選唐宋詩醇
卷二十五目錄

五

夢蘇州水閣寄馮侍御

太湖石

秘省後廳

寄殷協律

臨都驛答夢得六言二首

春詞

送敏中歸幽寧幕

池窗

送鶴與裴相臨別贈詩

烏夜啼

送東都留守令狐尚書赴任

想東遊五十韻

將至東都先寄令狐留守

晚桃花

阿崔

欽定四庫全書

御選唐宋詩醇
卷二十五目錄

六

御選唐宋詩醇卷二十五目錄

欽定四庫全書
唐宋詩醇卷二十五

御選唐宋詩醇卷二十五

太原白居易詩七

秋池二首

身閒無所為心閒無所思况當故園夜復此新秋池岸
閣鳥栖後橋明月出時菱風香散漫桂露光參差靜境
多獨得幽懷竟誰知悠悠心中語自問來何遲

朝衣薄且健晚簾清仍滑社近燕影稀雨餘蟬聲歇閒

欽定四庫全書

御選唐宋詩醇
卷二十五

中得詩境此境幽難說露荷珠自傾風竹玉相戛誰能

一同宿共翫新秋月暑退早涼歸池邊好時節

中隱

大隱住朝市小隱入丘樊丘樊太冷落朝市大囂誼不如
如作中隱在留司官似出復似處非忙亦非閒不勞
心與力又免饑與寒終歲無公事隨月有俸錢君若好
登臨城南有秋山君若愛遊蕩城東有春園君若欲一
醉時出赴賓筵洛中多君子可以恣歡言君若欲高卧

但自深掩關亦無車馬客造次到門前人生處一世其
道難兩全賤即苦凍餒貴則多憂患唯此中隱士致身
吉且安窮通與豐約正在四者間

胸中無罣礙乃得此空明灑脫之境

葺池上舊亭

池月夜淒涼池風曉蕭颯欲入池上冬先葺園中閣向
暖窗戶開迎寒簾幕合苔封舊瓦木水照新朱蠟軟火
深土爐香醪小甕檻中有獨宿翁一燈對一榻

欽定四庫全書

御選唐宋詩醇
卷二十五

翫止水

動者樂流水靜者樂止水利物不如流鑒形不如止淒
清早霜降漸滌微風起中面紅葉開四隅綠萍委廣狹
八九丈灣環有涯涘淺深三四尺洞徹無表裏淨分鶴
翹足澄見魚掉尾迎眸洗眼塵隔膚蕩心淳定將禪不
別明與誠相似清能律貪夫澹可交君子豈唯空狎翫
亦取相倫擬欲識靜者心心源只如此

見理透體物精晉人無此分寸宋人無此灑脫

聞崔十八宿予新昌敝宅時予亦宿崔家依仁新

亭一宵偶同兩興暗合因而成詠聊以寫懷

陋巷掩敝廬高居敞華屋新昌七株松依仁萬莖竹松

前月臺白竹下風池綠君向我齋眠我在君亭宿平生
有微尚彼此多幽獨何必本主人兩心聊自足

池上夜境

晴空星月落池塘澄鮮淨綠表裏光露簟清瑩迎夜滑

風襟瀟灑先秋涼無人驚處野禽下新睡覺時幽草香

欽定四庫全書

御選唐宋詩醇

三

但問塵埃能去否濯纓何必問滄浪

遊坊口懸泉偶題石上

自注時為河南尹

濟源山水好老尹知之久常日聽人言今秋入吾手孔

山刀劍立沁水龍蛇走危登上懸泉澄灣轉坊口虛明
見深底淨綠無纖垢仙櫂浪悠揚塵纏風斗數巒寒松

欽定四庫全書

御選唐宋詩醇

四

枝短石古苔厚錦座纓高翠屏張左右雖無安石
妓不乏文舉酒談笑逐身來管絃隨事有時逢杖錫客
或值垂綸叟相與澹忘歸自辰將及酉公門欲返駕溪

是耳食之見也

路猶廻首早晚重來遊心期罷官後

中幅刻畫山水景致頗近選體起結香山本色

詠興五首并序

錄三首

七年四月予罷河南府歸履道第廬舍自給衣儲
自充無欲無營或歌或舞頽然自適蓋河洛間一幸
人也遇興發詠偶成五章各以首句命為題目

出府歸吾廬

出府歸吾廬靜然安且逸更無客干謁時有僧問疾家

欽定四庫全書

御選唐宋詩醇

五

僅十餘人櫨馬三四匹慵發經旬卧興來連日出出遊

愛何處嵩碧伊瑟瑟況有清和天正當疎散日身閒自

為貴何必居榮秩心足即非貧豈唯金滿室吾觀權勢
者苦以身徇物炙手外炎炎履氷中慄慄朝飢口忘味
夕惕心憂失但有富貴名而無富貴實

胸有真得信手拈來自饒天趣此種詩境的是從淵明
脫化而出但不無繁簡古近之別必以字句形迹求之

是耳食之見也

池上有小舟

池上有小舟。舟中有胡牀。牀前有新酒。獨酌還獨嘗。蕙若春日氣皎如。秋水光可洗機巧。心可蕩塵垢。腸岸曲。舟行遲一曲。進一觴。未知幾曲醉。醉入無何鄉。夤緣潭島間。水竹深青蒼。身閒心無事。白日為我長。我若未忘世。雖閒心亦忙。世若未忘我。雖退身難藏。我今異於是。身世交相忘。

四月池水滿

欽定四庫全書

御選唐宋詩醇

五

四月池水滿。龜游魚躍出。吾亦愛吾池。池邊開一室。人魚雖異族。其樂歸於一。且與爾為徒。逍遙同過日。爾無羨滄海。蒲藻可委質。吾亦忘青雲。衡茅足容膝。况吾與爾輩。本非蛟龍匹。假如雲雨來。祇是池中物。

會心不遠熟。讀蒙莊方有此悟境。

秋涼閒卧

殘暑盡猶長。早涼秋尚嫩。露荷散清香。風竹含疎韻。幽閒竟日卧。衰病無人問。薄暮宅門前。槐花深一寸。

嫩字奇。當是從秋老想出。却從未經人道。

代鶴

我本海上鶴。偶逢江南客。感君一顧恩。同來洛陽陌。洛陽寡族類皎皎。唯兩翼貌是天與高色。非日浴白主人誠可戀。其奈軒庭窄。飲啄雜雞羣。年深損標格。故鄉渺何處。雲水重重隔。誰念深籠中。七換摩天翮。

比意深遠。

立秋夕有懷夢得

欽定四庫全書

御選唐宋詩醇

六

露簟簌竹青。風扇蒲葵輕。一與故人別。再見新蟬鳴。是夕涼飈起。閒境入幽情。迴燈見棲鶴。隔竹聞吹笙。夜茶一兩杓。秋吟三數聲。所思渺千里。雲水長洲城。

琢句清雅似王維。

秋日與張賓客舒著作同遊龍門醉中狂歌凡二

百三十八字

秋天高。高秋光清秋。風嫋嫋。秋蟲鳴。嵩峯餘霞錦綺卷伊水。細浪鱗甲生。洛陽閑客知無數。少出遊。山多在城

商嶺老人自追逐蓬丘逸士相逢迎南出鴟門十八里

莊店邇迤橋道平不寒不熱好時節鞍馬穩快衣衫輕
並轡踟蹰躑躅下西岸扣舷容與繞中汀開懷曠達無所繫

觸目勝絕不可名荷衰欲黃荇猶綠魚樂自躍鷗不驚

翠藻蔓長孔雀尾彩船櫓急寒雁聲家醞一壺白玉液

野花數把黃金英畫遊四看西日暮夜詰三及東方明

暫停杯觴輶吟詠我有狂言君試聽丈夫一生有二志

無濟獨善難得并不能救療生民病即須洗濯塵土纓

况吾頭白眼已暗終日戚促何所成不如展眉開口笑

龍門醉卧香山行

南池早春有懷

朝遊北橋上晚憩南塘畔西日雪全銷東風永盡泮篋
篠魚掉尾瞥瞥鵝毛換泥暖草芽生沙虛泉脈散晴芳

冒苔島宿潤侵蒲岸洛下日初長江南春欲半時光共
拋擲人事堪嗟歎倚櫂忽尋思去年池上伴

妙於體物息心靜觀得之

北窗三友

今日北窗下自問何所為欣然得三友三友者為誰琴

罷輒舉酒酒罷輒吟詩三友遞相引循環無已時一彈

愜中心一詠暢四肢猶恐中有間以醉彌縫之豈獨吾

拙好古人多若斯嗜詩有淵明嗜琴有啟期嗜酒有伯

倫三人皆吾師或乏儋石儲或穿帶索衣絃歌復觴詠

樂道知所歸三師去已遠高風不可追三友遊甚熟無

日不相隨左擲白玉卮右拂黃金徽興酣不疊紙走筆

操狂詞誰能持此詞為我謝親知縱未以為是豈以我

為非

猶恐中有間以醉彌縫之濁醪妙理如是正從三日不

飲覺形神不復相親語化出有三友便有三師涉筆成

趣

裴侍中晉公以集賢林亭即事詩二十六韻見贈

猥蒙徵和才拙詞繁輒廣為五百言以伸酬獻

三江路千里五湖天一涯何如集賢第中有平津池池

勝主見覺景新人未知竹森翠琅玕水深洞琉璃水竹
以為質質立而文隨文之者何人公來親指麾疏鑿出
人意結構得地宜虛襟一搜索勝槩無遺因下張沼
沚依高築階基高峰見數片伊水分一支南溪修且直
長波碧透迤北館壯復麗倒影紅參差東島號晨光杲
曜迎朝曦西嶺名夕陽杳曖留落暉前有水心亭動蕩
架漣漪後有開闔堂寒溫變天時幽泉鏡泓澄怪石山
破危春葩雪漠漠夏果珠離離主人命方舟宛在水中
憚在江南祇賦汀洲詩謝安入東山但說攜蛾眉山簡
醉高陽唯聞倒接罷豈如公今日餘力兼有之願公壽
如山安樂長在茲願我比蒲稗永得相因依

抵親賓次第至酒樂前後施解纜始登汎山遊仍水嬉
沿洄無滯礙向背窮幽奇督過遠橋下飄旋深澗隣管
絃去縹綳羅綺來霏微櫂風逐舞迴梁塵隨歌飛宴餘
日云暮醉客未放歸高聲索彩牋大笑催金卮唱和筆
走疾問答杯行遲一詠清兩耳一酣暢四肢主客忘貴
賤不知俱是誰客有詩魔者吟哦不知疲乞公殘紙墨
一埽狂歌詞維公社稷臣赫赫文武姿十授丞相印五
建大將旗四朝致勛華一身冠冕變去年才七十沒赴
縣車期公志不可奪君恩亦難違從容就中道俛僂來
保釐貂蟬雖未脫鸞鳳已不羈歷徵今與古獨步無等
夷陸賈功業少二疏官秩卑乘舟范蠡懼辟穀留侯飢
豈若公今日身安家國肥羊祜在漢南空留峴首碑柳
憚在江南祇賦汀洲詩謝安入東山但說攜蛾眉山簡
醉高陽唯聞倒接罷豈如公今日餘力兼有之願公壽
如山安樂長在茲願我比蒲稗永得相因依

新唐書裴度傳度治第東都集賢里治石林叢岑繚

幽勝午橋作別墅具燠館涼臺號綠野堂激波其下
度野服蕭散與白居易劉禹錫為文章把酒窮晝夜
相歡不問人間事

晚歸香山寺因詠所懷

我年日已老我身日已閒閒出都門望但見水與山闊
塞碧巖巖伊流清潺潺中有古精舍軒戶無扃關岸草
歇可藉徑蘿行可攀朝隨浮雲出夕與飛鳥還吾道本
迂拙世途多險艱嘗聞嵇呂輩尤悔生疎頑巢悟入箕

欽定四庫全書

御選唐宋詩醇

卷二十五

十二

賴皓知返商巔豈唯樂肥遯聊復祛憂患吾亦從此去
終老伊嵩間

劇談錄曰樂天為少傅分務洛師情興高逸盧尚書

簡辭有別墅近枕伊水冬日與羣從子姪同遊倚欄

眺嵩洛俄而霰雪微下情興益高因話廩察金陵常
記江南煙水每見居人以葉舟浮泛就食菰米鱸魚
近來思之如在心目良久忽見二人衣簷笠循岸而
來牽引蓬艇船頭覆青幕中有白衣人與衲僧偶坐

船後有小竈安桐甌卯角童煮茗沂流過於檻前舟
中吟嘯方酣問之乃是白傅與僧佛光自建春門往
香山精舍此一段可謂天然圖畫

洛陽有愚叟

洛陽有愚叟白黑無分別浪迹雖似狂謀身亦不拙點
檢盤中飯非精亦非糲點檢身上衣無餘亦無闕天時
方得所不寒復不熱體氣正調和不飢仍不渴閒將酒
壺出醉向人家歇野食或烹鮮寓眠多擁褐抱琴榮啓

欽定四庫全書

御選唐宋詩醇

卷二十五

十三

樂荷鍤劉伶達放眼看青山任頭生白髮不知天地內
更得幾年活從此到終身盡為閒日月

苔溪漁隱曰放眼看青山任頭生白髮其超放如此

閒居自題

門前有流水牆上多高樹竹徑繞荷池潔廻百餘步波
間戲魚鼈風靜下鷗鷺寂無城市喧渺有江湖趣吾廬
在其上偃卧朝復暮洛下安一居山中亦慵去時逢過
客愛問是誰家住此是白家翁閉門終老處

菩提寺上方晚望香山寄舒員外

晚登西寶刹晴望東精舍反照轉樓臺輝輝似圖畫冰
浮水明滅雪壓松偃亞石閣僧上來雲汀雁飛下西京
鬧於市東洛閒如社曾憶舊遊無香山明月夜
真盡景盡家却無下筆處

小臺

新樹低如帳小臺平似掌六尺白藤牀一莖青竹杖風
飄竹皮落苔印鶴迹上幽境與誰同閒人自來往

欽定四庫全書

御選唐宋詩醇

十一

似王亦似韋

池上作

自注西溪南潭
皆池中勝處也

西溪風生竹森森南潭萍開水沉沉叢翠萬竿湘岸色
空碧一泊松江心浦派萦廻誤遠近橋島向背迷登臨
澄瀾方丈若萬頃倒影咫尺如千尋泛然獨遊邈然坐
坐念行心思古今菟裘不聞有泉沼西河亦恐無雲林
豈如白翁退老地樹高竹密池塘深華亭雙鶴白矯矯
太湖四石青岑岑眼前盡日更無客膝上此時惟有琴

洛陽冠蓋自相索誰肯來此同抽簪

小閣閒坐

閣前竹蕭蕭閣下水潺潺拂簾卷簾坐清風生其間靜
聞新蟬鳴遠見飛鳥還但有巾挂壁而無客叩闕二疏
返故里四老歸舊山吾亦適所願求閒而得閒

起四句颯然而來紙上有聲

遊平泉宴浥澗宿香山石樓贈座客

欽定四庫全書

御選唐宋詩醇

十四

逸少集蘭亭季倫宴金谷太繁華蘭亭闌絲竹何
如今日會浥澗平泉曲杯酒與管絃貧中隨分足紫鮮
林筍嫩紅潤園桃熟采摘助盤筵芳滋盈口腹閒吟暮
雲碧醉藉春草綠舞妙豔流風歌清叩寒玉古詩惜晝
短勸我令秉燭是夜勿言歸相攜石樓宿

和夢得洛中早春見贈七韻

衆皆賞春色君獨憐春意春意竟如何老夫知此味燭
餘減夜漏衾暖添朝睡恬和臺上風虛潤池邊地開遲
花養豔語嬾鶯含思似訝隔年齋如勸迎春醉何日同

宴遊心期二月二

自注此日出齊故云

開遲花養艷語嬾鶯含思十字刻畫工絕寫春意變虛為實尤奇

李盧二中丞各創山居俱誇勝絕然去城稍遠來

往頗勞敝居新泉實在宇下偶題十五韻聊戲二

君

龍門蒼石壁

李所泥澗碧潭水有也

各在一山隅迢迢

幾十里清鏡碧石屏風惜哉信為美愛而不得見亦與無

相似聞君每來去矻矻事行李脂轄復裹糧心力頗勞

止未如吾舍下石與泉甚邇鑿鑿復濺濺晝夜流不已

洛石千萬拳襯波鋪錦綺海珉一兩片激瀨含宮徵綠

宜春濯足淨可朝漱齒統砌紫鱗游拂簾白鳥起何言

履道叟便是滄浪子君若趁歸程請君先到此願以潺湲聲洗君塵土耳

夢上山

自注時足疾未平

夜夢上嵩山獨攜藜杖出千巒與萬壑遊覽皆周畢夢

中足不病健似少年日既悟神返初依然舊形質始知形神內形病神無疾形神兩是幻夢寐俱非實晝行雖

塞澀夜步頗安逸晝夜既平分其間何得失

一片悟境形病神無疾五字尤有至理

錢塘湖春行

孤山寺北賈亭西水面初平雲脚低幾處早鶯爭暖樹誰家新燕啄春泥亂花漸欲迷人眼淺草纔能沒馬蹄最愛湖東行不足綠楊陰裏白沙堤

欽定四庫全書

御選唐宋詩醇卷二十五

五

西湖晚歸回望孤山寺贈諸客

柳湖松島蓮花寺晚動歸橈出道場蘆橘子低山雨重棕櫚葉戰水風涼煙波澹蕩搖空碧樓殿參差倚夕陽

到岸請君回首望蓬萊宮在海中央

句法挺健由字法生新也重字戰字搖字倚字俱下得警拔遂覺全首生動故曰鍊句不如鍊字

杭州春望

望海樓明照曙霞護江隄白蹋晴沙濤聲夜入伍員廟

柳色春藏蘇小家紅袖織綾誇柿蒂青旗酤酒趁梨花
誰開湖寺西南路草綠宸腰一道斜

入字藏字極寫望中之景落句結足春意

汪立名曰按能改齋漫錄云劉次莊樂府解題曰錢塘蘇小歌蘇小非唐人世見樂天夢得詩多稱詠遂謂之同時耳按郭茂倩所編引廣題曰蘇小小錢塘名娼也蓋南齊時人西陵在錢塘江之西故古詞云何處結同心西陵松柏下

湖亭晚歸

盡日湖亭卧心閒事亦稀起因殘醉醒坐待晚涼歸松雨飄藤帽江風透葛衣柳堤行不厭沙輞絮霏霏

孤山寺遇雨

拂波雲色重灑葉雨聲繁水鷺雙飛起風荷一向翻空

濛連岸草蕭颯入東軒或擬湖中宿留船在寺門

餘杭形勝

餘杭形勝四方無州傍青山縣枕湖繞郭荷花三十里

拂城松樹一千株夢兒亭古傳名謝教妓樓新道姓蘇獨有使君年太老風光不稱白鬚鬚

江樓夕望招客

海天東望夕茫茫山勢川形闊復長燈火萬家城四畔星河一道水中央風吹古木晴天雨月照平沙夏夜霜能就江樓銷暑否比君茅舍校清涼

高瞻遠矚坐馳可以役萬景他人有此眼力無此筆力江樓晚眺景物鮮奇吟翫成篇寄水部張籍員外

澹煙疎雨間斜陽江色鮮明海氣涼蜃散雲收破樓閣虹殘水照斷橋梁風翻白浪花千片雁點青天字一行好著丹青圖畫取題詩寄與水曹郎

起句便是極好畫景中四句四面摹寫總為鮮明二字設色落句以圖畫結足歸到寄詩之意篇法極緊

晚興

草淺馬翩翩新晴薄暮天柳條春拂面衫袖醉垂鞭立語花隄上行吟水寺前等閒消一日不覺過三年

春題湖上

湖上春來似畫圖，亂峯圍繞水平鋪。
松排山面千重翠，月點波心一顆珠。
碧毯線頭抽早稻，青羅衣帶展新蒲。
未能拋得杭州去，一半勾留是此湖。

畫圖二字是詩眼下五句皆實寫畫圖中景以不舍意
作結而曰一半勾留言外正有餘情

別州民

耆老遮歸路，壺漿滿別筵。
甘棠無一樹，那得淚潸然。

欽定四庫全書

御選唐宋詩醇

尤

卷二十五

重多貧戶農饑足，旱田唯留一湖水。
與汝救凶年，增築

錢塘湖堤貯水
以防天旱故云

後四句經濟政績具見其中慈惠之意藹然言表必如此留民事方許詩酒遊遨彼長日惟消一局棋者那得借口風流也

西湖留別

征途行色慘，風煙祖帳離。
臂咽管絃翠黛不須留五馬，皇恩只許住三年。
綠藤陰下鋪歌席，紅藕花中泊妓船。

處處回頭盡堪戀就中難別是湖邊

答微之誇越州州宅

賀上人回得報書大誇州宅似仙居。厭看馮翊風沙久，喜見蘭亭煙景初。日出旌旗生氣色，月明樓閣在空虛。
知君暗數江南郡，除却餘杭盡不如。

中二聯叙越州風景微之所誇也。結句戲以折之樂天自誇也。

酬微之

自注微之題云郡務稍簡因得整集舊詩并連級刪削封章諫草繁委箱笥僅踰百

欽定四庫全書

御選唐宋詩醇

辛

卷二十五

軸偶成自歎

兼寄樂天

滿袞填箱唱和詩，少年為戲老成悲。
聲麗曲敲寒玉句，句妍辭綠色絲吟。
翫獨當明月夜，傷嗟同是白頭時。
由來才命相磨折，天遣無兒欲怨誰。
自注微之句云天遣兩家無嗣子欲以此答之

陸龜蒙有云：淫畋漁者謂之暴天物。天物且不可暴，又可抉摘削露其情狀乎？天能不致罰耶？長吉夫東野窮玉溪生官不挂朝籍而死，正坐是哉。由此觀之，元白之

無後未必非天之致罰也玩落句意香山其自知之矣

微之整集舊詩及文筆為百軸以七言長句寄樂

天樂天次韻酬之餘思未盡加為六韻

海內聲華併在身箇中文字絕無倫遙知獨對封章草
忽憶同為獻納臣走筆往來盈卷軸除官遞互掌絲綸

制從長慶詞高古詩到元和體變新各有文姬才穉齒
俱無通子繼餘塵琴書何必求王粲與女猶勝與外人

答微之見寄

自注時在
郡樓對雪

可憐風景浙東西先數餘杭次會稽禹廟未勝天竺寺
錢湖不羨若耶溪擺塵野鶴春毛暖拍水沙鷗濕翅低

更對雪樓君愛否紅欄碧甃點銀泥

腹聯先將雪意寫透結句點出好景如畫

得湖州崔十八使君書喜與杭越隣郡因成長句
代賀兼寄微之

三郡何因此結緣貞元科第忝同年故情歡喜開書後
舊事思量在眼前越國封疆吞碧海杭城樓閣入青煙

吳興卑小君應屈為是蓬萊最後仙

自注貞元初同登科崔君名最在後

當時崔自詠云人間不會雲間事應笑蓬萊最後仙

逐句相承篇法綿密却滅盡針線之迹由其律熟而氣厚也

汪立名曰按紀事崔元亮刺湖州時白公刺杭元微之以觀察刺越有唱和詩號三州唱和集

贈侯三郎中

老愛東都好寄身足泉多竹少埃塵年豐最喜唯貧客
秋冷先知是瘦人幸有琴書堪作伴苦無田宅可為隣

洛中縱未長居得且與蘇田遊過春

善以文言道俗情本色語倍覺雅馴

履道新居二十韻

履道坊西角官河曲北頭林園四隣好風景一家秋門
閉深沉樹池通淺沮溝拔青松直上鋪碧水平流籬菊
黃金合窗筠綠玉稠疑連紫陽洞似到白蘋洲僧至多
同宿賓來輒少留豈無詩引興兼有酒銷憂移榻臨平
岸攜茶上小舟果穿聞鳥啄萍破見魚遊地與塵相遠

人將境共幽況潭菱點鏡沉浦月生釣厨曉煙孤起庭
寒雨半收老飢初愛粥瘦冷早披裘洛下招新隱秦中
忘舊遊辭章留鳳閣班籍寄龍樓病愜官曹靜聞慚俸
祿優琴書中有得衣食外何求濟世才無取謀身智不
周應須共心語萬事一時休

竟體穩洽拔青松直上一聯鍊句尤挺健

夢行簡

天氣妍和水色鮮閒吟獨步小橋邊池塘草綠無佳句

欽定四庫全書

御選唐宋詩醇

卷二十五

三

虛卧春窗夢阿憐

習見語妙於點化

渡淮

淮水東南濶無風渡亦難孤煙生乍直遠樹望多圓春

浪棹聲急夕陽帆影殘濤流宜映月今夜重吟看

自到郡齋僅經旬日方專公務未及宴遊偷閒走

筆題二十四韻兼寄常州賈舍人湖州崔郎中仍

呈吳中諸客

渭北離鄉客江南守土臣涉途初改月入境已經旬甲
郡標天下環封極海濱版圖十萬戶兵籍五千人自顧
才能少何堪寵命頻冒榮慚印綬虛獎負絲綸候病須
通脈流要塞津救煩無若靜補拙莫如勤削使科條
簡攤令賦役均以茲為報效安敢不躬親襦袴提於手
韋弦佩在紳敢辭稱俗吏且願活疲民常未徵黃霸湖
猶借寇恂愧無鎬脚政徒忝犬牙隣制誥誇黃絹詩篇
占白蘋銅符拋不得瓊樹見無因警寐鐘傳夜催衙鼓

欽定四庫全書

御選唐宋詩醇

卷二十五

三

報晨唯知對胥吏未暇接親賓色變雲迎夏聲殘鳥過

春來風非逐扇梅雨異隨輪武寺山如故王樓月自新

池塘聞長草絲竹廢生塵暑遣燒神酌晴教曠舞茵待

還公事了亦擬樂吾身

中幅極盡理煩治劇之畧蓋到郡經旬而規模已定矣

一結即先憂後樂意乃知居易實具經世之才而當時
未竟其用為可惜也分司以後時不可為不得已托詩
酒以自娛耳救煩無若靜補拙莫如勤十字凡為守令

者當錄置座右

故衫

闇澹緋衫稱老身半披半曳出朱門袖中吳郡新詩本
襟上杭州舊酒痕殘色過梅香向盡故香因洗艱猶存
曾經爛漫三年着欲棄空箱似少恩

所詠止一衫而衫之色香襟袖衫之時地歲月歷歷清
出并著衫之人身分性情亦曲曲傳出却又渾成熨貼

無一點安排痕迹亦絕不假一字纖巧雕琢此香山擅

場處李商隱草豈能辨此

泛太湖書事寄微之

煙渚雲帆處處通飄然舟似入虛空玉杯淺酌巡初匝

金管徐吹曲未終黃夾纈林寒有葉碧琉璃水淨無風
遯旗飛鷺翩翻白鷺鼓跳魚撥刺紅潤雪壓多松偃蹇

巖泉滴久石玲瓏書為故事留湖上吟作新詩寄浙東

軍府威容從道盛江山氣色定知同報君一事君應羨

五宿澄波皓月中

病中多雨逢寒食

水國多陰常嬾出老夫饒病愛閒眠三旬卧度鶯花月
一半春消風雨天薄暮何人吹觱篥新晴幾處縛鞦韆
綵繩芳樹長如舊唯是年年換少年

頸聯何其蘊藉宋人年年不帶看花眼不是愁中即病

中之句便覺徑直少味

重答劉和州

自注來篇云蘇州刺史例能詩西掖吟來替左司又云若共吳王鬪百草

不如唯是
次西施

分無佳麗敵西施敢有文章替左司隨分笙歌聊自樂

等閒篇詠被人知花邊妓引尋香徑月下僧留宿劍池

可惜當時好風景吳王應不鮮吟詩

不敢替左司但可傲睨吳王即蘇軾云識字劣能欺項

籍也

城上夜宴

留春不住登城望惜夜相將秉燭遊風月萬家河兩岸

笙歌一曲郡西樓詩聽越客吟何苦酒被吳娃勸不休

從道人生都是夢夢中歡笑亦勝愁

六月三日夜聞蟬

荷香清露墜柳動好風生微月初三夜新蟬第一聲乍聞愁北客靜聽憶東京我有竹林宅別來蟬再鳴不知

池上月誰撥小船行

一片空明詩境至此纔許當一清字直是天分高絕鈍根人何從學步

晚起

欽定四庫全書

御選唐宋詩醇

卷二十五

主七

卧聽鼓鼙、衙鼓聲起遲睡足長心情華簪脫後頭雖白堆案拋來眼校明閒上籃舉乘興出醉回花舫信風行明朝更灌座纓去聞道松江水最清

河亭晴望

九月八日

風轉雲頭斂煙銷水面開晴虹橋影出秋雁橹聲來郡
靜官初罷鄉遙信未廻明朝是重九誰勸菊花杯

氣味近老杜

夢蘇州水閣寄馮侍御

揚州驛裏夢蘇州夢到花橋水閣頭覺後不知馮侍御此中昨夜共誰遊

吳郡志戴顥宅北禪寺唐司勲郎中陸洿嘗居之

有花橋水閣

太湖石

煙翠三秋色波濤萬古痕削成青玉片截斷碧雲根風氣通巖穴苔紋護洞門三峯具體小應是華山孫

律法渾成腹聰刻畫絕遊言結句陡健有力

秘省後廳

欽定四庫全書

御選唐宋詩醇

卷二十五

二十八

槐花雨潤新秋地桐葉風翻欲夜天盡日後廳無一事

白頭老監枕書眠

寄殷協律

自注多叙江南舊遊

五歲優游同過日一朝消散似浮雲琴詩酒伴皆拋我
雪月花時最憶君幾度聽鷄歌白日亦曾騎馬詠紅牋
吳娘暮雨蕭蕭曲自別江南更不聞

無限感慨冶語更淒涼

臨都驛答夢得六言二首

揚子津頭月下臨都驛裏燈前昨日老於前日去年春似今年

謝守歸為秘監馮公老作郎官前事不須問著新詩且更吟看

節短音長

春詞

低花樹映小妝樓春入眉心兩點愁斜倚欄干背鸚鵡

思量何事不回頭

欽定四庫全書

御選唐宋詩解
卷二十五

王九

艷體妙於蘊藉

送敏中歸幽寧幕

六十衰翁兒女悲傍人應笑爾應知弟兄垂老相逢日

杯酒臨歡欲散時前路加餐須努力今宵盡醉莫推辭

司徒知我難為別直過秋歸未訝遲

情景一湧而出清空如話倍覺沉著深摯惻惻動人棣

華雁影浮詞不掃自去

池窗

池晚蓮芳謝窗秋竹意深更無人作伴唯對一張琴送鶴與裴相臨別贈詩

司空愛爾爾須知不信聽吟送鶴詩羽翮勢高寧惜別稻粱恩厚莫愁飢夜棲少共鷄爭樹曉浴先饒鳳占池穩上青雲勿回顧的應勝在白家時

腹聯便是一生得力處豈徒贈鶴兼可風世正與送崔

考功赴闕意同

馮班曰凡興忠厚

欽定四庫全書

御選唐宋詩解
卷二十五

王九

鳥夜啼

城上歸時晚庭前宿處危月明無葉樹霜滑有風枝啼

澀飢喉咽飛低凍翅垂畫堂鸚鵡爲冷暖不相知

夜景刻畫極警一結托興尤深

送東都留守令狐尚書赴任

翠華黃屋未東巡碧洛青嵩付大臣地稱高情多水竹

山宜閒望少風塵龍門即擬為遊客金谷先憑作主人

歌酒家家花處處莫空管領上陽春

汪立名曰按寶歷三年敬宗欲幸東都諫者皆不聽已使按修宮闈賴裴度婉言而罷明年為文宗太和元年令狐楚以三年春留守東都故公首句及此蓋文宗方勵精圖治盡反敬宗弊政未東巡之語有微辭焉

想東遊五十韻

并序

太和三年春予病免官後憶遊浙右數郡兼思到越一訪微之故兩浙之間一物以上想皆在目吟且成

欽定四庫全書

御選唐宋詩醇

三

篇不能自休盈五百字亦猶孫興公想天台山而賦之也

海內時無事江南歲有秋生民皆樂業地主盡賢侯郊靜銷戎馬城高逼斗牛平河七百里沃壤二三州坐有湖山趣行無風浪憂食寧妨解纜寢不廢乘流泉石諳天竺煙霞識虎丘餘芳認蘭澤遺詠思蘋洲菡萏紅塗粉蓀蒲綠潑油鱗差漁戶舍綺錯稻田溝紫洞藏仙窟元泉貯怪湫精神昂老鶴姿彩媚潛蚪靜閣天工妙閒

窺物狀幽投竿出此目擲果下獮猴味苦蓮心小漿甜

蕙節稠橘苞從自結藕孔是誰餽逐日移潮信隨風變

耀謳遞夫交烈火候吏次鳴騶梵墻形疑踊闇門勢欲浮客迎攜酒榼僧待置茶甌小宴閒談笑初筵雅獻酬

稍催朱蠟炬徐動碧牙籌圓琰飛蓮子長裾曳石榴柘

枝隨畫鼓調笑從香毬幕颺雲飄檻簾褰月露鉤舞繁

紅袖凝聲歌切翠眉愁絃管寧容歇杯盤未許收良辰

宜酩酊卒歲好優游膾縷鮮仍細草絲滑且柔飽餐為

欽定四庫全書

御選唐宋詩醇

三

日計穩睡是身謀名媿空虛得官知止足休自憊猶屑

屑衆笑太悠悠物表踈形役人寰足悔尤蛾湏遠燈燭

兔勿近罝采幻世春來夢浮生水上漚百憂中莫入一

醉外何求未死癡王湛無兒老鄧攸蜀琴安膝上周易

在牀頭去去無程客行行不繫舟勞君頻問訊勸我少

淹留自注自此後並屬微之雲雨多分散關山苦阻修一吟江月

別七見日星周珠玉傳新什鶴鸞念故儔懸旌心宛轉束楚意綢繆驛舫粧青雀官槽秣紫駘鏡湖期遠泛禹

穴約冥搜預埽題詩壁先開望海樓飲思親履烏宿憶
並衾裯志氣吾衰也風情子在否應湏相見後別作一

家遊

洋洋灑灑一氣轉旋細意慰貼層次井然起伏照應極
變化斷續之妙

將至東都先寄令狐留守

黃鳥無聲葉滿枝閒吟想到洛城時惜逢金谷三春盡
恨拜銅樓一月遲詩境忽來還自得醉鄉潛去與誰期

欽定四庫全書

御選唐宋詩醇

卷二十五

欽定四庫全書

御選唐宋詩醇

卷二十五

三

東都添箇狂賓客先報壺觴風月知
詩境忽來還自得蕭子顯所謂須其自來不以力構也
杜甫詩成覺有神亦是此意

晚桃花

一樹紅桃亞拂池竹遮松蔭晚開時非因斜日無由見
不是閒人豈得知寒地生材遺校易貧家養女嫁常遲
春深欲落誰憐惜白侍郎來折一枝
比意深婉總從一晚字生情寒地生材句自是主意以

貧家養女句更切桃花故仍以上句作陪律法極細

阿崔

謝病臥東都羸然一老夫孤單同伯道遲暮過商瞿豈
料鬢成雪方看掌弄珠已衰寧望有雖晚亦勝無蘭入
前春夢柔懸昨日弧里閭多慶賀親戚共歡娛膩剃新
胎髮香綳小繡襦玉芽開手爪酥顆點肌膚弓冶將傳
汝琴書勿墜吾未能知壽夭何暇慮賢愚乳氣初離殼
啼聲漸變雛何時能反哺供養白頭鳥

欽定四庫全書

御選唐宋詩醇

卷二十五

三

寫小兒初生端詳入細一結喜極不覺慮其將來軟語
心酸逼真老人情景此種自讓香山獨步

御選唐宋詩醇卷二十五



總校官庶吉士臣張能照
校對官庶吉士臣于 龜
謄錄監生臣何茹連

欽定四庫全書叢要

集部

御選唐宋詩醇卷二十六

欽定四庫全書叢要
御選唐宋詩醇卷二十六

太原白居易詩八

目錄

池上小宴問程秀才

橋亭卯飲

西風

題岐王舊山池石壁

欽定四庫全書

御選唐宋詩醇
卷二十六 目錄

履道池上作

和令狐相公寄劉郎中兼見示長句

期宿客不至

晚歸府

從龍潭寺至少林寺題贈同遊者

元相公輓歌詞三首 錄一首

酬李二十侍郎

池上閒詠

詳校官原任主事臣李斯咏

和高僕射罷節度讓尚書授少保分司喜遂遊山

水之作

送考功崔郎中赴闕

同諸客題于家公主舊宅

菩提寺上方晚眺

楊柳枝詞八首錄四首

春早秋初因時即事兼寄浙東李侍郎

送姚杭州赴任因思舊遊

欽定四庫全書

御選唐宋詩醇
卷二十六目錄

種柳三詠

韋七自太子賓客再除秘書監以長句賀而餞之

九年十一月二十一日感事而作

春來頻與李二賓客郭外同遊因贈長句

三月三日

閒居春盡

香山避暑二絕

贈談客

答夢得秋庭獨坐見贈

酬夢得霜夜對月見懷

初冬月夜得皇甫澤州手札并詩數篇因遣報書

偶題長句

寄獻北都留守裴令公

晉夢得題答李侍郎詩詩中有文星之句因戲和之

早春憶遊思黠南莊因寄長句

欽定四庫全書

御選唐宋詩醇
卷二十六目錄

杪秋獨夜

答閒上人來問因何風疾

夜聞箏中彈瀟湘送神曲感舊

戲禮經老僧

夢得前所酬篇有鍊盡美少年之句因思往事兼

詠今懷重以長句答之

春盡日宴罷感事獨吟

前有別柳枝絕句夢得繼和云春盡絮飛留不得

隨風好去落誰家又復戲答

時熟少見客因詠所懷

宣州崔大夫閣老忽以近詩數十首見示吟諷之

下竊有所喜因成長句寄題郡齋

晚池汎舟遇景成詠贈呂處士

和楊尚書罷相後夏日遊永安水亭兼招本曹楊

侍郎同行

五年秋病後獨宿香山寺

欽定四庫全書

御選唐宋詩醇

四

欽定四庫全書

御選唐宋詩醇

五

早入皇城贈王留守僕射

山中五絕句

錄三首

嶺上雲

石上苔

澗中魚

和敏中洛下即事

送敏中新授戶部員外郎西歸

覽盧子蒙侍御舊詩多與微之唱和感今傷昔因

贈子蒙題於卷後

新小灘

喜入新年自詠

夏日與閒禪師林下避暑

談氏小外孫玉童

楊柳枝詞

詔取永豐柳植禁苑感賦

池上篇

欽定四庫全書

御選唐宋詩醇

四

欽定四庫全書

御選唐宋詩醇

五

齒落辭

不能忘情吟

江南喜逢蕭九徵因話長安舊遊戲贈五十韻

送劉郎中赴任蘇州

靈巖寺

寄韜光禪師

御選唐宋詩醇卷二十六目錄

欽定四庫全書
唐宋詩卷一萬九千三百五十集部

御選唐宋詩醇卷二十六

太原白居易詩八

池上小宴問程秀才

洛下園林好自知
江南景物暗相隨
淨淘紅粒晉香飯
薄切紫鱗烹水葵
雨滴蓬聲青雀舫
浪搖花影白蓮池
停杯一問蘇州客
何似吳松江上時

橋亭卯飲

卯時偶飲齋時卧
林下高橋橋上亭
松影過窗眠始覺
竹風吹面醉初醒
就荷葉上包魚鮓
當石渠中浸酒餅
生計悠悠身兀兀
甘從妻喚作劉伶

蔡寬夫詩話曰吳中作鮓多用龍溪池中蓮葉包為
之後數日取食比瓶中氣味特妙觀樂天詩蓋昔人
已有此法也

西風

西風來幾日
一葉已先飛
新霽乘輕屐
初涼換熟衣
淺

渠消慢水疎竹漏斜暉
薄暮青苔巷家僅引鶴歸

蕭疏淡遠

題岐王舊山池石壁

樹深藤老竹廻環
石壁重重錦翠斑
俗客看來猶解愛
忙人到此亦須閒
况當霖景涼風後
如在千巖萬壑間
黃綺更歸何處去
洛陽城內有商山

一氣相生珠圓玉潤此七律正宗也
況當一聯開宋調而氣味自厚

履道池上作

家池動作經旬別
松竹琴魚好在無
樹暗小巢藏巧婦
渠荒新葉長慈姑
不因車馬時時到
豈覺林園日日蕪
猶喜春深公事少
每來花下得踟蹰

和令狐相公寄劉郎中兼見示長句

日月天衢仰面看
尚淹池鳳滯臺鸞碧石幢千里空移鎮
赤筆三年未轉官
別後縱吟終少興
病來雖飲不多歡
酒軍詩敵如相遇
臨老猶能一據鞍

豪極香山變調

期宿客不至

風飄雨灑簾帷故竹映松遮燈火深宿客不來嫌冷落

一尊酒對一張琴

唐人七絕每著意前半此詩上二句字字用意已寫透
冷落光景下二句一拍即合

晚歸府

晚從履道來歸府街路雖長尹不嫌馬上涼於牀上坐

綠槐風透紫蕉衫

自為寫照風致瀟灑視宋祁兩行紅燭攤書者何如

從龍潭寺至少林寺題贈同遊者

山屐田衣六七賢搴芳蹋翠弄潺湲九龍潭月落杯酒

三品松風飄管絃強健且宜遊勝地清涼不覺過炎天

始知駕鶴乘雲外別有逍遙地上仙

元相公輓歌詞三首

錄一
首

銘旌官重威儀盛騎吹聲繁鹵簿長後魏帝孫唐宰相

六年七月葬咸陽

嚴重簡括可當一篇墓誌

酬李二十侍郎

笛老蘭長花漸稀衰翁相對惜芳菲殘鶯若雨慵休轉

落絮無風凝不飛行掇木芽供野食坐牽蘿蔓挂朝衣

十年分手今同醉醉未如泥莫道歸

領聯似賦似比意致纏綿深人無淺語

池上閒咏

青莎臺上起書樓綠藻潭中繫釣舟日晚愛行深竹裏

月明多上小橋頭整嘗新酒還成醉亦出中門便當遊

一部清商聊送老白鬚蕭颯管絃秋

天機清妙吐屬自然不知者或以為開宋派矣

和高僕射罷節度讓尚書授少保分司喜遂遊山

水之作

暫辭八座罷雙旌便作登山臨水行能以忠貞酬重任

不將富貴礙高情朱門出去簪纓從絳帳歸來歌吹迎

鞍轡闊裝光滿馬何人信道是書生

送考功崔郎中赴闕

稱意新官又少年秋涼身健好朝天青雲上了無多路
却要徐驅穩著鞭規戒深摯

同諸客題于家公主舊宅

平陽舊宅少人遊應是遊人到即愁布穀鳥啼桃李院

絡絲蟲急鳳凰樓臺傾滑石猶殘砌簾斷真珠不滿鈎

聞道至今蕭史在鬚鬚雪白向明州

寫景穠麗倍覺蒼涼一結黯然神傷不堪卒讀

汪立名曰按周益公英華辨證于家公主憲宗之女

永昌公主下嫁頓之子季友元和間卒追封梁國謚惠康于頓家河南後徙京兆居易所題舊宅在洛中

言公主已亡而蕭史尚在後又有寄明州于駙馬使君詩云留滯三年在浙東及海味腥鹹之語皆指明

州也英華作韶州是誤以于季友為于琮也琮尚宣

宗廣德公主在大中十三年居易歿已久至貶韶州

則在咸通十三年相去更遠矣

菩提寺上方晚眺

樓閣高低樹淺深山光水色暝沉沉嵩煙半卷青綃幕
伊浪平鋪綠綺衾飛鳥滅時宜極目遠風來處好開襟
誰知不離簪纓內長得逍遙自在心

楊柳枝詞八首

錄四首

依依嫋嫋復青青勾引春風無限情白雪繁空撲地

綠絲條弱不勝鶯

紅版江橋青酒旗館娃宮暖日斜時可憐雨歇東風定

萬樹千條各自垂

蘇州楊柳任君誇更有錢塘勝館娃若解多情尋小小
綠楊深處是蘇家

葉含濃露如啼眼枝嫋輕風似舞腰小樹不禁攀折苦
乞君留取兩三條

四詩風格不減盛唐

春早秋初因時即事兼寄浙東李侍郎

春早秋初晝夜長可憐天氣好年光和風細動簾帷暖
清露微凝枕簟涼窗下眠初減被池邊晚坐乍移牀
閒從蕙草侵階綠靜任槐花滿地黃理曲管絃聞後院
熨衣燈火映深房四時新景何人別遙憶多情李侍郎
春早秋初起句揭出以下兩兩分寫言下俱有情在結
以多情一句收足點睛欲飛

送姚杭州赴任因思舊遊

欽定四庫全書

御選唐宋詩醇

七

與君細話杭州事為我留心莫等閒間里固宜勤撫恤
樓臺亦要數躋攀笙歌縹渺虛空裏風月依稀夢想間
且喜詩人重管領遙飛一璣賀江山
不曰賀詩人而曰賀江山立言特妙感舊傳衣頌姚揚
已幾層意思總攝在內真仙筆也

種柳三詠

白頭種松桂早晚見成林不及裁楊柳明年便有陰春
風為催促副取老人心

從君種楊柳夾水意如何準擬三年後青絲拂綠波仍
教小樓上對唱柳枝歌

更想五年後千千條麴塵路傍深映月樓上暗藏春愁
殺閒遊客聞歌不見人

姚寬叢語曰唐人詠柳使麴塵字者極多禮記月令
薦鞠衣於上帝告桑事注云如鞠座色周禮內司服
鞠衣鄭司農云鞠衣黃桑服也色如鞠座象桑葉始
生此用之柳又象其花絮之穗也

欽定四庫全書

御選唐宋詩醇

八

韋七自太子賓客再除秘書監以長句賀而餞之
自注韋往年嘗與予同為秘監
離筵莫愴且同歡共賀新恩拜舊官屈就商山伴麋鹿
好歸芸閣狎鷁鸞落星石上蒼苔古畫鶴廳前白露寒
老監姓名應在壁相思試為拂塵看

曲折盡意雍容大雅

九年十一月二十一日感事而作自注是日獨遊香山寺
禍福茫茫不可期大都早退似先知當君白首同歸日

是我青山獨往時顧索素琴應不暇憶牽黃犬定難追
麒麟作脯龍為醢何似泥中曳尾龜

觀此詩可知香山未嘗一刻忘世豈獨為他人惋惜耶
三月三日

東坡志林曰樂天為王涯所讒謫江州司馬甘露之
禍樂天在洛適遊香山寺有白首同歸二句不知者
以為幸之也樂天豈幸人之禍者哉蓋悲之也

汪立名曰按白首同所歸乃潘岳石崇臨刑時語太

和九年甘露事李訓鄭注舒元輿王涯賈餗皆被害
味詩中同歸句本就事而言不專指王涯也公自蘇州
欽定四庫全書
御選唐宋詩醇
卷二十六

召還秩位漸崇見機引退宦官之禍固早見及者何
致追憾王涯况公之遷謫本由宦官惡之附宦官者
成之豈反以中人誅夷士大夫為快幸禍之說蓋出

章子厚諺所謂以小人心度君子腹耳

春來頻與李二賓客郭外同遊因贈長句

風光引步酒開顏送老消春嵩洛間朝踏落花相伴出
暮隨飛鳥一時還我為病叟誠宜退君是才臣豈合閒
可惜濟時心力在放教臨水復登山

畫堂三月初三日絮撲窗紗燕拂簷蓮子數杯嘗冷酒
柘枝一曲試春衫階臨池面勝看鏡戶映花聚當下簾
指點樓南翫新月玉鈎素手兩纖纖

閒居春盡

閒泊池舟靜掩扉老身慵出客來稀愁應暮雨留教住
春被殘鶯喚遣歸揭甕偷嘗新熟酒開箱試著舊生衣

冬裘夏葛相催促垂老光陰速似飛

鍊句鍊字從來陸游得法於此

香山避暑二絕

六月灘聲如猛雨香山樓北暢師房夜深起凭欄千立
滿耳潺湲滿面涼

紗巾草履竹疎衣晚下香山蹋翠微一路涼風十八里
卧乘籃舉睡中歸

前首如對北風圖自然毛髮瀟灑次首北窓高枕無此

恬適真足破除熱惱

贈談客

上客清談何亹亹
幽人閒思自寥寥
請君休說長安事
移牀遠客那容著一點塵氛

答夢得秋庭獨坐見贈

林梢隱映夕陽殘
庭際蕭疏夜氣寒
霜草欲枯蟲思急
風枝未定鳥棲難
容衰見鏡同惆悵
身健逢杯且喜歡

欽定四庫全書

御選唐宋詩醇

十一

十一

應是天教相暖熱
一時垂老與閒官

領聯近晚唐却非孟郊輩所及

酬夢得霜夜對月見懷

淒清冬夜景搖落
長年情月帶新霜
色碼和遠鴈聲暖
憐爐火近寒覺被衣輕
枕上酬佳句詩成夢不成

初冬月夜得皇甫澤州手札并詩數篇因遣報書

偶題長句

清冷玉韻兩三章
落泊銀鈞七八行
心逐報書懸鴈足

夢尋來路繞羊腸
水南地空多明月
山北天寒足早霜

履道所居在水南澤州在太行之北地也最恨潑醅新熟酒迎冬不待共君

嘗

鴈足羊腸虛實巧對與履道池上巧婦慈姑同一句法
然香山佳處不在此

寄獻北都留守裴令公并序

司徒令公分守東洛移鎮北都一心勤王三月成政
形容盛德實在歌詩况辱知音敢不先唱輒奉五言

欽定四庫全書

御選唐宋詩醇

十二

四十韻寄獻以抒下情

天上中台正人間一品高
休明值堯舜勲業過蕭曹
始擅文三捷終兼武六鞘
動人名赫赫憂國意忉忉

蔡蓋蔡始擒封豕平齊
斬巨鼇兩河收土宇
四海定波濤寵重移
宮籥恩新換闢旄保釐東宅靜
守護北門牢晉國封疆
潤并州士馬豪胡兵驚赤幟
邊鴈避烏號令下流如水
仁霑澤似膏路喧歌五袴軍
醉感單醪將校森貔武賓
僚儼雋髦客無煩夜柝吏不犯
秋毫神在臺駘助魂亡

獫狁逃德星銷華宇霖雨滅腥臊烽戍高臨代闕河遠

控洮汾雲晴漠漠朔吹冷颸颸豹尾交牙戟、蚪鬚捧佩刀通天白犀帶照地紫麟袍羌管吹楊柳燕姬酌蒲萄

銀含鑿落瑣金屑琵琶槽遙想從軍樂應忘報國勞紫微留北闕綠野寄東臯忽憶前時會多慚下客叨清宵

陪讌話美景從遊遨花月還同賞琴詩雅自操朱絃拂宮徵洪筆振風騷近竹開方丈依林架桔槔春池八九

曲盡舫兩三艘徑滑苔粘屐潭深水沒篙綠絲縈岸柳

欽定四庫全書

御選唐宋詩醇

十三

紅粉映樓桃為穆先陳醴招劉共藉糟舞鬟金翡翠歌

頸玉螭蟠盛德終難過明時豈易遭公雖慕張范帝未舍伊皋眷戀心方結踟蹰首已搔鸞凰上寥廓燕雀任蓬蒿欲獻文狂簡徒煩思鬱陶可憐四百字輕重抵鴻毛

通首分兩大段看前半叙度平蔡齊之勲業及移鎮北都之治績而以紫微留北闕二句鎖住綠野東臯已拖到昔時宴集事後半叙自己從前交誼而以盛德終難

過四句繚統前文述度之寵遇末方結到獻詩之意此詩與前集賢林亭即事五古一篇皆香山極用意之作

高華雅贍杜甫嗣音惜結句未免弩末

看夢得題答李侍郎詩詩中有文星之句因戲和

之

者題錦繡報瓊瓊俱是人天第一才好遣文星守躔次亦須防有客星來

戲語雅趣

欽定四庫全書

御選唐宋詩醇

十四

早春憶遊思黠南莊因寄長句

南莊勝處心常憶借問軒車早晚遊美景難忘竹廊下好風爭奈柳橋頭冰消見水多於地雪霽看山盡入樓若待春深始同賞鶯殘花落却堪愁

好句疑仙觸境而得著意求之便乏自然之趣

杪秋獨夜

無限少年非我伴可憐清夜與誰同歡娛牢落中心少親故凋零四面空紅葉樹飄風起後白鬚人立月明中

前頭更有蕭條物老菊衰蘭三兩叢

答閒上人來問因何風疾

一牀方丈向陽開勞動丈殊問疾來欲界凡夫何足道

四禪天始免風災自注色界四天初禪具三災二禪無火災三禪無水災四禪無風災

戲語作擺脫耳亦是小機鋒禪理不必如是不必不如是

夜聞箏中彈瀟湘送神曲感舊

縹渺巫山女歸來七八年殷勤湘水曲留在十三絃苦

調吟還出深情咽不傳萬重雲水思今夜月明前

一氣轉折靈空縹渺落句不減江上峯青

戲禮經老僧

香火一爐燈一盞白頭夜禮佛名經何年飲著聲聞酒

直到如今醉未醒

解此可以面壁九年不立文字

夢得前所酬篇有鍊盡羨少年之句因思往事兼

詠今懷重以長句答之

鍊盡少年成白首憶初相識到今朝昔饒春桂長先折
今伴寒松取後凋生事縱貧猶可過風情雖老未全銷
聲華寵命人皆得若箇如君歷七朝自注夢得貞元中及今凡仕七朝也

春盡日宴罷感事獨吟自注開成五年三月三十日作

五年三月今朝盡客散筵空獨掩扉病共樂天相伴住
春隨樊素一時歸閒聽鶯語移時立思逐楊花觸處飛
金帶綰腰衫委地年年衰瘦不勝衣

未免有情誰能遣此然亦不堪回想矣

前有別柳枝絕句夢得繼和云春盡絮飛留不得
隨風好去落誰家又復戲答

柳老春深日又斜任他飛向別人家誰能更學孩童戲
尋逐春風捉柳花

時熟少見客因詠所懷

冠櫛心多嬾逢迎興漸微況當時熱甚幸遇客來稀濕
灑池邊地涼開竹下扉露牀青篾簾風架白蕉衣院靜

留僧宿樓空放妓歸衰殘強歡宴此事久知非

宣州崔大夫閣老忽以近詩數十首見示吟諷之

下竊有所喜因成長句寄題郡齋

謝玄暉歿吟聲寂郡閣寥寥筆硯閒無復新詩題壁
上虛教遠岫列窗間忽驚歌雪今朝至必恐文星昨
夜還再喜宣城章句動飛觴遙賀敬亭山

白句相生白描高手

晚池泛舟遇景成詠贈呂處士

岸淺橋平池面寬飄然輕棹汎澄瀾風宜扇引開懷

欽定四庫全書

御選唐宋詩醇

上

欽定四庫全書

御選唐宋詩醇

大

入樹愛舟行仰卧看別境客稀知不易能詩人少詠應
難惟憐呂叟時相伴同把磻溪舊釣竿

好句俱以不經意得之香山晚年詩境如是

欽定四庫全書

御選唐宋詩醇

首

山中五絕句

錄三

嶺上雲

嶺上白雲朝未散田中青麥早將枯自生自滅成何事

能逐東風作雨無

石上苔

漠漠班班石上苔幽芳靜綠絕纖埃路傍凡草榮遭遇

巨川濟了作虛舟竹亭陰合偏宜夏水檻風涼不待秋
遙愛翩翩雙紫鳳入同官署出同遊

如題順寫層層俱到領聯對句尤勝可謂句中有句

五年秋病後獨宿香山寺

經年不到龍門寺今夜何人知我情還向暢師房裏宿
新秋月色舊灘聲

舊字下得奇却妙

飲徒歌伴今何在雨散雲飛盡不迴從此香山風月夜
祇應長是一身來

早入皇城贈王留守僕射

津橋殘月曉沉沉風露淒清禁署深城柳宮槐謾搖落

悲愁不到貴人心

曾得七香車輾來

澗中魚

海水桑田欲變時
風濤翻覆沸天池
鯨吞蛟鬪波成血
深澗游魚樂不知

比體暗指甘露事

和敏中洛下即事

昨日池塘春草生
阿連新有好詩成
花園到處鶯呼入
駿馬遊時客避行
水暖魚多似南國
人稀座少勝西京

洛中佳境應無限
若欲諳知問老兄

送敏中新授戶部員外郎西歸

千里歸程三伏天
官新身健馬翩翩
行衝赤日加餐飯
上到青雲穩著鞭
長慶老郎唯我在
客曹故事望君傳
前鴻後雁行難續
相去迢迢二十年

自注長慶初予為主客郎中知制誥

遣中書舍人去今二十一年也

舊唐書武宗聞居易名欲相之以問李德裕德裕言
居易病廢敏中文類其兄有器識即除翰林學士時

方為庫部郎中未逾三年入相

覽盧子蒙侍御舊詩多與微之唱和感今傷昔因
贈子蒙題於卷後

早聞元九詠君詩
恨與盧君相識遲
今日逢君開舊卷
卷中多道贈微之

相看掩淚情難說
別有傷心事豈知

聞道咸陽墳上樹已抽三丈白楊枝

清空一氣直從肺腑中流出不知是血是淚筆墨之痕

俱化

汪立名曰北夢瑣言云白太保與元相國友善以詩

道著名時號元白其集內有哭元相詩云相看掩淚俱無語等句洎自撰墓志云與劉夢得為詩友殊不言元公人疑其隙終也按此語在醉吟先生傳中非墓志也傳末曰於時開成三年先生之齒六十有七則是微之歿久矣其所謂如滿為空門友韋楚為山水友夢得為詩友皇甫朗之為酒友皆就當時在洛之人而言非該舉平生也且公晚年哭微之作甚多有

夢微之詩云夜來攜手夢同遊晨起盈巾淚莫收又聞歌者唱微之詩云時向歌中聞一句未容傾耳已傷心感悼悽愴如在初歿隙終之語豈不大謬耶又考史傳皆作白少傅即公詩內止有少傅官停語並無稱太保者不知何所本也

新小灘
石淺沙平流水寒水邊斜挿一漁竿江南客見生鄉思道似嚴陵七里灘

欽定四庫全書

御選唐宋詩醇

卷二十六

喜入新年自詠

自注時年

白石灘邊長有風熱惱漸知隨念盡清涼常願與人同每因毒暑悲親故多在炎方瘴海中自注是歲潮韶等郡皆有親友謫居稽古錄曰開成五年楊嗣復貶潮州李珏貶韶州外翁七十孫三歲笑指琴書欲遣傳自念老夫今耄矣因思稚子更茫然中郎餘慶鍾羊祜子幼能文似馬遷才與不才爭料得東牀空後且嬌憐自注談氏初逝

談氏小外孫玉童

楊柳枝詞
外翁七十孫三歲笑指琴書欲遣傳自念老夫今耄矣因思稚子更茫然中郎餘慶鍾羊祜子幼能文似馬遷才與不才爭料得東牀空後且嬌憐自注談氏初逝

欽定四庫全書

御選唐宋詩醇

卷二十六

主

一樹春風千萬枝嫩於金色軟於絲永豐西角荒園裏

盡日無人屬阿誰

風致翩翩

雲溪友議曰居易有妓樊素善歌小蠻善舞嘗為詩

曰櫻桃樊素口楊柳小蠻腰年既高邁而小蠻方豐

蓋因楊柳詞以託意云

詔取永豐柳植禁苑感賦

一樹衰殘委泥土雙枝榮耀植天庭定知元象今春後

落景牆西塵土紅伴僧閒坐竹泉東綠蘿潭上不見日大歷年中騎竹馬幾人得見會昌春病餘叔得到頭身銷磨歲月成高位比類時流是幸人魄力如是真不可及

夏日與閒禪師林下避暑

落景牆西塵土紅伴僧閒坐竹泉東綠蘿潭上不見日

柳宿光中添兩星

雲溪友議曰宣宗朝國樂唱前詞上問誰作永豐在何處左右具以對遂因東使命取永豐柳兩枝植於禁中居易感上知其名且好尚風雅又為詩一章

池上篇 并序

都城風土水木之勝在東南偏東南之勝在履道里里之勝在西北隅西門北垣第一第即白氏叟樂天退老之地地方十七畝屋室三之一水五之一竹九

之一而島樹橋道間之初樂天既為主喜且曰雖有臺無粟不能守也乃作池東栗廩又曰雖有子弟無書不能訓也乃作池北書庫又曰雖有賓朋無琴酒不能娛也乃作池西琴亭加石樽焉樂天罷杭州刺史時得天竺石一華亭鶴二以歸始作西平橋開環池路罷蘇州刺史時得太湖石白蓮折腰菱青板舫以歸又作中高橋通三島逕罷刑部侍郎時有粟千斛書一車洎減獲之習莞磬絃歌者指百以歸先是頽

川陳孝山與釀法酒味甚佳博陵崔晦叔與琴韻甚

清蜀客姜發授秋思聲甚淡弘農楊貞一與青石三方長平滑可以坐卧太和三年夏樂天始得請為太子賓客分秩於洛下息躬於池上凡三任所得四人所與洎吾不才身今率為池中物矣每至池風春池

月秋水香蓮開之旦露清鶴唳之夕拂楊石舉陳酒援崔琴彈姜秋思頽然自適不知其他酒酣琴罷又命樂童登中島亭合奏霓裳散序聲隨風飄或凝或

散悠揚於竹煙波月之間者久之曲未竟而樂天陶然已醉睡於石上矣睡起偶詠非詩非賦阿龜握筆因題石間視其粗成韻章命為池上篇云爾

十畝之宅五畝之園有水一池有竹千竿勿謂土狹勿謂地偏足以容膝足以息肩有堂有庭有橋有船有書有酒有歌有絃有叟在中白鬚飄然識分知足外無求焉如鳥擇木姑務巢安如龜居坎不知海寬靈鶴怪石紫菱白蓮皆吾所好盡在吾前時飲一杯或吟一篇妻

孳熙熙鷄犬閒閒優哉游哉吾將終老乎其間

池上佳境詳於序中詩更不覩縷淡淡寫來自見老潔識分知足四字是樂天一生得力處真實受用在此序中未及詩中特為清出可為奢汰踰分營營無厭者痛下針砭

汪立名曰按公有奉和牛思黯太湖石兼呈夢得詩其末云共嗟無此分虛管太湖來自注與夢得俱典姑蘇而不獲此石而此詩序中又云罷蘇州刺史時得太湖石豈歸洛既久舊物皆不復存耶

齒落辭并序

開成二年予春秋六十六脊黑衰白老狀具矣而雙齒又墮慨然感歎者久之因為齒落辭以自廣其辭曰
嗟嗟乎雙齒自吾有之爾俾爾嚼肉咀蔬銜杯漱水豐吾膚革滋吾血髓從幼逮老勤亦至矣幸有輔車非無斷齶胡然捨我一旦雙落齒雖無情吾豈無情老與齒

別齒隨涕零我老日來爾去不廻嗟嗟乎雙齒孰謂而來哉孰謂而去哉齒不能言請以意宣為口中之物忽乎六十餘年昔君之壯也血剛齒堅今君之老矣血衰齒寒輔車斷齶日削月皎上參差而下飭飭曾何足以少安嘻君其聽哉女長辭姥臣老辭主髮衰辭頭葉枯辭樹物無細大功成者去君何嗟嗟獨不聞諸道經我身非我有也蓋天地之委形君何嗟嗟又不聞諸佛說是身如浮雲須臾變滅由是而言君何有焉所宜委百骸而順萬化胡為乎嗟嗟於一牙一齒之間吾應曰吾過矣爾之言然

遊戲名通莊子寓言之旨也後段分三層功成者去一層是盛衰相尋之理道經一層歸於曠達佛說一層裏諸虛無小中見大視韓愈落齒詩更覺波瀾不竭

不能忘情吟并序

樂天既老又病風乃錄家事會經費去長物妓有樊素者年二十餘綽綽有歌舞態善唱楊枝人多以曲

名名之由是名聞洛下籍在經費中將放之馬有駱者駢壯駿穩乘之亦有年籍在經物中將鬻之圉人牽馬出門馬驟首反顧一鳴聲音間似知去而旋戀者素聞馬嘶慘然立且拜婉變有辭自注辭具下辭畢泣下予聞素言亦愍默不能對且命廻勒反袂飲素酒

自飲一杯快吟數十聲聲成文文無定句句隨吟之短長也凡二百二十五言噫予非聖達不能忘情又

不至於不及情者事來攬情情動不可柂因自哂題

其篇曰不能忘情吟吟曰

駕駱馬兮放楊柳枝掩翠黛兮頓金羈馬不能言兮長鳴而却顧楊柳枝再拜長跪而致辭辭曰主乘此駱五年凡千有八百日銜櫟之下不驚不逸素事主十年凡三千有六百日巾櫟之間無違無失今素貌雖陋未至衰摧駝力猶壯又無虺隕即駝之力尚可以代主一步素之歌亦可以送主一杯一旦雙去有去無迴故素將去其辭也苦駝將去其鳴也哀此人之情也馬之情也

豈主君獨無情哉予俯而歎仰而咍且曰駝駝爾勿嘶素素爾勿啼駝反厩素反閨吾疾雖作年雖頽幸未及項籍之將死何必一日之內棄駒兮而別虞兮乃目素兮素兮為我歌楊柳枝我姑酌彼金罍我與爾歸醉鄉去來

借樊素語問答成篇亦因序中摹寫盡致故作此變化避就之法

冷齋夜話曰東坡南遷侍兒王朝雲者請從行東坡

嘉之作詩有不學楊枝別樂天句其序云世謂樂天

有駕駝放楊枝詞嘉其至老病不忍去也然夢得詩曰春盡絮飛留不得隨風好去落誰家樂天亦云病與樂天相伴住春同樊素一時歸則是樊素竟去也

江南喜逢蕭九徵因詰長安舊遊戲贈五十韻

憶昔嬉遊伴多陪歡宴場寓居同永樂幽會共平康師子尋前曲聲兒出內坊花深態奴宅竹錯得憐堂庭晚開紅藥門閒蔭綠楊經過悉同巷居處盡連牆時世高

梳髻風流澹作妝戴花紅石竹被暈紫檳榔鬢動懸蟬
翼釵垂小鳳行拂胷輕粉絮緩手小香囊選勝移銀燭
邀歡舉玉觴爐煙凝麝氣酒色注鵝黃急管停還奏繁
絃慢更張雪飛迴舞袖塵起繞歌梁舊曲翻調笑新聲
打義揚多情推阿軌巧語許秋娘風暖春將暮星迴夜
未央宴餘添粉黛坐久換衣裳結伴歸深院分頭入洞
房綵帷開翡翠羅薦拂鶯鶯留宿爭牽袖貪眠各占牀
綠窗籠水影紅壁背燈光索鏡收花鉢邀人解祫襏暗
欽定四庫全書
御選唐宋詩醇
卷二十六
十九

湘月落江湖濶天高節候涼浦深煙渺渺沙冷月蒼蒼
紅葉江楓老青蕪驛路荒野風吹蟋蟀湖水浸菰蔔帝
路何由見心期不可忘舊遊千里外往事十年強春晝
提壺飲秋林摘橘嘗強歌還自感縱飲不成狂永夜長
相憶逢君各共傷殷勤萬里意并寫贈蕭郎

通首分三段憶昔嬉遊伴直起至鬟解綠雲長一段叙
長安舊遊也聚散知無定二句作一轉至來去夢遊揚
一段叙別後星霜屢易也自我辭秦地以下叙正面撫
今追昔滿目蒼涼殊有對此茫茫百端交集之感末以
贈字作結篇法完密

送劉郎中赴任蘇州

仁風膏雨去隨輪勝境歡遊到逐身水驛路穿兒店月
花船棹入女湖春自注語兒店女宣城獨詠窗中岫柳
墳湖皆勝境也惲單題汀上蘋何似姑蘇詩太守吟詩相繼有三人自
領吳郡日劉嘗贈予詩云蘇州刺史例能
詩西掖吟來替左司故有三人之戲耳

汪立名曰按語兒即禦兒吳越分境越國西北置禦

兒與吳分為界通典注云在嘉興縣南有地名禦兒也國語曰吾用禦兒臨之今俗作語字又吳改禾興

為嘉興隋廢唐武德四年復置九年省入吳縣貞觀八年復置屬蘇州女墳湖吳地記云吳王莫女取土

成湖又郡國志王女墳在郭西云闔廬食蒸魚嘗半為榔金鼎玉杯銀尊珠襦悉以送女又記云以水繞墳因名女墳湖白蘋洲在湖州霅溪之東南去州一

里洲上有魯公顏真卿芳菲亭內有梁太守柳惲詩

云汀洲采白蘋日暮江南春因以為名以上並見太平寰宇記

靈巖寺

館娃宮畔千年寺水濶雲多客到稀聞說春來更惆悵百花深處一僧歸

寄韜光禪師

一山門作兩山門兩寺原從一寺分東澗水流西澗水

南山雲起北山雲前臺花發後臺見上界鐘聲下界聞遙想吾師行道處天香桂子落紛紛

汪立名曰按方輿勝覽虔州有天竺寺在水東三里東坡天竺寺詩香山居士留遺跡一首序云予年十

二先君自虔州歸謂予言近城山中天竺寺有白樂

天親書一山門作兩山門詩筆勢奇逸墨蹟如新今四十年予來訪之則詩已亡有刻石存耳感涕不已

而作是詩又東坡書樂天此詩後云唐韜光禪師自

度復經此寺徒見石刻而已紹聖元年八月十七日是此詩固寄虔州也但韜光禪師本住靈隱故詩中

有天香桂子語咸淳臨安志靈山之陰北澗之陽即靈隱寺靈山之南南澗之陽即天竺寺二澗水流水號錢源泉統寺峯南北而下至峯前合為一澗有橋號合澗又云靈隱天竺兩山由一門而入又云東坡虔

州天竺寺詩引云云據此則樂天詩非為杭作故舊志

不收但坡公贈杭州上天竺辨才二詩一云想見南

北山花發前後室一云南北一山門上下兩天竺又

皆采白詩語姑附著於此以俟知者要之白詩自是

寄杭州後韜光移錫與詩俱去故遺跡在虔州耳

欽定四庫全書
御選唐宋詩醇卷二十七

昌黎韓愈詩一

目錄

元和聖德詩

琴操十首

將歸操

猗蘭操

龜山操

越裳操

拘幽操

岐山操

履霜操

雉朝飛操

別鵠操

殘形操

南山詩

謝自然詩

秋懷詩十一首

欽定四庫全書

御選唐宋詩醇
卷二十七 目錄

御選唐宋詩醇卷二十七目錄

欽定四庫全書 舊要卷一萬九千三百五十一集部

御選唐宋詩醇卷二十七

昌黎韓愈詩一

韓愈文起八代之衰而其詩亦卓絕千古論者常以文掩其詩甚或謂於詩本無解處夫唐人以詩名家者多以文名家者少謂韓文重於韓詩可也直斥其詩為不工則羣兒之愚也大抵議韓詩者謂詩自有體此押韻之文格不近詩又豪放有餘深婉不足常苦意與語俱

欽定四庫全書

御選唐宋詩醇
卷二十七

盡蓋自劉攽沈括時有異同而黃魯直陳師道輩遂羣相訾謷歷宋元明異論間出此實昧於昌黎得力之所 在未嘗沿波以討其源則真不辨詩體者也夫六義肇興體裁斯別言簡而意該節短而韻長含吐抑揚雖重複其詞而彌有不盡之味此風人之旨也至於二雅三頌鋪陳終始竭情盡致義存乎揚厲而不病其夸情迫於呼號而不嫌其激其為體迥異於風非特詞有繁簡其意之隱顯固殊焉千古以來寧有以少含蓄為雅頌

之病者乎然則唐詩如王孟一派源出於風而愈則本之雅頌以大暢厥辭者也其生平論詩專主李杜而於治水之航磨天之刃慷慨追慕誠欲效其震蕩乾坤陵暴萬類而後得盡吐其奇傑之氣其視清微淡遠雅詠

溫恭殊不足以盡吾才然偶一為之餘力亦足以相及

如琴操及南溪諸作具在特性所不近不多作耳而仰攻者顧執多少之數以判優絀之數乎擬桃源為樂土

而輒謂洪河太華之駁人求仙佛之元虛而反以聖賢

經天緯地為多事此其說固不待智者而決也今試取

韓詩讀之其壯浪縱恣擺去拘束誠不減於李其渾涵

汪茫千彙萬狀誠不減於杜而風骨峻嶒腕力矯變得

李杜之神而不襲其貌則又拔奇於二子之外而自成

一家夫詩至足與李杜鼎立而論定猶有待於千載之

後甚矣詩道之難言也然元稹固嘗推杜而抑李歐陽

修又主退之不主予美李杜已然在愈故應不免彼自

鳴自息者又烏足與深辨哉茲集所登為古詩者什八

為律詩者什二蓋愈詩偏以古勝此自有定論也聯句之盛前此未有以非一人所得專美姑置不錄若夫集外遺詩如嘲鼾睡辭唱歌淺俚醜惡假託無疑直應削去而不容列諸集中者也

元和聖德詩并序

臣愈頓首再拜言臣伏見皇帝陛下即位以來誅流姦臣朝廷清明無有欺蔽外斬楊惠琳劉闢以收夏

蜀東定青徐積年之叛海內怖駭不敢違越郊天告

廟神靈歡喜風雨晦明無不從順太平之期適當今

日臣蒙被恩澤日與羣臣序立紫宸殿陛下親望穆

穆之光而其職業又在以經籍教導國子誠宜率先

作歌詩以稱道盛德不可以辭語淺薄不足以自效

為解輒依古作四言元和聖德詩一篇凡千有二十

四字指事實錄具載明天子文武神聖以警動百姓

耳目傳示無極其詩曰

皇帝即阼物無違拒曰暘而暘曰雨而雨維是元年有

盜在夏欲覆其州以踵近武皇帝曰嘻豈不在我負鄙
為難縱則不可出師征之其衆十旅軍其城下告以福
禍腹敗枝披不敢保聚擲首陴外降幡野豎疆外之險
莫過蜀土韋臯去鎮劉闢守後血人於牙不肯吐口開
庫啗士曰隨所取汝張汝弓汝鼓汝鼓汝為表書求我
帥汝事始上聞在列咸怒皇帝曰然嗟遠士女苟附而
安則且付與讀命於庭出節少府朝發京師夕至其部
闢喜謂黨汝振而伍蜀可全有此不當受萬牛礪炙萬
鰐行酒以錦纏股以紅帕首有恆其兒有餌其誘其出
穰穰隊以萬數遂劫東川遂據城阻皇帝曰嗟其又可
許爰命崇文分卒禁禦有安其驅無暴我野日行三十
徐壁其右闢黨聚謀鹿頭是守崇文奉詔進退規矩戰
不貪殺擒不濫數四方節度整兵頓馬上章請討俟命
起坐皇帝曰嘻無汝煩苦荆并泊梁在國門戶出師三千各選爾醜四軍齊作殷其如阜或拔其角或脫其距
長驅洋洋無有齟齬八月壬午闢棄城走載妻與妾包

裹稚乳是日崇文入處其字分散逐捕搜原別數闢窮
見窘無地自處俯視大江不見洲渚遂自顛倒若杵投
臼取之江中枷脰械手婦女纍纍啼哭叩來獻闢下
以告廟社周示城市咸使觀覩解脫繩索夾以砧斧婉
婉弱子赤立僵牽頭曳足先斷腰膂次及其徒體骸
擣柱末乃取闢駭汗如寫揮刀紛紜爭刲膾脯優賞將
吏扶珪綴組帛堆其家粟塞其庾哀憐陣歿廩給孤寡
贈官封墓周市宏溥經戰伐地寬免租簿施令酬功急
疾如火天地中間莫不順序幽恒青魏東盡海浦南至
徐蔡區外雜虜怛威毅德蹠踏舞掉棄兵革私習籃
簠來請來覲十百其耦皇帝曰吁伯父叔舅各安爾位
訓厥晦正月元日初見宗祖躬執百禮登降拜俯薦
於新宮視瞻梁梠感見容色淚落入俎侍祠之臣助我
惻楚乃以上辛於郊用牡除於國南鱗筭毛簾廬幕周
施開揭磊砢獸盾騰擎圓壇帖妥天兵四羅旂常婀娜
駕龍十二魚雅雅宵昇於丘奠璧獻掌衆樂驚作轟

融洽紫岱噓呵高靈下墮羣星從坐錯落侈侈日君
月妃煥赫媧姬瀆鬼濛鴻嶽祇業峩饌沃羶薌產祥降
嘏鳳皇應奏舒翼自拊赤麟黃龍逶迤結綯卿士庶人
黃童白叟踴躍歡呀失喜嗟歐乾清坤夷境落塞舉帝
車廻來日正當午幸丹鳳門大赦天下滌濯刻礮磨滅
瑕垢續功臣嗣拔賢任耆孩養無告仁滂施厚皇帝神
聖通達今古聽聰視明一似堯禹生知法式動得理所
天錫皇帝為天下主并包畜養無異細鉅億載萬年敢
欽定四庫全書
御選唐宋詩醇
卷二十七
六

典雅處似毛詩質峭處似秦碑華潤處似文選然通體
質峭居多首尾頌揚亦彌與秦碑為近誅闢一段借
以悚動藩鎮前人論之詳矣至幽恒青魏一段寫諸道
震懾而朝廷慰安鎮撫得體有威尤是最著意處
穆修曰退之元和聖德詩淮西碑柳雅章之類皆辭
嚴義偉制作如經能率然聳唐德於盛漢之表
筆墨間錄曰此序乃司馬遷之文非相如文也
張栻曰誦退之聖德頌至婉婉弱子赤立僵牽頭
欽定四庫全書
御選唐宋詩醇
卷二十七
七

有違者皇帝儉勤盡濯陶瓦斥遣浮華好此綈紵敕戒
四方侈則有咎天錫皇帝多麥與黍無名水旱耗於雀
鼠億載萬年有富無寢皇帝正直別白善否擅命而狂
既翦既去盡逐羣姦靡有遺侶天錫皇帝厖臣碩輔博
問遐觀以置左右億載萬年無敢余侮皇帝大孝慈祥
悌友怡怡愉愉奉太皇后浹於族親濡及九有天錫皇帝
與天齊壽登茲太平無怠永久億載萬年為父為母博
士臣愈職是訓詁作為歌詩以配吉甫

可輕議

樊汝霖曰此詩蘇黃門獨謂不然且曰此特憲宗命

崇文誅一劉闢爾其言闢棄城走爭刲膾脯何其瑣

屑之甚謂之造語工則可謂之得雅體未也詩載文王伐崇武王伐紂固自有體退之獨不到此耶亦其少年所為文也按公時年四十不可謂少大抵德不足則夸憲宗功烈固偉比文武則有間矣王荊公嘗

論詩曰周頌之詞約約所以為嚴德盛故也魯頌之謂歟

詞侈侈所以為夸德不足故也是詩也其亦魯頌之

欽定四庫全書

御選唐宋詩醇

八

欽定四庫全書

御選唐宋詩醇

九

蘭之猗猗揚揚其香不採而佩於蘭何傷今天之旋其曷為然我行四方以日以年雪霜貿貿蕡麥之茂子如不傷我不爾覩蕡麥之茂蕡麥之有君子之傷君子之守

蕡麥二語妙於和平君子二語妙於斬截寫得安土樂

天意出

龜山操 孔子以季桓子受齊女樂諫不從望

龜山而作

彥周詩話曰韓退之元和聖德詩云駕龍十二魚魚雅雅其深於詩者耶

琴操十首

將歸操 孔子之趙聞殺鳴犧作

狄之水兮其色幽幽我將濟兮不得其由涉其淺兮石

齧我足乘其深兮龍入我舟我濟而悔兮將安歸尤歸

兮歸兮無與石鬪兮無應龍求

喻意奇警

猗蘭操 孔子傷不逢時作

蘭之猗猗揚揚其香不採而佩於蘭何傷今天之旋其

曷為然我行四方以日以年雪霜貿貿蕡麥之茂子如

不傷我不爾覩蕡麥之茂蕡麥之有君子之傷君子之

守

蕡麥二語妙於和平君子二語妙於斬截寫得安土樂

天意出

龜山操 孔子以季桓子受齊女樂諫不從望

龜山而作

彥周詩話曰韓退之元和聖德詩云駕龍十二魚魚雅雅其深於詩者耶

琴操十首

將歸操 孔子之趙聞殺鳴犧作

狄之水兮其色幽幽我將濟兮不得其由涉其淺兮石

齧我足乘其深兮龍入我舟我濟而悔兮將安歸尤歸

雨之施物以孳我何意於彼為自周之先其艱其勤以

有疆宇私我後人我祖在上四方在下厥臨孔威敢戲

以侮孰荒於門孰治於田四海既均越裳是臣

我何意於彼為不享其贊不臣其人妙用盡此六字四

海既均越裳是臣愈淡愈妙所謂不著一字盡得風流

也

李光地曰孰荒於門孰治於田言豈有荒於門而能治於田者見非安近無以服遠起下兩句意

拘幽操 文王羑里作

欽定四庫全書

御選唐宋詩解

+

目窈窈兮其凝其盲耳肅肅兮聽不聞聲朝不日出兮夜不見月與星有知無知兮為死為生嗚呼臣罪當誅

兮天王聖明

伊川程子曰退之作琴操有曰臣罪當誅兮天王聖明道文王意中事前後之人道不到此徐仲車言退之拘幽操謂文王囚羑里作乃云臣罪當誅兮天王聖明可謂知文王之用心矣凱風七子之母猶不能安其室而云母氏聖善我無令人重自責也

岐山操 周公為太王作

我家於豳自我先公伊我承序敢有不同今狄之人將

土我疆民為我戰誰使死傷彼岐有岨我往獨處爾莫

余追無思我悲

履霜操 尹吉甫子伯奇無罪為後母譖而見

逐自傷作

父兮兒寒母兮兒饑兒罪當笞逐兒何為兒在中野以宿以處四無人聲誰與兒語兒寒何衣兒饑何食兒行

欽定四庫全書

御選唐宋詩解

+

於野履霜以足母生衆兒有母憐之獨無母憐兒寧不悲

結處獨呼母憐更得神解

雉朝飛操 牧犢子七十無妻見雉雙飛感之而作

雉之飛於朝日羣雌孤雄意氣橫出當東而西當啄而飛隨飛隨啄羣雌粥粥嗟我雖人曾不如彼雉雞生身七十年無一妾與妃

別鵠操 商陵穆子娶妻五年無子父母欲其

改娶其妻聞之中夜悲嘯穆子感之而作

雄鵠銜枝來雌鵠啄泥歸巢成不生子大義當乖離江漢水之大鵠身鳥之微更無相逢日且可繞樹相隨飛

殘形操 曾子夢見一狸不見其首作

有獸維狸兮我夢得之其身孔明兮而頭不知吉凶何為兮覺坐而思巫咸上天兮識者其誰

滄浪詩話曰韓退之琴操高古正是本色非唐賢所

及

漁隱叢話曰唐子西語錄云古樂府命題皆有主意後之人用樂府為題者直當代其人措辭如公無渡河須作妻止其夫之辭太白輩或失之惟退之琴操得體琴操柳子厚不能作子厚皇雅退之亦不能作也

沈德潛曰琴操諸篇深婉忠厚得風雅之正

南山詩

吾聞京城南茲維羣山圍東西兩際海巨細難悉究山經及地志茫昧非受授團辭試提挈挂一念萬漏欲休諒不能粗叙所經覩嘗昇崇邱望戢戢見相湊晴明出稜角縷脉碎分繡蒸嵐相湧洞表裏忽通透無風自飄簸融液煦柔茂橫雲時平凝點點露數岫天空浮脩睂濃綠畫新就孤檣有嶺絕海浴褰鵬囁春陽潛沮洳濯濯吐深秀巖巒雖崔嵬弱類含酎夏炎百木盛蔭鬱增埋覆神靈日敲獻雲氣爭結構秋霜喜刻轡礧卓立

癯瘦參差相疊重剛耿陵宇宙冬行雖幽墨冰雪工琢鏤新曠照危峨億丈恒高袤明晵無停態頃刻異狀候西南雄太白突起莫閒籬藩都配德運分宅占丁戊道遙越坤位詆訐陷乾竇空虛寒兢兢風氣較搜漱朱維方燒日陰霰縱騰糅昆明大池北去覩偶晴晝綿聯窮俯視倒側困清逼微瀾動水面踊躍猱狹驚呼惜破碎仰喜呀不仆前尋徑杜墅分全蔽畢原陋崎嶇上軒昂始得觀覽富行行將遂窮嶺陸煩互走勃然思坼裂擁

掩難恕宥巨靈與夸娥遠賈期必售還疑造物意固護
蓄精祐力雖能排幹雷電怯呵詬攀緣脫手足蹭蹬抵
積甃茫如試矯首塙塞生恂威容喪蕭爽近新迷遠
舊拘官計日月欲進不可又因緣窺其湫凝湛闕陰罥
魚蝦可俯掇神物安敢寇林柯有脫葉欲墮鳥驚救爭
銜彎環飛投棄急哺鷁旋歸道迴睨達枿壯復奏吁嗟
信奇怪峙質能化質前年遭譴謫探歷得避逅初從藍
田入顧盼勞頸脰時天晦大雪淚目苦曇昏峻塗施長

貴育倫賭勝勇前購先強勢已出後鈍嗔詬或如帝
王尊叢集朝賤幼雖親不褻狎雖遠不悖謬或如臨食
案肴核分飣餌又如遊九原墳墓包樽榼或饗若盆饅
或揭若鏡桓或覆若曝盤或頹若寢獸或蜿若藏龍或
翼若搏鷩或齊若友朋或隨若先後或逆若流落或顧
若宿留或戾若仇讐或密若婚媾或儼若戎冠或翻若
舞袖或屹若戰陣或圍若蒐狩或靡然東注或偃然北
首或如火熲焰或若氣饋餉或行而不輶或遺而不收
或斜而不倚或弛而不彀或赤若禿鬚或燻若柴槱或
如龜拆兆或若卦分繇或前橫若剥或後斷若姤延延
險逾避臭昨來逢清霽宿願忻始副嶧嶧躋冢頂條門
雜鼯鼴前低劃開濶爛漫堆衆皴或連若相從或蹙若
相鬪或妥若弭伏或竦若驚雛或散若瓦解或赴若輻
湊或翩若船遊或決若馬驟或背若相惡或向若相佑
或亂若抽筭或嵲若注灸或錯若繪畫或繚若篆籀或
羅若星離或翁若雲逗或浮若波濤或碎若鋤耨或如
假詛呪鴻荒竟無傳功大莫酬僦嘗聞於祠官芬苾降

歌喚斐然作歌詩惟用贊報酬

入手虛冒開局嘗昇崇邱以下總叙南山大槩春陽四段叙四時變態太白昆明兩段言南山方隅連亘之所

自頃刻異狀候以上只是大略遠望未嘗身歷瞻太白

俯昆明眺望乃有專注而猶未登涉也徑杜墅上軒昂志窮觀覽矣蹭蹬不進僅一窺龍湫止焉遭貶由藍田行則又跋陟艱危無心觀覽也層層頓挫引滿不發直至昨來逢清霽以下乃舉憑高縱目所得景象傾囊倒

欽定四庫全書

御選唐宋詩醇

去

欽定四庫全書

御選唐宋詩醇

十七

篋而出之疊用或字從北山詩化出比物取象盡態極妍然後用大哉一段煞住通篇氣脉逶迤筆勢竦峭蹊徑曲折包孕宏深非此手亦不足以稱題也

潛溪詩眼曰孫莘老嘗謂老杜北征勝退之南山詩王平甫以為南山勝北征終不能相服時山谷尚少乃曰若論工巧則北征不及南山若書一代之事以與國風雅頌相為表裏則北征不可無而南山雖不作未害也二公之論遂定

洪興祖曰此詩似上林子虛賦才力小者不可到也

晁說之曰韓文公詩號狀體謂鋪叙而無含蓄也若雖親不喪抑雖遠不悖謬該於理多矣

顧嗣立曰此等長篇亦從騷賦化出然却與焦仲卿妻杜陵北征諸長篇不同者彼則實叙事情此則虛摹物狀公以畫家之筆寫得南山靈異縹緲光怪陸離中間連用五十一或字復用十四疊字正如駿馬

下岡手中脫轡忽用大哉立天地數語作收又如折

欽定四庫全書

御選唐宋詩醇

十七

聲忽驚萬籟皆寂

謝自然詩

果州南充縣寒女謝自然童騃無所識但聞有神仙輕生學其術乃在金泉山繁華榮慕絕父母慈愛捐凝心感魑魅慌忽難具言一朝坐空室雲霧生其間如聆笙竽韻來自冥冥天白日變幽晦蕭蕭風景寒簷楹戛明滅五色光屬聯觀者徒傾駭躑躅詎敢前須臾自輕舉飄若風中煙茫茫八紜大影響無由緣里胥上其事郡

守驚且歎驅車領官吏，耽俗爭相先。入門無所見，冠履同。蛻蟬皆云神仙事，灼灼信可傳。余聞古夏后，象物知神姦。山林民可入，魍魎莫逢旃。逶迤不復振，後世恣欺謾。幽明紛雜亂，人鬼更相殘。秦皇雖篤好，漢武洪其源。自從二主來，此禍竟連連。木石生怪變，狐狸騁妖患。莫能盡性命，安得更長延。人生處萬類，知識最為賢。奈何不自信，反欲從物遷。往者不可悔，孤魂抱深冤。來者猶可誠，余言豈空文。人生有常理，男女各有倫。寒衣及饑食，在紡績耕耘下。以保子孫上，以奉君親苟異於此道，皆為棄其身。噫乎彼寒女，永託異物羣。感傷遂成詩昧者，宜書紳。

魅後曰木石生怪變，狐狸騁妖患。而中叙其昇舉之候，風寒幽晦則非休徵。可知然韓子本意雖視仙道猶鬼道也。故曰莫能盡性命，安得更長延。其記夢云安能從汝巢神山，則直謂世無仙道。但窟宅巖崖羣彼異物耳。

顧嗣立曰：公排斥佛老是生平得力處。此篇全以議論作詩詞，嚴義正明。目張膽原道佛骨表之亞也。

集仙錄曰：謝自然居果州南充縣，年十四修道不食。

築室於金泉山，貞元十年十一月二十日辰時白日升天，士女數千人咸共瞻仰。須臾五色雲遮亘一川，天樂異香散漫刺史李堅表聞詔褒美之。

秋懷詩十一首

前叙後斷，排斥不遺餘力。人詫其白日飛昇，吾獨為孤魂冤痛警世至深切矣。凝心感魑魅，一語包括半部楞嚴。

李光地曰：世固自有仙道，自韓子言之，則皆鬼魅所為也。信乎？曰：其入於鬼魅者多矣。故首曰凝心感魑魅。

魅後曰木石生怪變，狐狸騁妖患。而中叙其昇舉之候，風寒幽晦則非休徵。可知然韓子本意雖視仙道猶鬼道也。故曰莫能盡性命，安得更長延。其記夢云安能從汝巢神山，則直謂世無仙道。但窟宅巖崖羣彼異物耳。

顧嗣立曰：公排斥佛老是生平得力處。此篇全以議論作詩詞，嚴義正明。目張膽原道佛骨表之亞也。

集仙錄曰：謝自然居果州南充縣，年十四修道不食。

築室於金泉山，貞元十年十一月二十日辰時白日升天，士女數千人咸共瞻仰。須臾五色雲遮亘一川，天樂異香散漫刺史李堅表聞詔褒美之。

秋懷詩十一首

前叙後斷，排斥不遺餘力。人詫其白日飛昇，吾獨為孤魂冤痛警世至深切矣。凝心感魑魅，一語包括半部楞嚴。

李光地曰：世固自有仙道，自韓子言之，則皆鬼魅所為也。信乎？曰：其入於鬼魅者多矣。故首曰凝心感魑魅。

白露下百草蕭蘭共雕悴青青四牆下已復生滿地寒

蟬暫寂寞蟋蟀鳴自恣運行無窮期稟受氣苦異適時

各得所松柏不必貴

彼時何卒卒我志何漫漫犀首空好飲廉頗尚能飯學

堂日無事驅馬適所願茫茫出門路欲去聊自勸歸還
閱書史文字浩千萬陳跡竟誰尋賤嗜非貴獻丈夫意

有在女子乃多怨

秋氣日惻惻秋空日凌凌上無枝上蜩下無盤中蠅豈

不感時節耳目去所憎清曉卷書坐南山見高稜其下

澄秋水有蛟寒可曾惜哉不得往豈謂吾無能

用意與同谷六歌畧同

離離掛空悲慙慙抱虛警露泣秋樹高蟲弔寒夜永歛

退就新懦趨營悼前猛歸愚識夷塗汲古得脩綆名浮

猶有恥味薄真自幸庶幾遺悔尤即此是幽屏

此首特多見道之言

葛立方曰此則陶潛歸去來辭覺今是昔非之意似

有所悟也

今晨不成起端坐盡日景蟲鳴室幽幽月吐魄囧囧喪
懷若迷方浮念劇含梗塵埃慵伺候文字浪馳騁尚須
勉其頑王事有朝請

秋夜不可晨秋日苦易暗我無汲汲志何以有此憾寒
雞空在棲缺月煩屢瞰有琴且徽絃再鼓聽愈淡古聲
久埋滅無由見真濫低心逐時趨苦勉祗能暫有如乘
風船一縱不可繩不如觀文字丹鉛事點勘豈必求贏

餘所要石與巖

李光地曰首言其汲汲求志而患日之不足也又言

淡古之音世無知者低心逐時性所不堪如乘風之
船不能自返故惟有讀書以自樂苟暫得巖石之儲
便浩浩乎無求矣

卷卷落地葉隨風走前軒鳴聲若有意顛倒相追奔空

堂黃昏暮我坐默不言童子自外至吹燈當我前問我
我不應饋我我不餐退坐西壁下讀書盡數編作者非

今士相去時已千其言有感觸使我復悽酸顧謂汝童

子置書且安眠丈夫屬有念事業無窮年

李光地曰言誦古人詩與古人相感默然安寢而志

乎無窮之業詩所謂獨寐寤宿永矢弗告者歟

霜風侵梧桐衆葉著樹乾空堦一片下琤若摧琅玕謂
是夜氣滅望舒賈其團青冥無依倚飛轍危難安驚起
出戶視倚楹久汎瀾憂愁費晷景日月如跳丸迷復不
計遠為君駐塵鞍

一葉之落寫得如許奇峭此等蹊徑從何處開出聯句
云腸胃繞萬象可想見落筆時意思
暮暗來客去羣囂各收聲悠悠偃宵寂亹亹抱秋明世
累忽進慮外憂遂侵誠強懷張不滿弱念缺已盈詰屈
避語寡冥茫觸心兵敗虞千金棄得比寸草榮知恥足
為勇晏然誰汝令

鮮鮮霜中菊既晚何用好揚揚弄芳蝶爾生還不早運
窮兩值遇婉變死相保西風蟄龍蛇衆木日凋槁由來

命分爾泯滅豈足道

秋懷詩抑塞磊落所謂寒士失職而志不平者昔人謂
東野詩讀之令人不歡觀昌黎此等作真乃異曲同工

固宜有臭味之合也

樊汝霖曰秋懷詩十一首文選詩體也唐人最重文
選學公以六經之文為諸儒倡文選弗論也獨於李
荊墓誌之曰能暗記論語尚書毛詩左氏文選而公
詩如自許連城價傍砌看紅藥眼穿長詩雙魚斷之

句皆取諸文選故此詩往往有其體

後山詩話曰韓詩如秋懷別元協律南溪始泛皆佳
作也



總校官庶吉士臣張能照
校對官庶吉士臣于鼎
謄錄監生臣何始連

欽定四庫全書叢要


集部
御選唐宋詩醇卷二十八

欽定四庫全書叢要

御選唐宋詩醇卷二十八

昌黎韓愈詩二

目錄



赴江陵途中寄贈王二十補闕李十一拾遺李二

十六員外翰林三學士

此日足可惜一首贈張籍

歸彭城

欽定四庫全書

御選唐宋詩醇
卷二十八目錄

醉贈張秘書

送惠師

送靈師

縣齋有懷

陪杜侍御遊湘西兩寺獨宿有題一首因獻楊常

侍

岳陽樓別竇司直

送文暢師北遊

詳校官原任主事昌黎李斯咏

答張徹

欽定四庫全書
欽定四庫全書
御選唐宋詩醇卷二十八

昌黎韓愈詩二

赴江陵途中寄贈王二十補闕李十一拾遺李二
十六員外翰林三學士

欽定四庫全書

御選唐宋詩醇
卷二十八目錄

孤臣昔放逐血泣追愆尤汗漫不省識况如乘桴浮或
自疑上疏上疏豈其由是年京師旱田畝少所收上憐
民無食征賦半已休有司恤經費未免煩徵求富者既

欽定四庫全書

御選唐宋詩醇
卷二十八

云急貧者固已流傳聞問里間赤子棄渠溝持男易斗
粟掉臂莫肯酬我時出衢路餓者何其稠親逢道邊死
佇立久咿嗁歸舍不能食有如魚中鉤適會除御史誠
當得言秋拜疏移閭門為忠寧自謀上陳人疾苦無令
絕其喉下陳畿甸內根本理宜優積雪驗豐熟幸寬待
蠶麌天子惻然感司空歎綢繆謂言即施設乃反遷炎
州同官盡才俊偏善柳與劉或慮語言洩傳之落冤讐
二子不宜爾將疑斷還不中使臨門遣頃刻不得留病

妹卧牀褥分知隔明幽悲啼乞就別百請不領頭弱妻抱稚子出拜忘慙羞僥俛不廻顧行行詣連州朝為青雲士暮作白首囚商山季冬月冰凍絕行輶春風洞庭浪出沒驚孤舟逾嶺到所任低顏奉君侯酸寒何足道隨事生瘡疣遠地觸途異吏民似猿猴生獰多忿很辭舌紛嘲啁白日屋簷下雙鳴鬪鵠鷗有蛇類兩首有蠱羣飛游窮冬或搖扇盛夏或重裘颸起最可畏匈喙簸陵丘雷霆助光怪氣象難比侔癘疫忽潛遘十家無一

轚小雅詠鳴鹿食苹貴呦呦遺風邈不嗣豈憶嘗同禡失志早衰換前期擬蜉蝣自從齒牙缺始慕舌為柔因疾鼻又塞漸能等薰蕕深思罷官去畢命依松楸空懷焉能果但見歲已邁殷湯閔禽獸解網祝蛛蝥雷煥掘寶劍寃氛銷斗牛茲道誠可尚誰能借前籌殷勤謝吾友明月非暗投

此自陽山量移江陵而寄王涯李建李程意在牽復耳

瘳猜嫌動置毒對案輒懷愁前日遇恩赦私心喜還憂果然又羈縶不得歸勦耰此府雄且大騰凌盡戈矛棲樓法曹掾何處事卑陬生平企仁義所學皆孔周早知

大理官不列三后傳何況親犴獄敲撻發姦偷懸知失意似有懲創然只以詆諧出之固知倔強猶昔不肯折却腰骨也意纏綿而詞悽婉神味極似小雅

舊唐書愈轉監察御史德宗晚年官市之弊愈嘗上章數千言極論之不聽怒貶為連州陽山令量移江陵府掾曹

罪誅共喫復聞顛天輩峨冠進鴻疇班行再肅穆璜珮鳴琅璆佇繼貞觀烈邊封脫兜鍪三賢推侍從卓犖傾

洪興祖曰貞元十九年公自博士拜監察御史是時有詔以旱饑蠲租之半有司徵愈急公與張署李方

叔上疏言關中天下根本民急如是請寬民徭而免田租天子惻然卒為幸臣所讒貶連州陽山令幸臣李實也舊書云云疏今不傳則公之被黜坐論此兩事也

方崧卿曰公陽山之貶寄三學士詩敘述其詳而行狀但云為幸臣所惡出宰陽山神道碑亦只云因疏關中旱饑專政者惡之則其非為論官市明矣然行狀且謂為幸臣所惡而公詩云或自疑上疏上疏豈

其由則又未必皆上疏之罪也又曰同官盡才俊偏善柳與劉或慮語言洩傳之落冤讐又岳陽樓詩云前年出官由此禍最無妄姦猜畏彈射斥逐恣欺誑是蓋為王叔文韋執誼等所排矣憶昨行云伾文未揅崖州熾雖得赦宥常愁猜是其為叔文等所排豈不明甚特無所歸咎駕其罪於上疏耳

此日足可惜一首贈張籍

此日足可惜此酒不足嘗捨酒去相語共分一日光念

昔未知子孟君自南方自矜有所得言子有文章我名屬相府欲往不得行思之不可見百端在中腸維時月魄死冬日朝在房驅馳公事退聞子適及城命車載之至引坐於中堂開懷聽其說往往副所望孔子歿已遠仁義路久荒紛紛百家起詭怪相披猖長老守所聞後生習為常少知誠難得純粹古已亡譬彼植園木有根易為長留之不遣去館置城西旁歲時未云幾浩浩觀

湖江衆夫指之笑謂我不明兒童畏雷電魚鼈驚夜

光州家舉進士選試謬所當馳辭對我策章句何煌煌相公朝服立工席歌鹿鳴禮終樂亦闋相拜送於庭之予去須臾赫赫流盛名竊喜復竊歎諒知有所成人事安可恒奄忽令我傷聞子高第日正從相公喪哀情逢吉語惝恍難為雙暮宿偃師西徒展轉在牀夜聞汴州亂遙壁行傍徨我時留妻子倉卒不及將相見不復期零落甘所丁騎女未絕乳念之不能忘忽如在我所耳

若聞啼聲中途安得返一日不可更俄有東來說我家

免罹殃乘船下汴水東去趨彭城從喪朝至洛還走不

及停假道經盟津出入行澗岡日西入軍門羸馬顛且

僵主人願少留延入陳壺觴卑賤不敢辭忽心如狂

飲食豈知味絲竹徒轟轟平明脫身去決若驚鳬翔黃

昏次汜水欲過無舟航號呼久乃至夜濟十里黃中流

上灘潭沙水不可詳驚波暗合沓星宿爭翻芒轅馬蹄

躅鳴左右泣僕童甲午憩時門臨泉窺鬪龍東西出陳

許陂澤平茫茫道邊草木花紅紫相低昂百里不逢人

角角雄雉鳴行行二月暮乃及徐南疆下馬步堤岸上

船拜吾兄誰云經艱難百口無天殃僕射南陽公宅我

睢水陽篋中有餘衣盞中有餘糧閉門讀書史窗戶忽

已涼日念子來遊子豈知我情別離未為久辛苦多所

經對食每不飽共言無倦聽連延三十日晨坐達五更

我友二三子宦遊在西京東野窺禹穴李翹觀濤江蕭

條千萬里會合安可逢淮之水舒舒楚山直叢叢子又

捨我去我懷焉所窮男兒不再壯百歲如風狂高爵尚

可求無為守一鄉

追溯與籍結交之始至今日重逢別去而其中歷叙已

之崎嶇險難意境紓折時地分明摹刻不傳之情并覩

縷不必詳之事倥偬雜沓真有波濤夜驚風雨驟至之

勢若後人為之鮮不失之冗散者須玩其勁氣直達處

數十句如一句尤須玩其通篇章法搏腕操縱筆力如

一髮引千鈞庶可神明於規矩之外

末事故其詩曰多情懷酒伴餘事作詩人也然其資

談笑助諧謔叙人情狀物態一寓於詩而曲盡其妙

此在雄文大手固不足論而予獨愛其工於用韻也

蓋其得韻寬則波瀾橫溢泛入傍韻乍還乍離出入

回合殆不可拘以常格如此足可惜之類是也得

韻窄則不復傍出而因難見巧愈險愈奇如病中贈

張十八之類是也余嘗與聖俞論此謂譬如善馭良

馬者通衢廣陌縱橫馳逐惟意所之至於水曲蟻封

疾徐中節而不少蹉跌乃天下之至工也聖俞戲曰
前史言退之為人木強若寬韻可自足而輒傍出窄
韻難獨用而反不出豈非其拘強而然歟坐客皆為
之笑也

漁隱叢話曰唐子西謂退之作古詩有故避屬對者
淮之水舒舒楚山直叢叢是也

某氏曰按此篇押二光字二鳴字二更字二狂字胡
仔謂退之好重疊用韻以盡已之意蓋不恤其為病

欽定四庫全書

御選唐宋詩

卷二十八

八

也

容齋四筆曰退之此首贈張籍凡百四十句雜用東
冬江陽庚青六韻及其亡也籍作詩祭之凡百六十
六句用陽庚二韻其語鏗鏘震厲全倣韓體所謂乃
出二侍女合彈琵琶箏者是也

李光地曰首叙與籍相遇之初中言汴州之亂避難
至徐復與籍相見而惜其去也按詩易書春秋及秦
漢以上古文用韻東冬江為一部陽一部青一部庚

欽定四庫全書

御選唐宋詩

卷二十八

九

同文之本則似有未能明者蓋東冬江陽庚青蒸七
韻原為一部以其元乃一氣所生而用之以叶歌曲
則收聲必同故也真文元寒刪先及侵覃鹽咸皆然
至支微齊魚虞歌麻諸韻又各部之根凡各部中字
生音起韻皆從此而得應自為一部而通同之欲其
源派分明故亦別為三部歌麻也魚虞也支微齊也
然魚虞之韟能生蕭肴豪尤故蕭肴豪尤與魚虞同一
收聲而可以通用支微齊能生佳灰故佳灰與支微齊

同一收聲而可以通用也至歌麻與魚虞雖別部而尤相近蓋古人讀魚虞字皆如模字讀麻字皆如歌

字緣歌模兩部相近其收聲亦頗同則魚虞可通於

蕭肴豪尤者歌麻亦可通矣如東冬七韻真文六韻侵覃四韻雖亦支微魚虞齊歌麻所生然翻轉於齒舌唇鼻間而得之非喉音直切所生如蕭肴豪尤佳灰者比故各自為部而不可相通也退之此詩正用

東冬等一部聖德詩則用歌魚虞尤等上聲一部謝

自然詩則用真文等一部皆極本窮源得古韻之精意其學博而見卓矣且三代秦漢古書如此者頗衆第主於先入則不察耳歐公以為有意泛入旁韻以見奇又或以為當以叶聲求之此固淺近之論而顧氏之顯為譏斥亦未免苟訾也

顧嗣立曰洪興祖謂此詩雜用韻又疊用韻俞瑒云此詩用韻非雜也古庚陽二韻原自相通觀鹿鳴采芑之詩自見却非俗說通用轉用之例也其入東韻

者桑中之詩亦然按少陵飲中八仙歌嘗疊用韻此詩中間敘次亦彷彿彭衙北征光景

歸彭城

天下兵又動太平竟何時訐謨者誰子無乃失所宜前年闕中旱間井多死饑去歲東郡水生民為流屍上天不虛應禍福各有隨我欲進短策無由至形墀剗肝以為紙瀝血以書辭上言陳堯舜下言引龍夔言詞多感激文字少歲艱一讀已自怪再尋良自疑食芹雖云美

獻御固已癡緘封在骨髓耿耿空自奇昨者到京師屢陪高車馳周行多俊異議論無瑕疵見待頗異禮未能去毛皮到口不敢吐徐徐俟其巖歸來戎馬間驚顧似羈雌連日或不語終朝見相欺乘閒輒騎馬茫茫詣空陂遇酒即酩酊君知我為誰

憂時傷亂感情無聊騎馬空陂不減途窮之哭周行俊異數語風刺微婉所謂中朝大官老於事詎肯感激徒媿阿也剗肝瀝血句從少陵鳳凰臺詩化出又庾信

經藏碑有皮紙骨筆之句退之雖不喜用釋典然運化

前人詞語自無嫌也

醉贈張秘書

人皆勸我酒我若耳不聞今日到君家呼酒持勸君為此座上客及余各能文君詩多態度藹藹春空雲東野動驚俗天葩吐奇芬張籍學古淡軒鶴避雞羣阿買不

識字頗知書八分詩成使之寫亦足張吾軍所以欲得酒為文俟其醺酒味既冷冽酒氣又氤氳性情漸浩浩諧笑方云云此誠得酒意餘外徒纊紛長安衆富兒盤餽羅羶葷不解文字飲惟能醉紅裙疑若清苦聚飛蚊今我及數子固無猶與薰煖語破鬼膽高詞婉皇墳至寶不雕琢神功謝鋤耘方今向泰平元凱承華勵吾徒幸無事庶以窮朝曛

石林詩話曰韓退之贈張籍云君詩多態度藹藹春空雲司空圖記戴叔倫語云詩人之辭如藍田日暖良玉生煙亦是形似之微妙者但學者不能味其言

耳

顧嗣立曰東野二句即薦士詩所謂敷柔肆紓餘與榮華肖天秀是也張籍二句即調張籍詩所謂騰身跨汗漫不著織女襄是也亡友犀月嘗謂東野文昌兩君所得極不相似而同為公所許足見公之才大可謂知言矣

西清詩話曰張文潛云東坡嘗言退之詩長安衆富兒盤餽羅羶葷不解文字飲惟能醉紅裙疑若清苦自飾者至云艷姬踏筵舞清眸射劍戟則知此老子箇中興復不淺文潛戲答曰愛文字飲者與俗人沽酒同科

趙堯夫曰或問魯直阿買是退之何人答云退之姪必有所據而云

送惠師

惠師浮屠者乃是不羈人十五愛山水超然謝朋親脫冠翦頭髮飛步遺蹤塵發跡入四明梯空上秋旻遂登

天台望衆壑皆嶙峋夜宿最高頂舉頭看星辰光芒相
照燭南北爭羅陳茲地絕翔走自然嚴且神微風吹木
石澎湃聞韶鈞夜半起下視溟波銜日輪魚龍驚踊躍

叫嘯成悲辛怪氣或紫赤敲磨共輪囷金鷗既騰翥六

合俄清新常聞禹穴竒東去窺甌閩越俗不好古流傳
失其真幽蹤邈難得聖路嗟長堙廻臨淛江濤屹起高
峨峨壯志死不息千年如隔晨是非竟何有棄去非吾

倫凌江詣廬嶽浩蕩極遊巡崔嵬沒雲表陂陀浸湖淪

是時雨初霽懸瀑垂天紳前年往羅浮步屢南海滯大
哉陽德盛榮茂恒留春鵬騫墮長翮鯨戲側脩鱗自來
連州寺曾未造城闉日攜青雲客探勝窮崖濱太守邀
不去羣官請徒頻囊無一金資翻謂富者貧昨日忽不
見我令訪其鄰奔波自追及把手問所因顧我却興歎
君寧異於民離合自古然辭別安足珍吾聞九疑好夙
志今欲伸斑竹啼舜婦清湘沉楚臣衡山與洞庭此固
道所循尋嵩方抵洛厯華遂之秦浮游靡定處偶往即

通津吾言子當去子道非吾遵江魚不池活野鳥難籠
馴吾非西方教憐子狂且醇吾嫉惰遊者憐子愚且諄
去矣各異趣何為浪霑巾

送靈師

佛法入中國爾來六百年齊民逃賦役高士著幽禪官
吏不之制紛紛聽其然耕桑日失隸朝署時遺賢靈師
皇甫姓允胄本蟬聯少小涉書史早能綴文篇中間不
得意失跡成延遷逸志不拘教軒騰斷牽繩圍基鬪白

黑生死隨機權六博在一擲梟盧叱廻旋戰詩誰與敵
浩汗橫戈鋋飲酒盡百觴嘲諧思逾鮮有時醉花月高
唱清且絲四座咸寂默杳如秦湘絃尋勝不憚險黔江
屢洄沿瞿塘五六月驚電讓歸船怒水忽中裂千尋墮
幽泉環廻勢益急仰見團團天投身豈得計性命甘徒
捐浪沫蹙翻涌漂浮再生全同行二十人魂骨俱坑填
靈師不掛懷冒涉道轉延開忠二州牧詩賦時多傳失
職不把筆珠璣為君編強留費日月密席羅嬪娟昨者

至林邑使君數開筵逐客三四公盈懷贈蘭荃湖游泛
潯汎溪宴駐潺湲別語不許出行裾動遭牽鄭州競招
請書札何翩翩十月下桂嶺乘寒恣窺緣落落王員外
爭迎獲其先自從入賓館占憊久能專吾徒頗攜被接
宿窮歡妍聽說兩京事分明皆眼前縱橫雜謠俗瑣屑
咸羅穿材調真可惜朱丹在磨研方將歛之道且欲冠
其顛韶陽李太守高步凌雲煙得客輒忘食開囊乞繪
錢手持南曹叙字重青瑤鑄古氣參彖繫高標摧太玄
欽定四庫全書
御選唐宋詩醇
卷二十八
十六

維舟事千謁披讀頭風痊還如舊相識傾壺暢幽悄以
此復留滯歸驂幾時鞭

神名曰佛其形長丈六尺而金色於是遣使天竺問
佛道法圖畫形像以歸其教因流入中國此詩據漢
明帝時言之耳故其佛骨表云自後漢時流入中國
又云漢明帝時始有佛法也漢武故事昆邪王殺休
屠王來降得其金人之神置之甘泉宮則是佛入中
國始自漢武至成哀間已有經矣杜致行守編亦曰
漢武作昆明池掘地得黑灰東方朔云可問西域道
人西域道人佛之徒也又開皇歷代三寶記云劉向
欽定四庫全書
御選唐宋詩醇
卷二十八
十七

稱予覽典籍已見有經可知周時九流釋典秦雖爇
除漢興復出則先漢之前逆至於周有佛有經其來
也遠范曇胡以為明帝之時佛始入中國邪退之一
世大儒非承襲謬誤者將由心惡其教不復詳考其
源流所自耳

縣齋有懷

少小尚奇偉平生足悲咤猶嫌子夏儒肯學樊遲稼事
業窺臯稷文章蔑曹謝濯纓起江湖綴珮雜蘭麝悠悠
某氏曰按後漢明帝夢見金人問羣臣或曰西方有

指長道去去策高駕誰為傾國媒自許連城價初隨計
吏貢屢入澤宮射雖免十上勞何能一戰霸人情忌殊

異世路多權詐蹉跎顏遂低摧折氣愈下冶長信非罪

侯生或遭罵懷書出皇都銜淚渡清灞身將老寂寞志

欲死閒暇朝食不盈腸冬衣纔掩骼軍書既頻召戎馬

乃連跨大梁從相公彭城赴僕射弓箭圍狐兔綠竹羅

酒禹兩府變荒涼三年就休假求官去東洛犯雪過西

華塵埃紫陌春風雨靈臺夜名聲荷朋友援引乏姻姪

欽定四庫全書

御選唐宋詩醇

十八

雖陪形庭臣詎縱青冥靶寒空聳危闕曉色曜脩架捐

軀辰在丁鏕翮時方褚投荒誠職分領邑幸寬赦湖波

翻日車嶺石坼天罅毒霧恒熏晝炎風每燒夏雷威固

已加颶勢仍相借氣象杳難測聲音吁可怕夷言聽未

慣越俗情猶乍指摘兩憎嫌睢盱互猜訝祗緣恩未報

豈謂生足藉嗣皇新繼明率土日流化惟思滌瑕垢長

去事桑柘勦嵩開雲扃壓頰抗風榭禾麥種滿地梨棗

裁繞舍兒童稍長成雀鼠得驅嚇官租日輸納村酒時

邀迓間愛老農愚歸弄小女姹如今便可爾何用畢婚嫁

仄韻排律名手所希似此組織精工頓挫悲壯在集中亦自成一格塵埃紫陌一聯與梅花灞水句同一風致

顧嗣立曰公詩句句有來歷而能務去陳言者全在

於反用如醉贈張祕書詩本用嵇紹鶴立雞羣語偏

云張籍學古淡軒鶴避雞羣送文暢詩本用老杜每

欽定四庫全書

御選唐宋詩醇

十九

愁夜中自足蝎句偏云照壁喜見蝎薦士詩本用漢

書強弩之末力不能入魯縞語偏云強箭射魯縞獄

廟詩本用謝靈運猿鳴誠知曙句偏云猿鳴鐘動不知曙此詩結語本用向平婚嫁畢事偏云如今便可

爾何用畢婚嫁真令舊事翻新解得此祕則臭腐皆化為神奇矣

某氏曰貞元十九年十二月公以監察御史上天旱人饑疏貶陽山令辰在丁謂上疏之日也

陪杜侍御遊湘西兩寺獨宿有題一首因獻楊常

侍

長沙千里平勝地猶在險况當江濶處斗起勢匪漸深
林高玲瓏青山上琬琰路窮臺殿闢佛事煥且儼剖竹
走泉源開廊架崖广是時秋之殘暑氣尚未歛羣行忘
後先朋息棄拘檢客堂喜空涼華榻有清簾澗蔬煮蒿
芹水果剥菱芡伊余夙所慕陪賞亦云忝幸逢車馬歸
獨宿門不掩山樓黑無月漁火燦星點夜風一何喧杉

檜屢磨颭猶疑在波濤怵惕夢成魔靜思屈原沉遠憶
賈誼貶椒蘭爭妒忌絳灌共讒諂誰令悲生腸坐使淚
盈臉翻飛乏羽翼指摘困瑕玷珥貂藩維重政化類分
陝禮賢道何優奉己事苦儉大厦棟方隆巨川楫行剗
經營誠少暇遊宴固已歉旅程愧淹留徂歲嗟荏苒平
生每多感柔翰遇頻染展轉嶺猿鳴曙燈青睞睞
從獨宿寫景生情先以客堂華榻引起猿鳴燈睞仍就
獨宿上結章法一綫

岳陽樓別竇司直

洞庭九州間厥大誰與讓南匯羣崖水北注何奔放瀦
為七百里吞納各殊狀自古澄不清環混無歸向炎風
日搜攬幽怪多冗長軒然大波起宇宙隘而妨魏峩拔
嵩華騰踔較健壯聲音一何宏轟轡車萬兩猶疑帝軒
轅張樂就空曠蛟螭露筍簾縞練吹組帳鬼神非人世
節奏頗跌踢陽施見誇麗陰閉感悽愴朝過宜春口極
北缺隄障夜纜巴陵洲叢芮纔可傍星河盡涵泳俯仰
迷下上餘瀾怒不已喧聒鳴甕盍明登岳陽樓輝煥朝
日亮飛廉戢其威清宴息纖纊汎澄湛凝綠物影巧相
況江豚時出戲驚波忽蕩漾時當冬之孟隙窻縮寒漲
前臨指近岸側坐眇難望滌濯神魂醒幽懷舒以暢主
人孩童舊握手乍忻悵憐我竄逐歸相見得無恙開筵
交履舄爛漫倒家釀盃行無留停高柱送清唱中盤進
橙栗投擲傾脯醬歡窮悲心生婉變不能忘念昔始讀
書志欲干霸王屠龍破千金為藝亦云亢愛才不擇行

觸事得謾謗前年出官由此禍最無妄公卿採虛名擢拜識天仗姦猜畏彈射斥逐恣欺誑新恩移府庭逼側廁諸將于嗟苦駕緩但懼失宜當追思南渡時魚腹甘所葬嚴程迫風帆磅礴入高浪顛沈在須臾忠鯁誰復諒生還真可喜剋已自懲創庶從今日後粗識得與喪

事多改前好趣有獲新尚誓耕十畝田不取萬乘相細君知蠶織稚子已能餉行當掛其冠生死君一訪

寫景兩段陽開陰閉范希文岳陽樓記似從此脫胎

說文云芮芮草生貌又水涯也詩芮鞠之即箋水內曰

芮水外曰鞠此云叢芮謂洲渚之地水草之間也

俞瑩曰此詩前半首寫景後半首述事却用追思南渡時數語挽轉真有千鈞之力且有此一段才見前此鋪張非漫然也可見公布局運筆之妙

送文暢師北遊

昔在四門館晨有僧來謁自言本吳人少小學城闕已窮佛根源粗識事輓輓攀拘屈吾真我轄思遠發薦紳

欽定四庫全書
御選唐宋詩醇
卷二十八
三

秉筆徒聲譽耀前闕從求送行詩屢造忍顛蹶今成十餘卷浩汗羅斧鉞先生閟窮菴未得窺剖劂又聞識大道何路補剝剛出其囊中文滿聽實清越謂僧當少安草序頗排訐上論古之初所以施賞罰下開迷惑胥寥豁斂株槩僧時不聽瑩若飲水救暘風塵一出門時日多如髮三年竄荒嶺守縣坐深樾徵租聚異物詭製怛巾韞幽窮共誰語思想甚含嚙昨來得京官照壁喜見蝎况逢舊親識無不比鵠屢長安多門戶弔慶少休歇

欽定四庫全書
御選唐宋詩醇
卷二十八
三

而能勤來過重惠安可揭當今聖政初恩澤完減猶胡為不自暇飄戾逐鷗鷺僕射領北門威德壓胡羯相公鎮幽都竹帛爛勲伐酒場舞閨姝獵騎圍邊月開張篋中寶自可得津筏從茲富裘馬寧復茹藜蕨余期報恩後謝病老耕垡庇身指蓬茅逞志縱獫猾僧還相訪來山藥煮可掘

就北道主人作欹動語純是聲色貨利事昌黎胸次何等乃作此腐鼠之嚇耶緣其惡異學甚於鄙俗情也

李光地曰先叙文暢求言而當日作序極陳古義以破其惑即今集中送文暢序是也中言被貶陽山自幸還見親識而僧之往來尤密後乃勸其逃墨來歸以詩文為緣足以自致且與為異日相從之約

俞陽曰公諸長篇用險韻都不旁借正所謂因難見巧不獨贈張十八一首也但江字韻為尤窄耳

聞見錄曰歐陽公於詩主退之不主子美劉仲原父每不然之公曰子美老夫清晨梳白頭玄都道士來

相訪有俗氣退之決不道也仲原父曰亦退之昔在四門館晨有僧來謁之句之類耳公賞其辨樊汝霖曰蘇內翰聞驃駄試筆余謫居黃州五年今日離泗州北行岸上驃駄聲空籠意亦欣然蓋不聞此聲久矣退之照壁喜見蝎不虛語也又嶺南歸云已脫問鵬之變行有見蝎之喜皆取諸此

答張徹

辱贈不知報我歌爾其聆首叙始識面次言後分形道

途絲萬里日月垂十齡浚郊避兵亂睢岸連門停肝膽一古劍波濤兩浮萍漬墨竄舊史磨丹注前經義苑手祕寶文堂耳驚霆煊晨躡露鳥暑夕眠風櫺結友子讓抗請師我慙丁初味猶噉蔗遂通斯建瓴搜奇日有富嗜善心無寧石梁平侹侹沙水光泠泠乘枯摘野豔沈細抽潛腥遊寺去陟巘尋徑返穿汀緣雲竹竦竦失路麻冥冥淫潦忽翻野平蕪眇開溟防泄塹夜塞懼衝城畫局及去事戎轡相逢宴軍伶觥秋縱兀兀獵旦馳駒駒從賦始分手朝京忽同舲急時促暗棹戀月留虛亭畢事驅傳馬居安守牕螢梅花灞水別宮燭驪山醒省選逮投足鄉賓尚椎翎塵祛又一摻淚皆還雙熒洛邑得休告華山窮絕陘倚巖睨海浪引袖拂天星日駕此廻轄金神所司刑泉紳施修白石劒攢高青磴蘚達拳跼梯飈伶俜悔狂已咋指垂誠仍鐫銘峨牙忝備列伏蒲愧分涇微誠慕橫草瑣力推撞筵疊雪走商嶺飛波航洞庭下險疑墮井守官類拘囚荒餐茹獠蠱幽夢

感湘靈刺史肅著蔡吏人拂蝗螟點綴簿上字趨蹠閣
前鈴賴其飽山水得以娛瞻聽紫樹雕斐亹碧流滴瓏

玲映波鋪遠錦插地列長屏愁狹酸骨死怪花醉魂馨

潛苞絳實坼幽乳翠毛零赦行五百里月變三十蓂漸

階羣振鷺入學誨螟蛉苹甘謝鳴鹿罍滿慙釐瓶罔罔抱瑚璉飛飛聯鵠鵠魚鬚欲脫背虬光先照硎豈獨出

醜類方當動朝廷勤來得晤語勿憚宿寒廳

排律用拗體亦是變格調古而詞艷不徒叙致之工

筆墨間錄曰劉備云答張徹一詩尤奇麗梅花灞水

一對極有風味

顧嗣立曰此詩通首用對句而以生峭之筆行之便與律詩大別少陵橋陵詩便是此種

隱居詩話曰李肇國史補載韓愈游華山窮極幽險心悸目眩不能下發狂號哭投書與家人別華陰令百計取之方能下沈顏作聲書以為肇妄載豈有賢者輕命如此余觀退之贈張籍詩云洛邑得休告華

山窮絕陘悔狂已昨指垂戒仍鐫銘則知肇記為信
然而沈顏為妄辭也

欽定四庫全書
薈要

御選唐宋詩醇卷二十九

昌黎韓愈詩三

目錄

薦士

古風

嗟哉董生行

山石

欽定四庫全書

御選唐宋詩醇
卷二十九 目錄

一

汴泗交流贈張僕射

鳴鴈

雉帶箭

條山蒼

桃源圖

東方半明

謁衡嶽廟遂宿嶽寺題門樓

永貞行

鄭羣贈箋

贈崔立之評事

送區弘南歸

三星行

剝啄行

孟東野失子

欽定四庫全書

御選唐宋詩醇
卷二十九 目錄

二

御選唐宋詩醇卷二十九目錄

欽定四庫全書
唐宋詩醇卷二十九

集部

御選唐宋詩醇卷二十九

昌黎韓愈詩三

薦士

周詩三百篇雅麗理訓誥曾經聖人手議論安敢到五
言出漢時蘇李首更號東都漸瀰漫派別百川導建安
能者七卓犖變風操逶迤抵晉宋氣象日凋耗中間數
鮑謝比近最清奧齊梁及陳隋衆作等蟬噪搜春摘花

欽定四庫全書

御選唐宋詩醇

卷二十九

欽定四庫全書

御選唐宋詩醇

卷二十九

歸與張二公迭嗟悼青冥送吹噓強箭射魯縞胡為久
無成使以歸期告霜風破佳菊嘉節迫吹帽念將決焉
去感物增戀嫪彼微水中行尚煩左右筆魯侯國至小
廟鼎猶納郜幸當擇珉玉寧有棄珪瑁悠悠我之思擾
擾風中蠹上言愧無路日夜惟心禱鶴翎不天生變化
在啄匏通波非難圖尺地易可漕善善不汲汲後時徒
悔懊救死具八珍不如一簞犒微詩公勿誚愷悌神所
勞

卉沿襲傷剽盜國朝盛文章子昂始高蹈勃興得李杜
萬類困陵暴後來相繼生亦各臻閫奧有窮者孟郊受
材實雄驚冥觀洞古今象外逐幽好橫空盤硬語妥帖
力排奡敷柔肆紝餘舊猛卷海潦榮華肖天秀捷疾逾
響報行身踐規矩甘辱恥媚寵孟軻分邪正眸子看瞭
眊杳然粹而清可以鎮浮躁酸寒溧陽尉五十幾何耄
孜孜榮甘旨辛苦久所膚俗流知者誰指注競嘲傲聖
皇索遺逸髦士日登造廟堂有賢相愛遇均覆燾況承

孟郊一詩流之幽逸者耳殊未足踵武諸大家而退之
說士乃甘於肉其自謂嗜善心無寧者此也 橫空盤
硬語妥帖力排奡十字中尤妙在妥帖二字樊宗師文
最奇崛而退之以文從字順許之其亦異乎世之所謂
妥帖者矣

王安石曰吟詩各有所得清水出芙蓉天然去雕飾
此李白所得也或看翡翠蘭苔上未掣鯨鯢碧海中此
杜甫所得也橫空盤硬語妥帖力排奡此韓愈所得也

彥周詩話曰六朝詩人之詩不可不熟讀如芙蓉露

下落楊柳月中疎鍛鍊至此自唐以來無人能及也退之云齊梁及陳隋衆作等蟬噪此語吾不敢議亦不敢從

又曰退之云橫空盤硬語妥帖力排奡蓋能殺縛事實與意義合最難能之知其難則可與論詩矣此所以稱東野也

隱居詩話曰孟郊詩蹇澁窮僻琢削不暇真苦吟而

成觀其句法格力可見矣其自謂夜吟曉不休苦吟鬼神愁如何不自閒心與身為仇而退之薦其詩云榮華肖天秀捷疾逾響報何也

竹坡詩話曰韓退之薦士詩云孟軻分邪正眸子看睭眇杳然粹而清可以鎮浮躁余嘗讀東野下第詩

云棄置復棄置情如刀劍傷及登第則自謂春風得意馬蹄疾一日看盡長安花一第之得失喜憂至於如此宜其雖得之而不能享也退之謂可以鎮浮躁

恐未免過情

李光地曰此薦孟郊之詩而首段叙詩源委極其簡盡李太白便謂建安之詩綺麗不足稱杜子美則自陳梁以下無貶詞故惟韓公之論最得其衷雖然

此與論文不列董賈者同病猶未免於以辭為主爾顧嗣立曰公此詩歷叙詩學源流自三百篇後漢魏止取蘇李建安七子六朝止取鮑謝餘子一筆抹倒

眼明手辣識力最高唐初格律變於子昂至李杜二

公而極所謂李杜文章在光燄萬丈長知公平生最得力於此也後以東野繼之似猶未足當此若公之才大而力雄思沈而筆銳則庶乎可以配李杜而無慙矣

全唐詩話曰李翹薦孟郊於張建封云茲有平昌孟郊正士也伏聞執事舊知之郊為五言詩自前漢李都尉蘇屬國及建安諸子南朝二謝郊能兼其體而

有之李觀薦郊於梁肅補闕書曰郊之五言詩其有高處在古無上其有平處下顧兩謝韓送郊詩曰作詩三百首杳默咸池音彼三子皆知言也豈欺天下之人哉

古風

今日曷不樂幸時不用兵無曰既蹙矣乃尚可以生彼州之賦去汝不顧此州之後去我奚適一邑之水可走而違天下湯湯曷其而歸好我衣服甘我飲食無念百

欽定四庫全書

御選唐宋詩醇

五

年聊樂一日

史記韓信傳曰農夫莫不輟耕釋耒褕衣甘食索隱曰恐滅亡不久故廢止作業而事美衣甘食此篇結意類此可謂長歌之哀深於痛哭矣

胡渭曰詩云幸時不用兵此必貞元十四年以前作也十五年則吳少誠反而大發諸道兵以討之矣本譏賦役之困民無所逃却言時不用兵正宜甘食好衣相與為樂辭彌婉而意彌痛山樞蔓楚之遺音也

樊汝霖曰安史亂後方鎮相望於內地大者連州十餘小者不下三四兵驕則逐帥帥強則叛上不廷不貢往往而是故託古風以寓意觀詩意當在德宗之世與烽火詩意相為表裏云

嗟哉董生行

淮水出桐栢山東馳遙千里不能休淝水出其側不能千里百里入淮流壽州屬縣有安豐唐貞元時縣人董生名南隱居行義於其中刺史不能薦天子不聞名

欽定四庫全書

御選唐宋詩醇

六

聲爵祿不及門門外惟有吏日來徵租更索錢嗟哉董生朝出耕夜歸讀古人書盡日不得息或山而樵或水而漁入廚具甘旨上堂問起居父母不感感妻子不咨咨嗟哉董生孝且慈人不識惟有天翁知生祥下瑞無時期家有狗乳出求食雞來哺其兒啄啄庭中食蟲蟻哺之不食鳴聲悲傍徨躑躅久不去以翼來覆待狗歸嗟哉董生誰將與傳時之人夫妻相虐兄弟為讐食君之祿而令父母愁亦獨何心嗟哉董生無與傳

神味古淡節族自然集中寡二少雙唯琴操間有近之者

俞瑒曰古詩長短句盛於太白如蜀道難遠離別等

篇實為公所取法者其奇橫偏在用韻處貫下一筆然後截住以足上意如盡日不得息亦獨何心等句是也

山石

山石犧確行徑微黃昏到寺蝙蝠飛昇堂坐階新雨足

芭蕉葉大支子肥僧言古壁佛畫好以火來照所見稀鋪牀拂席置羹飯疎糲亦足飽我饑夜深靜卧百蟲絕清月出嶺光入扉天明獨去無道路出入高下窮烟霏

嗟哉吾黨二三子安得至老不更歸

以火來照所見稀與嶽廟作神縱欲福難為功畧同於法則隨手撇脫於意則素所不滿之事即隨處自然流

露也

某氏曰東坡詩云犧確何人似退之意行無路欲從誰宿雲解駁晨光漏獨見山紅澗碧時皆采公此篇

中語也

顧嗣立曰七言古詩易入整麗而亦近平熟自老杜始為拘體如杜鵑行之類公之七言皆祖此種而中間偏有極鮮麗處不事雕琢更見精采有聲有色自是大家元遺山論詩絕句云有情芍藥含春淚無

力薔薇臥晚枝拈出退之山石句始知渠是女郎詩真篤論也

汴泗交流贈張僕射

汴泗交流郡城角築場千步平如削短垣三面繚逶迤擊鼓騰騰樹赤旗新秋朝涼未見日公早結束來何為分曹決勝約前定百馬攢蹄近相映毬驚杖舊合且離紅牛纓緩黃金羈側身轉臂著馬腹霹靂應手神珠馳超遙散漫兩間暇揮霍紛紜爭變化發難得巧意氣麤

謹聲四合壯士呼此誠習戰非為劇豈若安坐行良圖
當今忠臣不可得公馬莫走須殺賊

神采飛動結有忠告便比雉帶箭高一格

顧嗣立曰曹子建白馬篇仰手接飛猱俯身散馬蹄

杜子美詩走馬脫轡頭手中挑青絲捷下萬仞岡俯
身試舉旗側身轉臂語意本此發難得巧即雉帶
箭所謂將軍欲以巧伏人盤馬彎弓惜不發是也舊
註難作去聲引張良發八難解大謬

王伯大曰公在徐州與孟東野書有曰去年脫汴州
之亂遂來於此主人與余有故居余符離睢水上及
秋將辭去云云主人謂建封公在徐鬱鬱不得志見
於書與詩者如此蓋託鴈以自喻也

雉帶箭

原頭火燒靜兀兀野雉畏鷹出復沒將軍欲以巧伏人
盤馬彎弓惜不發地形漸窄觀者多雉驚弓滿勁箭加
衝人決起百餘尺紅翎白鏃隨傾斜將軍仰笑軍吏賀

五色離披馬前墮

篇幅有限而盤屈跳盪生氣遠出故是神筆

容齋三筆曰昌黎雉帶箭詩東坡嘗大字書之以為

妙絕予讀曹子建七啓論羽獵之美云人稠網密地
逼勢脅乃知韓公用意所來處

野雉畏鷹出復沒方嵩卿本作伏欲沒朱子考異云
雉出復沒而射者彎弓不肯輕發正是形容持滿命
凌風一舉君謂何

顧嗣立曰將軍欲以巧伏人盤馬彎弓惜不發二句無限神情無限頓挫公蓋示人以運筆作文之法也至其全首波瀾委曲細微熨貼王留耕所謂寫物之妙其狀如在目前信然信然

沈德潛曰李將軍度不中不發發必應弦而倒審量於未彎弓之先此矜惜於已彎弓之候總不肯輕見其技也作詩作文亦須得此意

條山蒼

欽定四庫全書

御選唐宋詩醇

卷二十九

條山蒼河水黃浪波沄沄去松柏在山岡

桃源圖

神仙有無何眇芒桃源之說誠荒唐流水盤迴山百轉

生絳數幅垂中堂武陵太守好事者題封遠寄南宮下

南宮先生忻得之波濤入筆驅文辭文工畫妙各臻極

異境恍惚移於斯桀巖鑿谷開宮室接屋連牆千萬日
羸顛劉蹶了不聞地坼天分非所恤種桃處處惟開花
川源近遠蒸紅霞初來猶自念鄉邑歲久此地還成家

漁舟之子來何所物色相猜更問語大蛇中斷喪前王羣馬南渡開新主聽終辭絕北悽然自說經六百年當時萬事皆眼見不知幾許猶流傳爭持酒食來相饋禮數不同樽俎異月明伴宿玉堂空骨冷魂清無夢寐夜半金雞啁哳鳴火輪飛出客心驚人間有累不可住依然離別難為情船開棹進一廻顧萬里蒼蒼煙水暮世俗寧知偽與真至今傳者武陵人

一起一結善占地步

欽定四庫全書

御選唐宋詩醇

卷二十九

彥周詩話曰退之桃源行云種桃處處皆開花川源

近遠蒸紅霞狀花卉之盛古今無人道此語

俞瑒曰公七言古詩少用對句此篇諸對亦甚奇偉

沈德潛曰玉堂即金堂玉室意以神仙目之

東方半明

東方半明大星沒獨有太白配殘月嗟爾殘月勿相疑同光共影須臾期殘月暉暉太白皎皎雞三號更五點與鐘鳴漏盡意同

韓醇曰此詩與煌煌東方星興寄頗同蓋指順宗即位不能親政而憲宗在東宮之時也

某氏曰時賈耽鄭珣瑜二相皆天下重望王叔文用事相繼引去此詩所以喻東方半明大星沒也韋執誼為叔文汲引此詩所以喻獨有太白配殘月也順宗已厭機政執誼叔文尚以私意更相猜忌所以有

嗟爾殘月勿相疑同光共影須臾期也及憲宗立而

叔文執誼竊猶東方明而殘月太白滅此詩所以喻

殘月暉暉太白睭睭雞三號更五點也意微而顯誠得詩人之旨

謁衡嶽廟遂宿嶽寺題門樓

五嶽祭秩皆三公四方環鎮嵩當中火維地荒足妖怪天假神柄專其雄噴雲洩霧藏半腹雖有絕頂誰能窮我來正逢秋雨節陰氣晦昧無清風潛心默禱若有應豈非正直能感通須臾靜掃衆峰出仰見突兀擰青空紫蓋連延接天柱石廩騰擲堆祝融森然魄動下馬拜

松柏一逕趨靈宮粉牆丹柱動光彩鬼物圖畫填青紅升階匝儻薦脯酒欲以菲薄明其衷廟令老人識神意睢盱僨伺能鞠躬手持盃琰導我擲云此最吉餘難同竄逐蠻荒幸不死衣食纔足甘長終俟王將相望久絕神縱欲福難為功夜投佛寺上高閣星月掩映雲瞳朧猿鳴鐘動不知曙杲杲寒日生於東

東坡所謂能開衡山之雲者本此

沈德潛曰橫空盤硬語妥帖力排奡此詩足當此語

王伯大曰公兩謫南方初自陽山北還過衡在永貞元年八月過潭適當殘秋陪杜侍御遊湘西寺詩云是時秋向殘是也今云我來正逢秋雨節故知此詩是陽山還時作後自潮州還移刺袁州則元和十五年十月蓋未嘗過衡據袁州謝表云去年正月貶授潮州刺史其年十月準例量移云云即自潮徑當來表又未嘗遇秋雨節時也蘇東坡觀海市詩云潮陽太守南遷歸喜見石廩堆祝融翁言之耳

永貞行

君不見太皇亮陰未出令小人乘時偷國柄北軍百萬虎與貔天子自將非他師一朝奪印付私黨懔懔朝士何能為狐鳴梟噪爭署置賜朕跳踉相嫵媚夜作詔書朝拜官超資越序曾無難公然白日受賄賂火齊磊落堆金盤元臣故老不敢語晝卧涕泣何沈淵董賢三公誰復惜侯景九錫行可歎國家功高德且厚天位未許庸夫干嗣皇卓犖信英主文如太宗武高祖膺圖受禪

欽定四庫全書

御選唐宋詩醇

十五

欽定四庫全書

御選唐宋詩醇

十六

登明堂共流幽州鯀死羽四門肅穆賢俊登數君匪親豈其朋郎官清要為世稱荒郡迫野嗟可矜湖波連天日相騰蠻俗生梗瘴癘蒸江氣嶺祲若凝一蛇兩頭見未曾怪鳥鳴喚令人憎蟲羣飛夜撲燈雄虺毒蠻墮股肱食中置藥肝心崩左右使令詐難憑慎勿浪信常兢兢吾嘗同僚情可勝具書目見非妄徵嗟爾既往宜為懲

前幅天昏地暗中間日出氷消閑至後幅又如淒風苦

雨文生於情變幻如是

蔡寬夫詩話曰子厚禹錫於退之最厚善然退之貶陽山不能無疑赴江陵途中寄三學士云同官盡才俊偏善柳與劉或慮語言泄傳之落冤讐二子不宜爾將疑斷還不及其為永貞行憤疾至云數君匪親豈

其朋友曰吾嘗同僚情可勝則亦見其坦夷尚義待朋友始終也

困學紀聞曰少陵善房次律而悲陳陶一詩不為之

欽定四庫全書

御選唐宋詩醇

十六

隱昌黎善柳子厚而永貞行一詩不為之諱公議之不可掩也如是顧嗣立曰此詩前半言小人放逐之為快後半言數君貶謫之可矜蓋為劉柳諸公也舊註專指夢得似未必然然夢得貶連州而公曾令陽山以具書目見句為證於義亦通姑存其說以俟考

鄭羣贈簾

蘄州笛竹天下知鄭君所寶尤瓊奇攜來當畫不得卧

一府傳看黃瑠璃體堅色淨又藏節盡眼凝滑無瑕疵
法曹貧賤衆所易腰腹空大何能為自從五月困暑濕
如坐深甑遭蒸炊手磨袖拂心語口慢膚多汗真相宜

日暮歸來獨惆悵有賣直欲傾家資誰謂故人知我意

卷送八尺含風漪呼奴掃地鋪未了光彩照耀驚童兒
青蠅側翅蠻風避肅肅疑有清飈吹倒身甘寢百疾愈
却願天日恒炎曬明珠青玉不足報贈予相好無時衰
促仔怨歌云常恐秋節至涼風奪炎熱此云却願天日

恒炎曬同一語妙

顧嗣立曰此詩每用反襯意見奇如攜來當畫不得
卧却願天日恒炎曬等句也賦物之妙直從細瑣處

體貼而出

沈德潛曰却願天日恒炎曬與攜來當畫不得卧俱
透過一層法

樊汝霖曰唐孔戣私記云退之豐肥善睡每來吾家
必命枕簟而沈存中筆談亦云世畫韓退之小面而

美顙著紗帽此乃江南韓熙載爾熙載謚文靖江南
人謂之韓文公因此遂誤以為退之退之肥而少顙
此詩有腰腹空大及慢膚多汗之語二說信然

贈崔立之評事

崔侯文章苦捷敏高浪駕天輸不盡曾從闕外來上都
隨身卷軸車連軫朝為百賦猶鬱怒暮作千詩轉道緊
搖毫擲簡自不供頃刻青紅浮海蜃才豪氣猛易語言
往往蛟螭雜蝶翊知音自古稱難遇世俗乍見那妨哂

勿嫌法官未登朝猶勝赤尉長趨尹時命雖乖心轉壯

技能虛富家逾窘念昔塵埃兩相逢爭名齟齬持矛楯
子時專場誇觜距余始張軍嚴鞬勒爾來但欲保封疆
莫學龐涓怯孫臏竄逐新歸厭聞鬧齒髮早衰嗟可憫
頻蒙怨句刺棄遺豈有賢官敢推引深藏篋笥時一發
戢戢已多如束筍可憐無益費精神有似黃金擲虛牝
當今聖人求侍從拔擢杞梓收楳箇東馬嚴徐已奮飛
枚臯即召窮且忍復聞王師西討蜀霜風冽冽摧朝菌

走章馳檄在得賢燕雀紛拏要鷹隼竊料二塗必處一
豈比恒人長蠹蠹勸君韜養待徵招不用雕琢愁肝腎
牆根菊花好沽酒錢帛縱空衣可準暉暉簷日暖且鮮
搣搣井梧疎更殞高士例須憐麌蘖丈夫終莫生眭畛
能來取醉任喧呼死後賢愚俱泯泯

可憐無益費精神為千古文人喟息

漁隱叢話曰立之詩有不工處故退之以蛟螭雜蠻

蚓譏之

送區弘南歸
穆昔南征軍不歸蟲沙猿鶴伏以飛洶洶洞庭莽翠微
九疑饒天荒是非野有象犀水貝璣分散百寶人士稀
我遷於南日周圍來見者衆莫依俙爰有區子熒熒暉
觀以彝訓或從違我念前人譬葑菲落以斧引以繩徽

雖有不逮驅駢駢或採於薄漁於磯服役不辱言不譏

從我荊州來京畿離其母妻絕因依嗟我道不能自肥
予雖勤苦終何帝王都觀闕雙巍巍騰蹠衆駿事鞍轡

佩服上色紫與緋獨子之節可嗟啼母附書至妻寄衣
開書拆衣淚痕晞雖不勑還情庶幾朝暮盤羞惻庭闈
幽房無人感伊戚人生此難餘可祈子去矣時若發機
蜃沉海底氣昇霏彩雉野伏朝扇翬處子窈窕王所妃
苟有令德隱不腓况今天子鋪德威嚴能者誅薦受機
出送撫背我涕揮行行正直慎脂韋業成志樹來頑頑

我當為子言天扉

分散百寶人士稀道盡西南邊徼地脉風氣柳州所謂

少人而多石也雖不勑還情庶幾語意深婉遊子讀此
可以聽於無聲矣

張耒曰古人作七言詩其句脈多上四字而下以三
字成之退之乃變句脈以上三下四如落以斧引以
繩徽雖欲悔舌不可捫是也

方崧卿曰九疑言饒天洪濤言春天皆奇語也

李光地曰公在陽山有區冊在江陵又有區弘皆相
從不忍舍故弘之從公於京而歸也詩以送之惓惓

訓勗歸於正直可詠可感

三星行

我生之辰月宿南斗牛奮其角箕張其口牛不見服箱
斗不挹酒漿箕獨有神靈無時停簸揚無善名已聞無

惡聲已譴名聲相乘除得少失有餘三星各在天什伍
東西陳嗟汝牛與斗汝獨不能神

俞瑒曰奇趣却從大東之詩來變化自妙用韻凡五

轉似古歌謠

東坡志林曰韓退之詩我生之辰月宿南斗乃知退
之以磨蝎為身官僕以磨蝎為命官平生多得謗譽
殆同病也

剥啄行

剥剥啄啄有客至門我不出應客去而嗔從者語我子
胡為然我不厭客困於語言欲不出納以堙其源空堂
幽幽有桔有莞門以兩版叢書於間窅窅深塹其墉甚
完彼寧可隳此不可干從者語我嗟子誠難子雖云爾

其口益蕃我為子謀有萬其全凡今之人急名與官子
不引去與為波瀾雖不開口雖不開闔變化咀嚼有鬼
有神今去不勇其如後艱我謝再拜汝無復云往追不
及來不有年

方崧卿曰韓文與多作以他文見者非一詩之子歸
不我以注以猶與也朱子考異云按陸宣公奏議亦
然如云未審云云以否之類是也然當作與為正

某氏曰公被讒出為陽山至是名還又有謗之者故

三星行云名聲相乘除得少失有餘剥啄行云我不
厭客困於語言欲不出納以堙其源各有所激云爾
歐陽文忠擬剥啄行寄趙少師云剥剥復啄啄柴門

驚鳥雀故人千里駕信士百金諾云云公遠讒避謗

欲謝客以堙其源故深其塹堅其墉要為不可干者
而歐陽則歸老故鄉欣然喜客之至是以其辭不同
如此

孟東野失子并序

東野連產三子不數日輒失之幾老念無後以悲其友人昌黎韓愈懼其傷也推天假其命以喻之

失子將何尤吾將上尤天女實主下人與奪一何偏彼於女何有乃令蕃且延此獨何罪辜生死旬日間上呼無時聞滴地淚到泉地祇為之悲瑟縮久不安乃呼大靈龜騎雲欵天門問天主下人薄厚胡不均天曰天地人由來不相關吾懸日與月吾繫星與辰日月相噬齧星辰踣而顛吾不女之罪知非女由因且物各有分孰能使之然有子與無子禍福未可原魚子滿母腹一一欲誰憐細腰不自乳舉族長孤鰥鴟啄母腦母死子始翻蝮蛇生子時坼裂腸與肝好子雖云好未還恩與勤惡子不可說鴟梟蝮蛇然有子且勿喜無子固勿歎上聖不待教賢聞語而遷下愚聞語惑雖教無由悛大靈頓頭受即日以命還地祇謂大靈女往告其人東野夜得夢有夫元衣巾闔然入其戶三稱天之言再拜謝元夫收悲以歡忻

龜筴傳祝詞云假之玉靈夫子而上行於天下行於淵詩以大靈發端本此

王伯大曰黃魯直嘗書此詩遺石君美君美失子云時以觀覽可用亂思而紓哀究觀物理其實如此大槩因果耳退之救世弊故并因果不言然此一段文意乃是涅盤經中佛語退之嘗言不能無所不讀未有能為大儒者其弗信矣乎魯直所云如此

俞瑣曰用韻本主先字兼入真文元寒刪諸韻是古

韻也與此日足可惜一首同法

顧嗣立曰按孟東野集有悼幼子詩云負我十年恩欠爾千行淚杳殤詩畧云兒生月不明兒死月始光此誠天不知翦棄我子孫又云病叟無子孫獨立猶束柴其詞甚可哀也



總校官庶吉士臣張能照
校對官庶吉士臣于 鼎
謄錄監生臣何如連

欽定四庫全書薈要

集部

御選唐宋詩醇卷三十

欽定四庫全書薈要

御選唐宋詩醇卷三十

昌黎韓愈詩四

目錄



陸渾山火和皇甫湜用其韻

苦寒

和虞部盧四酬翰林錢七赤藤杖歌

送湖南李正字歸

寄盧仝

酬司門盧四兄雲夫院長望秋作

誰氏子

送無本師歸范陽

石鼓歌

題炭谷湫祠堂

聽頴師彈琴

調張籍

詳校官原任事臣李斯承

欽定四庫全書

御選唐宋詩醇
卷三十目錄

一

盧郎中雲夫寄示送盤谷子詩兩章歌以和之

病中贈張十八

寄崔二十六立之

欽定四庫全書舊要卷一萬九千三百五十四集部

御選唐宋詩醇卷三十

昌黎韓愈詩四

陸渾山火和皇甫湜用其韻

皇甫補官古賚渾時當亥冬澤乾源山狂谷很相吐吞
風怒不休何軒軒擺磨出火以自燔有聲夜中驚莫原
天跳地踔顛乾坤赫赫上照窮崖垠截然高周燒四垣
神焦鬼爛無逃門三光弛隳不復瞰虎熊麋豬逮猿猿

水龍鼉龜魚與鼈鴟鷺鷹雉鵠鷗燭包熑熑孰飛奔
祝融告休酌卑尊錯陳齊政闢華園芙蓉披猖塞鮮繁
千鍾萬鼓咽耳喧攢雜啾噭沸篪埙彤幢絳旃紫纛旛
炎官熱屬朱冠襪鬆其肉皮通腔脣頽胷垤腹車掀轅
緹顏靺股豹兩鞬霞車虹輶日轂丹蕤綸蓋紛繙帑
紅帷赤幕羅脹膾盃池波風肉陵屯哿呀鉅壑頤黎盆
豆登五山瀛四樽熙熙醻醻笑語言雷公擘山海水翻
齒牙嚼齧舌腭反電光礮磰頤目暖項冥收威避元根

斥棄輿馬背厥孫縮身潛喘拳肩跟君臣相憐加愛恩
命黑螭貞焚其元天闕悠悠不可援夢通上帝血面論
側身欲進叱於闇帝賜九河湔涕痕又詔巫陽反其魂
徐命之前問何冤火行於冬古所存我如禁之絕其殮
女丁婦士傳世婚一朝結讐奈後昆時行當反慎藏蹲
視桃著花可小騫月及申酉利復怨助汝五龍從九鯢
溺厥邑囚之崑崙皇甫作詩止睡昏辭誇出真遂上焚
要余和增怪又煩雖欲悔舌不可捫

欽定四庫全書

御選唐宋詩

二

欽定四庫全書

御選唐宋詩

三

也今此詩黑螭五龍九鯢等語其與易龍戰于野何異
筆墨閣錄曰無逸云鴟鴞鵟鷹雉鶠鷗句正柏梁體
後山作七字詩上東坡襲此體
劉石齡曰公詩根柢全在經傳如易說卦離為火其
於人也為大腹故於炎官熱屬以頸胸塗腹擬諸其
形容非臆說也又形幢紫纛日轂霞車虹勒豹鞬電
光頽目等字亦從為日為電為甲冑為戈兵句化出
欽定四庫全書
造語極奇必有依據以理考索無不可解者世儒於
此篇每以怪異目之且以不可解置之吁此亦未深
求其故耳豈真不可解哉
中山詩話曰唐詩膚和有次韻先後無易有依韻同
在一韻有用韻用彼韻不必次韓吏部和皇甫陸渾
山火是也今人多不曉
洪興祖曰丁火也壬水也火女也水男也丁女而為
婦於壬故曰女丁婦士一作夫丁婦士亦通夫丁者

謂奇矣豈礙理傷聖乎如龍戰于野其血玄黃見豕
角塗載鬼一車突如其来如焚如死如棄如何等語

韓醇曰詳此詩始則言火勢之盛次則言祝融之御
火其下則水火相尅相濟之說也

樊汝霖曰從公學文者多矣惟李習之得公之正皇

甫持正得公之奇持正嘗語人曰書之文不奇易可

謂奇矣豈礙理傷聖乎如龍戰于野其血玄黃見豕

角塗載鬼一車突如其来如焚如死如棄如何等語

壬也言壬為丁夫也婦壬者丁也言丁為壬婦也朱子曰按丁為陽中之陰壬為陰中之陽故言女之丁者為婦於壬以見水火之相配今術家亦言丁與壬合洪氏二說皆是

苦寒

四時各平分一氣不可兼隆寒奪春序顙頷固不廉太昊弛維綱畏避但守謙遂令黃泉下萌芽夭勾尖草木不復抽百味失苦甜凶麌攬宇宙鎚刃甚割砭日月雖云尊不能活烏蟾羲和送日出恆怯頻窺覘炎帝持祝融呵噓不相炎而我當此時恩光何由沾肌膚生鱗甲衣被如刀鑣氣寒鼻莫覩血凍指不拈濁醪沸入喉口角如銜箝將持匕箸食觸指如排籤侵鑪不覺暖熾炭屢已添探湯無所益何況纊與縫虎豹僵穴中蛟螭死幽潛熒惑喪蹕次六龍冰脫鬚芒碣大包內生類恐盡殲啾啾窓間雀不知已微纖舉頭仰天鳴所願畧刻淹不如彈射死却得親魚燭鸞皇苟不存爾固不在占其

餘蠹動儻俱死誰恩嫌伊我稱最靈不能女覆占悲哀激憤歎五藏難安恬中宵倚牆立淫淚何漸漸天王哀無辜惠我下顧瞻褰流去耳纊調和進梅鹽賢能日登御黜彼傲與儉生風吹死氣豁達如褰簾懸乳零落墮晨光入前簷雪霜頓銷釋土脉膏且黏豈徒蘭蕙榮施及艾與蒹日萼行鑠鑠風條坐襜襜天乎苟其能吾死意亦厭

銳思錢刻字帶刀鋒不數晉人危語了語結意與少陵

吾廬獨破受凍死亦足正同

王伯大曰此詩意蓋有所諷德宗貞元十九年春公為四門博士作

某氏曰按舊唐書韋渠牟傳自陸贊免相後德宗不復委成宰相廟堂備員行文書而已所狎而取信者裴延齡李齊運王紹李寶韋執誼洎渠牟等皆權傾相府姦欺多端此詩所以諷也

胡渭曰唐書五行志貞元十九年三月大雪宣即所

謂苦寒邪

和虞部盧四酬翰林錢七赤藤杖歌

赤藤為杖世未窺臺郎始攜自滇池滇王埽宮避使者
跪進再拜語溫咿繩橋柱過免傾墮性命造次蒙扶持
途經百國皆莫識君臣聚觀逐旌麾共傳滇神出水獻
赤龍拔鬚血淋漓又云義和操火鞭暝到西極睡所遺
幾重包裹自題署不以珍怪誇荒夷歸來捧贈同舍子
浮光照手欲把疑空堂晝眠倚牖戶飛電著壁搜蛟螭

欽定四庫全書

御選唐宋詩解

六

南宮清深禁闈密唱和有類吹埙篪妍辭麗句不可繼
見寄聊且慰分司

沈德潛曰赤龍義和云云此種奇傑昌黎獨造

送湖南李正字歸

長沙入楚深洞庭值秋晚人隨鴻鴈少江共蒹葭遠歷
歷余所經悠悠子當返孤游懷耿介旅宿夢婉婉風土
稍殊音魚蝦日異飯親交俱在此誰與同息偃
風神絲邈絕似韋柳是昌黎集中變調唯南溪三首近

之

沈德潛曰昌黎五言難得此清遠之格

寄盧仝

玉川先生洛城裏破屋數間而已矣奴長鬚不裹頭
一婢赤腳老無齒辛勤奉養十餘人上有慈親下妻子
先生結髮憎俗徒閉門不出動一紀至今鄰僧乞米送
僕忝縣尹能不恥俸錢供給公私餘時致薄少助祭祀
勸參留守謁大尹言語幾及輒掩耳水北山人得名聲

欽定四庫全書

御選唐宋詩解

七

去年去作幕下士水南山人又繼往鞍馬僕從塞閭里

少室山人索價高兩以諫官徵不起彼皆刺口論世事

有力未免遭驅使先生事業不可量惟用法律自繩已

春秋三傳束高閣獨抱遺經究終始往年弄筆嘲同異

怪辭驚衆謗不已近來自說尋坦途猶上虛空跨綠駢

去歲生兒名添丁意令與國充耘耔國家丁口連四海

豈無農夫親未耜先生抱才終大用宰相未許終不仕

假如不在陳力列立言垂範亦足恃苗裔當蒙十世宥

豈謂貽厥無基祉故知忠孝生天性潔身亂倫安足擬
昨晚長鬚來下狀隔牆惡少惡難似每騎屋山下窺閨
渾舍驚怕走折趾憑依媚媾欺官吏不信令行能禁止
先生受屈未曾語忽此來告良有以嗟我身為赤縣令
操權不用欲何俟立召賊曹呼伍伯盡取鼠輩尸諸市
先生又遣長鬚來如此處置非所喜况又時當長養節
都邑未可猛政理先生固是余所畏度量不敢窺涯涘
放縱是誰之過歟效尤戮僕婢前史買羊沽酒謝不敏

偶逢明月曜桃李先生有意許降臨更遣長鬚致雙鯉
玉川垂老尚依時宰致罹甘露之難其人固非高隱退
之何以傾倒乃爾觀詩中所叙特與鄰人搆訟而以情
面聽其起滅耳却寫得壁立千仞有執鞭忻慕之意乃
知唐時處士類能作聲價如此

隱居詩詁曰退之李花詩云夜領張徹投盧仝乘雲
共到玉皇家長姬香御四羅列縞裙練帨無等差及
贈盧仝詩曰買羊沽酒謝不敏偶逢明月曜桃李即

此時也李渤石洪溫造為處士純盜虛名韓愈雖與
之遊而多侮薄之所謂水北山人得名聲去年去作
幕下士水南山人又繼往鞍馬僕從塞間里少空山
人索價高兩以諫官徵不起彼皆刺口論世事有力
未免遭驅使夫為處士乃刺口論世事希聲名願驅
使又要索高價似玉飾僕御以誇閭里此何等人也
其侮薄之甚矣班固云春秋五傳謂左丘明公羊高
穀梁赤鄒氏夾氏又云鄒氏無書夾氏亦有書而韓
愈贈盧仝詩云春秋五傳束高閣獨抱遺編究終始
不知此二傳果何等書

彥周詩詁曰玉川子春秋傳僕家舊有之今亡矣辭
簡而遠得聖人之意為多後世有深於經而見盧傳
者當知退之不妄許人也

酬司門盧四兄雲夫院長望秋作

長安雨洗新秋出極目寒鏡開塵函終南曉望躡龍尾
倚天更覺青嶺嶺自知短淺無所補從事久此穿朝衫

歸來得便即遊覽暫似壯馬脫重銜曲江荷花蓋十里

江湖生目思莫緘樂遊下矚無遠近綠槐萍合不可芟

白首寓居誰借問平地寸步局雲嚴雲夫吾兄有狂氣

嗜好與俗殊酸鹹日來省我不肯去論詩說賦相謗謗

望秋一章已驚絕猶言低抑避謗謗若使乘酣騁雄怪

造化何以當鷄劙嗟我小生值強伴怯膽變勇神明鑒

馳坑跨谷終未悔為利而止真貪饑高揖羣公謝名譽

遠追甫白感至誠樓頭完月不共宿其奈就缺行犧犧

誰氏子

非癡非狂誰氏子去入王屋稱道士白頭老母遮門啼
挽斷衫袖留不止翠眉新婦年二十載送還家哭穿市
或云欲學吹鳳笙所慕靈妃媿蕭史又云時俗輕尋常
力行險怪取貴仕神仙雖然有傳說知者盡知其妄矣
聖君賢相安可欺乾死窮山竟何俟嗚呼余心誠豈弟
願往教誨究終始罰一勸百政之經不從而誅未晚耳
誰其友親能哀憐寫吾此詩持送似

原注曰呂氏子吳見李素墓誌

本集河南少尹李素墓誌曰素拜河南少尹行大尹
事呂氏子吳棄其妻著道士衣冠謝母曰當學仙王
屋山去數月復出閤詣公公立之府門外使吏卒脫
道士服給冠帶送付其母

送無本師歸范陽

無本於為文身大不及膽吾嘗示之難勇往無不敢蛟
龍弄角牙造次欲手攬衆鬼囚大幽下覲襲玄窗天陽

熙四海注視首不領鯨鵬相摩窣兩舉快一噉夫豈能
必然固已謝黜黜狂詞肆滂葩低昂見舒慘姦窮怪變
得往往造平澹蜂蟬碎錦纈綠池披菡萏芝英擢荒莽
孤翮起連炎家住幽都遠未識氣先感來尋吾何能無
殊嗜昌歎始見洛陽春桃枝綴紅粫遂來長安里時卦
轉習坎老懶無鬪心久不事鉛槧欲以金帛酬舉室常
顧領念當委我去雪霜刻以憎惄蹙攬空衢天地與頓

撼勉率吐歌詩慰女別後覽

獎賞之中諷喻深遠正不獨為浪山說法也 身大不及膽妙於翻用

俞陽曰凡昌黎先生論文諸作極有關係其中次第俱從親身歷過故能言其甘苦親切乃耳如此詩云無本於為文身大不及膽吾嘗示之難勇往無不敢作詩入手須要膽力全在勇往上見其造詣之高又云姦窮怪變得往往造平澹平澹得於能變之後所謂漸近自然也此境夫豈易到公之指點來學者深矣微矣

辭嚴義密讀難曉字體不類隸與科年深豈免有缺畫快劍斫斷生蛟鼉鸞翔鳳翥衆仙下珊瑚碧樹交枝柯金繩鐵索鎖紐壯古鼎躍水龍騰棧陋儒編詩不收入二雅褊迫無委蛇孔子西行不到秦掎摭呈宿遺羲娥嗟余好古生苦晚對此涕淚雙滂沱憶昔初蒙博士徵其年始改稱元和故人從軍在右輔為我量度掘白科濯冠沐浴告祭酒如此至寶存豈多檀苞席裏可立致十鼓祇載數駱駝薦諸太廟比郜鼎光價豈止百倍過聖恩若許留太學諸生講解得切磋觀經鴻都尚填咽坐見舉國來奔波剗告別鮮露節角安置妥帖平不頗大廈深簷與蓋覆經歷久遠期無佞性中朝大官老於事詎肯感激徒媿阿牧童敲火牛礪角誰復著手為摩挲日銷月鑠就埋沒六年西顧空吟哦義之俗書趁姿媚數紙尚可博白鵝繼周八代爭戰罷無人收拾理則那方今太平日無事柄任儒術崇丘軒安能以此上論列從臣才藝咸第一揀選撰刻留山阿雨淋日炎野火燎萬里禽獸皆遮羅鎬功勒成告萬世鑿石作鼓隳嵯峨鬼物守護煩撫呵公從何處得紙本毫髮盡備無差訛

典重瑰奇良足鑄之金而磨之石後半旁皇珍惜更見懷古情深厥後石鼓升沈不一竟得依聖人之居其文與六籍並垂永世則退之請留太學之說實有力焉此詩亦不為空作矣

容齋隨筆曰文士為文有矜夸過實雖韓文公不能

免如石鼓歌極道宣王之事偉矣至云孔子西行不到秦掎摭星宿遺羲娥陋儒編詩不收入二雅褊迫

無委蛇是謂三百篇皆如星宿獨此詩如日月也二

雅褊迫之語尤非所宜言今世所傳石鼓之詞尚在豈能出吉日車攻之右安知非經聖人所刪乎

困學紀聞曰致堂云韓退之賦石鼓曰孔子西行不到秦故不見錄孔子編詩豈必身歷而後及哉信斯言也車鄰駟驥胡為而收之也

集古錄曰石鼓久在岐陽初不見稱於前世至唐人始盛稱之而韋應物以為周文王之鼓至宣王刻詩韓退之直以為宣王之鼓在今鳳翔孔子廟中鼓有

十先時散棄於野鄭餘慶始置之於廟而亡其一皇祐四年向傳師求於民間得之十鼓乃足其文可見者四百六十五磨滅不可識者過半然其可疑者三退之好古不妄者予姑取以為信耳至於字畫亦非史籀不能作也

麈史曰右軍書多不講偏旁此退之所謂義之俗書趣姿媚者也

蔡寬夫詩話曰退之石鼓歌云羲之俗書趣姿媚數

紙尚可博白鵝觀此語便知退之非留意於書者今洛中尚有石刻題名信不甚工

石鼓文音訓曰初在陳倉野中唐鄭餘慶始遷之鳳翔宋大觀中徙開封靖康末金人取之以歸於燕元

皇慶癸丑始置大成至聖文宣王廟門之左右

沈德潛曰陋儒指當時采風者言二雅不載孔子無從采取也 隸書風俗通行別於古篆故云俗書無貶右軍意

題炭谷湫祠堂

萬生都陽明幽暗鬼所寰嗟龍獨何智出入人鬼間不知誰為助若執造化關厭處平地水巢居挿天山列峰若攢指石盂仰環環巨靈高其捧保此一掬惶森沈固含蓄本以儲陰姦魚鼈蒙擁護羣嬉傲天頑翾翾棲託禽飛飛一何閒祠堂像侔真擢玉紆烟鬟羣怪儼伺候恩威在其顏我來日正中悚惕思先還寄立尺寸地敢言來塗艱吁無吹毛刃血此牛蹄殷至令乘水旱鼓舞

欽定四庫全書

御選唐宋詩醇

六

寡與鰥林叢鎮冥冥窮年無由刪妍英雜豔實星瑣黃朱班石級皆險滑顛躋莫牽攀龍區雛衆碎付與宿已頒棄去可奈何吾其死茅菅

感時託諷不覺義形於色秋懷已發其端此更淋漓盡致

按唐書王叔文傳順宗不能聽政深居施幄坐以牛昭容宦人李忠言侍側羣臣奏事從惟中可其奏大抵叔文因伾伾因忠言忠言因昭容更相依仗又王伾傳叔文入止翰林而伾至柿林院見牛昭容等此詩擢

玉紆烟鬟云云蓋借澄源以喻昭容也

某氏曰按宋敏求長安志云炭谷在萬年縣南六十里又云澄源夫人湫廟在終南山炭谷公南山詩有云因緣窺其湫即此湫龍所居也

胡渭曰公詠南山云拘官計日月欲進不可又因緣窺其湫凝湛閟陰罞此為四門博士時事也時天晦大雪淚目苦蒙瞀此赴陽山過藍田時事也昨來逢清霽宿願忻始副此江陵入至藍田時事也題炭谷

欽定四庫全書

御選唐宋詩醇

七

湫詩蓋貞元十九年京師旱祈雨湫祠公往觀焉故曰因緣窺其湫因緣謂以事行非特遊也篇中饒有諷刺時德宗幸臣李齊運李實韋執誼等與王叔文交通亂政滋甚故公因所見以起興湫龍澄源喻幸臣魚鼈禽鳥及羣怪喻黨人也秋懷欲留寒蛟而是詩恨不血此牛蹄剛腸疾惡情見乎辭劉柳洩言羣小側目陽山之謫所自來矣上疏云乎哉

聽頌師彈琴

昵昵兒女語恩怨相爾汝劃然變軒昂勇士赴敵場浮雲柳絮無根蒂天地濶遠隨飛揚喧啾百鳥羣忽見孤鳳凰躋攀分寸不可上失勢一落千丈強嗟余有兩耳

未省聽絲篁自聞頽師彈起坐在一旁推手遽止之濕衣淚滂滂頽乎爾誠能無以冰炭置我腸

寫琴聲之妙實為得髓繁休伯稱車子柳子厚誌箏師皆不能及永叔善琴乃用此為譏議耶 踡攀二語千

古詩文妙訣

欽定四庫全書

御選唐宋詩醇

六

西清詩話曰六一居士嘗問東坡琴詩孰優坡答以

退之聽頽師琴公曰此祇是琵琶耳吳僧義海以琴

名世或以六一語問海海曰歐陽公一代英偉然斯

語誤矣昵昵兒女語恩怨相爾汝言輕柔細屑真情

出見也劃然變軒昂勇士赴敵場精神餘謹聳觀聽

也浮雲柳絮無根蒂天地濶遠隨飛揚縱橫變態浩

乎不失自然也喧啾百鳥羣忽見孤鳳凰又見頽孤

絕不同流俗下俚聲也躋攀分寸不可上失勢一落

千丈強起伏抑揚不主故常也皆指下絲聲妙處惟琴為然琵琶格上聲烏能爾耶退之深得其趣未易譏評也

彥周詩話曰退之聽頽師琴詩云浮雲柳絮無根蒂天地濶遠隨飛揚此泛聲也謂輕非絲重非木也喧啾百鳥羣忽見孤鳳凰泛聲中寄指聲也躋攀分寸

不可上吟繹聲也失勢一落千丈強順下聲也善琴者云此數聲最難工自文忠公與東坡論此詩作聽

欽定四庫全書

御選唐宋詩醇

九

琵琶之後後生隨例云云故論之少為退之雪冤

調張籍

李杜文章在光焰萬丈長不知羣兒愚那用故謗傷蚍蜉撼大樹可笑不自量伊我生其後舉頭遙相望夜夢多見之晝思反微茫徒觀斧鑿痕不矚治水航想當施手時巨刃磨天揚垠崖劃崩豁乾坤擺雷硠惟此兩夫子家居率荒涼帝欲長吟哦故遣起且僵翦翎送籠中使看百鳥翔平生千萬篇金薤垂琳琅仙官勅六丁雷

電下取將流落人間者太山一豪芒我願生兩翅捕逐
出八荒精誠忽交通百怪入我腸刺手拔鯨牙舉瓢酌
天漿騰身跨汗漫不著纖女裏顧語地上友經營無太
忙乞君飛霞珮與我高頡頡

此示籍以詩派正宗言已所手追心慕惟有李杜雖不
可幾及亦必升天入地以求之籍有志於此當相與為
後先也其景仰之誠直欲上通孔夢其運量之大不減
遠績禹功所以推崇李杜者至矣

魏仲舉曰退之有取於李杜如薦士醉留東野望秋
石鼓等詩每致意焉然未若此詩之專美也

雪浪齋日記曰退之參李杜透機闕處於調張籍詩
見之自我願生兩翅捕逐出八荒以下至乞君飛霞
珮與我高頡頡此領會語也從退之言詩者多而獨
許籍者以有見處可以傳衣耳

竹坡詩話曰元微之作李杜優劣論謂太白不能窺
杜甫之藩籬况堂奧乎唐人未嘗有此論而稹始為

之至退之云李杜文章在光焰萬丈長不知羣兒愚
那用故謗傷則不復為優劣矣洪慶善作韓文辨證
著魏道輔之言謂退之此詩為微之作也微之雖不
當自作優劣然指稹為愚兒宜退之之意乎

盧郎中雲夫寄示送盤谷子詩兩章歌以和之

昔尋李愿向盤谷正見高崖巨壁爭開張是時新晴天
井溢誰把長劒倚大行衝風吹破落天外飛雨白日灑
洛陽東躡燕川食曠野有饋木蕨芽滿筐馬頭溪深不

可厲借車載過水入箱平沙綠浪榜方口鴈鴨飛起穿
垂楊窮探極覽頗恣橫物外日月本不忙歸來辛苦欲
誰為坐令再往之計墮眇芒閉門長安三日雪推書撲
筆歌慨慷旁無壯士遣屬和遠憶盧老詩顛狂開緘忽
覩送歸作字向紙上皆軒昂又知李侯竟不顧方冬獨
入雀嵬藏我今進退幾時決十年蠹蠹隨朝行家請官
供不報答無異雀鼠偷太倉行抽手版付丞相不待彈
劾還耕桑

字向紙上皆軒昂正是此篇評語高詠數番令人增長意氣

漁隱叢話曰東坡云歐陽文忠言晉無文章惟陶淵明歸去來一篇而已余亦謂唐無文章惟韓退之送

李愿歸盤谷序一篇而已平生欲效此作一文每執筆輒罷因自笑曰不若且放教退之獨步退之尋常詩自謂不逮李杜至於昔尋李愿向盤谷一篇獨不減子美

頓脣肛將歸乃徐謂子言得無嗟迴軍與角逐研樹收窮龐雌聲吐款要酒壺綴羊腔君乃崑崙渠籍乃嶺頭瀧壁言如蟻垤微詎可陵空峩幸願終賜之斬拔枿與橋從此識歸處東流水淙淙

此篇當就用韻處玩其苦心巧思大略以軍事進退為比皆就韻之所近而詞義乃各得其儕如前有高陽一喻而後之窮龐乃以類從不為強押凡解旆迴軍約降吐款前後俱一綫穿成於此見長篇險韻定須慘淡經

中虛得暴下避冷卧北窗不蹋曉鼓朝安眠聽逢逢籍也處問里抱能未施邦文章自娛戲金石日擊撞龍文百斛鼎筆力可獨扛談舌久不掉非君亮誰雙扶几尊之言曲節初縱縱半塗喜開鑿派別失大江吾欲盈其氣不令見麾幢牛羊滿田野解旆束空杠傾樽與斟酌四壁堆罌缸元帷隔雪風照鑪釘明缸夜闌縱捭闔哆口疎眉厖勢侔高陽翁坐約齊橫降連日挾所有形軀

頓脣肛將歸乃徐謂子言得無嗟迴軍與角逐研樹收窮龐雌聲吐款要酒壺綴羊腔君乃崑崙渠籍乃嶺頭瀧壁言如蟻垤微詎可陵空峩幸願終賜之斬拔枿與橋從此識歸處東流水淙淙
營不可恃才鹵莽也按顧嗣立謂諸家舊注不無舛錯如病中贈張十八云龍文百斛鼎孫汝聽不知出自班孟堅寶鼎詩而漫引史記秦武王與孟說舉龍文之鼎此其謬更甚嗣立但見史記秦本紀有王與孟說舉鼎事而無龍文字面遂疑其訛謬而改注之不知秦武王與孟說舉龍文赤鼎自在趙世家中詩本用此孫注或欠詳晰而於義未為失也若不引舉鼎而泛引寶鼎於下句力扛何涉舊注固時有舛錯此則改注反成

謬特為正之

韓醇曰公始也扶机導籍使之言且匿其庵壁解旆
束杠而示之弱籍乃縱其捭闔如酈生之下齊既連
日挾其所有其後軀病語嘵乃為公敗是猶孫臏之
收龐涓也籍既為公所敗乃自以為嶺頭之瀧不足
以方崑崙之渠蟻垤之微不足以陵崆峩之山願終
受教於公而公於是道其所歸也

寄崔二十六立之

西城員外丞心跡兩屈竒往歲戰詞賦不將勢力隨下
驢入省門左右驚紛披傲兀坐試席深叢見孤羆文如
翻水成初不用意為四座各低面不敢捩眼窺升階揖
侍郎歸舍日未敲佳句喧衆口考官敢瑕疵連年收科
第若摘領底髭迴首卿相位通途無佗歧豈論校書郎
袍笏光參差童稚見稱說祝身得如斯儕輩妒且熟喘
如竹筒吹老婦願嫁女約不論財貲老翁不量分累月
笞其兒攬攬爭附託無人角雄雌由來人間事翻覆不

可知安有巢中鷁挿翅飛天陲駒麝著爪牙猛虎借與
皮汝頭有韁繫汝脚有索縻陷身泥溝間誰復稟指搘
不脫吏部選可見偶與竒又作朝士貶得非命所施客
居京城中十日營一炊逼迫走巴蠻恩愛座上離昨來
漢水頭始得完孤羈桁掛新衣裳盜棄食殘糜苟無飢
寒苦那用分高卑憐我還好古宦途同險巇每旬遺我
書竟歲無差池新篇奚其思風幡肆逶迤又論諸毛功
劈水看蛟螭雷電生眩暎角覽相擰披屬我感窮景抱
華不能搞倡來和相報愧歎俾我疵又寄百尺絲緋紅
相盛衰巧能喻其誠深淺抽肝脾開展放我側方餐涕
垂匙朋交日凋謝存者逐利移子寧獨迷誤綴綴意益
彌舉頭庭樹豁狂飈卷寒曦迢遞山水隔何由應墳篋
別來就十年君馬記騶驪長女當及事誰助出帨綺諸
男皆秀朗幾能守家規文字銳氣在輝輝見旌麾摧腸
與感容能復持酒卮我雖未耋老髮禿骨力羸所餘十
九齒飄颻盡浮危元花著兩眼視物隔從離燕席謝不

詣游鞍懸莫騎敦敦凭書案譬彼鳥黏鶴且吾聞之師

不以物自隳孤豚眠糞壤不慕太廟儀君看一時人幾

輩先騰馳過半黑頭死陰蟲食枯骭歡華不滿眼咎責

塞兩儀觀名計之利詎足相陪裨仁者恥貪冒受祿量

所宜無能食國惠豈異哀癃罷久欲辭謝去休令衆睢

睢况又嬰疹疾寧保軀不貲不能前死罷內實慙神祇

舊籍在東都茅屋枳棘籬還歸非無指灞渭揚春澌生

兮耕吾疆死也埋吾陂文書自傳道不仗史筆垂夫子

欽定四庫全書

御選唐宋詩醇

卷三十

欽定四庫全書

御選唐宋詩醇

卷三十

三

其詞意懇款下筆不能自休可想見交誼之厚
隱居詩話曰詩惡蹈襲古人之意亦有襲而愈工若
出於己者益思之愈精則造語愈深也魏人章疏云
福不盈背禍將溢世韓愈則曰歡華不滿眼咎責
塞兩儀蓋工於前也

李光地曰前敘崔之登第謫官中道與崔唱酬之事
而因訊其安侯後乃自述其志而欲與崔偕隱末方

及其所以報崔之貽者與前巧喻其誠相應

固吾黨新恩釋銜羈去來伊洛上相待安眾算我有雙
飲觴其銀得朱提黃金塗物象雕鐫妙工倕乃令千里
鯨么麼微冬蟲斯猶能爭明月擺掉出渺瀾野草花葉細
不辨資葉施絲絲相糾結狀似環城陴四隅芙蓉樹擢
豔皆猗猗鯨以興君身失所逢百罹月以喻夫道餽俛
勵莫虧草木明覆載妍醜榮萎願君恒御之行止雜
燧觿異日期對舉當如合分支
敘崔如小傳敘自如尺牘雜杳覩縷似破碎而實渾成

御選唐宋詩醇卷三十

欽定四庫全書
唐宋詩醇卷三十一

御選唐宋詩醇卷三十一

昌黎韓愈詩五

目錄

短燈檠歌

病鷗

華山女

瀧吏

欽定四庫全書
御選唐宋詩醇

卷三十一目錄

除官赴闕至江州寄鄂岳李大夫

南山有高樹行贈李宗閔

猛虎行

雪後寄崔二十六丞公

奉酬盧給事雲夫四兄曲江荷花行見寄并呈上

錢七兄閣老張十八助教

記夢

南內朝賀歸呈同官

讀東方朔雜事

庭楸

南溪始泛三首

題楚昭王廟

答張十一功曹

題木居士

和歸工部送僧約

入闕詠馬

欽定四庫全書
御選唐宋詩醇

卷三十一目錄

木芙蓉

奉和庫部盧四兄曹長元日朝迴

奉和裴相公東征途經女几山下作

次潼關先寄張十二閣老使君

晉公破賊回重拜台司以詩示幕中賓客愈奉和

左遷至藍關示姪孫湘

晚次宣溪辱韶州張端公使君惠書敘別酬以絕

句二章

量移袁州張韶州端公以詩相賀因酬之

奉和兵部張侍郎酬鄆州馬尚書祇召途中見寄

開緘之日馬帥已再領鄆州之作

奉酬天平馬十二僕射暇日言懷見寄之作

奉使鎮州行次承天行營奉酬裴司空

奉和僕射裴相公感恩言志

和僕射相公朝迴見寄

短檠檠歌

長檠八尺空自長短檠二尺便且光黃簾綠幕朱戶閉
風露氣入秋堂涼裁衣寄遠淚眼暗搔頭頻挑移近牀
太學儒生東魯客二十辭家來射策夜書細字綴語言

兩目眵昏頭雪白此時提攜當案前看書到曉那能眠

一朝富貴還自恣長檠高張照珠翠吁嗟世事無不然
牆角君看短檠棄

貧賤糟糠諷喻深切

病鵠

屋東惡水溝有鵠墮鳴悲青泥拏兩翅拍拍不得離羣
童叫相名瓦礫爭先之計校生平事殺却理亦宜奪攘
不愧恥飽滿盤天嬉晴日占光景高風送追隨遂凌紫
鳳羣肯顧鴻鵠卑今者運命窮遭逢巧丸兒中汝要害

欽定四庫全書舊要卷一萬九千三百五十五集部
御選唐宋詩醇卷三十一

昌黎韓愈詩五

處汝能不得施於吾乃何有不忍乘其危丐汝將死命
浴以清水池朝餐輶魚肉暝宿防狐狸自知無以致蒙
德久猶疑飽入深竹叢飢來傍階基亮無責報心固以
聽所為昨日有氣力飛跳弄藩籬今晨忽徑去曾不報
我知僥倖非汝福天衢汝休窺京城事彈射豎子豈易
欺勿諱泥坑辱泥坑乃良規

顧嗣立曰此詩每虛頓一二語用深一步法如計較
生平事殺却理亦宜亮無責報心固以聽所為是也

通首是比分明為負心人寫照與老杜義鵠行正相

反

華山女

街東街西講佛經撞鐘吹螺鬧宮庭廣張罪福資誘脅
聽衆狎恰排浮萍黃衣道士亦講說座下寥落如明星
華山女兒家奉道欲驅異教歸仙靈洗粧拭面著冠帔
白咽紅頰長眉青遂來昇座演真訣觀門不許人開扃
不知誰人暗相報訇然振動如雷霆埽除衆寺人跡絕

頗假借不知何以得此
朱子曰或怪公排斥佛老不遺餘力而於華山女獨
假借如此非也此正譏其衒姿色假仙靈以惑衆又

譏時君不察使失行婦人得入宮禁耳觀其卒章豪
家少年雲窗霧閣翠幔金屏青鳥丁寧等語襄慢甚
矣豈真以神仙處之哉

彥周詩話曰詩人寫人物態度至不可移易元微之
李娃行云髻鬟峨峨高一尺門前立地看春風此定

驛驛塞路連輜輶觀中人滿坐觀外後至無地無由聽
抽釵脫釧解環珮推金疊玉光青熒天門貴人傳詔召
六宮願識師顏形玉皇領首許歸去乘龍駕鶴來青冥
豪家少年豈知道來繞百市脚不停雲窗霧閣事恍惚
重重翠幔深金屏仙梯難攀俗緣重浪憑青鳥通丁寧
漁隱叢話曰類苑云退之見神仙亦不伏云我寧屈
曲自世間安能從汝巢神山賦謝自然則曰童騃無
所識作誰氏子則曰不從而誅未晚耳惟華山女詩

為娼婦退之華山女詩云洗粧拭面著冠帔白咽紅
頰長眉青此定是女道士東坡作芙蓉城詩亦用長
眉青三字云中有一人長眉青炯如微雲淡疎星便
有神仙風度

瀧吏

南行逾六旬始下昌樂瀧險惡不可狀船石相舂撞往
問瀧頭吏潮州尚幾里行當何時到土風復何似瀧吏

垂手笑官何問之愚巖官居京邑何由知東吳東吳遊

為此水邊神色久憮恍旋大瓶罷小所任自有宜官何
不自量滿溢以取斯工農雖小人事業各有守不知官
在朝有益國家不得無虱其閒不武亦不文仁義飾其
躬巧姦敗羣倫叩頭謝吏言始慙今更羞歷官二十餘
國恩並未酬凡吏之所訶嗟實頗有之不即金木誅敢
不識恩私潮州雖云遠雖惡不可過於身實已多敢不
持自賀

欲寫貶地遠惡却設為問答又借吳音俚語以致真切

之意助荒陋之態格調全祖古樂府來君子以恐懼
修省瀧吏篇之謂也莫道英雄氣短

沈德潛曰音節氣味得之漢人樂府韓詩中推為別
調借吏言以規諷主意在此

除官赴闕至江州寄鄂岳李大夫

盆城去鄂渚風便一日耳不枉故人書無因帆江水故
人辭禮闈旌節鎮江圻而我竄逐者龍鍾初得歸別來
已三歲望望長迢遞咫尺不相聞平生那可計我齒落
官當明時來事不待說委官不自謹慎宜即引分往胡

且盡君鬢白幾何年皆過半百來日苦無多少年樂新
知衰暮恩故友譬如親骨肉寧免相可不我昔實愚蠢
不能降色辭子犯亦有言臣猶自知之公其務貴過我
亦請改事桑榆儻可收願寄相思字

情致纏綿詞氣遜順使人之意也消

南山有高樹行贈李宗閔

南山有高樹花葉何蓑蓑上有鳳凰巢鳳凰乳且棲四
旁多長枝羣鳥所託依黃鵠據其高衆鳥接其卑不知

何山鳥羽毛有光輝飛飛擇所處正得衆所希上承鳳

凰恩自期永不衰中與黃鵠羣不自隱其私下視衆鳥
羣汝徒竟何為不知挾丸子心默有所規彈汝枝葉間

汝翅不覺摧或言由黃鵠黃鵠豈有之慎勿猜衆鳥衆
鳥不足猜無人語鳳凰汝屈安得知黃鵠得汝去婆娑
弄毛衣前汝下視鳥各議汝瑕疵汝豈無朋匹有口莫

肯開汝落蒿艾間幾時復能飛哀哀故山友中夜思汝
悲路遠翅翎短不得持汝歸

韓醇曰據詩意鳳凰謂裴度挾丸子謂李德裕李紳
元稹也新書李宗閔傳云裴度伐蔡引為彰義觀察
判官蔡平知制誥長慶初錢徽典貢舉宗閔託所親
於徽李德裕李紳元稹共白徽取士不以實宗閔坐
貶劍州刺史俄復為中書舍人由是嫌怨顯結縉紳
之禍四十餘年不解又云宗閔初為裴度引用及度
薦李德裕可為宰相宗閔遂與為怨韓愈為作南山
猛虎行規之按度薦德裕在公沒後五年新書誤矣

蕪隱叢話曰退之宗閔俱裴晉公征淮西時幕客也

退之作南山有高樹及猛虎行贈宗閔皆略盡其終
身所為然退之無恙時宗閔纔為中書舍人所為尚
未暴自錢徽貶後牛李之憾始結至其為相則退之
死久矣遂有封川之行所謂前汝下視鳥各議汝瑕
疵烏鵲從噪之虎不知所歸者何其明驗也

方崧卿曰心默有所規規圖也東坡五禽言去年麥
不熟挾彈規我肉本公語也

猛虎行

猛虎雖云惡亦各有匹儕羣行深谷間百獸望風低身食黃熊父子食赤豹麌擇肉於熊豹肯視兔與狸正晝當谷眠眼有百步威自矜無當對氣性縱以乖朝怒殺其子暮還食其妃匹儕四散走猛虎還孤棲孤鳴門兩旁烏鵲從噪之出逐狼入居虎不知所歸誰云猛虎惡中路正悲啼豹來銜其尾熊來攫其頤猛虎死不辭但慙前所為虎坐無助死况如汝細微故當結以信親當

欽定四庫全書

御選唐宋詩

卷三十一

八

藍田十月雪塞關我興南望愁羣山攢天嵬嵬凍相映君乃寄命於其間秩卑俸薄食口衆豈有酒食開容顏殿前羣公賜食罷驛蹻踴路騎且閑稱多量少鑒裁密豈念幽桂遺榛菅幾欲犯嚴出薦口氣象肆兀未可攀歸來殞涕掩闌卧心之紛亂誰能刪詩翁憔悴斬荒棘清玉刻佩聯玦環腦脂遮眼卧壯士大弨挂壁無由彎乾坤惠施萬物遂獨於數子懷偏慳朝歛暮惜不可解我心安得如石頑

欽定四庫全書

御選唐宋詩

卷三十一

九

起調激越極似同谷歌

某氏曰斯立是時為藍田縣丞其曰藍田十月元和十年十月也孟郊已死張籍病眼故有詩翁壯士之句有懷立之且念朋友之不振也

樂府舊題非前詩類也新書又謂裴度薦李德裕宗閔怨之為作此詩薦事在太和三年公沒久矣不可據

雪後寄崔二十六丞公

曲江千頃秋波淨平鋪紅雲蓋明鏡大明宮中給事歸走馬來看立不正遺我明珠九十六寒光映骨睡驪目

我今官閒得婆娑問言何處芙蓉多撐舟昆明度雲錦
脚敲兩舷叫吳歌太白山高三百里負雪嵬嵬挿花裏

玉山前却復來曲江濤水平盃我時相思不覺一
迴首天門九扇相當開上界真人足官府豈如散仙鞭

笞鸞鳳終日相追陪

紅雲明鏡中特有雪山倒影便寫得異樣精采結似酒
脫正恐不能忘情

樊汝霖曰公時自中書舍人降太子右庶子

欽定四庫全書

御選唐宋詩醇

卷三十一

十

記夢

夜夢神官與我言羅縷道妙角與根挈攜陬維口瀾翻

百二十刻須臾間我聽其言未云足捨我先度橫山腹
我徒三人共追之一人前度安不危我亦平行蹣跚
神完骨蹻腳不掉側身上視溪谷盲杖撞玉版聲彭觥
神官見我開顏笑前對一人壯非少石壇坡陀可坐卧
我手承頰肘柱座隆樓傑閣磊嵬高天風飄飄吹我過
壯非少者哉七言六字常語一字難我以指撮白玉丹

行且咀噍行詰盤口前截斷第二句綽虐顧我顏不歡
乃知仙人未賢聖護短憑愚邀我敬我能屈曲自世間
安能從女巢神山

只是寓言勿真謂與鬼爭義

黃庭堅曰六字常語一字難只前句中哦字便是所

難此乃為詩之法也

樊汝霖曰蘇內翰嘗曰太白詩云遺我鳥跡書晴之

了不閑太白尚氣乃自招不識字不如退之倔強云

欽定四庫全書

御選唐宋詩醇

卷三十一

十一

我能屈曲自世間安能隨女巢神山又云退之性氣
雖出世間人亦不能容也

某氏曰此詩蓋有託諷意公忤執政左遷為右庶子
時作前酬盧公荷花詩末云豈如散仙鞭笞鸞鳳終
日相追陪而此詩末亦云我能屈曲自世間安能從
女巢神山皆有不能俯仰隨人之意可知其為左遷
之時也

顧嗣立曰按金居敬云羅縷道妙三句意皆本參同

契角根陬維謂青龍處房六白虎在昴七朱雀在張

二皆朝於元武虛危之位也迎一陽之氣以進火妙用始於虛危在一日言正當子半故曰須臾間又云百二十刻須臾間如參同契以十二卦十二律配十二時陽火陰符之候然一日之間有之一刻之間亦有之也公益深得金丹之旨乃極強世間耶

南內朝賀歸呈同官

薄雲蔽秋曦清雨不成泥罷賀南內衙歸涼曉淒淒綠

迷

戒心法吏始擬收身則已有為而為矣中間省躬引分乃足為朝士座右銘

雍錄曰唐都城有三大內太極宮在西故名西內大明宮在東故名東內別有興慶宮號南內也

洪興祖曰中朝事跡云天街兩畔樹槐俗號為槐街

也

白樂天樂遊園詩云下視十二街綠槐間紅塵即此

槐十二街渙散馳輪蹄余惟慙書生孤身無所齎三點

竟不去致官九列齊豈惟一身榮珮玉冠簪犀滉蕩天門高著籍朝厥妻文才不如人行又無町畦問之朝廷事略不知東西況於經籍深豈究端與俛君恩太山重不見酬稗梯所職事無多又不自提撕明庭集孔鸞曷取於鳬鷺樹以松與柏不宜閑蒿藜婉變自媚好幾時不見擠貧食以忘軀渺不調鹽醯法吏多少年磨淬出角圭將舉汝愆尤以為已階梯收身歸闕東期不到死

嚴嚴王母宮下維萬仙家噫欠為飄風濯手大雨沱方朔乃豎子驕不加禁訶偷入雷電室轉輶掉狂車王母聞以笑衛官助呀呀不知萬萬人生身埋泥沙簸頓五山踣流漂八維蹉曰吾兒可憎奈此狡猾何方朔聞不喜褫身絡蛟蛇瞻相北斗柄兩手自相接羣仙急乃言百犯庸不科向觀睥睨處事在不可赦欲不布露言外口實誼譁王母不得已顏噴口齋嗟頷頭可其奏送以

紫玉珂方朔不懲創挾恩更矜誇詆欺劉天子正畫溺

殿衙一旦不辭訣攝身凌蒼霞

俞瑒曰此詩洪興祖以為譏矣權者觀結語云云殊不然也意亦指文人播弄造化如雙鳥詩云爾不然何獨取方朔而擬之權倖耶

顧嗣立曰按漢書東方朔傳贊曰朔之詠諧逢占射覆其事浮淺行於衆庶童兒牧豎莫不炫耀而後世好事者因取奇言怪語附著之公詩皆本經史而此

作獨專取內傳亦偶然戲筆故題之曰雜事也
漢武帝內傳曰帝好長生七夕西王母降其宮有頃索桃七枚以四枚與帝自食三枚曰此桃三十年一實時東方朔從殿東廂朱鳥牖中窺母母謂帝曰此窺牖兒嘗三來偷吾此桃昔為太山上仙官令到方丈擅美雷電激波揚風雨失時陰陽錯迕致令鮫鯨陸行海水暴竭黃鳥宿淵於是九潦丈人乃言於太上遂謫人間其後朔一日乘雲龍飛去不知所在

庭楸

庭楸止五株共生十步間各有藤繞之上各相鉤聯下葉各垂地樹顛各雲連朝日出其東我常坐西偏夕日在其西我常坐東邊當晝日在上我在中央仰視何重遭五楸牽客來尚不見肯到權門前權門衆所趨有客動百千九牛亡一毛未在多少閒往既無可顧不往

欽定四庫全書

御選唐宋詩序

五

自可憐

歷敘東西朝暮繁而不殺彌有古意

南溪始泛三首

榜舟南山下上上不得返幽事隨去多孰能量近遠陰沈過連樹藏昂抵橫坂石麤肆磨礪波惡厭牽挽或倚偏岸漁竟就平洲飯點點暮雨飄梢梢新月偃餘年懷無幾休日愴已晚自是病使然非由取高蹇
南溪亦清駛而無檝與舟山農驚見之隨我觀不休不

惟兒童輩或有杖白頭饋我籠中瓜勸我此淹留我云
以病歸此已頗自由幸有用餘俸置居在西疇囷倉米
穀滿未有旦夕憂上去無得得下來亦悠悠但恐煩里
間時有緩急投願為同社人雞豚燕春秋

足弱不能步自宜收朝蹟羸形可輿致佳觀安可擲即
此南坂下久聞有水石扢舟入其間溪流正清澈隨波
吾未能峻瀨乍可刺驚起若導吾前飛數十尺亭亭柳
帶沙團團松冠壁歸時還盡夜誰謂非事役

三首神似陶公所謂姦窮變怪得往往造平淡者
蔡寬夫詩話曰退之詩豪健雄放自成一家世特恨
其深婉不足南溪始泛三篇乃末年所作獨為閒遠
有淵明風氣

王直方詩話曰洪龜父言山谷於退之詩少所許可
最愛南溪始泛以為有詩人句律之深意
隱居詩話曰南溪始泛詩將死病中作也句有足弱
不能步自宜收朝蹟又云餘年憮無幾休日愴已晚

張籍哭退之詩略曰去夏公請告養病城南莊籍時
休官罷兩月同遊翔移船入南溪東西縱蒿撐公作
遊溪詩詠唱多慨慷又曰偶有賈秀才來茲亦同并
秀才謂賈島也

題楚昭王廟

丘墳滿目衣冠盡城闕連雲草樹荒猶有國人懷舊德
一間茅屋祭昭王

顧嗣立曰按公外集有記宜城驛云驛東北有井傳

是昭王井井東北數十步有楚昭王廟高木萬株舊
廟屋極宏盛今惟草屋一區然問左側人尚云每歲
十月民相率聚祭其前元和十四年二月二日題益
與此詩同作也

答張十一功曹

山淨江空水見沙哀猿啼處兩三家簷竈競長纖纖笋
躑躅間開豔豔花未報恩波知死所莫令炎瘴送生涯
吟君詩罷看雙鬢斗覺霜毛一半加

任子淵曰斗覺詩中健語也前輩多使退之詩有此

牽過關門妾一鳴

句東坡詩黃昏斗覺羅裳薄後山詩斗覺文字生清
新

題木居士

火透波穿不計春根如頭面幹如身偶然題作木居士
便有無窮求福人

道破世情

張芸叟木居士詩序耒陽縣北沿流二三十里鼈口

欽定四庫全書

御選唐宋詩醇

卷三十一

六

寺即退之所題木居士在焉元豐初以禱旱不應為
邑令析而薪之今存者乃僧道符更刻

和歸工部送僧約

早知皆是自拘囚不學因循到白頭汝既出家還擾擾
何人更得死前休

振威一喝三日耳聾

入闕詠馬

歲老豈能充上駟力微當自慎前程不知何故翻驥首

木芙蓉

新開寒露叢遠比水間紅豔色寧相妒嘉名偶自同採

江官渡晚搴木古祠空願得勤來看無令便逐風

朱子曰此詩言荷花與木芙蓉生不同處而色皆美
名又同故以採江搴木二事相對言其生處而九歌
者祭神之辭故曰古祠也

奉和庫部盧四兄曹長元日朝迴

欽定四庫全書

御選唐宋詩醇

卷三十一

七

天仗宵嚴建羽旄春雲送色曉雞號金爐香動螭頭暗
玉佩聲來雉尾高戎服上趨承北極儒冠列侍映東曹
太平時節難身遇郎署何須歎二毛

沈德潛曰入賈岑倡和作中可以伯仲

奉和裴相公東征途經女几山下作

旗穿曉日雲霞雜山倚秋空劍戟明敢請相公平賊後

暫携諸吏上崢嶸

洪興祖曰以我之旗况彼雲霞以彼之山況我劒戟

詩家謂迴鸞舞鳳格

蔡寬夫詩話曰退之和裴晉公征淮西時過女几山
詩云云而晉公之詩無見惟白樂天集載其一聯云
待平賊壘報天子莫指仙山示老夫方時意氣自信
不疑如此豈容令狐楚輩沮撓乎

次潼關先寄張十二閣老使君

荆山已去華山來日出潼關四扇開刺史莫辭迎候遠

相公親破蔡州回

欽定四庫全書

御選唐宋詩醇

卷三十一

三

沈德潛曰沒石飲羽之技不必以尋常絕句法求之

晉公破賊回重拜台司以詩示幕中賓客愈奉和
南伐旋師太華東天晝夜到冊元功將軍舊壓三司貴
相國新兼五等崇鵠鷺欲歸仙仗裏熊羆還入禁營中
長慙與午非材職得就閒官即至公

嚴重蒼渾直逼杜陵

石林詩話曰七言難於氣象雄渾句中有力而紓疾

不失言外之意自老杜錦江春色來天地玉壘浮雲

變古今與五更鼓角聲悲壯三峽星河影動搖等句

之後常恨無復繼者韓退之筆力最為傑出然每苦
意與語俱盡和裴晉公破蔡州回詩所謂將軍舊壓
三司貴相國新兼五等崇非不壯也然意亦盡於此
矣不若劉禹錫賀晉公留守東都云天子旌旗分一

半八方風雨會中州語遠而體大也

沈德潛曰莊重得體

左遷至藍關示姪孫湘

欽定四庫全書

御選唐宋詩醇

卷三十一

主

一封朝奏九重天夕貶潮州路八千欲為聖明除弊事
肯將衰朽惜殘年雲橫秦嶺家何在雪擁藍關馬不前
知汝遠來應有意好收吾骨瘴江邊

李光地曰佛骨一表孤曠千古而此詩配之尤妙在
許大題目而以除弊事三字了却

晚次宣溪辱韶州張端公使君惠書敘別酬以絕

韶州南去接宣溪雲水蒼茫日向西客淚數行元自落

鷓鴣休傍耳邊啼

兼金那足比清文百首相隨愧使君俱是嶺南巡管內
莫欺荒僻斷知聞

筆墨閣錄曰潮州以後詩最哀深宣溪絕句等詩絕
有味

量移袁州張韶州端公以詩相賀因酬之

明時遠逐事何如遇赦移官罪未除北望詎令隨塞鴈
南遷纔免葬江魚將經貴郡煩留客先惠高文謝起予

暫欲繫船韶石下上賓虞舜整冠裾

李光地曰末句取諸離騷所謂跪敷衽以歛辭者有
蒙難正志氣象

奉和兵部張侍郎酬鄆州馬尚書祇召途中見寄
開緘之日馬帥已再領鄆州之作

來朝當路日承詔改轍時再領須臾國仍遷少昊司暖
風抽宿麥清雨卷歸旗賴寄新珠玉長吟慰我思

石林詩話曰蔡天啟言嘗與張文潛論韓柳五字警

句文潛舉退之暖風抽宿麥清雨卷歸旗子厚壁空

殘月曙門掩候蟲秋皆集中第一

奉酬天平馬十二僕射暇日言懷見寄之作

天平篇什外政事亦無雙威令加徐土儒風被魯邦清
為公論重寬得士心降歲晏偏相憶長謠坐北窗

奉使鎮州行次承天行營奉酬裴司空

竄逐三年海上歸逢公復此著征衣旋吟佳句還鞭馬
恨不身先去鳥飛

詔許遲留而奮迅如此仁者之勇庶無愧焉

新書詔愈宣撫既行衆皆危之元稹言韓愈可惜穆
宗亦悔詔愈度事從宜無必入愈曰安有受君命而

滯留自顧遂疾驅入

奉和僕射裴相公感恩言志

文武成功後居為百辟師林園窮勝事鐘鼓樂清時擺
落遺高論雕鷁出小詩自然無不可范蠡爾其誰

按詩話云慶歷中西師未解晏元獻為樞密使會大雪

置酒西園歐陽永叔賦詩云須憐鐵甲冷徹骨四十餘萬屯邊兵晏晏曰昔韓愈亦能作言語赴裴度會但云林園窮勝事鐘鼓樂清時不曾如此作閑夫裴度之優游綠野乃不得已而與世浮沉故愈詩云云晏殊所處不同聞永叔諷厲正應改容謝之顧猶怫然於中耶

和僕射相公朝迴見寄

盡瘁年將久公今始暫閒事隨憂共減詩與酒俱還放意機衡外收身矢石間秋臺風日迥正好看前山


欽定四庫全書

御選唐宋詩醇

三函

卷三十一

退之與中立雅契同涉艱危樹功業其於當時朝局元老苦心有知之最深者二詩能曲傳之諷詠殊有餘味



總校官庶吉士臣張能照

校對官助教臣羅萬選

謄錄貢生臣郭坦



欽定四庫全書叢要

集部
御選唐宋詩醇卷三十二

欽定四庫全書叢要

御選唐宋詩醇卷三十二

眉山蘇軾詩一

目錄

辛丑十一月十九日既與子由別於鄭州西門之

外馬上賦詩一篇寄之

過宜賓見夷中亂山

夜泊牛口

欽定四庫全書

御選唐宋詩醇
卷三十二目錄

夜行觀星

八陣磧

入峽

出峽

神女廟

巫山

荊州十首

錄三首

太白山下早行至橫渠鎮書崇壽院壁

詳校官原任事事臣李斯咏

留題延生觀後山小堂

李氏園

石鼻城

病中大雪數日未嘗起觀號令趙薦以詩相屬戲用其韻答之

歲晚相與饋問為饋歲酒食相邀呼為別歲至除夜達旦不眠為守歲蜀之風俗如是余官於岐下歲暮思歸而不可得故為此三詩寄子由

七月二十四日以久不雨出禱磻溪是日宿虢縣二十五日晚自虢縣渡渭宿於僧舍曾閣閣故曾氏所建也夜久不寐見壁有前縣令趙薦留名有懷其人

二十七日自陽平至斜谷宿於南山中蟠龍寺是日至下馬磧憩於北山僧舍有閣曰懷賢南直斜谷西臨五丈原諸葛孔明所從出師也

和子由記園中草木十一首

錄五首

別歲

守歲

和子由論書

鳳翔八觀

錄五首

石鼓歌

王維吳道子畫

東湖

真興寺閣

欽定四庫全書

御選唐宋詩鵠

卷三十二目錄

欽定四庫全書

御選唐宋詩鵠

卷三十二目錄

三

頴州初別子由二首

歐陽少師令賦所蓄石屏

欽定四庫全書
欽定四庫全書
欽定四庫全書
欽定四庫全書

御選唐宋詩醇卷三十二

眉山蘇軾詩一

詩自杜韓以後唐季五代纖佻薄弱日即淪胥宋初楊
億劉筠錢惟演之徒崇尚崑體祇是溫李後塵嗣是蘇
舜欽以豪放自異梅堯臣以高淡為宗雖志於古矣而
神明變化之功少未有能驍駕杜韓卓然自成一家而
雄視百代者必也其蘇軾乎軾之器識學問見於政事
發於文章史稱言足以達其有猷行足以遂其有為節
義足以固其有守皆志與氣為之也惟詩亦然地負海
涵不名一體而核其旨要之所在如云我詩雖云拙心
平聲韻和此軾自評其詩者也作詩熟讀毛詩國風離
騷曲折盡在此軾自以其所得教人者也且夫精深
華妙則蘇轍稱之矣公如大國楚吞五湖三江則黃庭
堅稱之矣天才宏放宜與日月爭光則蔡絛稱之矣屈
注天潢倒連滄海變眩百怪終歸渾雅則教陶孫稱之

矣前之曹劉陶謝後之李杜韓白無所不學亦無所不

工同時歐陽王黃猶俱遜謝焉洵乎獨立千古非一代

一人之詩也而陳師道顧謂其初學劉禹錫晚學李太

白母乃一知半解歟但其詩氣豪體大有非後哲所易

學步者是以元好問論詩有云只知詩到蘇黃盡滄海

橫流却是誰又云蘇門果有忠臣在肯放坡詩百態新

蓋非用此為譏議乃正以見其不可摸擬耳其與軾並

世之人漫為評論者如張舜民有仔細檢點不無利鈍

之言而楊時至謂其不知風雅之意後來嚴羽更以其

自出己意為詩之大厄創大言以欺世夫豈可為篤論

哉是編所錄挹菁拔萃審擇再三殆無遺憾其生平豐

功亮節與夫兄弟朋友過從離合之跡及一時新法之

廢興時事之遷變靡不因之以見詩凡五百餘首古體

則五言稍多於七言近體則七言數倍於五言要歸本

於六義之旨亦非有成見也

外馬上賦詩一篇寄之

不飲胡為醉兀兀此心已逐歸鞍發歸人猶自念庭闈

今我何以慰寂寞登高回首坡隴隔惟見烏帽出復沒

苦寒念爾衣裘薄獨騎瘦馬踏殘月路人行歌居人樂

僅僕怪我苦悽惻亦知人生要有別但恐歲月去飄忽

寒燈相對記疇昔夜雨何時聽蕭瑟君知此意不可忘

慎勿苦愛高官職自注嘗有夜雨對

軾與其弟轍友愛特至時軾赴鳳翔簽判之任既別而

作此詩起句突兀有意味前敘既別之深情後憶昔年

之舊約亦知人生要有別轉進一層曲折道宕軾是時

年甫二十六而詩格老成如是

許顥詩話曰燕燕于飛差池其羽之子于歸遠送于

野瞻望弗及泣涕如雨此真可泣鬼神矣東坡詩云

登高回首坡隴隔惟見烏帽出復沒遠紹其意

王方直詩話曰東坡喜韋蘇州詩寧知風雨夜復此

對牀眠之句故在鄭別子由云寒燈相對記疇昔夜

雨何時聽蕭瑟又初秋子由與坡相從彭城賦詩云
誤喜對牀尋舊約不知飄泊在彭城子由使北在神

水館賦詩云夜雨從來對榻眠茲行萬里隔胡天坡

在御史獄有云他年夜雨獨傷神在東府有云對牀
定悠悠夜雨今蕭瑟其同轉對有云對牀貧聽連宵
雨又曰對牀欲作連夜雨又曰對牀老兄弟夜雨鳴
竹屋此其兄弟所賦也相約退休可謂無日忘之然
竟不能成其約其意見於逍遙堂詩叙云

過宜賓見夷中亂山

江寒晴不知遠見山上日朦朧含高峰晃蕩射峭壁橫
雲忽飄散翠樹分歷歷行人挹孤光飛鳥投遠碧巒荒
誰復愛穠秀安可適豈無避世士高隱鍊精魄誰能從

之遊路有豺虎跡

孤冷巉削具絕幽鑿險之能

紀年錄曰嘉祐四年荊州上王兵部書曰自蜀至楚
舟行六十日過郡十一縣二十有六公由水路至嘉

欽定四庫全書

御選唐宋詩

四

欽定四庫全書

御選唐宋詩

五

州入嘉陵江由瀘渝涪忠夔等州入峽江故作過宜
賓泊牛口入峽出峽等詩

夜泊牛口

日落江霧生繫舟宿牛口居民偶相聚三四依古柳負
薪出深谷見客喜且售煮蔬為夜飧安識肉與酒朔風
吹茅屋破壁見星斗兒女自吟嘆亦足樂且久人生本
無事苦為世味誘富貴耀吾前貧賤獨難守誰知深山
子甘與麋鹿友置身落巒荒生意不自陋今子獨何者
及汲強奔走

不見可欲使心不亂於此悟出艱難中骨力孰謂陋室
荒村不可以學道

夜行觀星

天高夜氣嚴列宿森就位大星光相射小星闌若沸天
人不相干嗟彼本何事世俗強指擿一一立名字南箕
與北斗乃是家人器天亦豈有之無乃遂自謂迫觀知
何如遠想偶有似茫茫不可曉使我長歎喟

搔首問天通以元解是即道不可名强名曰道之旨也

八陣磧

平沙何茫茫髡髮見石絕縱橫滿江上歲歲沙水齧孔
明死已久誰復辨行列神兵非學到自古不留訣至人
已心悟後世徒妄說自從漢道衰蓬起盡姦傑英雄不
相下禍難久連結驅民市無烟戰野江流血萬人睹一
擲殺盡如沃雪不為久遠計草草常無法孔明最後起
意欲掃羣孽崎嶇事節制隱忍久不決志大遂成迂歲

欽定四庫全書

御定唐宋詩詞
卷三十二

六

月去如晝六師分未整一旦英氣折惟餘八陣圖千古
壯夔峽

後幅評論孔明數語惜之至服之至也八陣圖壘人所
共知其箕張翼舒之形無煩鋪敘放懷今古歷歷千年
氣成虹霓詞出金石意豈獨為武侯歎絕

水經注曰江水又東逕諸葛亮圖壘南石磧平曠望
兼川陸有亮所作八陣圖東跨故壘皆累細石為之
自壘西去聚石八行行間相去二丈因曰八陣

入峽

自昔懷幽賞今茲得縱探長江連楚蜀萬派瀉東南合
水來如電黓波綠似藍餘流細不數遠勢競相參入峽
初無路連山忽似龕縈紆收浩渺蹙縮作淵潭風過如
呼吸雲生似吐含墜崖鳴窣窣垂蔓綠移移冷翠多崖
竹孤生有石楠飛泉飄亂雪怪石走驚駿絕澗知深淺
樵僅忽兩三人烟偶逢郭沙岸可乘籃野戍荒州縣邦
君古子男放衙鳴晚鼓留客薦霜柑聞道黃精草叢生

欽定四庫全書

御定唐宋詩詞
卷三十二

七

綠玉簪盡應充食飲不見有彭聃氣候冬猶暖星河夜
半涵遺民悲昶行自注孟昶從此入舊俗接魚蠶版屋

漫無瓦當居窄似葦伐薪常冒嶮得米不盈甕歎息生
何陋劬勞不自慙葉舟輕遠泝大浪固嘗諳豐鑠空相
視嘔啞莫與談蠻荒安可駐幽邃信難枕獨愛孤棲鶴
高超百尺嵐橫飛應自得遠颺似無貪振翮游霄漢無
心顧雀鷁塵勞世方病局束我何堪盡解林泉好多為
富貴酣試看飛鳥樂高遁此心甘

用險韻作長律盡如其意之所出最稱擅長首二句虛
籠以作起局長江六句又作總挈其入峽十二句峽中
之景物也絕澗十二句峽中之人事也氣候八句則言
人居峽之陋歎息八句則言已入峽之勞至獨愛孤棲
鶴以下十二句前六句寫孤鶴橫飛自得之樂後六句
寫自己局束塵勞之態兩相對照作開闔之勢知高超
之樂則知高遁之甘矣章法明鑑如觀遠岫列秀青青
太平寰宇記曰瞿塘峽在夔州府城東舊名西陵峽

欽定四庫全書

御選唐宋詩醇

卷二十二

八

兩崖對峙中貫一江灔澦堆當其口乃三峽之門巫
峽在巫山縣明月峽在夷陵州懸崖間白石如月黃
牛峽在夷陵州西

三峽記曰三峽連亘七百里重巖疊嶂隱蔽天日非
亭午夜分不見日月水經注云杜宇所鑿

出峽

入峽喜巉巖出峽喜平曠吾心淡無累遇境即安暢東
西徑千里勝處頗屢訪幽尋遠無厭高絕每先上前詩

尚遺略不錄久忘憶從巫廟回中路寒泉漲汲歸真
可愛翠碧光滿盃忽驚巫峽尾岩腹有穿塘仰見天蒼
蒼石室開南嚮宣尼古廟宇叢木作幃帳鐵楯橫半空
俯瞰不計丈古人誰架構下有不測浪石竇見天囷瓦
棺悲古葬新灘阻風雪村落去攜杖亦到龍馬溪茅屋
沽村釀玉虛悔不至實為舟人誑聞道石最奇寤寐見
怪狀峽山富奇偉得一知幾喪苦恨知名歷歷但想
像今朝脫重險楚水渺平蕩魚多客危足風順行意王

欽定四庫全書

御選唐宋詩醇

卷三十二

九

追思偶成篇聊助舟人唱

險境發以雄詞須看其意思閒暇蕭散處

神女廟

大江從西來上有千仞山江山自環擁恢詭富神姿深
淵鼈鼈橫巨壑蛇龍頑旌陽斬長蛟雷雨移蒼灣蜀守
降老蹇至今帶連環縱橫若無主蕩逸侵人寰上帝降
璫姬來處荆巫間神仙豈在猛玉坐幽且閑飄蕭駕風
馭弭節朝天闕倏忽迎四方不知道里艱古粧具法服

邃殿羅烟鬟百神自奔走雜沓來趨班雲興靈怪聚雲
散鬼神還茫茫夜潭靜皎皎秋月彎還應搖玉珮來聽

水潺潺

徐徊神境彷像仙踪不襲用玉色頰顏及望帷褰幙一
切猥瑣漫藜之語范成大巫山圖及巫山高二詩疊疊
力辨何不緣軾詩巫山神女二作為証耶

吳船錄曰下巫峽三十五里至神女廟十二峰皆在
北岸前後映帶不能足其數所謂陽臺高唐龍往來

是吳船錄所引也。據宋玉賦本以諷襄王
鶴峰上亦未必是神女之事據宋玉賦本以諷襄王
後世不察一切以兒女子乘之今廟中石刻引庸城
記瑤姬西王母之女稱雲華夫人助禹令鬼神斬石
疏流有功見紀今封妙用真人

巫山

瞿塘迤邐盡巫峽崕嶠起連峰稍可怪石色變蒼翠天
工運神巧斲欲作奇偉塊軋勢方深結構意未遂旁觀
不暇瞬步步造幽邃蒼崖忽相逼絕壁凜可怖仰觀八

九頂俊爽凌顎氣晃蕩天宇高崩騰江水沸孤超兀不
讓直拔勇無畏攀緣見神宇憩坐就石位巉巉隔江波
一一問廟吏遙觀神女石綽約誠有以俯首見斜鬟拖
霞弄修帔人心隨物變遠覺含深意野老笑吾旁少年
嘗屢至去隨猿猱上反以繩索試石筍倚孤峰突兀殊
不類世人喜神怪論說驚幼稚楚賦亦虛傳神仙安有
是次問掃壇竹云此今尚爾翠葉紛下垂婆娑綠鳳尾
風來自偃仰若為神物使絕頂有三碑詰曲古篆字老
人那解讀偶見不能記窮探到峰背採研黃楊子黃楊
生石上堅瘦文如綺貪心去不顧澗谷千尋縋山高虎
狼絕深入坦無忌洪濛草樹密葱蒨雲霞膩石竇有洪
泉甘滑如流髓終朝自盥漱冷冽清心胃浣衣挂樹梢
磨斧就石鼻徘徊雲日晚歸意念城市不到今十年衰
老筋力憊當時伐殘木牙蘖已如臂忽聞老人說終日
為歎喟神仙固有之難在忘勢利貧賤爾何愛棄去如
脫屣嗟爾若無還絕糧應不死

帶阜纓巒屯雲積氣析之則句鍊字琢合之則悠悠乎
與鬱氣以俱而莫得其涯

入蜀記曰巫山峰巒上入霄漢山腳直插江中議者
謂太華衡廬皆無此奇然十二峰者不可悉見所見
八九峰惟神女峰最為纖麗奇峭宜為仙真所托

荊州十首

錄三首

南方舊戰國慘澹意猶存慷慨因劉表淒涼為屈原廢
城猶帶井古姓聚成村亦解觀形勝昇平不敢論

欽定四庫全書

御選唐宋詩

卷三十二

十一

朱檻城東角高王此望沙江山非一國烽火畏三巴戰
國淪秋草危樓倚斷霞百年豪傑盡擾擾見魚蝦

柳門京國道驅馬及春陽野火燒枯草東風動綠芒北
行連許鄧南去極衡湘楚境橫天下懷王信弱王

俯仰陳跡懷古者所同悲壯慷慨則唐賢得意筆也
嘉祐庚子軾侍其父洵自荊州浮大梁此詩當在鄭州
西門作之前

太白山下早行至橫渠鎮書崇壽院壁

馬上續殘夢不知朝日昇亂山橫翠嶂落月澹孤燈奔
走煩郵吏安閒愧老僧再遊應眷眷聊亦記吾曾

次聯是早行景色妙從首句殘夢二字生出故日月字
不嫌雜見王世貞之論似密實疎

藝苑卮言曰劉駕馬上續殘夢境頗佳下云馬嘶而
復驚遂不成語矣蘇子瞻用其語下云不知朝日昇
亦未是至復改為瘦馬兀殘夢愈墜惡道

留題延生觀後山小堂

欽定四庫全書

御選唐宋詩

卷三十二

十三

溪山愈好意無厭上到巉巉第幾尖深谷野禽毛羽怪
上方仙子鬚眉纖不慙弄玉騎丹鳳應逐嫦娥駕老蟾

澗草巖花自無主晚來胡蝶入疎簾

三句觀後之景四句小堂之景唐時文安尋陽平恩邵
陽永嘉永安義昌安陽諸主皆先後焉為道士築觀在外
玉真師事道士史崇元此詩中二聯較之李義山不
逢蕭何休回首莫見洪崖又拍肩之句更為語隱而意

微

趙次公曰延生觀後上小山有堂是唐玉真公主修道遺跡

青城山記曰玉真公主肅宗之姑也築室丈人觀玉真金仙二公主真容現在

石鼻城

平時戰國今何在陌上征夫自不閑北客初來試新險蜀人從此送殘山獨穿暗月朦朧裏愁渡奔河蒼茫間漸入西南風景變道邊修竹水潺潺

欽定四庫全書

御選唐宋詩醇

卷三十二

古

揮霍如意五六一聯深沈雄健景中有情蒼茫二字俱讀從上聲前人所未有此自軾詩創用唐人如韓詩讀張王為去聲白詩讀曉曉為上聲後人不審所出遂謂前賢自我作古恐不盡然耳

趙次公曰石鼻寨即武成鎮也戰國指言蜀與魏也

諸葛亮作此城以拒郝昭自北來而入蜀者至此漸入山故曰試新險自蜀來而趨京洛者至此已出山故曰送殘山自此地前往寶雞為入西南矣

病中大雪數日未嘗起觀號令趙薦以詩相屬戲用其韻答之

經旬卧齋閣終日親劑和不知雪已深但覺寒無奈飄蕭牕紙明堆壓簷板墮

自注關中皆以板為簷

風颺助凝列幃幔

困掀簾惟思近醇釀未敢窺瓈瑤何時反炎赫卻欲躬

向磨誰言坐無檀尚有裘充貨西鄰歌吹發促席寒威挫崩騰踏成逕繚繞飛入座人歡瓦先融飲雋餅屢卧

嗟予獨愁寂空室自困坷欲為後日賞恐被遊塵涴寒

欽定四庫全書

御選唐宋詩醇

卷三十二

五

更報新霽皎月懸半破有客獨苦吟清夜默自課詩人例窮蹇秀句出寒餓何當暴霜雪庶以躡郊賀和韻詩峻拔瀏利如彈丸脫手大蘇所長

歲晚相與饋問為饋歲酒食相邀呼為別歲至除

夜達旦不眠為守歲蜀之風俗如是余官於岐下歲暮思歸而不可得故為此三詩寄子由

饋歲

農功各已收歲事得相佐為歡恐無及假物不論貨山

川隨出產貧富稱小大寘盤巨鯉橫發籠雙兔卧富人
事華靡絲繡光翻座貧者愧不能微摯出春磨官居故

人少里巷佳節過亦欲舉鄉風獨唱無人和

別歲

故人適千里臨別尚遲遲人行猶可復歲行那可追問
歲安所之遠在天一涯已逐東流水赴海歸無時東鄰
酒初熟西舍彘亦肥且為一日歡慰此窮年悲勿嗟舊
歲別行與新歲辭去去勿回顧還君老與衰

欽定四庫全書

御選唐宋詩

去

即古詩所遇無故物焉得不速老意而暢言之頓挫淋
漓有對此茫茫百端文集之概

守歲

欲知垂盡歲有似赴壑蛇修鱗半已沒去意誰能遮況
欲繫其尾雖勤知奈何兒童彊不睡相守夜譁譁晨雞
且勿唱更鼓畏添過坐久燈燼落起看北斗斜明年豈
無年心事恐蹉跎努力盡今夕少年猶可誇
前六句比中六句賦結句猶可誇者非幸詞正以見去

日之苦多而盛年之不再也此與別歲一首佳處不減
魏武短歌

和子由論書

吾雖不善書曉書莫如我苟能通其意常謂不學可貌
妍容有曠璧美何妨檣端莊雜流麗剛健含婀娜好之
每自譏不謂子亦頗書成輒棄去繆被旁人裹體勢本
閑落結束入細麼子詩亦見推語重未敢荷邇來又學
射力薄愁官箭自注官箭十二把吾能十一把箭耳多好竟無成不精安

欽定四庫全書

御選唐宋詩

支

用夥何當盡屏去萬事付懶惰吾聞古書法守駿莫如
跋世俗筆苦騎衆中強嵬驟鍾張忽已遠此語與時左
論書實自道其所得端莊剛健一聯及體勢結束一聯
宛然見軾書法也中間挿入學射一段軒然波起凌厲
無前

韻語陽秋曰東坡與子由論書云吾雖不善書曉書
莫如我苟能通其意嘗謂不學可改其子叔黨跋公
書云吾先君子豈以書自名哉特以其至大至剛之

氣發於胷中而應之以手故不見其有刻画嫵媚之態而端乎章甫若有不可犯之色少年喜二王書晚乃喜顏平原故時有二王風氣俗手不知妄謂學徐浩陋矣觀此則知初未嘗規規然出於翰墨積習也

鳳翔八觀并序 錄五首

鳳翔八觀詩記可觀者八也昔司馬子長登會稽探禹穴不遠千里而李太白亦以七澤之觀至荊州二子蓋悲世悼俗自傷不見古人而欲一觀其遺蹟故

欽定四庫全書

御選唐宋詩

卷三十二

六

其勤如此鳳翔當秦蜀之交士大夫之所朝夕往來此八觀者又皆跬步可至而好事者有不能徧觀焉故作詩以告欲觀而不知者

石鼓歌

冬十二月歲辛丑我初從政見魯叟舊聞石鼓今見之文字鬱律蛟蛇走細觀初以指畫肚欲讀嗟如籀在口韓公好古生已遲我今況又百年後強尋偏傍推點畫時得一二遺八九我車既攻馬亦同其魚維鱗貫之柳

萬古斯文齊岣嶁勲勞至大不矜伐文武未遠猶忠厚欲尋年歲無甲乙豈有名字記誰某自從周衰更七國竟使秦人有九有掃除詩書誦法律投棄俎豆陳鞭杻當年何人佐祖龍上蔡公子牽黃狗登山刻石頌功烈後者無繼前無偶皆云皇帝巡四國烹滅彊暴救黔首六經既已委灰塵此鼓亦當遭擊掊傳聞九鼎淪泗上欲使萬夫沈水取暴君縱欲窮人力神物義不汙秦垢是時石鼓何處避無乃天工令鬼守興亡百變物自閑

欽定四庫全書

御選唐宋詩

卷三十二

充

富貴一朝名不朽細思物理坐歎息人生安得如汝壽
雄文健筆句奇語重氣魄與韓退之作相埒而研鍊過
之細玩通篇以冬十二月四句起以興亡百變四句結

起倣北征詩體結亦悠然不盡若韓詩起四句未免平

率結云嗚呼吾意其蹉跎又何衰颯也中間分三大段
第一段自細觀初以指畫肚至下揖冰斯同轂穀鋪敘
石鼓之文詞字蹟實是事所與韓公不同者在此故
詳述於前且正是初見時情狀古器縱橫六句詳寫石

鼓之奇古固非文字鬱律蛟蛇走一句所能盡缺月嘉
禾視韓詩鸞翔鳳翥珊瑚碧樹之詞又出一奇也漂流
百戰四句作轉軸起下二段意憶昔周宣歌鴻鴈至豈
有名字記誰某推原溯委鋪述典重自從周衰更戰國
至無乃天工令鬼守憑弔古今却以六經九鼎作陪瀾
翻無竭筆力馳驟中章法乃極嚴謹真足嗣響少陵

芑溪漁隱叢話曰韋蘇州石鼓歌云乃是宣王之臣

史籀作退之石鼓歌初不指言史籀所作永叔集古

錄云至於字畫亦非史籀不能作此蓋原蘇州之歌
而云爾蘇長公石鼓詩云憶昔周宣歌鴻鴈當時史
籀變蝌蚪亦原於蘇州也

趙次公曰先生詩後段云憶昔周宣歌鴻鴈當時史
籀變蝌蚪則石鼓之字蓋蝌蚪之變韓愈有科斗書
後記一篇云李陽冰之子服之授余以其家科斗孝
經漢衛宏官書兩部合一卷且曰古音得其據依蓋
可讀如是則退之宜識科斗書者石鼓歌乃云辭嚴

義密讀難曉字體不類隸與科而先生今詩乃能通
其六句則先生為精於字學矣歐陽集古跋尾蓋謂
韋應物以為文王之鼓韓退之以為宣王之鼓不知
何所據而然卒以退之好古不妄者為可信然未嘗
載其文至于由和先生詩乃云形雖不具意可知有
云楊柳骨鯈先生詩注云維鯈維鯉而子由云鯈
鯈豈各以所辨之字言之乎

朱彝尊曰楊用修謂從李賓之所得唐人拓本多至

七百有二字又言及見東坡之本人多惑焉攷實之
石鼓歌中云家藏舊本出梨棗楮墨輕虛不盈握拾
殘補缺能幾何以一涓埃裨海嶽夫以歐陽薛胡諸
家所見止四百餘字若賓之本有七百餘字拾殘補
缺亦已多矣賓之不應為是言也子瞻之詩曰韓公

好古生已遲我今況又百年後強尋偏旁推點畫時
得一二遺八九子由和之有云形骸偃蹇任苔蘚文
字皴剝因風雨字形漫汗隨石缺蒼蛇生角龍折股
欽定四庫全書

御選唐宋詩序

卷三十二

三

夫用修之本既得自賓之傳自子瞻是子瞻克見其
全子由亦得縱觀子瞻子由又不應為是言也

王維吳道子畫

何處訪吳畫普門與開元開元有東塔摩詰留手痕吾
觀畫品中莫如二子尊道子實雄放浩如海波翻當其
下手風雨快筆所未到氣已吞亭亭雙林間彩暈扶桑
瞰中有至人談寂滅悟者悲涕迷者手自搘蠻君鬼伯
千萬萬相排競進頭如龜摩詰本詩老佩芷襲芳孫今

觀此壁畫亦若其詩清且敦祇園弟子盡鶴骨心如死
灰不復溫門前兩叢竹雪節貫霜根交柯亂葉動無數
一一皆可尋其源吳生雖妙絕猶以畫工論摩詰得之
於象外有如仙翮謝籠樊吾觀二子皆神俊又於維也
斂衽無間言

以史遷合傳論贊之體作詩開合離奇音節疎古道子
下筆入神篇中摹寫亦不遺餘力將言吳不如王乃先
於道子極意形容正是尊題法也後稱王維只云畫如
欽定四庫全書

御選唐宋詩序

卷三十二

三

其詩而所以譽其畫筆者甚淡顧其妙在筆墨之外者
自能使人於言下領悟更不必似畫斷鑿鑿指為神品
妙品矣

許顥詩話曰老杜作曹將軍丹青引云一洗萬古凡
馬空東坡觀吳道子畫壁云筆所未到氣已吞吾不得
見其畫矣斯評也二公之句各可以當之

東湖

吾家蜀江上江水綠如藍邇來走塵土意思殊不堪况

當岐山下風物尤可憇有山禿如赭有水濁如泔不謂
郡城東數步見湖潭入門便清奧恍如夢西南泉源從
高來隨波走涵涵東去觸重阜盡為湖所貪但見蒼石
螭開口吐清甘借汝腹中過胡為目耽耽新荷弄晚涼
輕棹極幽探飄飄忘遠近偃息遺佩篆深有龜與魚淺
有螺與蚶曝晴復戲雨戢戢多於蠶浮沈無停餌倏忽
遽滿籃絲縕雖強致瑣細安足戡聞昔周道興翠鳳樓
孤嵐飛鳴飲此水照影弄綺絰自注此古飲鳳池也至今多梧桐

政事宣汝諳二句意最深厚得簡兮詩人之旨沈屈下
僚勾檢簿書無由得盡其才不得已而為湖上之遊詎
與尋踪探勝者比攷是時軾為鳳翔判官陳希亮為府
帥以屬禮待之或謁入不得見軾壯年氣盛不相下其
客位假寐作有云同僚不解事慍色見鬚鬚雖無性命
憂且復忍須臾此詩末復云予今正疎懶官長幸見玉
無聊不平時一發露於辭氣故必知其人論其世而後
可與言詩後人注詩者俱未見及此客位之作編入通
古意所就圖書已漫漶猶復訪僑鄰卷阿詩可繼此意
久已含扶風古三輔政事豈汝諳聊為湖上飲一縱醉
後談門前遠行客劫劫無留驛問胡不回首無乃趁朝
參予今正疎懶官長幸見函不辭日游再行恐歲滿三
暮歸仍倒載鐘鼓已鎗鎗

合抱如彭聃彩羽無復見上有鷗搏鷗嗟予生雖晚好
古意所就圖書已漫漶猶復訪僑鄰卷阿詩可繼此意
久已含扶風古三輔政事豈汝諳聊為湖上飲一縱醉
後談門前遠行客劫劫無留驛問胡不回首無乃趁朝
參予今正疎懶官長幸見函不辭日游再行恐歲滿三
暮歸仍倒載鐘鼓已鎗鎗

前幅寫東湖之勝而曰湖所貪曰目耽耽匪直摹景而
已入後自寫閔遊實有懷抱觀古今之意扶風古三輔

山川與城郭漠漠同一形市人與鴉鵠浩浩同一聲此
閣幾何高何人之所營側身送落日引手攀飛星當年
王中令斫木南山蘋寫真留閣下鐵面眼有稜身強八
九尺與閣兩崢嶸古人雖暴恣作事今世驚登者尚呀
喘作者何以勝曷不觀此閣其人勇且英

蒼蒼莽莽意到筆隨中間側身送落日引手攀飛星十

字奇警奪目可與老杜七星在北戶河漢聲西流相匹
敵

趙夔曰此詩用古人意而不取其字杜子美登慈恩
寺塔詩云泰山忽破碎涇渭不可求俯視但一氣焉

能辨皇州

李氏園

自注李茂貞園也今為王氏所有

朝遊北城東回首見修竹下有朱門家破牆圍古屋舉
鞭叩其戶幽響答空谷入門所見夥十步九移目異花
兼四方野鳥喧百族其西引溪水活活轉牆曲東注入
深林林深牕戶綠水光兼竹淨時有獨立鵠林中百尺
松歲久蒼鱗感豈惟此地少意恐闔中獨小橋過南圃
夾道多喬木隱如城百雉挺若舟千斛陰陰日光淡黯
黯秋氣蓄盡東為方池野鴈雜家鷺紅梨鶯合抱映島
孤雲馥春光水溶漾雪陣風翻撲其北臨長溪波聲卷
平陸北山卧可見蒼翠間磽秃我時來周覽問此誰所
築云昔李將軍負險乘衰叔抽錢算閭口但未推羹粥

當時奪民田失業安敢哭誰家美園圃藉沒不容贖此
亭破千家鬱鬱城之麓將軍竟何事蟻蟲生刀羈何嘗
載美酒來此駐車轂空使後世人聞名頸猶縮自注俗
后園蓋茂貞謂其妻也我今官正閑屢至因休沐人生營居止竟

為何人卜何當辨一身永與清景逐

敘園中景物委折詳盡自西而南而東而北一一點睛
宛似柳州小記後以感慨之情寓通曠之見令人意愜

五代史李茂貞本姓宋名文通唐僖宗間以功拜鳳

欽定四庫全書

御選唐宋詩醇
卷三十二

三

朔隴右節度使賜姓名昭宗景福元年反犯京師加

拜尚書令封岐王後唐莊宗同光二年卒

七月二十四日以久不雨出禱磻溪是日宿虢縣
二十五日晚自虢縣渡渭宿於僧舍曾閣閣故曾
氏所建也夜久不寐見壁有前縣令趙薦留名有
平陸北山卧可見蒼翠間磽秃我時來周覽問此誰所
築云昔李將軍負險乘衰叔抽錢算閭口但未推羹粥

懷其人

龕燈明滅欲三更欹枕無人夢自驚深谷留風終夜響
亂山銜月半牀明故人漸遠無消息古寺空來看姓名

欲向磻溪問姜叟僕夫屢報斗杓傾

夜色蒼涼撫景懷人想見竟夕裴回之致

二十七日自陽平至斜谷宿於南山中蟠龍寺

橫槎晚渡碧澗口騎馬夜入南山谷谷中暗水響瀧瀧
嶺上疎星明煜煜寺藏嵒底千萬仞路轉山腰三百曲
風生飢虎嘯空林月黑驚麞竄修竹入門突兀見深殿
照佛青熒有殘燭媿無酒食待游人旋斫杉松煮溪蔌
板閣獨眠驚旅枕木魚曉動隨僧粥起觀萬瓦鬱參差

日亂千巖散紅綠門前商賈負板蓆山後咫尺連巴蜀
何時歸耕江上田一夜心逐南飛鵠

顏謝以後古詩多有對偶終篇者入唐遂以有聲病者
為律無聲病者為古至於七言古體亦時一有之若少

陵之霜皮溜雨四十圍黛色參天二十尺子規夜啼山

竹裂王母畫下雲旗翻昌黎之大蛇中斷喪前王羣馬
南渡開新主何人有酒身無事誰家種竹門可欵硬語
排奡視唐初四子及元白諸家之宛然律調者不可同

日語也若其自首至尾無句不裁對無對不瑰偉絕特
則惟軾集中有之實為創格此作亦其一也其中寫景
處語刻畫而句渾成讀之可怖可喜筆力奇絕

斜谷西臨五丈原諸葛孔明所從出師也
是日至下馬磧憩於北山僧舍有閣曰懷賢南直

南望斜谷口三山如犬牙西觀五丈原鬱屈如長蛇有
懷諸葛公萬騎出漢巴吏士寂如水蕭蕭聞馬轂公才
與曹丕豈止十倍加顧瞻三輔間勢若風卷沙一朝長

星墜竟使蜀婦髽山僧豈知此一室老烟霞往事逐雲
散故山依渭斜客來空弔古清淚落悲笳

不著議論而鬱拔縱橫之氣自寓語澹味長最是高格
邵長蘅曰蕭蕭聞馬轂詩車攻篇蕭蕭馬鳴毛傳言
不謹諱也公詩用此意

三國志曰建興十二年諸葛亮悉大衆由斜谷出以
流馬運據武功五丈原與司馬仲達對於渭南分兵
屯因為久住之基耕者襍於渭濱之間而百姓安堵

軍無私焉

趙次公曰案長安志引水經注曰斜水北歷斜谷過五丈原亦謂之武功水又曰武功蓋在渭水南郿縣北是今先生禱雨於虢縣之磻溪故所經由望見郿縣之五丈原

和子由記園中草木十一首

錄五首

荒園無數敵草木動成林春陽一已敷妍醜各自矜蒲萄雖滿架困倒不能任可憐病石榴花如破紅襟葵花

欽定四庫全書

御選唐宋詩醇

卷三十二

三

雖粲粲蒂淺不勝簪叢蓼晚可喜輕紅隨秋深物生感時節此理等廢興飄零不自由盛亦非汝能

種柏待其成柏成人已老不如種叢蕙春種秋可倒陰陽不擇物美惡隨意造柏生何苦艱似亦費天巧天工巧有幾肯盡為汝耗君看藜與藿生意常草草

萱草雖微花孤秀能自拔亭亭亂葉中一一芳心挿韋牛獨何畏詰曲自牙蘖走尋荆與榛如有宿昔約南齋讀書處亂草曉如潑偏工貯秋雨歲歲壞籬落

蘆筍初似竹稍開葉如蒲方春節抱甲漸老根生鬚不受當夏綠愛此及秋枯黃葉倒風雨白花搖江湖江湖不可到移植苦勤劬安得雙野鴨飛來成畫圖

我歸自南山山翠猶在目心隨白雲去夢遼山之麓汝

從何方來笑齒粲如玉探懷出新詩秀語奪山綠覺來

已茫昧但記說秋菊有如採樵子入洞聽琴筑歸來寫

遺聲猶勝人間曲

自注八月十一日夜宿府學方和此詩夢與弟遊南山出詩數十篇夢中

甚愛之及覺唯記一
句云蟋蟀悲秋菊

欽定四庫全書

御選唐宋詩醇

卷三十二

三

前四首俱是雜寫花木隨處拈出妙諦非見道忘山者不能獲此圓通也末首則別為一調秀語奪山綠一句情味備至每於稱許轍處想見其友于式好有怡怡之樂此數詩格調柴桑淡遠修武傭殆兼擅其勝

司竹監燒葦園因名都巡檢柴貽昌左藏以其徒會獵園下

官園刈葦歲留槎深冬放火如紅霞枯槎燒盡有根在春雨一洗皆萌芽黃犧老免最狡捷賣侮百獸常矜誇

年年此厄竟不悟但愛蒙密爭來家風迴煩卷毛尾熟

欲出已被蒼鷹遮野人來言此最樂徒手曉出歸滿車

巡邊將軍在近邑呼來颯颯從矛又戍兵久閑可小試
戰鼓雖凍猶堪搗雄心欲搏南澗虎陣勢頗學常山蛇
霜乾火烈聲爆野飛走無路號且呀迎人截來砉逢箭
避犬逸去窮投且擊鮮走馬殊未厭但恐落日催樓鶴
弊旗作鼓坐數獲鞍挂雉兔肩分麌主人置酒聚狂客
紛紛醉語晚更譁燎毛燔肉不暇割飲啖直欲追羲媧

欽定四庫全書

御選唐宋詩

卷三十二

三

青丘雲夢古所咤與此何啻百倍加苦遭諫疏說夷羿
又被賦客嘲淫奢豈如閒官走山邑放曠不與趨朝衙
農工已畢歲云暮車騎雖少賓殊佳酒酣上馬去不告
獵獵霜風吹帽斜

從燒園指出物性愚迷語直而曲巡邊將軍以下十四
句以議論敘事颯颯灑灑具有聲色此段既極奇橫故
主人置酒以下更為紓徐以暢其氣結用獨孤側帽事
恰合會獵情景而役使無痕但覺有餘韻逸趣其才真

能吞若雲夢者八九其於胸中曾不芥蒂也

秀州僧本瑩靜照堂

鳥囚不忘飛馬繫嘗念馳靜中不自勝不若聽所之君
看厭事人無事乃更悲貧賤苦形勞富貴嗟神疲作堂
名靜照此語子謂誰江湖隱淪士豈無適時資老死不
自惜扁舟自娛嬉從之恐莫見況肯從我為
厭事人無事更悲說來絕倒即就起動相以証真諦之
寂然何必坐斷千崖乃得慧眼無見

欽定四庫全書

御選唐宋詩

卷三十二

三

送安惇秀才失解西歸

舊書不厭百回讀熟讀深思子自知他年名宦恐不免
今日棲遲那可追我昔家居斷還往著書不復窺園葵
竭來東遊慕人爵棄去舊學從兒嬉狂謀謬算百不遂
惟有霜鬢來如期故山松柏皆手種行且拱矣歸何時
萬事早知皆有命十年浪走寧非癡與君未可較得失
臨別惟有長嗟咨

送其失解歸而乃勉以讀書朋友切偲之義莫過於此

董遇百遍見義熟讀之謂也王筠重覽興深深思之謂也讀書之法亦莫過於此安惇初從軾遊未流乃與元祐諸賢為難當時至有童謡曰大惇小惇殃及子孫蓋大惇謂章惇小惇謂安惇也然則安惇乃正世之狂謀謬算者此詩知其他年名宦恐不免而始終以熟讀舊書為箴規固早有以窺其微矣

許彥周詩話曰古人文章不可輕易反覆熟讀加意

思索庶幾其見之東坡詩云舊書不厭百回讀熟讀

深思子自知僕嘗以此語銘座右而書諸紳也

送劉道原歸覲南康

晏嬰不滿六尺長高節萬仞陵首陽青衫白髮不自歎富貴在天那得忙十年閉戶樂幽獨百金購書收散亡謁來東觀弄丹墨聊借舊史誅姦強孔融不肯下曹操汲黯本自輕張湯雖無尺筆與寸刀口吻排擊含風霜自言靜中閑世俗有似不飲觀酒狂衣巾狼籍又屢舞傍人大笑供千觴交朋翩翩去略盡惟我與子猶彷徨

世人共棄君獨厚豈敢自愛恐子傷朝來告別驚何速歸意已逐征鴻翔匡廬先生古君子桂冠兩紀鬢未蒼定將文度置膝上喜動鄰里烹猪羊君歸為我道名姓幅巾他日容登堂

謂恕借舊史以誅姦強即是軾借舊史以刺執政恕乃剛直者詩固不嫌明日張膽而道之至於恕歸而匡廬色喜言外有直道難容之歎匪直幸其無恙遄歸也

按恕為渙之子治平間司馬光編纂資治通鑑薦恕為

局僚詩內所指舊史者此也匡廬先生則指其父渙言

之

施元之曰劉道原名恕筠州人介甫執政道原在館閣欲引真條例司固辭是時介甫權震天下人不敢忤而道原憤憤欲與之較又條陳所更法令不合衆心者至面刺其過介甫怒變色道原不以為意或獨人廣座對其門生誦言得失無所避遂與之絕此詩端為介甫而發以孔融汲黯比道原曹操張湯况介

甫又云壁無尺筆與寸口吻其辭含風霜益著其西折之實也

次韻張安道讀杜詩

大雅初微缺流風困暴豪張為詞客賦變作楚臣騷展轉更崩壞紛綸闊俊髦地偏蕃怪產源失亂狂濤粉黛迷真色魚鰣易豢牢誰知杜陵傑名與謫仙高掃地收

千軌爭標看兩艘詩人例窮苦天意遣奔逃塵暗人亡

鹿溟驪帝斬鼈艱危思李牧述作謝王襄失意各千里

哀鳴聞九臯騎鯨遁滄海捋虎得綈袍巨筆屠龍手微官似馬曹迂疎無事業醉飽死游遨簡牘儀刑在兒童

篆刻勞今誰主文字公合抱旌旄開卷遙相憶知音兩不遭般斤思郢質鯢化陋僞濠恨我無佳句時蒙致白醪殷勤理黃菊未遣沒蓬蒿

初讀之但覺鋪敘排比詞氣不減少陵耳詳味其詞乃

見下筆矜慎之至蓋題是次張安道韻則先有張詩在意中非泛然為少陵作贊頌也地偏四句但將從來詩

道之敝廣譬曲喻轉入杜陵只用傑字一言之褒而其起承式靡立極千古者已意無不盡此下只是嘅其遭際更不論詩即軾平日所云發於情止於忠孝者亦不一及又俱借謫仙為陪以與下開卷知音一聯情事相映合結仍用比喻以應前文大含元氣細入無間其一次韻天然又不過汗漫之餘技矣

傅堯俞濟源草堂

微官共有田園興老罷方尋隱退廬裁種成陰十年事

倉皇欲買百金無先生卜築臨清濟喬木如今似畫圖

鄰里亦知偏愛竹春來相與護龍雛

堯俞本鄆州須城人徙居孟州濟源嘗有讀書詩云吾屋雖誼界頗不甚蕪穢置席屋中間坐卧羣書內觀此則知詩稱畫圖良非虛譽

潁州初別子由二首

征帆挂西風別淚滴清潁留連知無益惜此須臾景我生三度別此別尤酸冷念子似先君木訥剛且靜寡辭

真吉人介石乃機警至今天下士去莫如子猛嗟我久

病狂意行無坎井有如醉且墜幸未傷輒醒從今得閑暇默坐消日永作詩解子憂持用日三省

近別不改容遠別涕沾胸咫尺不相見實與千里同人生無離別誰知恩愛重始我來宛丘牽衣舞兒童便知有此恨留我過秋風秋風亦已過別恨終無窮問我何

年歸我言歲在東離合既循環憂喜迭相攻語此長太

息我生如飛蓬多憂髮早白不見六一翁

前首留連知無益惜此須臾景即李陵長當從此別且復立斯須之意用作發端語覺悲愴切至更為過之後首本是直抒胸臆讀之乃覺中心蕪結之至者此漢魏人絕調也

烏臺詩案曰此詩云至今天下士去莫如子猛為弟轍曾差在制置三司條例司充檢詳文字爭議新法不合而罷既美弟轍去之果決則意亦是譏新法不便也

施元之曰神宗青苗法既行子由度不能救以書抵介甫指陳其決不可者且請補外介甫大怒將加以罪同列止之除河南推官會張安道知陳州辟為教授東坡是時亦以論新法為介甫所嫉通判杭州出都來陳子由送至潁且同謁歐陽公而別蓋熙寧四年也

歐陽少師令賦所蓄石屏

何人遺公石屏風上有水墨希微蹤不畫長林與巨植

獨畫峨眉山西雪嶺上萬歲不長之孤松崖崩澗絕可望不可到孤烟落日相溟濛含風偃蹇得真態刻畫始信天有工我恐畢宏韋偃死葬號山下骨可朽爛心難窮神機巧思無所發化為烟霏淪石中古來畫師非俗士摹寫物象略與詩人同願公作詩慰不遇無使二子含憤泣幽宮

長句磊砢筆力如虬松盤屈真可匹敵杜陵

御選唐宋詩醇卷三十二



總校官庶吉士臣張能照
校對官助教臣羅萬選
謄錄貢生臣郭坦

欽定四庫全書叢要

集部

御選唐宋詩醇卷三十三

眉山蘇軾詩二

目錄

十月二日將至渦口五里所遇風留宿

出潁口初見淮山是日至壽州

壽陽岸下

泗州僧伽塔

欽定四庫全書

御選唐宋詩醇
卷三十三目錄

龜山

十月十六日記所見

游金山寺

自金山放船至焦山

甘露寺

臘日遊孤山訪惠勤惠思二僧

戲子由

越州張中舍壽樂堂

詳校官原任主事
員李斯咏

雨中遊天竺靈感觀音院

錄三首

六月二十七日望湖樓醉書五首

錄三首

七月一日出城舟中苦熱

宿臨安淨土寺

自淨土步至功臣寺

遊徑山

夜泛西湖五絕

監試呈諸試官

欽定四庫全書

御選唐宋詩醇
卷三十三目錄

二

望海樓晚景五絕

錄三首

試院煎茶

孫莘老求墨妙亭詩

催試官考較戲作

秋懷二首

梵天寺見僧守誼小詩清遠可愛次韻

次韻孔文仲推官見贈

湯村開運鹽河雨中督役

是日宿水陸寺寄北山清順僧二首

錄一首

朱壽昌郎中少不知母所在刺血寫經求之五十

年去歲得之蜀中以詩賀之

和致仕張郎中春畫

畫魚歌

遊道場山何山

贈孫莘老七絕

錄三首

王復秀才所居雙檣二首

錄一首

欽定四庫全書

御選唐宋詩醇
卷三十三目錄

三

法惠寺橫翠閣

風水洞二首和節推

錄一首

自普照遊二菴

新城道中二首

錄一首

於潛女

僧清順新作垂雲亭

會客有美堂周邠長官與數僧同泛湖往北山湖

中聞堂上歌笑聲以詩見寄因和二首時周有服

欽定四庫全書
舊要卷一萬九千三百五十七集部

御選唐宋詩醇卷三十三

眉山蘇軾詩二

十月二日將至渦口五里所遇風留宿

長淮久無風，故意弄清快。
今朝雪浪滿，始覺平野隘。
兩山控吾前，吞吐久不置。
孤舟繫桑本，終夜舞澎湃。
舟人更傳呼，弱纜恃官崩。
平生傲憂患，久矣恬百怪。
鬼神欺吾窮，戲我聊一噫。
舟中尚有酒，信命誰能戒。

欽定四庫全書

御選唐宋詩醇
卷三十三

刻畫山水如謝公而去其棘澁

出潁口初見淮山是日至壽州

我行日夜向江海，楓葉蘆花秋興長。
長淮忽迷天遠近，青山久與船低昂。
壽州已見白石塔，短棹未轉黃茆岡。
波平風軟望不到，故人久立烟蒼茫。

宛是拘體律詩別饒古趣

施元之曰東坡嘗縱筆書此詩且題云予年三十六
赴杭倅過壽作此詩今五十九南遷至虔烟雨淒然

頗有當年氣象也

壽陽岸下

街東街西翠幙成池南池北綠錢生幽人獨來帶殘酒

偶聽黃鸝第一聲

泗州僧伽塔

我昔南行舟繫汴逆風三日沙吹面舟人共勸禱靈塔
香火未收旗脚轉回頭項刻失長橋卻到龜山未朝飯

至人無心何厚薄我自懷私欣所便耕田欲雨刈欲晴

欽定四庫全書

御選唐宋詩醇

卷三十三

二

去得順風來者怨若使人人禱輒遂造物應須日千變
我今身世兩悠悠去無所逐來無戀得行固願留不惡
每到有求神亦倦退之舊云三百尺澄觀所營今已換
不嫌俗士汙丹梯一看雲山遶淮甸

至理奇文只是眼前景物口頭語透闢無碍是廣長舌
潛溪詩眼曰句法之學自是一家工夫昔嘗問山谷
耕田欲雨刈欲晴去得順風來者怨山谷云不如干
巖無人萬壑靜十步回頭五步坐此專論句法不論

義理蓋七言詩四字三字作兩節也此句法出黃庭
經自上有黃庭下闋元已下多此體張平子四愁詩
句句如此

困學紀聞曰劉夢得何卜賦云同涉於川其時在風
汎者之吉汎者之凶同葬於野其時在澤伊種之利
乃桂之厄東坡詩耕田欲雨刈欲晴去得順風來者
怨本此意

容齋四筆曰俚語笑林謂兩商人入神廟其一陸行

欽定四庫全書

御選唐宋詩醇

卷三十三

三

欲晴許賽以猪頭其一水行欲雨許賽以羊頭神顧
小鬼言晴乾喫猪頭雨落喫羊頭有何不可坡詩云
若使人人禱輒應造物應須日千變此意未易為庸
俗道也

志林曰泗州大聖僧伽傳云和尚何國人也又世云
莫知其所從來云不知何國人也近讀隋書西域傳
乃有何國余在惠州忽被命責僉耳太守方子容自
擣告身來且語余曰此固前定無可恨吾妻沈素事

僧伽謹甚一夕夢和尚告別沈問所往答曰當與蘇子瞻同行後七十二日當有命今適七十二日矣豈非前定乎予以為事之前定者不待夢而知然予何人也而和尚辱與同行得非夙世有少緣契乎

龜山

我生飄蕩去何求再過龜山歲五周身行萬里半天下僧卧一菴初白頭地隔中原勞北望潮連滄海欲東游元嘉舊事無人記故壘推頽今在不

自注宋文帝遣將拒魏太武築城此

山

欽定四庫全書

御選唐宋詩

卷三十三

四

惟有主人言可用天寒欲雪飲此觴

遊金山寺

萬里句濶遠一菴句靜閒妙作對偶熙寧甲寅軾自倅移知密州至元豐己未移知湖州故云再過龜山歲五周結寓感嘆以見兵戎事往并故壘亦不復存不獨無人記憶已也

明道雜記曰蘇公詩云身行萬里半天下僧卧一菴初白頭黃九云初日頭問其義但云若此僧負暄於初日耳余不然黃甚不平曰豈有用白對天乎余異

日問蘇公公曰若是黃九要改作日頭也不奈何他十月十六日記所見

風高月暗雲水黃淮陰夜發朝山陽山陽曉霧如細雨炯炯初日寒無光雲收霧卷已亭午有風北來寒欲僵忽驚飛電穿戶牖迅駛不復容遮市人顛沛百賈亂疾雷一聲如頽牆使君來呼晚置酒坐定已復日照廊悅疑所見皆夢寐百里變怪旋消亡共言蛟龍厭舊穴魚鼈隨徙空陂塘愚儒無知守章句論說黑白推何祥

欽定四庫全書

御選唐宋詩

卷三十三

五

我家江水初發源宦遊直送江入海聞道潮頭一丈高天寒尚有沙痕在中冷南畔石盤陀古來出沒隨濤波試登絕頂望鄉國江南江北青山多羈愁畏晚尋歸楫山僧苦留看落日微風萬頃蘚文細斷霞半空魚尾赤是時江月初生魄二更月落天深黑江心似有炬火明飛焰照山棲鳥驚張然歸卧心莫識非鬼非人竟何物

自注是夜所見如此江山如此不歸山江神見怪驚我頑我謝江

神豈得已有田不歸如江水

一往作縹緲之音覺自來賦金山者極意著題正無從得此遠韻起二句將萬里程半生事一筆道盡恰好由岷山導江至此處海門歸宿為入題之語中間望鄉國句故作羈望語以環應首尾後思及江神見怪而終之以歸田矜奇之語見道之言想見登眺徘徊俯視一切

自金山放船至焦山

欽定四庫全書

御選唐宋詩醇

卷三十三

六

金山樓觀何耽耽撞鐘擊鼓聞淮南焦山何有有修竹採薪汲水僧兩三雲霾浪打人迹絕時有沙戶祈春蠶自注吳人謂水中可田者為沙我來金山更留宿而此不到心懷慙同遊盡返決獨往賦命窮薄輕江潭清晨無風浪自湧中流歌嘯倚半酣老僧下山驚客至迎笑喜作巴人談自注焦山長老中江人也自言久客忘鄉井只有彌勒為同龕困眠得就紙帳暖飽食未厭山蔬甘山林饑卧古亦有無田不退寧非貪展禽雖未三見黜叔夜自知七不堪行當投

勸謝簪組為我佳處留茆菴

金山作已極登高望遠之勝故焦山作只寫見聞歌嘯之景彼以雄放稱竒此以閑寂入妙結處無田不退寧非貪則又為前篇有田不歸如江水之句進一解矣

甘露寺

自注欲遊甘露寺有二客相遇遂與偕行寺有石如羊相傳謂之很石云諸葛亮孔明坐其上與孫仲謀論曹公也大鐵鑊二案銘梁武帝所鑄畫師子一菩薩二陸探微筆衛公所留祠堂在寺宇植柏合抱矣近寺僧發古殿基得舍利七粒并石記乃衛公為穆宗皇帝造福所葬者也

欽定四庫全書

御選唐宋詩醇

卷三十三

七

江山豈不好獨遊情易闊但有相攜人何必素所歡我欲訪甘露當途無間官二子舊不識欣然肯聯鞍古郡山為城層梯轉朱欄樓臺斷崖上地窄天水寬一覽吞數州山長江漫漫卻望大明寺惟見烟中竿很石卧庭下穹隆如伏羱緬懷卧龍公挾策事瑣鑽一談收獮子再說走老瞞名高有餘想事往無留觀蕭公古鐵鑊相對空團團陂陁受百斛積雨生微瀾泗水逸周鼎渭城辭漢盤山川失故態怪此能獨完僧繇六化人覓衣挂

冰紈隱見十二疊觀者疑夸謾破板陸生畫青猊戲盤
跚上有二天人揮手如翔鸞筆墨雖欲盡典刑垂不刊
赫赫贊皇公英姿凜以寒古柏手親種挺然誰敢干枝
撐雲峰裂根入石窟蟠雜草得斷碑斬崖出金棺瘞藏
豈不牢見伏理可歎四雄皆龍虎遺迹儼未利方其盛
壯時爭奪肯少安廢興屬造物遷逝誰控搏況彼妄庸
子而欲事所難古今共一軌後世徒辛酸聊興廣武歎
不待雍門彈

就寺中所見器物撫時懷古每事各為段落而感慨深
情別有規連矩洩之妙

志林曰昔先友史經臣彥輔謂余阮籍登廣武而嘆
曰時無英雄使豎子成其名豈謂沛公豎子乎余曰
非也傷時無劉項也豎子指魏晉間人耳其後余遊
潤州甘露寺寺有孔明孫權梁武李德裕之遺跡余
感之賦詩則猶此意也嗣宗雖放蕩本有意於世以
魏晉間多故故一放於酒何至以沛公為豎子乎

玉壺清詰曰潤州甘露寺熙寧四年春江中漁者見
神光累夕起於溷廁間一旦其廁無故自圯長老應
夫再營之方築基墾土去地數尺一礎覆土中刻曰
有唐太和三年正月二十四日於上元縣禪衆寺舊
塔基下獲舍利石函以其年二月十五日重瘞藏於
丹徒縣甘露寺東塔下金棺一銀槨一錦襍九重皆
余之施也余創甘露寺寶刹重瘞舍利以資穆皇之
冥福也江浙西道觀察等使兼潤州刺史李德裕記

臘日遊孤山訪惠勤惠思二僧

天欲雪雲滿湖樓臺明滅山有無水清出石魚可數林
深無人鳥相呼臘日不歸對妻子名尋道人實自娛道
人之居在何許寶雲山前路盤紜孤山孤絕誰肯廬道
人有道山不孤紙牕竹屋深自暖擁褐坐睡依團蒲天
寒路遠愁僕夫整駕催歸及未晡出山迴望雲木合但
見野鶴盤浮圖茲遊淡薄歡有餘到家悅如夢蘧蘧作
詩火急追亡逋清景一失後難摹

結句清景二字一篇之大旨雲雪樓臺遠望之景水清
林深近接之景未至其居見盤紜之路既造其屋有
坐睡之蒲團至於僕夫整駕迴望雲山寒日將晡宛焉
入畫野鶴句於分明處寫出迷離正與起五句相對照
語語清景亦語語自娛而道人有道之處已於言外得
之栩栩欲仙何必滌筆於冰甌雪椀

蘇長公外紀曰惠勤惠思者皆居孤山子瞻以臘日
訪之作詩此詩惟拏遽二韻艱澀而公三叠之原韻

拏字乃東方朔臘日早歸之事
施元之曰惠勤餘杭人東坡通守錢塘見歐陽文忠
公於汝陰而南公曰西湖僧惠勤甚文而長於詩子
求人於湖山間而不可得則往從勤乎東坡到官三
日訪勤於孤山之下遂賦此詩

戲子由

宛丘先生長如丘宛丘學舍小如舟常時低頭誦經史
忽然欠伸屋打頭斜風吹帷雨注面先生不愧旁人羞

任從飽死笑方朔肯為雨立求秦優眼前勃溪何足道
處置六鑿須天游讀書萬卷不讀律致君堯舜知無術
勸農冠蓋鬧如雲送老虀鹽甘似蜜門前萬事不挂眼
頭雖長低氣不屈餘杭別駕無功勞畫堂五丈容旛旄
重樓跨空雨聲遠屋多人少風騷騷平生所慙今不恥
坐對疲氓更鞭箠道逢陽虎呼與言心知其非口諾唯
居高志下真何益氣節消縮今無幾文章小技安足程
先生別駕舊齊名如今衰老俱無用付與時人分重輕

前後平列兩段末以四句作結宛丘低頭讀書而有昂
藏磊落之氣別駕畫堂高坐而有氣節消縮之嫌其所
齊名並驅者獨文章耳而文章固無用也中間以畫堂
五丈容旛旄對宛丘學舍小如舟以重樓跨空雨聲遠
對斜風吹帷雨注面以平生所慚今不恥對先生不愧
傍人羞以坐對疲氓更鞭箠對門前萬事不挂眼以居
高志下真何益對頭雖長低氣不屈故作喧寂相反之
勢不獨氣節消縮者難云自適即安坐誦讀者豈云得

時文則跌宕昭彰情則歡歎悒鬱

烏臺詩案曰任從飽死笑方朔肯為雨立求秦優意

取東方朔傳侏儒飽欲死及滑稽傳優旃謂陸楣郎

汝雖長何益乃雨立我雖短幸休居言弟家貧官卑

而身材長大所以比東方朔陞楣郎而以當今進用

之人比侏儒優旃也讀書萬卷不讀律致君堯舜知

無術是時新興律學軾意非之以為法律不足以致

君於堯舜今時又專學法律而忘詩書故言我讀萬

卷書不讀法律蓋聞法律之中無致君堯舜之術也

勸農冠蓋闊如雲送老蘿蔭甘似蜜以譏新差提舉

官所至苛細生事發摘官吏惟學官無吏責也第轍

為學官故有是句生平所慙今不恥坐對疲氓更鞭

箠是時多徒配犯鹽之人例皆饑貧言鞭垂此等貧

民軾生平所慚今不復恥矣以譏諷鹽法太急也道

逢陽虎呼與言心知其非口諾唯是時張靚俞希旦

作鹽司意不喜其為人然不敢與爭議故毀詆之為

陽虎也

越州張中舍壽樂堂

青山偃蹇如高人常時不肯入官府高人自與山有素

不待招邀滿庭戶卧龍蟠屈半東州萬室鱗鱗枕其股

背之下見與無同狐裘反衣無乃魯張君眼力觀天與

能遣荆棘化堂宇持頤宴坐不出門收攬奇秀得十五

才多事少厭閑寂卧看雲烟變風雨筍如玉筋椹如簪

強飲且為山作主不憂兒輩知此樂但恐造物怪多取

春濃睡足午牕明想見新茶如潑乳

句句奇闢軾每以人事喻景物筆端出奇無窮真乃仁

智之性共山水効深矣

雨中遊天竺靈感觀音院

蠶欲老麥半黃前山後山雨浪浪農夫輶耒女廢筐白

衣仙人在高堂

如古謠誨精悍道古考天竺觀音祈禱晴雨見於史

者始自高宗紹興然張去華禱雨之事已始自咸平初

靈感之額則賜於治平此詩輒未廢匡之詞似含嘲諷

集中有杭州禱觀音祈晴祝文蓋自熙寧間習俗盛行矣

咸淳臨安志曰後晉天福四年僧道翊結廬山中夜有光就地視得奇木命孔仁謙刻觀音像會僧煮從

洛陽持古佛舍利來因納之頂間妙相具足錢忠懿

王夢白衣人求治其居王感悟乃即其地創佛廬號

天竺看經院咸平初郡守張去華以旱迎大士至梵

天寺致禱即日雨自是遇水旱必謁焉

六月二十七日望湖樓醉書五首

錄三首

黑雲翻墨未遮山白雨跳珠亂入船卷地風來忽吹散望湖樓下水如天

放生魚鼈逐人來無主荷花到處開水枕能令山俯仰風船解與月乘回

獻花游女木蘭橈細雨斜風濕翠翹無限芳洲生杜若吳兒不識楚辭招

七月一日出城舟中苦熱

涼飈呼不來流汗方被體稀星乍明滅暗水光瀾瀾香風過蓮芡驚枕裂鮎鯉欠伸宿酒餘起坐濯清泚火雲勢方壯未受月露洗身微欲安適坐待東方啟

驚枕裂鮎鯉五字警絕筆端有風冷然

宿臨安淨土寺

雞鳴發餘杭到寺已亭午參禪固未暇飽食良先務平生睡不足急掃清風宇閉門羣動息香篆起烟縷覺來

烹石泉紫筍發輕乳晚涼沐浴罷衰髮稀可數浩歌出

門去暮色入村塢微月半隱山圓荷爭瀉露相攜石橋

上夜與故人語明朝入山房石鏡炯當路昔照熊虎姿今為猿鳥顧廢興何足弔萬世一仰俯

別有一種清腴幽異之趣無心刻琢自造玄微

自淨土步至功臣寺

落日岸葛巾晚風吹羽扇松間野步穩竹外飛橋轉神功鑿橫嶺巖石得巨片直度千人溝下有微流泣岡巒

蔚回合金碧爛明絢緬懷異姓王負擔此鄉縣長逢跨
下辱屢乞桑間飯誰謂山石頑識此希世彥凜然英氣
逼屹起猶聳戰他年萬騎歸父老恣歡宴錦繡被原野
金珠散貧賤竇融既入朝吳芮空記面榮華坐銷歇閱
世如郵傳惟有長明燈依然照金殿

寫步至之景琢句近六朝人風骨後幅即事寄慨正以
不橫使議論為高

五代史曰錢鏗字具美杭州臨安人也以販鹽為盜

欽定四庫全書

御選唐宋詩

卷三十三

七

天復二年封越王昭宗詔圖形凌烟閣升衣錦營為
衣錦城石鑑山曰衣錦山大官山曰功臣山鏘遊衣
錦城宴故老山林皆覆以錦梁太祖即位封吳越王
兼淮南節度使作還鄉歌曰三節還鄉兮挂錦衣父
老遠來相追隨牛斗無字人無欺吳越一王駟馬歸

遊徑山

衆峰來自天目山勢若駿馬奔平川中途勒破千里足
金鞭玉輶相回旋人言山住水亦住下有萬古蛟龍淵

道人天眼識王氣結茆宴坐荒山巔精誠貫山石為裂
天女下試顏如蓮寒牕暖足來朴朔夜鉢呪水降蜿蜒
雪眉老人朝叩門願為弟子長參禪爾來廢興三百載
奔走吳會輸金錢飛樓湧殿壓山破朝鐘暮鼓驚龍眠
晴空偶見浮海蜃落日下數投村鳶有生共處覆載內
擾擾膏火同烹煎近來愈覺世議隘每到寬處差安便
嗟余老矣百事廢卻尋舊學心茫然問龍乞水歸洗眼
欲看細字銷殘年自注龍井水洗病眼有效

欽定四庫全書

御選唐宋詩

卷三十三

七

只是敘述徑山事奇文崛起紙上如有金碧照耀躡杜
陵之高蹤導渭南之先路

烏臺詩案曰熙寧六年遊徑山留題云近來愈覺世
議隘以譏近日進用之人多是刻薄議論偏隘不少
容人過失故見山中寬閒之處為樂也

徑山山門事狀曰徑山乃天目東北峰也中有徑路
以通天目故謂之徑山有大師諱法欽吳郡崑山人
初隱此山有素衣老人前致拜曰我龍也自師到此

吾屬五百皆不安息我將挈歸天目願捨此地為師
立錫之所師許之乃請師登山絕頂入五峰之間中
有大湫指謂師曰吾家若去此湫當漲留一穴水慎
勿堙之我將時至衛師焉今此一穴尚存謂之龍井
永泰中師坐石屏下見白衣儒士拜於前自言是天
目巾子山人也長安佛法有難聞師道行高邈願度
為沙彌往救師曰汝有何術曰我謂俱胝觀音呪功力
無比師欲驗之乃曰吾坐後石屏汝能呪之令破
欽定四庫全書
御選唐宋詩鵠
卷三十三
六

否曰可遂叱之石屏裂為三片今謂之喝石巖師知
神異為雜髮給衣賜名惠崇至京師與術士競惠崇
告勝云

告勝云

夜泛西湖五絕

新月生魄迹未安纔破五六漸盤桓今夜吐艷如半璧
遊人得向三更看

三更向闌月漸垂欲落未落景特奇明朝人事誰料得
看到蒼龍西沒時

蒼龍已沒牛斗橫東方芒角昇長庚漁人收筒及未曉
船過惟有菰蒲聲自注湖上禁漁皆盜釣者也

菰蒲無邊水茫茫荷花夜開風露香漸見燈明出遠寺
更待月黑看湖光

湖光非鬼亦非仙風恬浪靜光滿川須臾兩兩入寺去
就視不見空茫然

五絕蟬聯而下體製從三百篇出清蒼突兀三四兩作
寫景之妙尤為脫盡恒蹊昔陳思贈白馬王彪詩苑

巵言謂其體全倣大雅文王之什至謝康樂登臨海嶠
四章文選直合為一首注亦更不分其一其二若此詩
亦必作一首讀乃見其妙耳

監試呈諸試官

我本山中人寒苦盜寸廩文詞雖少作勉強非天稟既
得旋廢忘懶惰今十稔麻衣如再著墨水真可飲每聞
科詔下白汗如流瀨此邦東南會多士敢題品芻蕘盡
蘭蓀香不數葵荏貧家見珠貝眩晃自難審緬懷嘉祐

初文格變已甚千金碎全璧百衲收寸錦調和椒桂釅
咀嚼沙礲碌廣眉成半額學步歸踔踰時老宗伯氣
壓羣兒凜蛟龍不世出魚鮒初驚滌至音久乃信知味
猶食椹至今天下士微管幾左社謂當千載後石室祠
高朕爾來又一變此學初誰諗權衡破舊法芻豢笑凡
飪高言追衛樂篆刻鄙曹沈先生周孔出弟子淵騫寢
卻顧老鈍軀頑朴謝鐫鏤諸君况才傑容我懶且噤聊
欲廢書眠秋濤春午枕

欽定四庫全書

御選唐宋詩醇

卷三十三

欽定四庫全書

御選唐宋詩醇

卷三十三

熙寧五年軾在杭州通判任是年科場監試故有呈試
官及試院諸詩此其第一作也以自述起以自述終中
間極論文章之變嘉祐出軋之習文變而弊得歐陽為
之力返於古逮王安石一變科舉之法是又變而之衰
之候矣括以二言曰先生周孔出弟子淵騫寢而自傷
老鈍無與迴瀾豈惟論文實以慨世

趙次公曰衛玠樂廣言其時尚虛無之學也曹植沈
約言時以詩賦為篆刻而不用也

石林詩話日至和嘉祐間鳩屋舉子為文尚奇溢讀
或不能成句歐陽文忠公力欲革其弊既知貢舉凡
文涉彫刻者皆黜之時范景仁王禹玉梅公儀等同
事而梅聖俞為參詳官及放榜平時有聲如劉輝輩
皆不預選士論頗洶洶然是榜得蘇子瞻為第二人
子由與曾子固皆在選中不可謂不得人矣

邵長蘅曰先生以嘉祐六年辛丑中制科入第三等
至熙寧五年壬子在杭州監試蓋十二年矣今十稔

舉成數云

望海樓晚景五絕

錄三首

海上濤頭一線來樓前指顧雪成堆從今潮上君須上
更看銀山二十四

橫風吹雨入樓斜壯觀應須好句誇雨過潮平江海碧
電光時掣紫金蛇

青山斷處塔層層隔㟁人家喚欲鷺江上秋風晚來急

為傳鐘鼓到西興

試院煎茶

蟹眼已過魚眼生，颶颶欲作松風鳴。
蒙茸出磨細珠落，眩轉遶甌飛雪輕。

自注古語云
煎水不煎茶君不見昔時李生好客手自煎，貴從活火

發新泉。又不見今時潞公煎茶學西蜀，定州花瓷琢紅玉。
我今負病常苦飢，分無玉盃捧蛾眉。且學公家作茗飲，
墮爐石銚行相隨。不用撐腸挂腹文字五千卷，但願一甌常及睡足日高時。

欽定四庫全書

御選唐宋詩醇

三

獨寫煎茶妙處於集中，諸詠茶詩別出一奇語。不必深而精采，自露此與汲江一篇在古近體中，各推絕唱。

任居實曰：蔡君謨作茶辨，辨水泉煮飲等極為詳備。有蟹眼魚眼用湯之法。茶經云：凡候湯有三沸。如魚眼微有聲為一沸，四向如湧泉連珠為第二沸，騰波鼓浪為三沸，則湯老。

趙次公曰：銀餅瀉湯誇第二，此乃是尋常點茶時先略傾餅中湯，方點謂之第二湯也。

孫莘老求墨妙亭詩

蘭亭璽紙入昭陵，世間遺跡猶龍騰。
顏公變法出新意，細筋入骨如秋鷹。

嶧山傳刻典刑在，千載筆法留陽冰。
杜陵評書貴瘦硬，此論未公吾不憑。
短長肥瘦各有態，玉環飛燕誰敢憎。

吳興太守真好古，購買斷缺揮縑繒。
龜趺入坐螭隱壁，空齋畫靜聞登登。
奇蹤散出走吳越，勝事傳說誇友朋。
書來乞詩要自寫，為把栗尾書溪藤。
後來視今猶視昔，書來乞詩要自寫。

欽定四庫全書

御選唐宋詩醇

三

過眼百世如風燈，他年劉郎憶賀監。
還道同時須服膺，軾論書大旨不外。
前和子由作所云端莊雜流麗，剛健含婀娜。
二語故每不取少陵瘦硬通神之說。此詩就亭中所列李顔二徐諸刻加之評論。軾之書其源出於顔徐詩中細筋入骨如秋鷹及字外出力中藏稜二句，非惟道古乃其自道，蓋直以金針度與人矣。

復齋漫錄曰：山谷次韻子瞻和子由觀韓幹馬因論伯時畫天馬云：曹霸弟子沙苑丞喜作肥馬，人笑之。

李侯論幹獨不爾妙畫骨相遺毛皮翰林評書乃如此賤肥貴瘦渠未知蓋謂東坡嘗作孫莘老墨妙亭詩云杜陵評詩貴瘦硬此論未公吾不憑短長肥瘦各有態玉環飛燕誰敢憎意屬此也

軾墨妙亭記曰熙寧四年十二月高郵縣孫莘老自

廣德移守吳興其明年二月作墨妙亭於府第之北

逍遙堂之東取凡境內自漢以來古文遺刻以實之

當是時朝廷方更化立法使者旁午以為莘老當日

苦熱念西風常恐來無時及茲遂淒凜又作徂年悲蟋

蟀鳴我牀黃葉投我幃牕前有棲鷗夜嘯如狐狸露冷

益喜賓客賦詩飲酒為樂又以其餘暇網羅遺逸得

前人賦詠數百篇為吳興新集其刻畫尚存而僵仆

斷缺於荒陂野草之間者又皆集於此亭是歲十二

月余以事至湖周覽嘆息而莘老求文為記

催試官考較戲作

八月十五夜月色隨處好不擇茅簷與市樓況我官居

似蓬島鳳味堂前野橘香劍潭橋畔秋荷老八月十八

潮壯觀天下無鵠鵬水擊三千里組練長驅十萬夫紅旗青蓋互明滅黑沙白浪相吞屠人生會合古難必此景此行那兩得願君聞此添蠟燭門外白袍如立鶴

寫月高朗寫潮雄奇鵠鵬組練二語可括枚乘七發觀

濤一篇

秋懷二首

梧葉脫孤眠無安枝熠燿亦有偶高屋飛相追定知無幾見迫此清霜期物化逝不留我興為嗟咨便當勤秉燭為樂戒暮遲

海風東南來吹盡三日雨空堦有餘滴似與幽人語念

我平生歡寂寞守環堵壺漿慰作勞裏飯救寒苦今年

秋應熟過從飽雞黍嗟我獨何求萬里涉江浦居貧豈

無食自不安畝畝念此坐達晨殘燈翳復吐

前作感愴後作乃導以冲和起乎悲止乎樂蓋猶是優

游卒歲之旨

梵天寺見僧守詮小詩清遠可愛次韻

但聞烟外鐘不見烟中寺
幽人行未已草露濕芒屨
惟應山頭月夜夜照來去

峭蒨高潔韋柳遺音

竹坡詩詣曰余讀東坡和梵天寺僧守詮詩嘗喜其清絕過人晚遊錢塘始得詮詩云落日寒蟬鳴獨歸林下寺柴扉夜未掩片月隨行屨時聞犬吠聲更入

青蘿去乃知其幽深清遠自有林下一種風流東坡雖欲回三峽倒流之瀾與溪壑爭流終不近也湖壩雜記曰梵天寺石幢高建皆鐫吳越名號其寺之伽藍乃東坡也禪家取東坡溪聲便是廣長舌山色不離清淨身二語以為見道不若其題梵天五古色相俱空已臻上乘其成佛當不在靈運下也矧伽藍乎

冷齋夜話曰東吳僧惠詮佯狂垢污而詩語清婉嘗

書一詩於湖上山寺壁東坡一見為和其後詮竟以此詩知名

次韻孔文仲推官見贈

我本麋鹿性諒非伏轡姿君如汗血馬作駒已權奇齊驅大道中並帶鑾驥馳聞聲自決驟那復受繫維謂君

朝發燕秣楚日未歇云何中道止連蹇驢驛隨金鞍冒翠錦玉勒垂青絲旁觀信美矣自揣良厭之均為人所勞何必陋鹽輜君看立仗馬不敢鳴且窺調習困鞭箠

僅存骨與皮人生各有志此論我久持他人聞定笑聊

與吾子期空階卧積雨病骨煩撐支秋草上垣牆霜葉鳴堦墀門前自無客敢作揚雄麾候吏報君來弭節江之渭一對高人談稍忘俗吏界今朝枉詩句粲如鳳來儀上山絕梯磴墮海迷津涯憐我枯槁質借潤生華滋豈效世俗人洗刮求瘢痕賢明日登上清廟歌緝熙胡不學長卿預作封禪詞

起處八句以我與君並說為雙提之勢謂君朝發燕以

下言孔也空堦卧積雨以下自言也而中以人生各有
志四句聯絡上下纓帶有情此是一篇關鍵處至於候
吏報君來以下不過敘述贈答之因體勢故應爾爾

湯村開運鹽河雨中督役

居官不任事蕭散羨長卿胡不歸去來滯留愧淵明鹽
事星火急誰能卹農耕薨薨晚鼓動萬指羅溝坑天雨
助官政泣然淋衣纓人如鴨與猪投泥相滅驚下馬荒
堤上四顧但湖泓線路不容足又與牛羊爭歸田雖賤
辱豈失泥中行寄語故山友慎母厭藜羹

草沒河堤雨暗村寺藏修竹不知門拾薪煮藥憐僧病
掃地焚香淨客魂農事未休侵小雪佛燈初上報黃昏
年來漸識幽居味思與高人對榻論

是日宿水陸寺寄北山清順僧二首

杳察迴合如坐虛白而閑重元

烏臺詩案曰是時盧秉提舉鹽事擘畫開運鹽河差
夫千餘人某於大雨中部役其河只為般鹽既非農
事而役農民秋田未了有妨農事又其河中間有涌
沙數里意言開得不便自歎泥雨勞苦羨司馬長卿
呂官而不任事又愧陶淵明不早棄官歸去也農事

未休而役千人故云鹽事星火急誰能恤農耕又言
百姓已勞苦不意天雨又助官政之勞民轉致百姓
疲弊役人在泥水中辛苦無異鴨與猪又言某亦在
泥中與牛羊爭路而行若歸田豈至此哉故云寄語
故山友慎不可厭藜羹而思仕宦以譏開運鹽河不
當又妨農事也

掃地焚香淨客魂農事未休侵小雪佛燈初上報黃昏
年來漸識幽居味思與高人對榻論

杳察迴合如坐虛白而閑重元

竹坡詩詰曰東坡遊西湖於僧舍壁間見小詩云竹
暗不通日泉聲落如雨春風自有期桃李亂深塢問
誰所作或告以錢塘僧清順即日求得之一見甚喜
而順之名出矣

朱壽昌郎中少不知母所在刺血寫經求之五十

年去歲得之蜀中以詩賀之

嗟君七十歲知念母憐君壯大心愈苦羨君臨老得相逢
喜及無言淚如雨不羨白衣作三公不愛白日昇青天
愛君五十著彩服兒嚦却得償當年烹龍為炙玉為酒
鶴髮初生千萬壽金馬詔書錦作囊白藤肩輿簾蹙繡
感君離合我酸辛此事今無古或聞長陵竭來見大姊
仲儒豈意逢將軍開皇苦桃空記面建中天子終不見
西河郡守誰復譏頽谷封人羞自薦

前十二句稱述本事於離合情狀曲折無不盡矣然讀
之但覺情餘於詞者以有嗟君憐君羨君愛君等字為
之點睛便俱是作詩之旨與傳記體裁迥別也感君離
合二句忽念及今無古有作一轉軸以下遂歷陳古事
不復再加論斷截然而止此格尤為創見然正是漢魏
人遺意低手不能為亦不敢為也七言轉韻古詩凡
轉韻之首句未有不用韻者七言音節自不可與五言
一例嘗考杜陵全集其中亦有三四首出韻者若醉時

歌之先生有道出義皇哀江頭之憶昔霓旌下南苑等
句是也此詩不羨白衣作三公句無韻蓋亦如少陵之
偶亦有之而自來詩人從無論及於此者何耶

司馬溫公日錄曰朱壽昌父任諫議大夫壽昌母索
微生壽昌歲餘遣出之因是不知所在壽昌既長求
之不得乃棄官尋之刺血書讖以散與人至是得之
於同州迎以歸錢子飛知永興軍奏其事乞加旌賞
故名之壽昌以同母弟妹皆在同州乃折資授河中

通判

東軒筆錄曰司農少卿朱壽昌在襁褓所生母被出
治平中棄官入閩中尋訪得於陝州蘇子瞻作詩序
且譏切世之不養者李定見之大惋恨曾為中丞劾
軾作詩訛謗將至不測賴上保持之止黜為黃州團
練副使

和致仕張郎中春畫

投紱歸來萬事輕消磨未盡祇風情舊因尊菜求長假

新為楊枝作短行不禱自安緣壽骨深藏難沒是詩名
淺斟盈酒紅生頰細琢歌詞穩稱聲蠅殼卜居心自放
蠅頭寫字眼能明盛衰閱過君應笑寵辱年來我亦平
跪履數從圯上老逸書閒問濟南生東風屈指無多日
只恐先春鶗鴂鳴

集中七言長律甚少此體在唐如杜白諸公亦不見多
以其傷氣也是作格度渾成音調諧美錄此一首以見
才大無所不可耳

欽定四庫全書

御選唐宋詩醇

三

畫魚歌

自注湖州道上作

天寒水落魚在泥短鉤畫水如耕犁渚蒲拔折藻荇亂
此意豈復遺鯀鮀偶然信手皆虛擊本不辭勞幾萬一
一魚中刃百魚驚蝦蟹奔忙誤跳擲漁人養魚如養雛
插竿貫笠驚鷺鷀豈知白挺鬧如雨攬水覓魚嗟已疎
時新法盛行故即短鉤畫水以為喻所言此意豈復遺
鯀鮀與一魚中刃百魚驚者似皆指新法之病民王呂
輩壞法亂制豈異拔渚蒲而亂藻荇哉其請罷條例司

疏有云造端宏大民實驚疑創法新奇吏皆惶惑正與
詩意相同而其繪事如畫筆端有神雖寥峭短章讀其
詞如有千百言在腕下

趙次公曰鯀有二有鯨鯢之鯢有魚子之鯢此意豈
復遺鯀鮀言魚子也

邵長蘅曰畫胡麥切音義並同劃以鉤劃魚今三吳
水鄉往往有之

遊道場山何山

欽定四庫全書

御選唐宋詩醇

三

道場山頂何山麓上徹雲峰下幽谷我從山水窟中來
尚愛此山看不足陂湖行盡白漫漫青山忽作龍蛇盤
山高無風松自響誤認石齒號驚湍山僧不放山泉出
屋底清池照瑤席階前合抱香入雲月裏仙人親手植
出山回望翠雲鬟碧瓦朱欄縹缈間白水田頭問行路
小溪深處是何山高人讀書夜達旦至今山鶴鳴夜半
我今廢學不歸山山中對酒空三嘆

山乃偏於詳處更作出山回望二語搖蕩入情何山只
緬懷高人之讀書不復模山範水意盡而止無往不以
自然為工

汪藻何氏書堂記曰寺有何氏書堂圖記相承以何
氏為晉何鎔鎔嘗讀書此山後為吳興太守以其居
為寺而名其山

贈孫莘老七絕

錄三首

嗟予與子久離羣耳冷心灰百不聞若對青山談世事
當須舉白便浮君

天目山前綠浸碧碧瀾堂下看銜艤作堤捍水非吾事
閭送苕溪入太湖

烏程霜稻襲人香釀作春風雪水光時復中之徐邈聖
母多酌我次公狂

前兩作憤懣之詞以快利出之後一首役使成語如天
造地設前無古人

烏臺詩案曰任杭州通判日轉運司差往湖州相度

堤岸利害因與知湖州孫覺相見作詩與之某是時
約孫覺并坐客如有言及時事者罰一大盞雖不指
言時事是非意言時事多不便不得說也次首某為
先曾言水利不便却被轉運使差相度堤岸意言本
非興水利之人以譏諷水利之不便也

趙次公曰天目山在湖州按樂史寰宇記湖州安吉
縣天目山三萬六千尺而水經浙江水出吳興郡於
潛縣北天目山按王存九域志湖州南至杭州界首

十五里故天目山於寰宇記則係之湖州於水經則
係之於潛而於潛雖屬杭州與湖州接境先生倅杭
以開運鹽河至湖其言作堤捍水非吾事意謂於此
可以為隄而事不在已也

王復秀才所居雙檜二首

錄一首

凜然相對敢相欺直幹臨空未要竒根到九泉無曲處
世間惟有蟄龍知

石林詩話曰元豐間蘇子瞻繫御史獄神宗本無意

深罪之時相進呈忽言蘇軾於陛下有不臣之意神

宗改容曰軾固有罪然於朕不應至是卿何以知之

時相因舉軾檜詩云陛下飛龍在天軾以為不知已

而求地下之蟄龍非不臣而何神宗曰詩人之詞安可如此論彼自咏檜何預朕事時相語塞章子厚亦從旁解之遂薄其罪子厚嘗以詰余且以醜言詆時相曰人之害物無所忌憚有如是也

苔溪漁隱叢話曰東坡在御史獄獄吏問云雙檜詩

根到九泉無曲處世間惟有蟄龍知有無譏諷答曰王安石詩天下蒼生待霖雨不知龍向此中蟠此龍是也吏亦為之一笑

法惠寺橫翠閣

朝見吳山橫暮見吳山從吳山多故態轉側為君容幽人起朱閣空洞更無物惟有千步岡東西作簾額春來故國歸無期人言秋悲春更悲已泛平湖思濯錦更看橫翠憶峨眉雕欄能得幾時好不獨憑欄人易老百年

興廢更堪哀懸知草莽化池臺遊人尋我舊遊處但覓

吳山橫處來

作初唐體清麗芊眼神韻欲絕

風水洞二首和節推

錄一
首

風轉鳴空穴泉幽寫石門虛心聞地籟妄意覓桃源過客詩難好居僧語不繁歸瓶得冰雪清冷慰文園好景宜得好詩乃偏以詩之難好見其景之絕奇工於

翻案

西湖遊覽志曰風水洞舊名恩德洞上洞立夏清風自生立秋則止下洞流水潺潺大旱不涸

自普照遊二菴

長松吟風晚雨細東菴半掩西菴閉山行盡日不逢人裏裏野梅香入袂居僧笑我戀清景自厭山深出無計我雖愛山亦自笑獨往神傷後難繼不如西湖飲美酒紅杏碧桃花覆髻作詩寄謝採薇翁本不避人那避世清幽之趣微妙之音司空圖詩品中未曾道及

新城道中二首

錄一
首

東風知我欲山行吹斷簷間積雨聲嶺上晴雲披絮帽
樹頭初日掛銅鉦野桃含笑竹籬短溪柳自搖沙水清
西崦人家應最樂煮葵燒筍餉春耕
絮帽銅鉦未免着相矣有野桃溪柳一聯鑄語神來常

人得之便足以名世

方回曰東坡為杭倅時詩熙寧六年癸丑二月循行
屬縣由富陽至新城有此作三四乃是早行詩也起

句十四字妙五六亦佳

於潛女

青裙縞袂於潛女兩足如霜不穿屢𦵹沙鬚髮絲穿柠
蓬沓障前走風雨老濞宮韻傳父祖至今遺民悲故主
苕溪楊柳初飛絮照溪畫眉渡溪去逢郎樵歸相媚嬈

不信姬姜有齊魯

村莊野境寫出翛然自得練響選和可入樂府

李厚曰老濞吳王濞也杜牧之詩老濞即山鑄後庭

千蛾眉此指吳越王錢氏也

趙次公曰𦵹沙鬚髮絲穿柠退之月蝕詩云赤鳥司
南方尾禿翹𦵹沙柠當作杼字書柠同稍字耳於絲
穿之下無義說文曰杼機之持緯者絲穿杼言鬚髮如

絲之穿杼也

僧清順新作垂雲亭

欽定四庫全書

御選唐宋詩醣
卷三十三

三五

欽定四庫全書

御選唐宋詩醣
卷三十三

三五

朱欄出山破石壁銀海門浸坤軸湖尾抱雲巘葱葱城
郭麗淡淡烟村遠紛紛烏鵲去一一漁樵返雄觀快新
獲微景收昔遁道人真古人嘯咏慕嵇阮空齋卧蒲褐
芒屨每自捆天憐詩人窮乞與供詩本我詩久不作荒
澀旋鋤犁從君覓佳句咀嚼廢朝飯

煅煉之工字字創獲至天功爭向背以下十二句忽作

排對而風骨益覺峻聳詩有排對自晉有之二陸顏謝
已層見疊出至於王褒庾信之篇但略研聲病即成唐

律而詩體日趨靡曼矣此作刻削傲岸具體昌黎若僅

謂體格似少陵渼陂西南臺等篇則猶未盡其風力也

冷齋夜話曰西湖僧清順頤然清苦多佳句嘗有自

題北山垂雲菴詩云久從林下遊頗識林下趣縱然

綠陰繁不礙清風度閒於石上眠落葉不知數一鳥

忽飛來啼破幽絕處坡與之遊甚多酬唱

會客有美堂周邠長官與數僧同泛湖往北山湖

中聞堂上歌笑聲以詩見寄因和二首時周有服

藹藹君詩似嶺雲從來不許醉紅卮不知野屐穿山翠
惟見輕橈破浪紋頗憶呼盧亥彥道難邀罵坐灌將軍
自注皆取晚風落日元無主不惜清涼與子分
其有服也

載酒無人過子雲掩關晝卧客書君歌喉不共聽珠貫
醉面何因作纈紋僧侶且陪香火社詩壇欲斂鶴鵝軍
憑君遍遼湖邊寺漲沫晴來已十分

山水清音氣韻自別按周邠原作見咸淳臨安志結云
莫辭上馬玉山倒已是遲留至夜分前詩結語蓋答其

意

漫叟詩話曰東坡最善用事既顯而易讀又切當若招持服人遊湖不赴云却憶呼盧亥彥道難邀罵坐灌將軍天然奇作

庚溪詩話曰錢塘吳山有美堂迺仁宗朝梅摯公儀出守杭上賜之詩有曰地有吳山美東南第一州梅以上詩名堂士大夫留題甚衆東坡猝杭因令筆吏盡錄之



總校官庶吉士臣張能照
校對官助教臣羅萬選
謄錄貢生臣郭坦

欽定四庫全書叢要

集部

御選唐宋詩醇卷三十四

眉山蘇軾詩三

目錄

韓子華石淙莊

立秋日禱雨宿靈隱寺同周徐二令

病中遊祖塔院

栢堂

欽定四庫全書

御選唐宋詩醇
卷三十四目錄

與述古自有美堂乘月夜歸

有美堂暴雨

登玲瓏山

宿九仙山

宿海會寺

徑山道中次韻答周長官兼贈蘇寺丞

初自徑山歸述古召飲介亭以病先起

九日尋臻閣梨遂泛小舟至勤師院二首

錄一首

詳校官原注事臣李斯咏

九日舟中望見有美堂上魯少卿飲以詩戲之二

首錄一首

次韻周長官壽星院同餞魯少卿

寶山新聞徑

和錢安道寄惠建茶

夜至永樂文長老院文時卧病退院

除夜野宿常州城外二首

古纏頭曲

欽定四庫全書

御選唐宋詩醇
卷三十四目錄

二

惠山謁錢道人烹小龍團登絕頂望太湖

虎丘寺

常潤道中有懷錢塘寄述古五首錄一首

除夜病中贈段屯田

欽定四庫全書

御選唐宋詩醇
卷三十四目錄

三

喬太守見和復次韻答之

二公再和亦再答之

雪後書北臺壁二首

次韻章傳道喜雨

書其壁

惜花

送春和子由

西齋

寄劉孝叔

過永樂文長老已卒

聽僧昭素琴

僧惠勤初罷僧職

遊靈隱高峰塔

新城陳氏園次韻補之韻

與毛令方尉遊西菩提寺二首

聽賢師琴

懷西湖寄龜美叔同年

祭常山回小獵

和文與可洋川園池三十首 錄七首

湖橋

橫湖

蓼嶼

待月臺

過谿亭

欽定四庫全書

御選唐宋詩醇
卷三十四目錄

四

篴篴谷

寒蘆港

寄題刁景純藏春塢

寄黎眉州

次韻周邠寄鴈蕩山圖二首

和龜同年九日見寄

送喬施州

董儲郎中嘗知眉州與先人遊過安丘訪其故居

見其子希甫留詩屋壁

御選唐宋詩醇卷三十四目錄

欽定四庫全書

御選唐宋詩醇
卷三十四目錄

五

欽定四庫全書
唐宋詩醇卷一萬九千三百五十八集部

御選唐宋詩醇卷三十四

眉山蘇軾詩三

韓子華石淙莊

絳侯百萬兵尚畏書牘背功名意不已數與危機會我
公抱絕識凜凜鎮橫瀆欲收伊呂迹遠與巢由對誓言
雖未從久已斷諸內區區為懷祖頗覺義之隘此身隨

造物一葉舞澎湃田園不早定歸宿終安在彼美石淙
莊每到百事廢泉流知人意屈折作濤瀨寒光洗肝鬲
清響跨竽籟我舊門前客放言不自外園中亦何有舊
蔚可勝計請公試回首歲晚餘蒼檜

此蓋嫉世之貪位冒祿者軾通道藏嘗撰廣成子解故
有取乎老莊知足不辱之旨非為韓絳有手疏之詞遂
順其意而稱道之也

施元之曰韓獻肅公名絳字子華父忠憲公名億平

日嘗語子弟進取在於止足寵祿不可過溢以故子

華服闋誓墓年五十遽請謝事最後手疏言昔晉王

義之去郡不仕嘗自誓於父母墓前朝廷以其誓苦

不復召之臣今志願雖與義之頗殊然誓於先臣墓
前則無異矣區區之志中外士大夫多有知者即非
臣今日輕有去就妄干退閒也章屢上終不允後拜
觀文殿學士元祐二年以司空檢校太尉致仕此詩
多用子華表意

立秋日禱雨宿靈隱寺同周徐二令

欽定四庫全書

御選唐宋詩醇

卷三十四

欽定四庫全書

御選唐宋詩醇

卷三十四

百重堆案掣身間一葉秋聲對榻眠牀下雪霜侵戶月
枕中琴筑落堦泉崎嶇世味嘗應遍寂寞山栖老漸便
惟有問農心尚在起占雲漢更茫然

禱雨而曰百重堆案掣身間幾與嵇康書中言性不耐
煩而以遊山澤觀魚鳥為樂者無異矣有末二句一証
出心事遂覺滿紙閑情俱成警色

病中遊祖塔院

紫李黃瓜村路香烏紗白葛道衣涼閉門野寺松陰轉

欹枕風軒客夢長因病得閒殊不惡安心是樂更無方

道人不惜堦前水借與匏樽自在嘗

不須矜才使氣興會所到後人自百摹不到筆底定有

神力護持

徐一夔曰大慈定慧禪寺者唐寰中禪師之道場也

宋太平興國中寺以南泉願臨濟元無著喜趙州論

巖頭袞雪峰存俱至茲山與中禪師激揚宗旨故又

名祖塔院元祐間蘇長公守杭有詩見於家集

欽定四庫全書

御選唐宋詩

三

栢堂

道人手種幾生前鶴骨龍姿尚宛然雙幹一先神物化

九朝三見太平年忽驚華構依巖出乞與佳名到處傳

此柏未枯君記取灰心聊伴小乘禪

雙幹句人所能道也九朝句對法不測之至九朝施注

謂自陳隋唐五代至宋也

孤山二詠序曰孤山有陳時栢二株其一為人所薪

山有老人自為兒已見其枯矣然堅悍如金石愈於

未枯者僧志詮作堂於其側名之曰栢堂堂與白公

居易竹閣相連屬

與述古自有美堂乘月夜歸

娟娟雲月稍侵軒瀛瀛星河半隱山魚鑰未收清夜永

鳳簫猶在翠微間淒風瑟縮經絃柱香霧淒迷著髻鬟

共喜使君能鼓樂萬人爭看火城還

起二句乃月夜恒有之景寫來却自引人入勝魚鑰二

句夜歸也淒風二句乘月也讀之氣和音雅令人神遊

欽定四庫全書

御選唐宋詩

四

於時世之昇平覺詩中魚鑰鳳簫絃柱髻鬟等都無一

字泛設而以萬人爭看使君之歸作結又見為政風流極一時之勝賞矣

有美堂暴雨

遊人脚底一聲雷滿座頑雲撥不開天外黑風吹海立

浙東飛雨過江來十分激灑金樽凸千杖敲鏗羯鼓催

喚起謫仙泉灑面倒傾鮫室瀉瓊瑰

寫暴雨非此傑句不稱但以用杜賦中字為采藻鮮新

淺之乎論詩矣且亦必有浙東句作對情景乃合有美

堂在郡城吳山其地正與海門相望故非率爾操觚者唐賢名句中惟駱賓王靈隱寺詩樓觀滄海日門對浙江潮一聯足相配敵

西清詩話曰少陵文自古興如九天之雲下垂四海之水皆立其語磊落驚人東坡有美堂詩云天外黑風吹海立蓋出此也

容齋四筆曰東坡在杭州作有美堂會客詩領聯云

欽定四庫全書

御選唐宋詩醇

五

天外黑風吹海立浙東飛雨過江來讀者疑海不能立黃魯直曰是蓋為老杜所誤因舉三大禮賦朝獻太清宮云九天之雲下垂四海之水皆立以告之二者皆句語雄傑前無古人坡和陶停雲詩有雲屯九河雪立三江之句亦用此也

登玲瓏山

何年僵立兩蒼龍瘦脊盤盤尚倚空翠浪舞翻紅罷亞白雲穿破碧玲瓏三休亭上工延月九折巖前巧貯風

脚力盡時山更好莫將有限趁無窮

用紅罷亞對碧玲瓏集內律詩每用此體遂為後人開一門逕三休九折即是山中巖亭之名故緊接玲瓏句為題正面結處別作喚醒語流韻悠然

臨安圖經曰玲瓏山兩山屹起盤回九折上通絕頂名曰九折巖行百許步有亭下瞰百里名三休亭

宿九仙山

風流王謝古仙真一去空山五百春玉室金堂餘漢士

欽定四庫全書

御選唐宋詩醇

六

桃花流水失秦人困眠一榻香凝帳夢遶千巖冷逼身夜半老僧呼客起雲峰缺處湧冰輪後四句磊砢妥帖便入錢劉集中亦稱警策

宿海會寺

籃輿三日山中行山中信美少曠平下投黃泉上青冥綫路每與猿猱爭重樓束縛遭澗坑兩股酸哀飢腸鳴北渡飛橋踏彭鏗鎗垣百步如古城大鐘橫撞千指迎高堂延客夜不扃杉槽漆斛江河傾本來無垢洗更輕

倒牀鼻息四鄰驚紛如五鼓天未明木魚呼粥亮且清
不聞人聲聞履聲

自行路而宿自宿而天明直記敘一時事耳不聞人聲
聞履聲寫幽寂之致颯颯紙上

漫叟詩話曰嘗見陳本明論詩云前輩謂作詩當言

用勿言體則意深矣若東坡詩言冷則云可曠不可
激言靜則云不聞人聲聞履聲之類本明何從得此

徑山道中次韻答周長官兼贈蘇寺丞

欽定四庫全書

御選唐宋詩解

卷三十四

七

年來戰紛華頗覺夫子勝欲求五畝宅灑掃樂清淨學
道恨日淺問禪慙聽瑩聊為山水行遂此麋鹿性獨遊
吾未果覓伴誰復聽吾宗古遺直窮達付前定餉糟醉
方熟灑面呼不醒奈何效燕蝠屢欲爭晨暝不如從我
遊高論發犀柄溪南渡橫木山寺稱小徑幽尋自此始
歸路微月映南望功臣山雲外盤飛磴三更渡錦水再
宿留石鏡緬懷周與李能作洛生詠明朝三子至詩律
嚴號令籃輿置紙筆得句輕千乘玲瓏苦奇秀名實巧

相稱九仙更幽絕笑語干山應空巖側破甕飛溜灑浮
磬山前見虎迹候吏銚鼓競我生本艱奇塵土滿金甌
山禽與野獸知我久蹭蹬笑謂候吏還禦虎吾有命徑
山雖云遠行李稍可併頗訝王子猷忽起山陰興但報

一往平敘不復作沈鬱頓挫之勢後忽從山前見虎迹
發出議論竒文蔚起匪夷所思

菊花開吾當理歸榜

自注太平寺俗號小徑山

初自徑山歸述古召飲介亭以病先起

欽定四庫全書

御選唐宋詩解

卷三十四

八

西風初作十分涼喜見新橙透甲香遲暮賞心驚節物
登臨病眼怯秋光慣眠處士雲菴裏醉倚佳人錦瑟傍
猶有夢回清興在卧聞歸路樂聲長

九日尋臻閣梨泛小舟至勤師院二首

錄一首

湖上青山翠作堆葱蘚鬱鬱氣佳哉笙歌叢裏抽身出
雲水光中洗眼來白足赤髭迎我笑拒霜黃菊為誰開
明年桑苧煎茶處憶著乘翁首重迴

自注皎然有九日與陸羽煎茶詩羽

自號桑苧翁余來
年九日去此久矣

此篇乃已至勤師院而作承前一首結句扁舟又截平湖去欲訪孤山支道林說來但前首東閣郎君之句殊嫌無著不似此篇之開拓頓宕也笙歌雲水一聯尤為卓立傑出

九日舟中望見有美堂上魯少卿飲以詩戲之二

首錄一

指顧雲間數點紅笙歌正擁紫髯翁誰知愛酒龍山客

卻在漁舟一葉中

欽定四庫全書

御選唐宋詩醇

卷三十四

九

西湖志曰咸淳臨安志有美堂錢氏初建江亭於此當在吳山最高處左江右湖故為登臨之勝東坡有舟中望見有美堂上魯少卿飲處詩言舟中望見則必西湖舟中也舊志言堂在郡城內又可見古城介在吳山外矣此堂故址當在吳山無疑西湖遊覽志載有美堂在鳳凰山者誤也

次韻周長官壽星院同餞魯少卿

瑠璃百頃水仙家風靜湖平響釣車寂歷疎松欹晚照

伶俜寒蝶抱秋花困眠不覺依蒲褐歸路相將踏桂華更著綸巾披鶴氅他年應作畫圖誇

寶山新聞徑

藤稍橘刺元無路竹杖棲鞋不用扶風自遠來聞笑語水分流處見江湖回觀佛骨青螺髻踏遍仙人碧玉壺

野客歸時山月上棠梨葉戰暝禽呼

明雋清圓兼得象外之趣

和錢安道寄惠建茶

欽定四庫全書

御選唐宋詩醇

卷三十四

十

我官於南今幾時嘗盡溪茶與山茗胷中似記故人面口不能言心自省為君細說我未暇試評其略差可聽建溪所產雖不同一天與君子性森然可愛不可慢骨清肉膩和且正雪花雨脚何足道啜過始知真味永縱復苦硬終可錄汲黯少憲寬饒猛草茶無賴空有名高者妖邪次頑曠體輕雖復強浮汎性滯偏工嘔酸冷其間絕品豈不佳張禹縱賢非骨鯁葵花玉磬不易致道路幽峻隔雲嶺誰知使者來自西開緘磊落收百餅

嗅香嚼味本非別透紙自覺光炯炯粧圓鳳友小龍奴隸日注臣雙井收藏愛惜待佳客不敢包裹鑽權倖此詩有味君勿傳空使時人怒生癢

建茶以比君子草茶以比小人君子和正者也和故可愛正故不可慢小人體輕而性滯但有妖邪頑曠而已記曰其言明且清易曰其言曲而中詩兼有之

烏臺詩案亦曰錢頡在秀州監稅舊曾作臺官始於秀

州與之相見後錢頡作詩送茶來某作詩謝之草茶

無賴二句以譏世之小人若不謗媚妖邪須頑曠狠劣也體輕性滯二句以譏小人體輕浮而性滯泥也其間絕品二句以譏小人如張禹雖有學問細行謹飭終非骨鯁之人也收藏愛惜四句以譏小人有以好茶鑽求富貴權要者見此詩當大怒也

歸田錄曰臘茶出於建劍草茶盛於兩浙兩浙之品日注為第一自景祐以後洪州雙井白芽漸盛近歲製作尤精糞以紅紗不過一二兩以常茶十數斤養

之用避暑濕之氣其品遠出日注上遂為草茶第一夜至永樂文長老院文時卧病退院此身未死得重論老非懷土情相得病不開堂道益尊惟有孤栖舊時鶴舉頭見客似長言

除夜野宿常州城外二首

欽定四庫全書
御選唐宋詩醇
卷三十四
上
鄉音無伴苦思歸重衾腳冷知霜重新沐頭輕感髮稀多謝殘燈不嫌客孤舟一夜許相依

南來三見歲云徂直恐終身走道塗老去怕看新歷日退歸擬學舊桃符烟花已作青春意霜雪偏尋病客鬚但把窮愁博長健不辭最後飲屠蘇

令節羈情孤燈遙夜所感愴者深而以溫柔敦厚出之依依脈脈味以淡而彌長

容齋續筆曰令人元日飲屠蘇酒自小者起相傳已

久然向有來處後漢李膺杜密以黨人同繫獄值元日於獄中飲酒曰元旦從小起時鏡新書晉董勣云元旦飲酒先從小者何也勣曰俗以小者得歲故先酒賀之老者失時故後飲酒初學記載四民月令云正旦飲酒次第當從小起以年小者起先顧况云還丹寂寞羞明鏡手把屠蘇謨少年方干云緩酌屠蘇定年齒坐中皆笑鬢毛斑然則尚矣東坡亦云但把窮愁博長健不辭最後飲屠蘇其義亦然

欽定四庫全書

御選唐宋詩醇

三

古纏頭曲

鶡絃鐵撥世無有樂府舊工惟尚叟一生喙硬眼無人坐此困窮今白首翠鬟女子年十七指法已似呼韓婦驚帆渡海風掣迴滿面塵沙和淚垢青衫不逢湓浦客紅袖謾挿曹綱手爾來一見哀駘佞性便著臂羈躬井臼我慙貧病百不足強對黃花飲白酒轉闋濩索動有神雷輶空堂戰牕牖四絃一抹擁袂立再拜十分為我壽世人只解錦纏頭與汝作詩傳不朽

亦為琵琶女子而作却不規撫江州琵琶行古有名作須變調以勝之并題目亦隱其名曰古纏頭曲特於結處表出作詩之意以見實有其人與事不是寓言十九也白以排蕩宛轉入情此以簡淨道鍊入古

惠山謁錢道人烹小龍團登絕頂望太湖踏遍江南南岸山逢山未免更留連獨攜天上小團月來試人間第二泉石路萦回九龍脊水光翻動五湖天孫登無語空歸去半嶺松聲萬壑傳

欽定四庫全書

御選唐宋詩醇

古

有橫絕太空之概灑豁襟抱亦如聽蘇門長嘯響動林

谷

虎丘寺

入門無平田石路穿細嶺陰風生澗壑古木翳潭井湛盧誰復見秋水光耿耿鐵花秀巖壁殺氣噤蛙鼯幽幽生公堂左右立頑礪當年或未信異類服精猛胡為百歲後仙鬼互馳騁窈然留清詩讀者為悲哽東軒有佳致雲水麗千頃熙熙覽生物春意破淒冷我來屬無事

暖日相與永喜鵠翻初旦愁鳶蹲落景坐見漁樵還新
月溪上影悟彼良自咍歸田行可請

作虎丘詩者多是緣情綺靡若此詩則但見其幽折閒
靜耳是非時會不同乃其命筆取材別開生徑觀前此
白居易於東武丘有怪石千僧坐靈池一劍沈之句於
西武丘有搖曳雙紅旆娉婷十翠娥之句烏鵲黃鸝紅
欄綠浪唐時已極繁華艷冶矣故知此詩是有意避喧
力求岑寂也

趙次公曰清遠道士與沈恭子同遊虎丘寺有詩歷
論商周及近代二千年事顏真卿為之刻石又鬼詩
云青松多悲風蕭蕭清且哀白日徒昭昭不照長夜
臺李道昌為刺史奏其事陸龜蒙皮日休松陵唱和
皆及之

常潤道中有懷錢塘寄述古五首

錄一
首

草長江南鶯亂飛年來事事與心違花開後院還空落
燕入華堂怪未歸世上功名何日是樽前點檢幾人非

去年柳絮飛時節記得金籠放雪衣自注杭人以故
鴟為太守壽

慨當以慷憂思難忘此詩結句集內有放鴟為壽之

自注趙堯卿遂引唐譚賓錄言天寶宮中呼白鸚鵡為
雪衣此詩借呼鴟為雪衣然考田汝成西湖志稱東坡
有真蹟云杭州營妓周韶能詩子容過杭述古飲之韶
泣求落籍子容曰可作一絕韶援筆立成曰龍上巢空
歲月驚忍看回首自梳翎開籠若放雪衣女長念觀音
般若經韶時有服衣白一坐嗟歎遂落籍此詩寄述古

蓋指此事故曰記得金籠放雪衣雪衣正用白鸚鵡事
不必借呼放鴟也詩作如是解與前後數詩亦正相類
然軾自注故作隱語豈其避謗歟

金山寺與柳子玉飲大醉卧寶覺禪榻夜分方醒
書其壁

惡酒如惡人相攻劇刀箭頽然一榻上勝之以不戰詩
翁氣雄拔禪老語清軟我醉多不知但覺紅綠眩醒時
江月墮撼撼風響變惟有一龕燈二豪俱不見

豪放精悍全足規倣頌酒之篇

大風留金山兩日

塔上一鈴獨自語明日顛風當斷渡朝來白浪打蒼崖
倒射軒牕作飛雨龍驤萬斛不敢過漁艇一葉從掀舞
細思城市有底忙卻笑蛟龍為誰怒無事久留童僕怪
此風聊得妻孥許瀾山道人獨何事夜半不眠聽粥鼓
明日顛風當斷渡七字即鈴語也竒思得自天外軒牕
飛雨寫風浪之景真能狀丹青所莫能狀末忽念及瀾
欽定四庫全書
御選唐宋詩醇
卷三十四
七

山道人不眠而聽粥鼓想其濡墨揮毫真有御風蓬萊
汎彼無垠之妙

冷齋夜話曰對句法詩人窮盡其變不過以事以意
以出處具備謂之妙如荊公曰平日離愁寬帶眼近
今歸思滿琴心又曰欲寄荒寒無善畫賴傳悲壯有
能琴乃不若東坡微意特奇如曰見說騎鯨遊汗漫
也曾捫虱詰酸辛又曰龍驤萬斛不敢過漁艇一葉
從掀舞以鯨為風對以龍驤為漁艇對大小氣焰之

不等其意若玩世謂之秀傑之氣終不沒者此類是
也

遊鶴林招隱二首

郊原雨初霽春物有餘妍古寺滿修竹深林聞杜鵑睡
餘柳花墮目眩山櫻然西牕有病客危坐看香烟
行歌白雲嶺坐詠修竹林風輕花自落日薄山半陰澗
草誰復識聞杳杳難尋時見城市人幽居惜未深

二作風格清腴絕似韋柳

欽定四庫全書
御選唐宋詩醇
卷三十四
六

無錫道中賦水車

翻翻聯聯銜尾鴉犖犖確確蛻骨蛇分疇翠浪走雲陣
刺水綠鍼抽稻芽洞庭五月欲飛沙鼈鳴窟中如打衙
天公不見老翁泣喚取阿香推雷車

只是體物著題觸處靈通別成奇光異彩想當施手時
巨刃摩天揚此之謂也賦物得此神力罕匹

過永樂文長老已卒

初驚鶴瘦不可識旋覺雲歸無處尋三過門間老病死

一彈指頃去來今存亡慣見渾無淚鄉井難忘尚有心

欲向錢塘訪圓澤葛洪川畔待秋深

寄感嘆於解脫輓長老合作如是語

聽僧昭素琴

至和無擾醉至平無按抑不知微妙聲究竟從何出散我不平氣洗我不和心此心知有在尚復此微吟

是真識琴中意者朱絃疏越可以釋躁平矜

僧惠勤初罷僧職

軒軒青田鶴鬱鬱在樊籠既為物所縻遂與吾輩同今來始謝去萬事一笑空新詩如洗出不受外垢蒙清風入齒牙出語如風松霜髭茁出病骨饑坐聽午鐘非詩能窮人窮者詩乃工此語信不妄吾聞諸醉翁

能不為外垢所蒙不待罷職而詩乃工也惠勤先為歐

陽所知故又舉詩窮益工之語以諷之與序惠勤詩集

同意

遊靈隱高峰塔

言遊高峰塔蓐食治野裝火雲秋未衰及此初旦涼霧

霏巖谷暗日出草木香嘉我同來人久便雲水鄉相勸

小舉足前路高且長古松攀龍蛇怪石坐牛羊漸聞鐘磬音飛鳥皆下翔入門空有無雲海浩茫茫惟見聾道

人老病時絕糧問年笑不答但指穴藜牀心知不復來欲歸更彷徨贈別留匹布今歲天蚤霜

霧霏日出未舉足而景象既殊古松怪石及經行而應接不暇漸聞鐘磬音飛鳥皆下翔十字畫出古寺清晨

登高覽勝之妙入門以後但記一時與道人留連贈答語盡便住象外傳神正復無際

邵長蘅曰三國管寧常坐一木榻積五十餘年未嘗箕股榻上當膝處皆穿按穴藜牀似用其意故王注

引此存之

志林曰靈隱寺後高峰塔一上五里上有高僧不下

三十餘年矣

新城陳氏園次韻補之韻

荒涼廢園秋寂歷幽花晚山城已窮僻况與城相遠我來亦何事徒倚望雲巘不見苦吟人清樽為誰滿淡而能腴王韋後絕無僅有

與毛令方尉遊西菩提寺二首

推擠不去已三年魚鳥依然笑我頑人未放歸江北路天教看盡浙西山尚書清節衣冠後處士風流水石間一笑相逢那易得數詩狂語不須刪

路轉山腰足未移水清石瘦便能竚白雲自占東西嶺

明月誰分上下池黑黍黃梁初熟後朱柑綠橘半甜時人生此樂須天賦莫遣兒郎取次知

首作不露刻斲經營之迹自成高唱五六用毛玠方干貼二人姓此本古法少陵集中多有之僧祖可謂毛令是毛玠之後或并疑方尉是方干後人妄矣次作白雲句承石瘦來明月句承水清來黑黍黃梁池旁之所見也朱柑綠橘嶺上之所植也錯雜寫來自然合拍惟其才大而氣雄故雖清白黑黃等字疊見不嫌其複

張安國曰案於潛縣圖經毛君寶同尉方君武與東坡於熙寧七年八月廿七日同遊西菩提山明智院石刻存焉

聽賢師琴

大絃春溫和且平小絃廉折亮以清平生未識宮與角但聞牛鳴盎中雉登木門前剥啄誰叩門山僧未閑君勿嗔歸家且覓千斛水淨洗從前箏笛耳

聽穎師琴詩曲中疾徐之節聽賢師琴詩別傳離合之

神兩詩足以並峙義海俗工譽韓毀蘇復齋漫錄直以不學斤之最堪砭愚擊蒙

西清詩話曰三吳僧義海以琴名世六一居士嘗問東坡琴詩孰優東坡答以退之聽穎師琴公曰此祇是聽琵琶耳或以問海海曰歐陽公一代英偉然斯語誤矣退之深得其趣未易譏評也東坡後有聽惟賢琴詩詩成欲寄歐公而公亡每以為恨客復以問海海曰東坡詞氣倒山傾海然亦未知琴春溫和且

平廉折亮以清凡絲聲皆然何獨琴也又特言大小
絃聲不及指下之韻牛鳴蓋中雉登木槩言宮角耳
八音宮角皆然何獨絲也聞者以海為知言余嘗考
今昔琴譜謂宮者非宮角者非角又五調迭犯特宮
聲為多與五音之正者異此又坡所未知也

復齋漫錄曰元微之詩爾生不我待我願裁為琴宮
絃春似君君若春日臨商絃廉似臣臣作旱天霖蓋

取史記騷忌子聞齊威王鼓琴而為說曰大絃濁以

春溫者君也小絃廉折以清者相也西清詩話乃云
東坡聽惟賢琴有大絃春溫和且平小絃廉折亮以
清之句至謂東坡未知琴趣不獨琴為然殊不知亦
取騷琴之事耳可謂不學

除夜病中贈段屯田

龍鍾三十九勞生已強半歲暮日斜時還為昔人歎
自注樂天詩云行年三十九歲暮日斜時今年一線在那復堪把玩欲起強持酒故交雲雨散惟有病相尋空齋為老伴蕭條燈火冷

寒夜何時旦倦僕觸屏風飢鼯喫空案數朝閉閣卧霜
髮秋蓬亂傳聞使者來策杖就梳盥書來苦安慰不怪
造請緩大夫忠烈後高義金石貫要當擊權豪未肯觀
衆懦此生何所以暗盡仄中炭歸田計已決此邦聊假
館三徑麤成資一枝有餘暖顧君更信宿庶奉一笑粲

除夜無聊病中落寞因得段書遂一氣寫出讀暗盡仄
中炭五字尤覺黯然神淒

容齋五筆曰白樂天作詩述懷好紀年歲蘇公素重

樂天故間亦效之如龍鍾三十九勞生已強半歲暮
日斜時還為昔人歎正引用其語又四十豈不知頭
顛畏人不出何其愚我今四十二衰髮不滿梳憶在
錢塘正如此回頭四十二年非行年四十九還此北
窶宿吾年四十九賴此一笑喜嗟我與君皆丙子四

十九年窮不死五十之年初過二衰顏記我今如此
白髮蒼頹五十三家人強遣試春衫先生年來六十
化道眼已入不二門紛紛華髮不足道當返六十過

去魂我年六十一頽景薄西山結髮事文史俯仰六
十踰與君皆丙子各已三萬日翫味莊重便如閑年
譜也

喬太守見和復次韻答之

百年三萬日老病常居半其間互憂樂歌笑雜悲歎顛
倒不自知直為神所玩須臾便堪笑萬事風雨散自從
識此理久謝少年伴逝將遊無何豈暇讀城旦非才更
多病二事可并案愧煩賢使者弭節整紛亂喬侯瑚璉

欽定四庫全書

御選唐宋詩辭

卷三十四

三五

質清廟嘗薦盥奮髯百吏走坐變齊俗緩未遭甘鶴退
並進恥魚貫每聞議論餘凜凜激貪懦莫耶當自躍豈
復煩爐炭便應朝秣越未暮刷燕館胡為守故丘眷戀
桑榆暖為君叩牛角一詠南山粲

二公再和亦再答之

寒雞知將晨饑鶴知夜半亦知老病客遇節嘗歎光
陰等敲石過眼不容玩親友如搏沙放手還復散羈孤
每自笑寂寞誰肯伴元達號神君高論森月旦紀明本

賢將汨沒事堆案欣然肯相顧夜閣燈火亂盤空愧不
飽酒薄僅堪盥雍容許著帽不怪安石緩雖無窈窕人
清唱弄珠貫幸有縱橫舌說劍起慵懦二豪沈下位暗
火埋濕灰豈似草元人嘿嘿老儒館行看富貴逼炎手
借餘暖應念苦思歸登樓賦王粲

雪後書北臺壁二首

黃昏猶作雨纖纖夜靜無風勢轉嚴但覺衾裯如潑水
不知庭院已堆鹽五更曉色來書幌半夜寒聲落畫簷

欽定四庫全書

御選唐宋詩辭

卷三十四

三六

試掃北臺看馬耳未隨埋沒有雙尖

城頭初日始翻鴉陌上晴泥已沒車凍合玉樓寒起粟
光搖銀海眩生花遺蝗入地應千尺宿麥連雲有幾家

老病自嗟詩力退空吟冰柱憶劉義

尖叉韻詩古今推為絕唱數百年來和之者亦指不勝
屈矣然在當時王安石六和其韻用及諸天夜叉交戟
叉頭等字支湊勉強貽人口實即軾謝人見和因再用
韻二詩亦未能如原作之精采方回謂再和尤佳者非

也至於玉樓銀海典故流傳其說不一蓋皆得自傳聞而所稱作道書者究無人知其出何道書方回稱是黃庭一種亦臆度語耳軾嘗讀道藏千函有詩紀其事要之玉樓為肩銀海為目必作如是解詩意乃通若集中詩尚有雪中過淮謁客詩云萬頃穿銀海次韻仲殊雪中遊西湖詩云玉樓已崢嶸則又不當與此一例解也

石林詩話曰詩禁體物語此學者類能言之歐公聚

星堂雪詩舉此令坐客皆閑筆但非能者耳若能者

則出入縱橫何可拘礙鄭谷亂飄僧舍茶烟濕密酒
歌樓酒力微非不去體物語而氣格如此之卑蘇子
瞻凍合玉樓寒起粟光搖銀海眩生花超然飛動何
害其言玉樓銀海

苔溪漁隱叢話曰蝗遺子於地若雪深一尺則入地
一丈麥得雪則資茂而成稔歲此老農之語也東坡
皆收拾入詩句殆無餘蘊矣

方回曰坡知密州時作年三十九歲偶然用韻甚險
而再和尤佳或謂坡時律不及古人然才高氣雄下
筆前無古人也觀此雪詩亦冠絕古今矣雖王荊公
亦心服屢和不已終不能壓倒

侯鯖錄曰東坡作雪詩後見荊公云道家以兩肩為
玉樓目為銀海是使此事否坡退曰惟荊公知此出
處

次韻章傳道喜雨自注禱常山而得

去年夏旱秋不雨海畔居民飲鹹苦今年春暖欲生蠒

地上戢戢多於土預憂一旦開兩翅口吻如風那肯吐

前時渡江入吳越布陣橫空如項羽自注去歲錢塘見
飛蝗自西北來極

畏農夫拱手但垂泣人力區區固難禦撲緣麤毛困牛

馬啖噏衣服穿房戶坐觀不救亦何心秉畀炎火傳自

古荷鋤散掘誰敢後得米濟饑還小補常山山神信英
烈為駕雷公訶電母應憐郡守老且愚欲把瘡痍手摩

撫山中歸時風色變中路已覺商羊舞夜牕騷騷鬧松
竹朝畦泣泣流膏乳從來蝗旱必相資此事吾聞老農

語庶將積潤掃遺孽收拾豐歲還明主縣前已窖八千

斛自注蝗子八千餘斛率以上升完一畝更看蟬婦過初

眠自注蠶一眠則不復生矣未用賓客來旁午先生筆力吾所畏

感踏鮑謝跨徐庾偶然談笑得佳篇便恐流傳成樂府

陋邦一雨何足道吾君盛德九州普中和樂職幾時作

試向諸生選何武

古語時情錯雜寫來可謂博誕空類至結穴推本盛德
寓規於頌盡遣奇詞奧旨俱歸雅頌之音

欽定四庫全書

御選唐宋詩醇

卷三十四

三五

惜花

吉祥寺中錦千堆自注錢塘花最盛處前年賞花真盛哉道人勸

我清明來腰鼓百面如春雷打徹涼州花自開沙河塘

上挿花回醉倒不覺吳兒咍豈知如今雙鬢摧城西古

寺沒蒿萊有僧閉門手自裁千枝萬葉巧剪裁就中一

叢最何所似馬腦槃盛金縷杯而我食菜方清齋對花不
飲花應猜夜來雨雹如李梅紅殘綠暗吁可哀自注錢塘吉祥

寺花為第一壬子清明賞會最盛金盤絲藍以獻於座者五十三人夜歸沙河塘上觀者如山爾後無復繼也

今年諸家園圃花亦極盛而龍興僧房一叢亦奇但衰病牢落自無以發興耳昨日雨雹如此花之存者有幾可為歎息也

語不斷削似無意求工而類放處正復涵涵清絕

送春和子由

夢裏青春可得追欲將詩句絆餘暉酒闌病客惟思睡

蜜熟黃蜂亦懶飛芍藥櫻桃俱掃地自注病過鬢絲禪此二物

榻兩忘機憑君借取法界觀一洗人間萬事非自注來書云近

看此書余未嘗見也

欽定四庫全書

御選唐宋詩醇

卷三十四

三

酒闌句是賦蜜熟句是比對句却從上句生出作手大家即一屬對不易測識如是

方回曰酒闌病客惟思睡我也情也蜜熟黃蜂亦懶飛物也景也芍藥櫻桃俱掃地景也鬢絲禪榻兩忘機情也一輕一重一來一往所謂四實四虛前後虛實又當何如下手至此則知繫風捕影未易言矣坡妙年詩力頗寬至晚年乃神妙流動

西齋

西齋深且明中有六尺牀病夫朝睡足危坐覺日長昏
昏既非醉蹠蹠亦非狂褰衣竹風下穆然中微涼起行
西園中草木含幽香榴花開一枝桑棗沃以光鳴鳩得
美蔭困立忘飛翔黃鳥亦自喜新音變圓吭杖藜觀物
化亦以觀我生萬物各得時我生日皇皇

目見耳聞具有萬物各得其所氣象昔人稱淵明為古
閑淡之宗此則升堂入室矣

寄劉孝叔

欽定四庫全書

御選唐宋詩

卷三十四

三

君王有意誅驕鹵椎破銅山鑄銅虎聯翩三十七將軍
走馬西來各開府南山伐木作車軸東海取鼈漫戰鼓
汗流奔走誰敢後恐乏軍興汙資斧保甲連村圍未遍
方田訟牒紛如雨爾來手實降新書抉剔根株窮脉縷
詔書惻怛信深厚吏能淺薄空勞苦平生學問止流俗
衆裏笙竽誰比數忽令獨奏鳳將雛倉卒欲吹那得譜
況復連年苦饑饉剥齒草木啖泥土今年雨雪頗應時
又報蝗蟲生翅股憂來洗盞欲強醉寂寞虛齋卧空瓶

公厨十日不生烟更望紅裙踏筵舞故人屢寄山中信
只有當歸無別語方將雀鼠偷太倉未肯衣冠挂神武
吳興丈人真得道平日立朝非小補自從四方冠蓋闊
歸作二浙湖山主高蹤已自雜漁釣大隱何曾棄簪組
去年相從殊未足那得覩公家只在雲谿上上有白雲如白羽
俗緣未盡那得覩公家只在雲谿上上有白雲如白羽
應憐進退苦皇皇更把安心教初祖

始陳政令之弊繼悼饑饉之臻而中以詔書惻怛吏能

欽定四庫全書

御選唐宋詩

卷三十四

三

淺薄為詞可謂立言有體後言已不能如孝叔之高蹠
蓋其志在救時有未肯挂冠神武者特詩中不可以顯
言乃以雀鼠太倉故作慙謝故人之語溫厚和平與詩
人之旨宛合一切譏諷躁妄之詞其不可同年而語明
矣

烏臺詩案曰此詩君王有意四句為是時朝廷遣使
諸路點檢軍器及置三十七將官多張皇不便也南
山伐木十句以譏諷法令屢變事目煩多吏不能辦

也况復連年十二句意言近日饑餓蝗蟲之甚以譏諷政事闕失并新法不便之所致也又言酒食無備齊廚索然以譏諷新法減削公使太甚也公事既多旱蝗又甚公使窘迫所以言山中故人寄語令歸某貪祿未能便挂衣冠而去也又云自從西方冠蓋閑歸作二浙湖山主以譏諷近日提舉官所至苛碎生事故劉述乞官觀歸湖州也

施元之曰劉孝叔名述神宗擢侍御史知雜數論事
欽定四庫全書
御選唐宋詩醇
卷三十四
三
劉切會與王安石爭獄事不合出知江州踰歲提舉
崇禧觀東坡倅杭與孝叔會虎丘有詩紀事吳興六
客堂孝叔其一人也此詩首言征伐之意熙寧三年
十一月詔京畿河北京東西路置三十七將將官遂
與州郡長吏爭衡故云聯翩三十七將軍走馬西來
各開府又立保甲法令諸州籍保甲聚民而教之禁
令苛急往往去為盜郡縣不敢以聞故云保甲連村
團未遍五年立方田均稅法詔司農以條約并式頒

之天下歲以九月委令佐分地計量乃書戶帖連莊帳付之以為地符故云方田訟牒紛如雨七年呂惠卿建手實法使民自上其家之物產而官為注籍奉使者至折秋毫天下病之至八年十月乃罷故曰爾來手實降新書又曰平生學問止流俗者是時安石凡議其新政者皆以流俗謂之也

邵長蘅曰資斧資字當是質字之訛質與鎧通史記范睢傳臣之胸不足以當堪質而要不足以待斧鉞
欽定四庫全書
御選唐宋詩醇
卷三十四
三
又一語無效請伏斧質又石慶傳罪當伏斧質又漢書梅福傳雖伏質橫分臣之願也諸本既謬資舊注因並作資斧解極無謂

懷西湖寄鼂美叔同年
西湖天下景遊者無愚賢淺深隨所得誰能識其全嗟我本狂直早為世所捐獨專山水樂付與寧非天三百六十寺幽尋遂窮年所至得其妙心知口難傳至今清夜夢耳目餘芳鮮君持使者節風采爍雲烟清流與碧

獻安肯為君妍胡不屏騎從暫借僧榻眠讀我壁間詩
清涼洗煩煎策杖無道路直造意所便應逢古漁父葦
間自延緣問道若有得買魚勿論錢

知其妙處難傳便是能識其全者妙處既不可傳故令
讀壁間詩使自得之又令直造意所便以庶幾所至有
得耳

祭常山回小獵

青蓋前頭點皂旗黃茅岡下出長圍弄風騎馬跑空立

欽定四庫全書

御選唐宋詩醇

卷三十四

三

趁兔蒼鷹掠地飛回望白雲生翠巒歸來紅葉滿征衣
聖明若用西涼簿白羽猶能效一揮

此似規撫右丞風勁角弓鳴一詩馬立鷹飛宛然草枯

鷹眼疾雪盡馬蹄輕之句也白雲紅葉亦是千里雲平
遺意特其才大不露青藍冰水之迹耳結以謝艾自況

想見下筆時顧盼自雄躊躇滿志

烏臺詩案曰知密州日因祭常山回與同官習射放
鷹作詩意取西涼州主簿謝艾本是書生却善用兵

意以自比言聖朝若用某為將不減謝艾也

和文與可洋川園池三十首

錄七
首

湖橋

朱闌畫柱照湖明白葛烏紗曳履行橋下龜魚晚無數
識君拄杖過橋聲

橫湖

貪看翠蓋擁紅粧不覺湖邊一夜霜卷却天機雲錦段

從教匹練寫秋光

欽定四庫全書

御選唐宋詩醇

卷三十四

三

荷盡而水益光明寫得景色澄靜不似老杜斫却月中
桂清光應更多徒豪語耳

蓼嶼

秋歸南浦蟪蛄鳴霜落橫湖沙水清卧雨幽花無限思
抱叢寒蝶不勝情

待月臺

月與高人本有期挂簷低戶映蛾眉只從昨夜十分滿
漸覺冰輪出海遲

過谿亭

身輕步穩去忘歸四柱亭前野約微忽悟過谿還一笑
水禽驚落翠毛衣

賀當谷

漢川修竹賤如蓬斤斧何曾赦罿龍料得清貧饑太守
渭川千畝在胸中

文與可畫賀當谷偃竹記曰賀當谷在洋川與可嘗
令予作洋川三十詠賀當谷其一也予詩云云與可

是日與其妻遊谷中燒筍晚食發函得詩失笑噴飯

滿案

寒蘆港

溶溶晴港漾春暉蘆笋生時柳絮飛還有江南風物否
桃花流水鱖魚肥

寄題刀景純藏春塢

白首歸來種萬松待看千尺舞霜風年拋造物陶甄外
春在先生杖屨中楊柳長齊低戶暗櫻桃爛熟滴階紅

何時卻與徐元直共訪襄陽龐德公

三四一聯句法獨創後人效之未免學步邯鄲至五六
一聯軾乃脫化張謂春園家宴詩櫻桃解結垂檐子楊
柳能低入戶枝之句今注詩者乃引白居易夢遊春五
言云門柳暗全低簷櫻紅半熟而不引張詩既為未諳
源委且奈何舍盛唐而述中唐也

王直方詩話曰東坡作藏春塢有年拋造物陶甄外
春在先生杖屨中而秦少游作俞充哀詞乃云風生
使者旌旄上春在將軍俎豆中余以為依倣太甚

寄黎眉川

膠西高處望西川應在孤雲落照邊瓦屋寒堆春後雪
峨眉翠掃雨餘天治經方笑春秋學好士今無六一賢
自注君以春秋受知歐陽文忠公公自號六一居士且待淵明賦歸去共將詩酒

趁流年

施元之曰王介甫素不善春秋目為斷爛朝報時介
甫方得志故云治經方笑春秋學公為眉人黎方守

眉故有淵明歸去之句

志林曰黎希聲治春秋有家法然為人質木遲緩劉貢父戲為黎樣子黎以為指其德不知樣子真是木也一日聯騎出市人有鬻之者大笑幾落馬

次韻周邠寄鴈蕩山圖二首

指點先憑採藥翁丹青化出大槐宮眼明小閣浮烟翠

齒冷新詩嚼雪風二華行觀雄陝右九仙今已壓京東
自注將赴河中密邇太華九仙在東武奇秀不減鴈蕩也

此生的有尋山分已覺溫

欽定四庫全書

御選唐宋詩醇

三五

台落手中

西湖三載與君同馬入塵埃鶴入籠東海獨來看出日石橋先去踏長虹遙知別後添華髮時向樽前說病翁

所恨蜀山君未見他年攜手醉鄆筒

鴈蕩為自古圖牒所不記祥符中因採官木始見之此雖覽圖未歷其地故但以小閣浮烟翠一語形容其妙

以所得見之二華九仙作陪按周邠生於西湖而官於

鴈蕩軾生於蜀山而官於西湖次作稱西湖同遊蓋因

其所見以致未見之思結更以蜀山君未見為恨匪自矜以傲人蓋其交誼反覆纏綿蓋然言表

施元之曰周邠字開祖錢塘人東坡倅杭三年與開祖數從湖山之遊見於酬唱故云西湖三載與君同是時開祖為樂清令鴈蕩山實在境內

和龜同年九日見寄

仰看鸞鵠刺天飛富貴功名老不思病馬已無千里志
騷人長負一秋悲古來重九皆如此別後西湖付與誰

欽定四庫全書

御選唐宋詩醇

三五

遣子窮愁天有意吳中山水要清詩

以西湖對重九一時湊泊其妙不當於字句求之

賀裳曰譚友夏評此詩云遊止山水好景每尋替人不得況坡老開濱西湖何等闊情決不忍交付與俗人矣此評亦好但作詩時子瞻自杭州通守轉密州

西湖尚未開也

送喬施州

恨無負郭田二頃空有載行書五車江上青山橫絕壁

雲間細路躡飛蛇雞號黑暗通蠻貨蜂鬧黃連採蜜花

共怪河南門下客不應萬里向長沙

自注喬受知於吳丞相而施州風土

大類
長沙

善談風土衆可喜頗似宗元在柳州諸詩

董儲郎中嘗知眉州與先人遊過安丘訪其故居

見其子希甫留詩屋壁

白髮郎潛舊使君至今人道最能文隻雞敢忘橋公語

下馬來尋董相墳冬月負薪雖得免鄰人吹笛不堪聞

欽定四庫全書

御選唐宋詩醇

四三

卷三十四

死生契闊君休問灑淚西南向白雲

死生契闊四字括盡上六句意無語不典雅而出以便利情味灑然

范增曰按國史補云舊說董仲舒墓門下人至下馬謂之下馬陵故東坡詩云下馬來尋董相墳

御選唐宋詩醇卷三十四



總校官庶吉士臣張能照
校對官助教臣羅萬選

謄錄貢生臣郭坦

欽定四庫全書叢要

集部
御選唐宋詩醇卷三十五

欽定四庫全書叢要
御選唐宋詩醇卷三十五

眉山蘇軾詩四

目錄

除夜大雪留瀘州元日早晴遂行中途雪復作

送范景仁遊洛中

次韻景仁留別

書韓幹牧馬圖

欽定四庫全書

御選唐宋詩醇
卷三十五 目錄

送魯元翰少卿知衛州

和李邦直沂山祈雨有應

東欄梨花

次韻答邦直子由四首 錄二首

司馬君實獨樂園

子由將赴南都與余會宿於逍遙堂作兩絕句讀之殆不可為懷因其詩以自解余觀子由自少曠達天資近道又得至人養生長年之訣而余亦

詳校官原任事臣
李斯咏

竊聞其一二以為今者宦遊相別之日淺而異時

退休相從之日長既以自解且以慰子由云

過雲龍山人張天驥

初別子由

河復

黃河

韓幹馬十四匹

贈寫御容妙善師

欽定四庫全書
御選唐宋詩醇

卷三十五目錄

二

哭刁景純

答呂梁仲屯田

張寺丞益齋

送李公恕赴闕

虔州八境圖八首
錄六首

讀孟郊詩二首

與梁左藏會飲傅國博家

續麗人行

起伏龍行

次韻答劉涇

聞辯才法師復歸上天竺以詩戲問

僕曩於長安陳漢卿家見吳道子畫佛碎爛可惜

其後十餘年復見之於鮮于子駿家則已裝背完

好子駿以見遺作詩謝之

雨中過舒教授

次韻答舒教授觀余所藏墨

欽定四庫全書
御選唐宋詩醇

卷三十五目錄

三

答仲屯田次韻

芙蓉城

和鮮于子駿鄆州新堂月夜二首

中秋月三首

中秋見月寄子由

與頓起孫勉泛舟探韻得未字

御選唐宋詩醇卷三十五目錄

欽定四庫全書
唐宋詩醇卷一萬九千三百五十九

御選唐宋詩醇卷三十五

眉山蘇軾詩四

除夜大雪留瀘州元日早晴遂行中途雪復作

除夜雪相留元日晴相送東風吹宿酒瘦馬兀殘夢忽
曉曉光開旋轉餘花弄下馬成野酌佳哉誰與共須臾
晚雲合亂灑無缺空鵝毛垂馬駿自怪騎白鳳三年東

方旱逃戶連欹棟老農釋耒歎淚入饑腸痛春雪雖云

晚春麥猶可種敢怨行役勞助爾歌飯甕

即雪霽以致重粟勤民之意壯厲忼愴不藉侔色揣稱

矜抽秘騁妍之殊絕

送范景仁遊洛中

小人真閭事閭退豈公難道大吾何病言深聽者寒憂
時雖蚤白住世有還丹得酒相逢樂無心所遇安去年
行萬里蜀路走千盤投老身彌健登山意未闌西遊為
櫻荀東道盡鶴鸞杖屢攜兒去園亭借客看折花斑竹

欽定四庫全書

御選唐宋詩醇

卷三十五

欽定四庫全書

御選唐宋詩醇

卷三十五

景仁能累疏詆王安石致安石持其疏而手顛固是豪
傑之士而通篇乃盛稱洛中之勝舉仙踪神境以導之
語值元微然正是詩人溫柔敦厚遺意

烏臺詩案曰此詩言小人真閭事閭退豈公難意以

譏今時之小人閭於事理以進為榮以退為辱范鎮
賢者難進而易退小人不知也又云言深聽者寒謂
范鎮舊日多論時事其言深切聽者為恐忘言范鎮
所言為當時事多不便也

苔溪漁隱叢話曰東坡送范景仁遊洛中詩鮮書標
洞府松蓋偃天壇注云歐陽永叔嘗遊嵩山日暮於
絕壁上苔鮮成丈云神清之洞明日復尋不見又六
一居士集有戲占唐山隱者詩我昔曾為洛陽客偶

寺弄水石樓灘鬻馬衰憐白驚雷怯笑韓蘚書標洞府
自注歐陽永叔嘗遊嵩山日暮於絕壁上松蓋偃天壇
見苔鮮成丈云神清之洞明日復尋不見松蓋偃天壇
試與劉夫子重尋靖長官自注劉几云曾見人嵩山幽
絕處眼光如猫意其為靖長官也靖長官唐末
五代人得道不死

向岩前坐盤石四字丹書萬仞崖神清之洞瑣樓臺
蓋紀此事余謂二公人物文章俱為天下第一自是

神仙中人應居紫府閨苑固宜所夢所見之異也

次韻景仁留別

公老我亦衰相見恨不數臨行一杯酒此意重山嶽歌
詞白絳清琴弄黃鐘濁詩新眇難和飲少僅可學欲參
兵部選有力誰如犖且作東諸侯山城雄鼓角南遊許
過我不憚千里邈會當聞公來倒屣髮一握

書韓幹牧馬圖

南山之下汧渭之間想見開元天寶年八方分屯隘秦

川四十萬匹如雲烟駢駞驪駒驃白魚赤兔驛皇

鶼龍顧鳳頭獐且妍奇姿逸德隱驚頑碧眼胡兒手足
鮮歲時翦刷供帝閑柘袍臨池侍三千紅粧照日光流

淵樓下玉螭吐清寒往來蹙踏生飛湍衆工舐筆和朱

鉛先生曹霸弟子韓廸馬多肉尻脛圓肉中畫骨誇尤

難金羈玉勒繡羅鞍鞭筆刻烙傷天全不如此圖近自

然平沙細草荒芊綿驚鴻脫兔爭後先王良挾策飛上
天何必俯首服短轍

馬詩有杜甫諸作後人無從着筆矣千載獨有軾詩數
篇能別出一奇於浣花之外骨幹氣象實相等埒一篇
中雕駢駢駢驪驪驃驃蓋本昌黎陸渾山火詩鴉鵠雕鷹
雉鵠鵠之句王士禛謂並是學急就篇句法由其氣大
故不見其累重之迹即如此詩本是則倣少陵而此二
句乃全似昌黎亦不覺也

烏臺詩案曰意以駢驥自比譏執政大臣無能盡我
才如王良之御者何必折節干求進用也

送魯元翰少卿知衛州

冗士無處著寄身范公園桃花忽成陰薺麥秀已繁門
門春晝永惟有黃蜂喧誰人肯攜酒共醉榆柳村鄰卿
獨何者一月三到門我不往拜之鬚來意彌敦堂元
老後亹亹仁人言憶在錢塘歲情好均弟昆時於冰雪
中笑語作春溫欲飲徑相覓夜開叢竹軒搜尋到篋笥

鮓醢無復存每愧烟燄中玉腕親炮燔別來今幾何相
對如夢魂告我當北渡新詩侑清樽坡陁太行麓洶湧
黃河翻仕宦非不遇王畿西北垣斯民如魚耳見網則
驚奔皎皎千丈清不如尺水渾刑政雖首務念當養其
源一聞襦袴音盜賊安足論

始述近事中敘舊遊末段見網驚奔等語本指新法言

之亦是元翰本事然却隱而不言但以作贈行者勸勉

之詞氣味深厚如此而龜山語錄乃謂坡詩只是譏誚

怒罵何耶

施元之曰公自密移守河中至京師改徐州時有旨
不許入國門寓城外范蜀公園故首句云云魯元翰
名有開乃蕭何之姪自知南康代還王介甫問江
南如何元翰對新法當為異日患介甫怒僅得倅杭
公時亦為杭倅與魯同官魚曾先代去前有壽星院錢
魯少卿詩即元翰也

和李邦直沂山祈雨有應

欽定四庫全書

御選唐宋詩醇

五

欽定四庫全書

御選唐宋詩醇

六

高田生黃埃下田生蒼耳蒼耳亦已無更問麥有幾蛟
龍睡足亦解慙二麥枯時雨如洗不知雨從何處來但
聞呂梁百步聲如雷試上城南望城北際天菽粟青成
堆飢火燒腸作牛吼不知待得秋成否半年不雨坐龍
慵共怨天公不怨龍今朝一雨聊自贖龍神社鬼各言
功無功日盜太倉穀嗟我與龍同此責勸農使者不汝
容因君作詩先自効

每於轉接處見其筆力之奇矯如二麥枯時雨如洗以
下忽接不知雨從何處來際天菽粟以下忽接飢火燒

腸作牛吼神鬼言功以下忽接無功日盜太倉穀波詭
雲屬殆是莫可思議昌黎云不待彈劾還耕桑此詩
云因君作詩先自効賢者惟時深食祿之恥所以政事
多卓然可觀

烏臺詩案曰此詩言本因龍神懶惰不行雨却使人
怨天公以譏執政大臣不任職不能調理陰陽却使
人怨天子以天公比天子以龍神社鬼比執政大臣

及百執事某自言無功竊祿與大臣無異

東欄梨花

梨花淡白柳深青
柳絮飛時花滿城
惆悵東欄二株雪
人生看得幾清明

濃至之情偶於所見發露絕句中幾與劉夢得爭衡
容齋隨筆曰張文潛好吟東坡梨花絕句每吟一過
必擊節賞嘆不能已文潛蓋有省於此云

次韻答邦直子由四首

錄二首

欽定四庫全書
御選唐宋詩醇
卷三十五
簿書顛倒夢魂間
知我疎慵肯見原
閑作閑門僧舍冷
病聞吹枕海濤喧
忘懷杯酒逢人共
引睡文書信手翻
欲吐狂言喙三尺
怕君嗔我卻須吞
自注邦直屢以此見戒
君雖為我此遲留
別後淒涼我已憂
不見便同千里遠
退歸終作十年遊
恨無揚子一區宅
懶卧元龍百尺樓
聞道鷓鴣滿臺閣
網羅應不到沙鷗

自寫疎慵潦倒令人意惻

司馬君實獨樂園

青山在屋上流水在屋下中有五畝園花竹秀而野
香襲杖屢竹色侵苔草樽酒樂餘春棋局消長夏洛陽
古多士風俗猶爾雅先生卧不出冠蓋傾洛社雖云與
衆樂中有獨樂者才全德不形所貴知我寡先生獨何
事四海望陶冶兒童誦君實走卒知司馬持此欲安歸
造物不我捨名聲逐吾輩此病天所賜撫掌笑先生年
來效暗啞

言景如畫言情如話令人神遊其地想見其人時錢

欽定四庫全書
御選唐宋詩醇
卷三十五
公輔在鄞縣建衆樂亭司馬光贈以詩曰使君如獨樂
衆庶必深贊蓋獨樂之與衆樂道本同然此詩云雖云
與衆樂中有獨樂者最得其意兒童誦君實走卒知
司馬二句以姓對字唐賢所未有然非無本也劉越石
詩云宣尼悲獲麟西狩泣孔某謝惠連詩云雖好相如
達不學長卿慢正此詩所則倣其他史傳所載如萬事
不理問伯始天下中庸有胡公亂中生塵范史雲金中
生魚范菜蕪之類尤不勝指數矣

烏臺詩案曰司馬光在西京葺一園名獨樂園作詩

寄之此詩言四海望光執政陶冶天下以譏見任執
政不得其人又言兒童走卒皆知其姓字終當進用

緣光曾言新法不便某亦曾言新法不便既言終當

進用光意亦譏新法不便終用光改變此法也又言

光却瘡默不言意望光依前上言攻擊新法也

澠水燕談曰司馬文正公高才全德大得中外之望

士大夫識與不識稱之曰君實下至閭閻畝畝匹夫

正婦莫不能道司馬公身退十餘年而天下之人日

冀其復用於朝子瞻獨樂園詩蓋紀實也

子由將赴南都與余會宿於逍遙堂作兩絕句讀

之殆不可為懷因其詩以自解余觀子由自少

曠達天資近道又得至人養生長年之訣而余亦

竊聞其一二以為今者宦游相別之日淺而異時

退休相從之日長既以自解且以慰子由云

別期漸近不堪聞風雨蕭蕭已斷魂猶勝相逢不相識

形容變盡語音存

但令朱雀長金花此別還同一轉車五百年間誰復在
會看銅狄兩咨嗟

二詩惟語語解慰乃益見別恨之深低回欲絕

冷齋夜話曰用事琢句妙在言其用而不言其名此
詩云猶勝相逢不相識形容變盡語音存是用事而
不言其名也

蘇轍逍遙堂詩序曰轍幼從子瞻讀書未嘗一日相

舍既壯將遊宦四方讀莘蘇州詩至那知風雨夜復

此對牀眠惻然感之乃相約早退為閑居之樂故子

瞻始為鳳翔幕府留詩為別曰夜雨何時聽蕭瑟其

後子瞻通守餘杭復移守膠西而轍滯留於淮陽濟

南不見者七年熙寧十年二月始復會於澶濮之間

相從彭城留百餘日時宿於逍遙堂追感前約為作

二小詩

容齋隨筆曰東坡守彭城子由來訪之留百餘日而

去作二小詩曰逍遙堂後千尋木長送中宵風雨聲

誤喜對牀尋舊約不知漂泊在彭城秋來東閣涼如

水客去山翁醉似泥因卧北窓呼不醒風吹松竹雨
淒淒東坡以為讀之殆不可為懷乃和其詩以自解
至今觀之尚能使人淒然也

過雲龍山人張天驥

郊原雨初足風日清且好病守亦欣然肩輿白門道荒

田咽蛩蚓村巷懸梨棗下有幽人居閉門空雀噪西風

欽定四庫全書

御選唐宋詩醇

土

欽定四庫全書

御選唐宋詩醇

十三

高正厲落葉紛可掃孤童卧斜日病馬放秋草墟里通
有無垣牆任推倒君家本冠蓋絲竹閑鄰保脫身聲利
中道德自濯澡躬耕抱羸疾奉養百歲老詩書膏吻頰
菽水媧翁媼饑寒天隨子杞菊自擷筆慈孝董邵南雞
狗相乳抱吾生如寄耳歸計失不蚤故山豈敢忘但恐
迫華皓從君好種秫斗酒時自勞

垣牆任推倒以上村落園林摹繪如見昔人謂詩中有
畫畫猶有所不能到詩則無所不到也然非具四通六

明之力亦豈能以達之

初別子由

我少知子由天資和而清好學老益堅表裏漸融明豈
獨為吾弟要是賢友生不見六七年微言誰與賡常恐
坦率性放縱不自程會合亦何事無言對空枰使人之
意消不善無由萌森然有六女包裹布與荆無憂賴賢

婦藜藿等大烹使子得行意青衫陋公卿明日無晨炊
倒牀作雷鳴杖眠我東閣夜聽風雨聲懸知不久別妙

欽定四庫全書

御選唐宋詩醇

十三

理難細評昨日忽出門孤舟轉西城歸來北堂上古屋
空崕嶮退食悞相從入門中自驚南都信繁會人事水
火爭念當閉閣坐頹然寄聲盲妻子亦細事文章固虛
名會須掃白髮不復用黃精

轍為軾題像贊則云人曰吾兄我曰吾師軾此詩亦云
豈獨為吾弟要是賢友生想見兄弟間自相師友極天
倫之樂事也至於不見而恐故縱不自程既見而使不
善無由萌讀之令人凜然若無此數句而但有後幅敘

述家常之詞即與凡俗何異

趙次公曰南都則南京也時子由從張文定簽書南京判為此別也

河復

并序

熙寧十年秋河決澶淵注鉅野入淮泗自澶魏以北皆絕流而濟楚大被其害彭門城下水二丈八尺七十餘日不退吏民疲於守禦十月十三日澶州大風終日既止而河流一枝已復故道聞之喜甚庶幾可

塞乎乃作河復詩歌之道路以致民願而迎神休蓋

守土者之志也

君不見西漢元光元封間河決瓠子二十年鉅野東傾淮泗滿楚人恣食黃河鱣萬里沙回封禪罷初遣越巫沈白馬河公未許人力窮薪芻萬計隨流下吾君仁聖如帝堯百神受職河神驕帝遣風師下約束北流夜起澶州橋東風吹凍收微綠神功不用淇園竹楚人種麥滿河淤仰看浮槎棲古木

賦古事以證時事不更加論斷而於中間入題處提曰吾君仁聖如帝堯則知瓠子築宮有不足道矣更挽一筆云神功不用淇園竹以與前文相呴應其沈雄雅健要與瓠子二歌不同其音調而同其氣骨

王宗稷東坡先生年譜曰熙寧十年徐州水患大作七月十七日河決澶州曹村埽八月二十一日及徐州城下先生治水有功至十月五日水漸退城以全朝廷降詔獎諭作河復詩

黃河

活活何人見混茫崑崙氣脈本來黃濁流若解污清濟驚浪應須動太行帝假一源神禹跡世流三患梗堯鄉靈槎果有仙家事試問青天路短長

黃河渾渾泡泡從天而來非才筆賦之不稱

韓幹馬十四匹

二馬並驅攢八蹄二馬宛頸驥尾齊一馬任前雙舉後一馬却避長鳴嘶老鬚奚官騎且顧前身作馬通馬語

後有八匹飲且行微流赴吻若有聲前者既濟出林鶴

後者欲涉鶴俛啄最後一匹馬中龍不嘶不動尾搖風
韓生畫馬真是馬蘇子作詩如見畫世無伯樂亦無韓
此詩此畫誰當看

韓子畫記只是記體不可以入詩杜子觀畫馬圖詩只
是詩體不可以當記杜韓開其端蘇乃盡其極敘次歷
落妙言奇趣觸緒橫生真堪獨立千載

容齋五筆曰韓公人物畫記其敘馬處云馬大者九

匹於馬之中又有上者下者焉行者牽者奔者涉者

陸者翹者顧者鳴者寢者訛者立者蹴者飲者溲者
陟者降者痒磨樹者噓者喚者喜而相戲者怒相踶

齧者秣者騎者驟者走者載服物者載孤兔者凡馬

之事二十有七焉馬大小八十有三而莫有同者焉
秦少游謂其敘事該而不煩坡公賦韓幹十四馬詩
之與記其體雖異其為布置鋪寫則同誦坡公之語
蓋不待見畫也

贈寫御容妙善師

憶昔射策干先皇珠簾翠幄分兩廂紫衣中使下傳詔

跪奉冉冉聞天香仰觀眩晃目生暈但見曉色開扶桑

迎陽晚出步就坐絳紗玉斧光照廊野人不識日月角

彷彿尚記重瞳光三年歸來真一夢橋山松檜淒風霜

天容玉色誰敢畫老師古寺晝閉房夢中神授心有得
覺來信手筆已忘幅巾常服儼不動孤臣入門涕自滂

元老侑坐鬚眉古虎臣立侍冠劍長平生慣寫龍鳳質

肯顧草間猿與麋都人踏破鐵門限黃金白璧空堆牀

爾來摹寫亦到我謂是先帝白髮郎不須覽鏡坐自了

明年乞身歸故鄉

許頤論此詩似深實淺詩以射策干先皇起以先帝白
髮郎結考嘉祐辛丑軾應制科其冬赴鳳翔簽判任及
治平甲辰還朝不得復見仁宗故中有三年歸來真一
夢之語詩雖為妙善而作而意則眷戀先皇無句不是
惓惓忠愛之忱此即軾所謂發乎情止乎忠孝而不僅

止乎禮義者也

許顥詩話曰此詩美甚美矣然不若丹青引微而顯得春秋之法

哭刁景純

讀書想前輩每恨生不蚤紛紛少年場猶得見此老此老如松柏不受霜雪槁直從毫末中自養到合抱宏材乏近用千載自枯倒文章餘正始風節貫華皓平生為人耳自為薄如縞是非雖難齊反覆看愈好前年旅吳

欽定四庫全書

御選唐宋詩醇

卷三十五

文

越把酒慶壽考叩門無晨夜百過迹未掃但知從德公未省厭邱嫂別時公八十後會知難保昨日故人書連年喪翁媼自注妻先亡傷心范橋水漾漾舞寒藻華堂不見人瘦馬空戀阜我欲江東去匏樽酌行潦鏡湖無賀監慟哭稽山道忍見萬松岡荒池沒秋草

老成凋謝為世道之憂不僅一人交情而已此詩言之最為真切沈痛按刁約齒長於軾者四十二年而相與為友忘年之義不同流俗前有寄題景純藏春塢詩云

白首歸來種萬松又和岡字韻贈景純詩有為翁栽插萬松岡之句萬松岡即在所居藏春塢前是詩稱此老如松柏而結之以忍見萬松岡非但不忘其居亦緣其人實有卓爾貞松之操故足悼也

施元之曰刁景純名約冉徒人少卓越刻苦學問能文章始應舉京師與歐陽永叔富彥國聲譽稍高下天聖二年登進士第屈於為郎施不大耀士友歎惜而景純未嘗以為恨好急人之難海內識與不識多

欽定四庫全書

御選唐宋詩醇

卷三十五

六

歸之不治產業賓客故人常滿其門尊酒燕娛無虛時重義輕施有古人之風壽八十四

答呂梁仲屯田

亂山合沓圍彭門官居獨在懸水村自注懸水村呂梁地名居民蕭條雜麋鹿小市冷落無雞豚黃河西來初不覺但訝清泗流奔渾夜聞沙岸鳴壅盜曉看雪浪浮鵬鷗呂梁自古喉吻地萬頃一抹何由吞坐觀入市巖井吏民走盡餘王尊計窮路斷欲安適吟詩破屋愁鳶蹲歲寒

霜重水歸壑但見屋瓦留沙痕入城相對如夢寐我亦
僅免為魚龜旋呼歌舞雜詼笑不惜飲醻空餅益念君
官舍冰雪冷新詩美酒聊相溫人生如寄何不樂任使
絳蠟燒黃昏宣房未築淮泗滿故道煙滅瘡痍存明年
勞苦應更甚我當畚鍤先點髡付君萬指伐頑石千錠
雷動蒼山根高城如鐵洪口決談笑卻掃看崩奔農夫
掉臂免狼顧秋穀布野如雲屯還須更置軟腳酒為君
擊鼓行金樽

全詩分列三段黃河西來以下紀河決也歲寒霜重以
下紀河復也宣房未築以下則言將伐石築城為民捍
禦尤為淋漓盡致或疑詩有歌舞詼笑之句謂不於此
時殷憂惻怛而以行樂為言似為失體然此語乃在河
復之後幸得免為魚龜因而飲醻固是人情所有正見
其率真不作妄語耳

張寺丞益齋

張子作齋舍而以益為名吾聞之夫子求益非速成譬

如遠遊客日夜事征行今年適燕薊明年走蠻荆東觀
盡滄海西涉渭與涇歸來閉戶坐八方在軒庭又如學
醫人識病由飽更風雨晦明淫跛嬖瘡聾盲虛實在其
脉靜躁在其情榮枯在其色壽夭在其形苟能閑千人
望見知死生為學務日益此言當自程為道貴日損此
理在既盈願言書此詩以為益齋銘

似記似銘核其大旨只是老子為學日益為道日損二
句而已却先以遠遊譬之又以學醫譬之此文章離合

變化之法

送李公恕赴闕

君才有如切玉刀見之凜凜寒生毛願隨壯士斬蛟蜃
不顧腰間纏錦條用違其才志不展坐與胥吏同疲勞
忽然眉上有黃氣吾君漸欲收英髦立談左右俱動色
一語徑破千言牢我頃分符在東武脫略萬事惟嬉遨
盡壞屏障通內外仍呼騎曹為馬曹君為使者見不問
反更對飲持雙螯酒酣箕坐語驚衆雜以嘲諷窮詩騷

世上小兒多忌諱獨能容我真賢豪為我買田臨汶水
逝將歸去誅蓬蒿安能終老塵土下俯仰隨人如桔槔
選詞琢句多出自黎激宕雄奇得骨得髓不可皮相也

虔州八境圖八首

錄六首

濤頭寂寞打城還章貢臺前暮靄寒勸客登臨無限思

孤雲落日是長安

白鵲樓前翠作堆紫雲嶺路若為開故人應在千山外

不寄梅花遠信來

欽定四庫全書

御選唐宋詩辭

卷三十五

五

朱樓深處日微明阜蓋歸時酒半醒薄暮樵漁人去盡

碧谿青嶂遶螺亭

卻從塵外望塵中無限樓臺烟雨濛山水照人迷向背

只尋孤塔認西東

烟雲縹渺鬱孤臺積翠浮空雨半開想見之罘觀海市

絳宮明滅是蓬萊

回峰亂嶂鬱參差雲外高人世得知誰向空山弄明月

山中木客解吟詩

漫叟詩話曰東坡作虔州八境詩云山中木客解吟
詩十道四蕃志記虔州上洛山有木客鬼與人交甚
信未嘗言能作詩也後得續法帖記木客詩云酒盡
吾莫沽壺傾我當發城市多囂塵還山弄明月方知
得句之因徐鉉謂鄱陽山中有木客自言秦時造阿
房宮採木者豈鉉未嘗見十道四蕃志耶

讀孟郊詩二首

夜讀孟郊詩細字如牛毛寒燈照昏花佳處時一遭孤

欽定四庫全書

御選唐宋詩辭

卷三十五

五

芳擢荒穢苦語餘詩騷水清石鑿鑿湍激不受篙初如
食小魚所得不償勞又似煮彭蠡竟日嚼空螯要當鬪
僧清未足當韓豪人生如朝露日夜火消膏何苦將兩
耳聽此寒蟲號不如且置之飲我玉色醪

我憎孟郊詩復作孟郊語饑腸自鳴喚空壁轉飢鼠詩
從肺腑出出輒愁肺腑有如黃河魚出膏以自煮尚愛
銅斗歌鄙俚頗近古桃弓射鴨罷獨速短蓑舞不憂踏
船翻踏浪不踏上吳姬霜雪白赤脚浣白紵嫁與踏浪

兒不識別離苦歌君江湖曲感我長羈旅

郊詩佳處惟此言之親切前作孤芳水清四句道其體格風調繼乃比之食小魚煮彭越聽寒蟲號者軾蓋直以韓豪自居也後作自云作孟郊語讀之宛然郊詩如詩從肺腑出出輒愁肺腑二語非郊不能道觀銅斗歌全用其語愛之深矣郊寒島瘦千古奉軾語為定評顧島豈得與郊抗衡哉

隱居詩話曰孟郊詩蹇泣窮僻琢削不暇真苦吟而

欽定四庫全書

御選唐宋詩醇

卷三十五

三

成觀其句法格力可見矣其自謂夜吟曉不休苦吟鬼神愁如何不自閑心與身為仇而退之薦士詩云

榮華肖天秀捷疾愈響報何也

與梁左藏會飲傅國博家

將軍破賊自草檄論詩說劍俱第一彭城老守本虛名識字劣能欺項籍風流別駕貴公子欲把笙歌暖鋒鏑紅旆朝開猛士噪翠帷暮卷佳人出東堂醉卧呼不起啼鳥落花春寂寂試教長笛傍耳根一聲吹裂墻前石

欲把笙歌暖鋒鏑語奇而未亮得紅旆二句以申言之

精彩煥發矣後來作邊城將少年行等詩者每彷彿其

詞總不逮是詩之豪岸逸蕩續麗人行

自注李仲謀家有周昉畫背面欠伸內人極精戲作此詩

深宮無人春日長沈香亭北百花香美人睡起薄梳洗燕舞鶯啼空斷腸畫工欲畫無窮意背立東風初破睡若教回首卻嫣然陽城下蔡俱風靡杜陵饑客眼長寒蹇驢破帽隨金鞍隔花臨水時一見只許腰肢背後看

欽定四庫全書

御選唐宋詩醇

卷三十五

三

心醉歸來茅屋底方信人間有西子君不見孟光舉案與眉齊何曾背面傷春啼

題是背面欠伸詩却以回首嫣然想見其情致更不用

珠壓腰褪字面尤工於避俗

苕溪漁隱叢話曰東坡續麗人行詩韓子蒼用此意題伯時所畫宮女云睡起昭陽暗淡粧不知緣底背斜陽若教轉盼一回首三十六宮無粉光終不及東坡之偉麗也

菊坡叢話曰陳後山寄曹州晁大夫詩云墮絮隨風化作塵黃樓桃李不成春只今容有名駒子因倚闌干一欠伸自注云周昉畫美人有背立欠伸者最為妍絕東坡所賦麗人行也

起伏龍行并引

徐州城東二十里有石潭父老云與泗水通增損清濁相應不差時有河魚出焉元豐元年春旱或云置

虎頭潭中可以致雷雨用其說作起伏龍行

何年白竹千鈞弩射殺南山雪毛虎至今顧骨帶霜牙
尚作四海毛蟲祖東方久旱千里赤三月行人口生土
碧潭近在古城東神物所蟠誰敢侮上欹蒼石擁巖竇
下應清河通水府眼光作電走金蛇鼻息為雲擢烟縷
當年負圖傳帝命左右義軒詔神禹爾來懷寶但貪眠
滿腹雷霆瘡不吐赤龍白虎戰明日自注是月丙辰倒卷
黃河作飛雨嗟我豈樂鬪兩雄有事徑須煩一怒
興雨是龍致雨是虎首四句從虎說起更不說及雷雨

次點出久旱次言龍之神靈而以懷寶貪眠二句煞住突接赤龍白虎戰明日四句結盡全篇怪怪奇奇不可方物

嘉話錄曰南中久旱即以長繩繫虎頭骨投有龍處

入水即掣不定俄頃雲起潭中雨亦隨降龍虎敵也

雖枯骨猶能激動如此

次韻答劉涇

吟詩莫作秋蟲聲天公怪汝鉤物情使汝未老華髮生

芝蘭得雨蔚青青何用自燔以出馨細書千紙雜真行
新音百變口如鶯異義蓬起弟子爭舌翻濤瀾卷齊城
萬卷堆胸兀相撐以病為樂子未驚我有至味非煎烹
是中之樂吁難名綠槐如山闇廣庭飛蟲繞耳細而清
敗席展轉卧見經亦自不嫌翠織成意行信足無溝坑
不識五郎呼作卿吏民哀我老不明相戒無復煩鞭刑
時臨泗水照星星微風不起鏡面平安得一舟如葉輕
卧聞郵籜報水程尊美羊酪不須評一飽且救饑腸鳴

固是源泉溢湧然無字不經稱量而出柏梁體詩最難似此精渾

聞辯才法師復歸上天竺以詩戲問

道人出山去山色如死灰白雲不解笑青松有餘哀忽聞道人歸鳥語山谷開神光出寶髻法雨洗浮埃想見南北山花發前後臺寄聲問道人借禪以為詆何所聞而去何所見而回道人笑不答此意安在哉昔年本不住今者亦無來此語竟非是且食白楊梅

欽定四庫全書

御選唐宋詩賜

卷三十五

王

昔本不住今亦無來說來真是無縛無脫較聞所聞而來見所見而去更上一層矣鳥語山谷開五字尤有神助

咸淳臨安志曰嘉祐末守沈文通以為天竺起於司馬晉時踰七百載而觀音發跡西峰南及百年遂分為二所謂上天竺也住持海月以辯才法師元淨為其主仍請於朝以教易禪賜名靈感觀音院元淨於潛人十歲出家年二十五賜紫衣及辯才號沈邁

治杭命住上天竺師增室至萬礎重樓傑閣冠於浙西學者數倍居十七年有奪之者遂還於潛逾年復歸天竺三年謝去老於南山龍井之上

僕曩於長安陳漢卿家見吳道子畫佛碎爛可惜其後十餘年復見之於鮮于子駿家則已裝背完

好子駿以見遺作詩謝之

貴人金多身復閑爭買書畫不計錢已將鐵石充逸少

自注法帖大王書中有殷更補朱絲為道玄收吳道子

鐵石字鐵石染武帝時人

自注世所收吳道子

欽定四庫全書

御選唐宋詩賜

卷三十五

王

畫多朱烟薰屋漏裝玉軸鹿皮蒼璧知誰賢吳生畫佛絲筆也秋毫顛昔我長安見此畫歎息至寶空潛然素絲斷續不忍看已作蝴蝶飛聯翩君能收拾為補綴體質散落嗟神全誌公鬢髮見刀尺修羅天女猶雄妍如觀老杜飛鳥句脫字欲補知無緣問君乞得良有意欲將俗眼為洗湔貴人一見定羞作錦囊千紙何足捐不須更用博麻縷付與一炬隨飛烟

以殷鐵石為王逸少以朱繇為吳道子書畫鑒賞之難
今古同然真不值一笑粲也覺來落筆不經意神妙獨
到秋毫顛寫吳生神授處洞入元微末云不須更用博
麻縷似用孟子麻縷輕重同之語若云不須更論價之
輕重耳王注謂博麻縷似祖語麻三斤之類未免曲解
書畫史曰蘇子瞻家收吳道子畫佛及侍者誌公十
餘人破碎甚而當面一手精彩動人點不加墨口淺
深暉成故最如活

欽定四庫全書

御選唐宋詩醇

卷三十五

三

雨中過舒教授

疎疎簾外竹瀾瀾竹間雨牕扉靜無塵几硯寒生霧美人樂幽獨有得緣無慕坐依蒲褐禪起聽風甌語客來淡無有灑掃涼冠屨濃茗洗積昏妙香淨無慮歸來北堂闔一一微螢度此生憂患中一餉安閒處兆爲悔前笑黃犬悲晚悟自非陶靖節誰識此閒趣

一種逸趣閑情煅鍊而出自具無上妙諦

次韻答舒教授觀余所藏墨

異時長笑王會稽野鶩羶腥汙刀几暮年卻得庾安西
自獻家雞題六紙二子風流冠當代顧與兒童爭溫喜
秦王十八已龍飛嗜好晚將蛇蚓比我生百事不挂眼
時人繆說云工此世間有癖念誰無傾身障籬尤堪鄙
一生當着幾絹屐定心肯為微物起此墨足支三十年
但恐風霜侵髮齒非人磨墨黑磨人餅應未罄罍先恥
逝將振衣歸故國數畝荒園自鋤理作書寄君君莫笑
但覓來禽與青李一螺點漆便有餘萬竈燒松何處使
君不見永寧第中搏龍麝列屋閑居清且美倒暉連眉
秀嶺浮雙鵠畫鬢香雲委時聞五斛賜蛾綠不惜千金
求獮體聞君此詩當大笑寒牕冷硯冰生水
脫然畦徑處處作感觸喚醒之語善談玄理何必晉宋
間人

苦溪漁隱叢話曰東坡云阮生言未知一生當著幾
兩屐吾有嘉墨七十枚而猶求取不已不近愚耶是
可嗤也石昌言蓄李廷珪墨不許人磨或戲之云子

不磨墨墨將磨子余嘗有詩曰非人磨墨磨人此

語殆可淒然云東坡前詩乃和舒教授觀所藏墨又云吾蓄墨多矣其間數枚云是廷珪所造雖形色異衆然歲久墨之亂真者多皆疑而未決也

容齋四筆曰東坡題潭帖云庚征西初不服逸少有家雞野鶩之論後乃以為伯英再生今觀其書乃不逮子敬遠甚正可比羊欣耳案庚亮及弟翼俱為征西將軍坡所引者翼也坡又有詩曰暮年却得庾安

西自厭家雞題六紙蓋指翼前所歷官云

施元之曰永寧第中擣龍麝唐永寧里王涯第也或云李駙馬第今士大夫家有墨其上有永寧閣第四

字即是也意或用此

答仲屯田次韻

秋來不見渼陂岑千里詩盟忽重尋大木百圍生遠籟朱絃三歎有餘音清風卷地收殘暑素月流天掃積陰欲遣何人賡絕唱滿墻桐葉候蟲吟

芙蓉城
并引

世傳王廸子高與仙人周瑤英遊芙蓉城元豐元年三月余始識子高問之信然乃作此詩極其情而歸之正亦變風止乎禮義之意也

芙蓉城中花冥冥誰其主者石與丁珠簾玉案翡翠屏雲舒霞卷千傳停中有一人長眉青炯如微雲澹疎星往來三世空鍊形竟坐誤讀黃庭經天門夜開飛爽靈無復白日乘雲輶俗緣千劫磨不盡翠被冷落淒餘馨

欽定四庫全書

御選唐宋詩賜

卷三十五

三

因過維山朝帝廷夜聞笙簫弭節聽飄然而來誰使令皎如明月入牕櫺忽然而去不可執寒衾虛幌風泠泠仙宮洞房本不局夢中同躡鳳凰翎徑度萬里如奔霆玉樓浮空聳亭亭天書雲篆誰所銘遼樓飛步高齡辨

仙風鏘然韻流鈴蓬蓬形開如醉醒芳卿寄謝空丁寧一朝覆水不返併羅巾別淚空熒熒春風花開秋葉零世間羅綺紛縕腥此身流浪隨滄溟偶然相值兩浮萍願君收視觀三庭勿與嘉穀生蝗螟從渠一念三千齡

下作人間尹與邢

大指採摭傳略而歸之於收視三庭保生嘉穀首言石
與丁見福地之有牢持終言尹與邢恐塵寰之多墮落
中間敘述處仙踪縹緲夢景迷離覺入不言兮出不辭
乘回風兮載雲旗未足喻其超詣

許頤詩話曰詩人寫人物態度至不可移易元微之

李娃行云髻鬟峨峨高一尺門前立地看春風此定
為娼婦退之華山女詩云洗粧拭面著冠帔白咽紅
頬長眉青此定是女道士東坡芙蓉城詩亦用長眉
青三字云中有一人長眉青炯如微雲淡疎星便有
神仙風度

苔溪漁隱叢話曰東坡此詩最為流麗故秦太虛與
東坡簡云素紙一軸敢冀醉後揮近文并芙蓉城

詩時得把玩以慰馳情

六一居士詩話曰石曼卿卒後其故人有見之者云
恍惚如夢中言我今為神仙也所主芙蓉城欲呼故

人往遊不得忿然騎一素驃去如飛

括異志曰慶歷中有朝士將晚赴朝見美女三十餘
人靚粧麗服兩兩並馬而行可度觀文按轡於其後
朝士驚曰丁素儉約何姬之衆耶有一士最後行朝
士問曰觀文將宅眷何往曰非也諸女御迎芙蓉館

主俄聞丁卒

胡微之芙蓉城傳略曰王迥字子高初遇一女自言
周太尉女語王曰我於人間嗜欲未盡緣以冥契當

欽定四庫全書

御選唐宋詩略

卷三十五

三

侍巾幘自是朝去夕至凡百餘日周云即預朝列王
曰朝帝耶不言其詳由此終去不來者數日忽一夕
夢周道服而至謂王曰我居幽僻君能一往否喜而

從之但覺其身飄然與周同舉須臾過一嶺及一門
珍禽佳木清流怪石殿閣金碧相照遂與王自東廂
門入循廊至一殿亭甚雄壯下有三樓相視而聳廊
間半開周忽入王少留須臾周與一女郎至周曰三

山之事息乎曰雖已息奈情何於是拊掌而去逡巡

東廊之門啟有女流道裝而出者百餘人立於庭下

俄聞殿上捲簾有美丈夫一人朝服憑几而庭下之

女循次而上少頃憑几者起簾復下諸女流亦復不

見周遂命王登東廊之樓上有酒具憑欄縱觀山川

清秀梁上有碑題曰碧雲其字則真誥八龍雲篆王

未及下一女郎復登是樓年可十五容色嬌媚亦周

之比周曰此芳卿也與我最相愛芳卿蓋其字耳夢

之明日周至王語以夢周笑曰芳卿之意甚勤也王

問何地周曰芙蓉城也曰憑几者誰三山之事何謂
周皆不對問芳卿何姓曰與我同王感其事作詩遺
周周臨別留詩云久事屏幃不暫閑今朝離意尚闊
珊瑚臨行惟有相思淚滴在羅衣一半班

和鮮于子駿鄆州新堂月夜二首

自注前次
韻後不次

去歲遊新堂春風雪消後池中半篙水池上千尺柳佳
人如桃李胡蝶入衫袖山川今何許疆野已分宿歲月
不可思駛若船放溜繁華真一夢寂寞兩榮朽惟有當

時月依然照杯酒應憐船上人坐穩不知漏

明月入華池反照池上堂堂中隱几人心與水月涼風

螢已無迹露草時有光起觀河漢流步屢響長廊名都

信繁會千指調絲簧先生病不飲童子為燒香獨作五

字詩清絕如韋郎詩成月漸側皎皎兩相望

新堂之勝在池故兩首皆以池為言前言春雪之消後
言秋月之入而以惟有當時月二句為兩首通脈略寫

池月返照之景清沁肺腑 宋文鑑載有鮮于侁新堂

夜坐詩云秋風動微涼天雨新霽後閑齋獨隱几明月
在高柳新堂景色與此所言略同前一首即次夜坐韻
周周臨別留詩云久事屏幃不暫閑今朝離意尚闊
也

中秋月三首

殷勤去年月瀛灔古城東憔悴去年人卧病破窗中徘徊
徊巧相覓窈窕穿房櫳月豈知我病但見歌樓空撫枕
三歎息扶杖起相從天風不相哀吹我落瓊宮白露入
肺肝夜吟如秋蟲坐令太白豪化為東野窮餘年知幾

何佳月豈屢逢寒魚亦不睡竟夕相噦嚙

六年逢此月五年照離別

自注中秋有月凡六年矣
惟去歲與子由會於此歌

君別離曲滿坐為淒咽留都信繁麗此會豈易擲鎔銀
百頃湖挂鏡千尋闕三更歌吹罷人影亂清樾歸來北
堂下寒光翻露葉喚酒與婦飲念我向兒說豈知衰病
後空盞對梨票但見古河東草麥如鋪雪欲和去年曲
復恐心斷絕

舒子在汶上閑門相對清

自注舒煥試舉人鄭州

鄭子向河朔

自注

中秋見月寄子由

欽定四庫全書

御選唐宋詩醇

卷三十五

三

鄭僅赴北孤舟連夜行頓子雖咫尺兀如在牢局

自注頓起

京戶曹來徐試舉人

趙子寄書來水調有餘聲

自注今日得趙果卿書猶記余在東武中秋所作水調歌頭

悠哉四子心共此千里明明月不解老良辰

難合并回頭坐上人聚散如流萍嘗聞此宵月萬里同

陰晴自注故人史生為余言嘗見海賈云中秋有月則日會合相問則陰晴無不同者天公自著意此會那可輕明年各相望

俯仰今古情

首作雖以郊寒自況嘯歌襄回其風流則頡頏乎太白

矣次篇專為懷轍而作三作雜述所思不避紛沓翻成錯落

苔溪漁隱叢話曰漫叟詩話云南唐僧謙明中秋得句云此夜一輪滿清光何處無先得上句次年秋方得下句嘗見使燕錄云惟中秋天色陰晴中外皆同東坡中秋詩云嘗聞此宵月萬里同陰晴說與使燕錄相合

欽定四庫全書

御選唐宋詩醇

卷三十五

三

明月未出羣山高瑞光萬丈生白毫一杯未盡銀闕涌亂雲脫壞如崩濤誰為天公洗眸子應費明河千斛水遂令冷看世間人照我湛然心不起西南大星如彈丸角尾奕奕蒼龍蟠今宵注眼看不見更許螢火爭清寒何人艤舟臨古汴千燈夜作魚龍變曲折無心逐浪花低昂赴節隨歌板

自注是夜賈客舟中放水燈

青熒滅沒轉前山浪颶風迴豈復堅明月易低人易散歸來呼酒更重看堂

前月色愈清好咽寒蟹鳴露草卷簾推戶寂無人牕

下吟啞惟楚老

自注近有一孫名楚老

南都從事莫羞貧對月題

詩有幾人明朝人事隨日出悅然一夢瑤臺客

起四句寫月未出初出之景著紙生輝次乃言星次乃

言燈以至寒螿露草無非旁側鋪襯而一片澄明之境

與對景懷人之情令人諷誦流連而不能已蓋月不可

摹摹其在月中者自見即謝莊月賦其佳處固在木葉

風篁數韻一切鏡光輪影之詞反是淳穢太虛耳此

亦次韻和轍之詩轍自南京寄詩有云南都從事老更

欽定四庫全書

御選唐宋詩醇

三五

欽定四庫全書

御選唐宋詩醇

四十一

貧羞見青天月照人此詩云南都從事莫羞貧對月題

詩有幾人所以答其意今集作寄子由者誤

與頓起孫勉泛舟探韻得未字

牕前堆梧桐牀下鳴絡緯佳人尺書到客子中夜喟朝來一樽酒晤語聊自慰秋蠅已無聲霜蟹初有味當為壯士飲皆裂須磔蝟勿作兒女懷坐念蠭蛸畏山城亦何有一笑瀉肝胃泛舟以娛君魚鼈多可餽縱為十日飲未遽主人費吾儕俱老矣耿耿知自貴寧能傍門戶

啼笑雜猩狒要將百篇詩一吐千丈氣蕭條歲行暮迨此霜雪未明朝出城南遺跡觀楚魏西風迫吹帽金菊亂如沸願君勿言歸輕別吾所諱

潦倒多才起四句尤淒其動色軾詩工於發端每以偶語標其峻整

御選唐宋詩醇卷三十五



總校官庶吉士臣張能照
校對官助教臣羅萬選
謄錄貢生臣郭坦

欽定四庫全書薈要

集部
御選唐宋詩醇卷三十六

眉山蘇軾詩五

目錄

九日黃樓作

次韻王鞏獨眠

次韻僧潛見贈

百步洪

欽定四庫全書

御選唐宋詩醇
卷三十六 目錄

送參寥師

夜過許堯文戲作

祈雪霧豬泉出城馬上作贈舒堯文

臺頭寺步月得人字

種松得徯字

以雙刀遺子由子由有詩次其韻

月夜與客飲杏花下

答郡中同僚賀雨

詳校官原任事章臣李斯咏

罷徐州往南京馬上走筆寄子由五首

錄二首

舟中夜起

遊惠山

贈惠山僧惠表

與秦太虛參寥會於松江而闕彥長徐安中適至

分韻得風字二首

錄一首

端午遍遊諸寺得禪字

和孫同年卞山龍洞禱晴

與客遊道塲何山得鳥字

泛舟城南會者五人分韻賦詩得人皆苦炎字四

首

次韻李公擇梅花

與王郎昆仲及兒子邁遼城觀荷花登峴山亭晚

入飛英寺分韻得月明星稀四首

與胡祠部游法華山

趙閣道高齋

欽定四庫全書

御選唐宋詩醇
卷三十六 目錄

欽定四庫全書

御選唐宋詩醇
卷三十六 目錄

三

院靜似無僧不知何人詩也宿黃州禪智寺寺僧
皆不在夜半雨作偶記此詩故作一絕

初到黃州

定惠院寓居月夜偶出

次韻前篇

安國寺尋春

寓居定惠院之東雜花滿山有海棠一株土人不

知貴也

予以事繫御史臺獄獄吏稍見侵自度不能堪死
獄中不得一別子由故作二詩授獄卒梁成以遺

子由

十二月二十八日蒙恩責授檢校水部員外郎黃

州團練副使復用前韻

過淮

梅花二首

少年時嘗過一村院見壁上有詩云夜涼疑有雨

御選唐宋詩醇
卷三十六 目錄

三

院靜似無僧不知何人詩也宿黃州禪智寺寺僧

皆不在夜半雨作偶記此詩故作一絕

雨中看牡丹三首

武昌銅劍歌

曉至巴口迎子由

與子由同游寒谿西山

次韻子由病酒肺疾發

正月廿日往岐亭郡人潘古郭三人送余於女王城東禪莊院

欽定四庫全書舊要卷一萬九千三百六十集部

御選唐宋詩醇卷三十六

眉山蘇軾詩五

九日黃樓作

去年重陽不可說南城夜半千漚發水穿城下作雷鳴泥滿城頭飛雨滑黃花白酒無人問日暮歸來洗鞚鞍豈知還復有今年把殘對花容一呷莫嫌酒薄紅粉陋終勝泥中千柄鉢黃樓新成壁未乾清河已落霜初殺

朝來白露如細雨南山不見千尋刹樓前便作海茫茫樓下空聞楳鵠軋薄寒中人老可畏熱酒澆腸氣先壓煙消日出見漁村遠水鱗鱗山巒巒詩人猛士雜龍虎自注坐客三十餘人多知名之士楚舞吳歌亂鶯鷗一杯相屬君勿辭此景何殊泛清雪

去年今年雨夕晴朝各寫得淋漓盡致驅濤湧雲負出

千古

王宗稷東坡先生年譜曰元豐元年改築徐州外小

城迺即徐州城之東門為大樓堦以黃土名之曰黃樓以土實勝水故也子由作黃樓賦先生跋云元豐元年八月癸丑樓成九月庚辰大合樂以落之九日黃樓詩云去年重陽不可說南城夜半千溫發以去年九月大水未退故有是語

次韻王鞏獨眠

居士身心如槁木旅館孤眠體生粟誰能相思琢白玉服藥千朝償一宿天寒日短銀燈續欲徃從之車脫軸

欽定四庫全書

御選唐宋詩

二

何人吹斷參差竹泗水茫茫鴨頭綠

次韻僧潛見贈

道人胸中水鏡清萬象起滅無逃形獨依古寺種秋菊

要伴騷人餐落英人間底處有南北紛紛鴻鴈何曾冥閉門坐穴一禪榻頭上歲月空崢嶸今年偶出為求法欲與慧劍加礮砌雲衲新磨山水出霜髭不剪兒童驚公侯欲識不可得故知倚市無傾城秋風吹夢過淮水

想見橘柚垂空庭故人各在天一角相望落落如晨星

彭城老守何足顧棗林桑野相邀迎千山不憚荒店遠兩脚欲趁飛猱輕多生綺語磨不盡尚有宛轉詩人情猿吟鶴唳本無意不知下有行人行空墻夜雨自清絕誰使掩抑啼孤惄我欲仙山掇瑤草傾筐坐歎何時盈簿書鞭朴晝填委煮茗燒粟宜宵征乞取摩尼照濁水共看落月金盆傾

潛雖詩僧而能明心寂守故此詩不甚稱其工詩特以

次韻見贈之作宜及於詩但比之猿吟鶴唳想見其高

欽定四庫全書

御選唐宋詩

三

致至後有送參寥師一首專與說詩軾嘗以書告文同

謂其詩句清絕與林逋上下而通了道義見之令人肅然此軾所為樂與從游而酬答歟

冷齋夜話曰吳僧道潛有標置常自姑蘇歸西湖經臨平道中作詩東坡赴官錢塘遇而見之大稱賞已而相尋於西湖一見如舊相識及坡移守東徐潛往訪之館於逍遙堂士大夫爭識之

百步洪并引

王定國訪余於彭城一日棹小舟與顏長道携盼英
卿三子游泗水北上聖女山南下百步洪吹笛飲酒

乘月而歸余時以事不得往夜著羽衣佇立黃樓上
相視而笑以為李太白死世間無此樂三百餘年矣
定國既去逾月復與參寥師放舟洪下追懷曩游已
為陳迹喟然而歎故作二詩一以遺參寥一以寄定
國且示顏長道舒堯文邀同賦云

長洪斗落生跳波輕舟南下如投梭水師絕叫鳬鴈起

亂石一線爭磋磨有如兔走鷹隼落駿馬下注千丈坡

斷絃離柱箭脫手飛雷過隙珠翻荷四山眩轉風掠耳
但見流沫生千渦嶮中得樂雖一快何異水伯夸秋河
我生乘化日夜逝坐覺一念逾新羅紛紛爭奪醉夢裏
豈信荆棘埋銅駝覺來俯仰失千劫回視此水殊委蛇

君看岸邊蒼石上古來篙眼如蜂窠但應此心無所住
造物雖駛如吾何回船上馬各歸去多言詭詭師所呵
用譬喻入詩文是軾所長此篇摹寫急浪輕舟奇勢迭

出筆力破餘地亦真是險中得樂也後幅寬舒以養氣
猶時見警策

容齋三筆曰韓蘇兩公為文章用譬喻處重複聯貫

至有七八轉者韓公送石洪序云論人高下事後當
成敗若河決下流東注若駟馬駕輕車就熟路而王
良造父為之先後也若燭照數計而龜卜也盛山詩
序云儒者之於患難其拒而不受於懷也若築河隄

以障屋漏其容而消之也若水之於海水之於夏日

其翫而忘之以文辭也若奏金石以破蟋蟀之鳴蟲

飛之聲蘇公百步洪詩云長虹斗落生跳波輕舟南
下如投梭水師絕叫鳬鴈起亂石一線爭磋磨有如
兔走鷹隼落駿馬下注千丈坡斷絃離柱箭脫手飛
電過隙珠翻荷之類是也

佳人未宵回秋波幼輿欲語防飛梭輕舟弄水買一笑
醉中盪槳肩相磨不學長安閭里俠貂裘夜走臘脂坡
獨將詩句擬鮑謝涉江共採秋江荷不知詩中道何語

但覺兩頰生微渦我時羽服黃樓上坐見織女初斜河

歸來笛聲滿山谷明月正照金叵羅奈何捨我入塵土

擾擾毛羣欺卧駝不念空齋老病叟退食誰與同委蛇
時來洪上看遺迹忍見屐齒青苔窯詩成不覺雙淚下
悲吟相對惟羊何欲遣佳人寄錦字夜寒手冷無人呵
疊韻愈出愈奇百鍊剛化為繞指柔古今無敵手此篇
與前篇合看益見其才大而肆

容齋五筆曰白樂天為河南尹日有答舒員外云員

欽定四庫全書

御選唐宋詩辭

六

欽定四庫全書

御選唐宋詩辭

卷三十六

七

外游香山寺數日不歸兼辱手書大誇勝事時正值
坐衙慮囚之際走筆題長句以贈之歐陽公官洛陽
與謝希深同游嵩山歸暮抵龍門香山雪作留守錢
文僖公遣吏以厨傳歌妓至此勞之曰山行良勞當
少留龍門賞雪府事簡無遽歸也王定國訪東坡於
彭城游泗水南下百步洪東坡以事不得往既去逾
月追憶作詩曰輕舟弄水買一笑醉中盪槳肩相摩

歸來笛聲滿山谷明月正照金叵羅此三游之勝今

之燕賓者寧復有之蓋亦值知已也

送參寥師

上人學苦空百念已灰冷劍頭惟一吷焦穀無新韻胡
為逐吾輩文字爭蔚炳新詩如玉屑出語便清警退之
論草書萬事未嘗屏憂愁不平氣一寓筆所騁頗怪浮
屠人視身如丘井頽然寄淡泊誰與發豪猛細思乃不
然真巧非幻影欲令詩語妙無厭空且靜靜故了羣動
空故納萬境閱世走人間觀身卧雲嶺鹹酸雜衆好中

有至味永詩法不相妨此語當更請

取韓愈論高閑上人草書之旨而反其意以論詩正得
詩法三昧者其後嚴羽遂專以禪喻詩至為分別宗乘
此篇早已為之點出光明王士禛嘗謂李杜如來禪蘇

黃祖師禪不妄也

夜過舒堯文戲作

先生堂上霜月苦弟子讀書喧兩廡推門入室書縱橫
蠟紙燈籠晃雲母先生骨清少眠卧長夜默坐數更鼓

耐寒石研欲生冰得火銅餅如過雨郎君欲出先自贊
坐客斂衽誰敢侮明朝阮籍過阿戎應作義之羨懷祖
寫教授情景逼肖逼真然俗塵已去而千仞

祈雪霧豬泉出城馬上作贈舒堯文

三年走吳越踏遍千重山朝隨白雲去暮與棲鴉還翩

如得木欣飛步誰能攀一為符竹累坐老敲榜閒此行

亦何事聊散腰腳頑浩蕩城西南亂山如玦環山下野

人家桑柘雜榛菅歲晏風日暖人牛相對閒薄雪不蓋

土麥苗稀可刪願君發豪句嘲詠破天慳

遠景近村歷歷在目何啻置身圖畫中

臺頭寺步月得人字

風吹河漢掃微雲步屢中庭月趁人浥浥爐香初泛夜

離離花影欲搖春遙知金闕同清景想見檀車碾暗塵

回首舊遊真是夢一簪華髮岸綸巾

石林詩話曰詩下雙字極難須使七言五言之間除

去五字三字外精神興致全見於兩言方為工妙唐

欽定四庫全書

御選唐宋詩醇

八

欽定四庫全書

御選唐宋詩醇

九

種松得徠字自注其四在懷古堂具六在石經院

春風吹榆林亂英飛作堆荒園一雨過戢戢千萬裁青

松種不生百株望一枚一枚已有餘氣壓千崧槐野人

易斗粟云是魯徂徠魯人不知貴萬竈飛青煤束縛同

一車胡為乎來哉泣然解其縛清泉洗浮埃枝傷葉尚

因生意未肯回山僧老無子養護如嬰孩坐待走龍蛇

清陰滿南臺孤根裂山石直幹排風雷我今百日客

自注時去替養此千歲材茯苓無消息雙鬢日夜摧古今一不百日

俛仰作詩寄餘哀

青松本是難生而魯人又不知貴一枚之氣何時而伸

人記水田飛白鷺夏木囀黃鸝為李嘉祐詩摩詰竊取之非也此兩句好處正在添漠漠陰陰四字嘉祐本句但是詠景耳要之當令如老杜無邊落木蕭蕭下不盡長江滾滾來與江天漠漠鳥雙去風雨時時龍一吟乃為超絕近世蘇子瞻浥浥爐香初泛夜離離花影欲搖春此可以追配前作也

欽定四庫全書

御選唐宋詩醇

八

欽定四庫全書

御選唐宋詩醇

九

詩中始如嬰孩之養終成千歲之材隱然儲才愛才一段真摯其所寓意者微矣

以雙刀遺子由子由有詩次其韻

寶刀匣不見但見龍雀環何曾斬蛟蛇亦未刲琅玕胡為穿窬輩見之要領寒吾刀不汝問有媿在其肝念此力自藏包之虎皮斑湛然如古井終歲不復瀾不憂無所用憂在用者難佩之非其人匣中自長歎我老衆所易屢遭非意干惟有王元通墮庭秀芝蘭知子後必大

欽定四庫全書

御選唐宋詩醇

卷三十六

十

故擇刀所便屠狗非不用一歲六七利欲試百鍊剛要須更泥蟠作詩銘其背以待知者看

用王覽事作骨前路波翻雲騰曲折如意更無有一閒字風其間

烏臺詩案曰此詩胡為穿窬輩四句以詆當時邪佞

之人耳

月夜與客飲杏花下

杏花飛簾散餘春明月入戶尋幽人褰衣步月踏花影

炯如流水涵青蘋花間置酒清香發爭挽長條落香雪山城薄酒不堪飲勸君且吸杯中月洞簫聲斷月中惟憂月落酒杯空明朝卷地春風惡但見綠葉栖殘紅清幽超遠乃所謂自然高妙者方嶽妄以杏花影下著此為辱真是囁語

深雪偶談曰坡公月夜與客飲酒杏花下詩流水青蘋之喻景趣盡矣前人未嘗道也獨杏花影下洞簫聲中著此句辱耳及志林所記徐州時冬夜解衣欲

欽定四庫全書

御選唐宋詩醇

卷三十六

十一

睡月色入戶欣然起行念無與樂者遂至承天寺尋張懷民亦未寢相與步於中庭庭下如積水空明水中荇藻交橫蓋竹柏影也何夜無月何處無竹柏但少閒人如吾兩人耳使施前句於斯時豈非稱歟志林曰僕在徐州王子立子敏皆館於官舍而蜀人張師厚來過二生方年少吹洞簫飲酒杏花下明年余謫黃州對月獨飲嘗有詩云去年花落在徐州對月酣歌美清夜蓋憶與二王飲時也

答郡中同僚賀雨

水旱行十年饑疫遍九土奇窮所向惡歲歲祈晴雨雖
非為已求重請終愧古神鬼亦知我老病入腰膂何曾
拜向人此意難不許重雲萋已合微潤先流礎蕭蕭止
還作坐聽及三鼓天明將吏集泥土滿鞚屢登城望斂
麥綠浪風掀舞愧我賢友生雄篇鬪新語君看大熟歲
風雨占十五天地本無功祈禳何足數渡河不入境豈
若無蝗虎而況刑白鶩下策君勿取

欽定四庫全書

御選唐宋詩醇

三

欽定四庫全書

御選唐宋詩醇

三

天地本無功四句此議論絕正絕大然非一切謙之於
數可以坐觀成敗也詩特論其大原而以下策自居志
慙謝之意於答賀者體固應爾前段老病入腰膂何
曾拜向人十字本是相連皆承知我二字說下而却以
一句屬上一句屬下此如杜詩不薄今人愛古人乃是
今人愛古人五字相連韓詩為此座上客及余各能文
乃是為此座上客及余七字相連皆極句法變化之妙

罷徐州往南京馬上走筆寄子由五首錄二首

吏民莫拔援歌管莫淒咽吾生如寄耳寧獨為此別
離隨處有悲惱緣愛結而我本無恩此涕為誰設紛紛
等兒戲鞭撻遭割截道邊雙石人幾見太守發有知當
解笑撫掌冠纓絕

父老何自來花枝裏長紅洗盞拜馬前請壽使君公前
年無使君魚鼈化兒童舉鞭謝父老正坐使君窮窮人
命分惡所向招災凶水來非吾過去亦非吾功

截輶留鞭板轍擁路去任作疑愧之語不必賢者能道

欽定四庫全書

也首作之奇正在道邊雙石人一轉雜以詠諧含蘊靡
盡次作使君問之父老答之使君復謝謝畢便住不增
益一字章法古直非近時手筆所能

舟中夜起

微風蕭蕭吹菰蒲開門看雨月滿湖舟人水鳥兩同夢
大魚驚竄如奔狐夜深人物不相管我獨形影相嬉娛
暗潮生渚弔寒蚓落月桂柳看懸蛛此生忽忽憂患裏
清境遇眼能須臾雞鳴鐘動百鳥散船頭擊鼓還相呼

一片空明通神入悟情性所至妙不自尋

遊惠山并引

余昔為錢塘倅往來無錫未嘗不至惠山既去五年復為湖州與高郵秦太虛杭僧參寥同至覽唐處士王武陵竇羣朱宿所賦詩愛其語清簡蕭然有出塵之姿追用其韻各賦三首

夢裏五年過覺來雙鬢蒼還將塵土足一步漪瀾堂俯窺松桂影仰見鴻鶴翔炯然肝肺間已作冰玉光虛明

中有色清淨自生香還從世俗去永與世俗忘

薄雲不遮山蹊雨不濕人蕭蕭松徑滑策策芒屨新嘉我二三子皎然無繙躋勝游豈殊昔清句仍絕塵弔古泣舊史疾讒歌小旻哀哉扶風子難與巢許鄰寶羣自注謂熟黃甘橙榛枇杷棯柿亭柰厚朴則盧橘果類賦不應四句重用應劭注曰伊尹書曰箕山之東青馬之生眠食耳一飽萬想滅頗笑王川子飢弄三百月豈如山中人睡起山花發一甌誰與共門外無來轍

贈惠山僧惠表

行遍天涯意未闌將心到處遣人安山中老宿依然在案上楞嚴已不看敲枕落花餘幾片閉門新竹自千竿客來茶罷空無有盧橘楊梅尚帶酸

語經妙悟所謂羚羊挂角無迹可求者

冷齋夜話曰東坡云淵明詩初看若散緩熟讀有奇趣如大匠運斤無斧鑿痕不知者疲精力至死不悟東坡作對如山中老宿依然在案上楞嚴已不看之類更無齟齬之態細味之對偶親的而字不露也此

其得淵明之遺意耳客來茶罷空無有盧橘楊梅

尚帶酸張嘉甫問東坡盧橘何種果類答曰枇杷是也又問何以驗之答曰事見相如賦嘉甫曰盧橘夏熟黃甘橙榛枇杷棯柿亭柰厚朴則盧橘果類賦不應四句重用應劭注曰伊尹書曰箕山之東青馬之所有盧橘常夏熟不據依何也東坡曰意不欲耳與秦太虛參寥會於松江而闕彥長徐安中適至

分韻得風字二首

錄一

吳越溪山興未窮又扶衰病過垂虹浮天自古東南水送客今朝西北風絕境自忘千里遠勝游難復五人同舟師不會留連意擬看斜陽萬頃紅

端午遍遊諸寺得禪字

肩輿任所適遇勝輒留連焚香引幽步酌茗開淨筵微雨止還作小憩幽更妍盆山不見日草木自蒼然忽登最高塔眼界窮大千下峰照城郭震澤浮雲天深沈既可喜曠蕩亦所便幽尋未云畢墟落生晚煙歸來記所

欽定四庫全書

御選唐宋詩醇

六

欽定四庫全書

御選唐宋詩醇

七

歷耿耿清不眠道人亦未寢孤燈同夜禪

微雨小憩深沉可喜也下峰震澤曠蕩所便也寓目輒書詳畧各盡其致

東坡詩話曰僕為吳興有游飛英寺詩云微雨止還

作小窓幽更妍盆山不見日草木自蒼然自非至吳越不見此境也

和孫同年卞山龍洞禱晴

吳興連月雨金甌生魚蛙往問卞山龍曷不安厥家梯

空尚巉絕俯視驚谺衍神井湧雲蓋陰崖垂蘚花交流百道泉赴谷走羣蛇不知落何處隱隱如縹車我來叩石戶飛鼠翻白鴟寄語洞中龍睡味豈不嘉雨師少弭節雷師亦停颶積水得反壑稻苗出泥沙農夫免菜色龍亦飽豚綈看君擁黃紬高卧放晚衙

水光山色搖漾筆端通體作告龍之詞而以安厥家詰之以睡味勸之以飽豚綈利之語諧而肅李厚曰看君擁黃紬高卧故晚倚文潞公為榆次縣

欽定四庫全書

御選唐宋詩醇

七

令嘗題詩縣樓鼓云置向譙樓一任颶颶多颶少不知他如今幸有黃紬被努出頭來放早衙蓋用本朝故事云

與客遊道場何山得鳥字

清溪到山盡飛路盤空小紅亭與白塔隱見喬木杪中休得小菴孤絕寄雲表洞庭在北戶雲水天渺渺菴僧俗緣盡淨業洗未了十年畫鵲竹益以詩自繞高堂儼像設禪室各深窈奔泉何處來華屋過谿沿何山隔幽

谷去路清且悄長松度翠蔓絕壁挂曉鳥我友自杭來

尚歎所歷少歸途風雨作一洗紅日燎俄驚萬寂號黑

霧卷蓬蓼舟人紛變色坐羨輕鷗矯我獨喚酒杯醉死

勝流辱書生例強很造物空煩擾更將掀舞勢把燭畫

風篴美人為破顏正似腰支嫋明朝更陳迹清景墮空

杳作詩記餘歡萬古一昏曉

集中登臨諸作無不名句紛披而意象各別此與前遊

道塲山何山一詩既無一筆相犯篇中兩言畫竹文外

曲致情往興來

欽定四庫全書

御選唐宋詩醇

十六

月夜新粧半出簾南郭清游繼顏謝北牕歸卧等羲炎

人間寒熱無窮事自笑疎頑不受玷

境本平近賦出閒情四詩思如湧泉趣昭而理舉

次韻李公擇梅花

詩人固長貧日午飢未動偶然得一飽萬象困嘲弄尋
仍呼我輩不羈人窺船野鶴何曾下見燭飛蟲空自馴

遶郭荷花一千頃誰知六月下塘春

施元之曰誰知六月下塘春今震澤以南派太湖之

水亂苔雪二谿以通舟楫東盡吳興西盡餘杭名曰

下塘

苦熱誠知處處皆何當危坐學心齋海蟄要共詩人把

谿月行遭霧雨霾鄉國飄零斷書信弟兄流落隔江淮

便應築室苔谿上荷葉遮門水浸階

紫鱣鱸魚賤如土得錢相付何曾數碧筍筍時作象鼻鬚

白酒微帶荷心苦運肘風生看斫鱠隨刀雪落驚飛縷

不將醉語作新詩飽食應慙腹如鼓

橋上遊人夜未厭共依水檻立風簷樓中煮酒初嘗芡

欽定四庫全書

御選唐宋詩醇

十九

城中樓閣似魚鱗不見清風起白蘋試選苔谿最深處

仍呼我輩不羈人窺船野鶴何曾下見燭飛蟲空自馴

遶郭荷花一千頃誰知六月下塘春

次韻李公擇梅花

詩人固長貧日午飢未動偶然得一飽萬象困嘲弄尋
三郡守所至滿賓從江湖常在眼詩酒事豪縱奉使今
折磨清比於陵仲永懷茶山下攜妓修春貢更憶檳泉

亭掉花雲髻重蕭然卧鶯鶯愁聽春禽哢忽見早梅花

不飲但孤諷詩成獨寄我字字愈頭痛嗟君本侍臣筆

橐從上雍脫韁吟芍藥給札賦雲夢何人慰流落嘉萬

天為種杯傾笛中吟帽拂果下鞞感時念羈旅此意吾

儕共故山亦何有桐花集么鳳君亦憶匡廬歸掃藏書

洞何當種此花各抱漢陰壅

胸次鬱勃隨處激發其言感飢貧念羈旅似無當於梅

花觸緒濡毫忽深感慨固知文必本於情也

李氏山房藏書記曰余友李公擇少時讀書於廬山五老峰下白石菴之僧舍公擇既去而山中之人思之指其所居為李氏山房藏書凡九千餘卷公擇將以遺來者供其無窮之求是以不藏於家而藏於其所故居之僧舍此仁者之心也

趙次公曰茶山春貢湖州事也張君房勝說云湖州長城縣啄木嶺金沙泉每歲造茶之所

與王郎昆仲及兒子邁達城觀荷花登峴山亭晚

入飛英寺分韻得月明星稀四首

昨夜雨鳴渠曉來風襲月蕭然欲秋意谿水清可啜環城三十里處處皆佳絕蒲蓮浩如海時見舟一葉此間

真避世青箬低白髮相逢欲相問已逐驚鷗沒

清風定何物可愛不可名所至如君子草木有嘉聲我

行本無事孤舟任斜橫中流自偃仰適與風相迎舉杯

屬浩渺樂此兩無情歸來兩谿間雲水夜自明

苔水如漢水鱗鱗鴨頭青吳興勝裏陽萬瓦浮青冥我

非羊叔子愧此峴山亭悲傷意則同歲月如流星從我兩王子高鴻掉修翎湛葦何足道當以德自銘吏民憐我懶鬪訟日已稀能為無事飲可作不夜歸復尋飛英遊盡此一寸暉撞鐘履聲集顛倒雲山衣我來無時節杖屢自推扉莫作使君看外似中已非

此與人皆苦炎分韻詩體製不同而清爽入神虛明獨照並是杜詩所云炯如一段清水出萬壑置在迎風含

露之玉壺者也

與胡祠部游法華山

陂湖欲盡山為界，始見寒泉落高派。
道人未放泉出山，曲折虛堂鴻清快。
使君年老尚兒戲，綠棹紅船舞澎湃。
一笑翻杯水濺席，餘歡濯足波生隘。
長松攬天龍起立，蒼藤倒谷雲崩壞。
仰穿蒙密得清曠，一覽震澤吁可怪。

誰云四萬八千頃，渺渺東盡日所曠。
歸途十里盡風荷，清唱一聲聞露薤。
自注是日樂工有作此聲者

嗟予少小慕真隱，白髮青衫天所械。
忽聞佳士與名山，何異枯腸便馬廸。
君

猶鸞鶴偶飄墮，六翮如雲豈長鎌。
不將新句紀茲遊，恐負山中清淨債。

揚袂風山舉袖陰，澤曲折清快四字即可移以評此詩。

趙次公曰：挽歌有蒿里薤露之曲，言薤頭露也。今先生却壓露薤字，蓋緣杜詩有盈筐承露薤句也。

趙閱道高齋

見公奔走謂公勞，聞公隱退云公高。
公心底處有高下，夢幻去來隨所遭。
不知高齋竟何義，此名之設緣吾曹。

公年四十已得道，俗緣未盡餘伊臯。
功名富貴俱逆旅，黃金知繫何人袍。

超然已了一大事，掛冠而去真秋毫。
坐着猿猱落罝網，兩手未肯置所操。
乃知賢達與愚陋，豈直相去九牛毛。
長松百尺不自覺，企而羨者蓬與蒿。
我欲贏糧往問道，未應舉臂辭盧敖。

奔走隱退二語道盡庸耳俗目矣。
超然已了一大事者，謂與佛慧為友也。

長松百尺二句借比喻，托出高字與

前不知高齋竟何義，句相叫應。

欽定四庫全書

御選唐宋詩

卷三十六

欽定四庫全書

御選唐宋詩

三

冷齋夜話曰：趙閱道休官歸老三衢，作高齋居之。與鍾山佛慧禪師為方外交。

趙夢曰：趙清獻公年未七十告老於朝，不許。請之不已。元豐二年二月加太子少保致仕。年七十二矣。退居於衢，有溪石松竹之勝。東南高士多從之遊。朝廷有事郊廟，再起公侍祠。不至。其子屼通判溫州。從公游天台雁蕩，吳越間。榮之、屼提舉浙東西常平。復侍公遊杭。始公自杭致仕。杭人留公不得行。公曰：六年

當復來至是適六歲矣杭人得公如見父母以疾還

衢

予以事繫御史臺獄獄吏稍見侵自度不能堪死
獄中不得一別子由故作二詩授獄卒梁成以遺
子由
聖主如天萬物春小臣愚暗自亡身百年未滿先償債
十口無歸更累人是處青山可埋骨他年夜雨獨傷神
與君世世為兄弟又結來生未了因

欽定四庫全書

補遺唐宋詩鵞

西

欽定四庫全書

補遺唐宋詩鵞

五

柏臺霜氣夜淒淒風動琅璫月向低夢遙雲山心似鹿
魂飛湯火命如鷄眼中犀角真吾子身後牛衣愧老妻
百歲神遊定何處桐鄉知葬浙江西自注獄中聞杭州
間民為余作解厄道場者累月故有此句

此時已無復生全之望而詞不怨懟獨戀戀於兄弟之間
預結來生詩意極痛切深厚軾有惠政於浙末以朱
邑奉嘗桐鄉自喻固自信不疑也

十二月二十八日蒙恩責授檢校水部員外郎黃

州團練副使復用前韻

百日歸期恰及春餘年樂事最關身出門便旋風吹面
走馬聯翩鶴唳人郤對酒杯渾是夢試拈詩筆已如神
此災何必深追咎竊祿從來豈有因

平生文字為吾累此去聲名不厭低塞上縱歸他日馬
城東不鬪少年雞休官彭澤貧無酒隱几維摩病有妻
堪笑睢陽老從事為予投檄下江西自注子由聞予下
獄乞以官爵贖予

罪賤筠
州監酒

欽定四庫全書
補遺唐宋詩鵞
卷三十六
西
欽定四庫全書
補遺唐宋詩鵞
卷三十六
五
詩獄甫解又矜詩筆如神殆是豪氣未盡除在次首特
為詩筆如神下一轉語城東不鬪少年雞進乎道矣
行營雜錄曰東坡直史館神宗朝以議新法不合補
外李定之徒媒孽其詩文有訕上語下詔獄欲寘之
死上獨庇之得出

孫公談圃曰子瞻得罪時有朝士賣一詩策內有使
墨君事者遂下獄李定何正臣劾其事以指斥論謂
蘇曰學士數有名節何不與他招了蘇曰軾為人臣

不敢萌此心却未知何人造此意一日禁中遣馮宗

道按獄止貶黃州團練副使

過淮

朝離新息縣初亂一水碧暮宿淮南村已渡千山赤磨
鼯號古戍霧雨暗破驛回頭梁楚郊永與中原隔黃州
在何許想像雲夢澤吾生如寄耳初不擇所適但有魚

與稻生理已自卑獨喜小兒子少小事安佚相從艱難

中肝肺如鐵石便應與晤語何止寄衰疾自注時家在
子由處獨與

佛燈漸暗饑鼠出山雨忽來修竹鳴知是何人舊詩句

已應知我此時情

境真則情味自深歎歎欲絕 壁上之詩乃潘閻所作
潘閻夏日宿西禪寺題曰此地絕炎蒸深疑到不能夜
涼知有雨院靜若無僧枕潤連雲榻裯明照佛燈浮生

欽定四庫全書

御選唐宋詩醇

卷三十六

支

多賤骨時日恐難勝詩見宋文鑑今注蘇詩者多未引
及此

初到黃州

淒然言下

梅花二首

春來幽谷水潺潺的樂梅花草棘間一夜東風吹石裂
半隨飛雪渡關山

何人把酒慰深幽開自無聊落更愁幸有清谿三百曲

不辭相送到黃州

欽定四庫全書

御選唐宋詩醇

卷三十六

支

兒子邁

南來

自笑平生為口忙老來事業轉荒唐長江繞郭知魚美
好竹連山覺筍香逐客不妨員外置詩人例作水曹郎
只慚無補絲毫事尚費官家壓酒囊自注檢校官例折
支多得退酒袋

因江而知魚美見竹而覺筍香確是初到情景員外水
曹則新授頭銜也末句承腹聯說下亦是初任事之詞

少年時嘗過一村院見壁上有詩云夜涼疑有雨
院靜似無僧不知何人詩也宿黃州禪智寺寺僧

皆不在夜半雨作偶記此詩故作一絕

佛燈漸暗饑鼠出山雨忽來修竹鳴知是何人舊詩句
已應知我此時情

欽定四庫全書

御選唐宋詩醇

卷三十六

支

方回曰東坡元豐二年冬責授檢校水部員外郎黃州團練使本州安置明年二月到郡何遜張籍孟賓于三詩人皆水部

定惠院寓居月夜偶出

幽人無事不出門偶逐東風轉良夜參差玉宇飛木末
繚繞香煙來月下江雲有態清自媚竹露無聲浩如瀉
已驚弱柳萬絲垂尚有殘梅一枝亞清詩獨吟還自和
白酒已盡誰能借不辭青春忽忽過但恐懼意年年謝

欽定四庫全書

御選唐宋詩醇

卷三十六

自知醉耳愛松風會揀霜林結茅舍浮浮大甌長炊玉
溜溜小槽如壓蔗飲中真味老更濃醉裏狂言醒可怕
閉門謝客對妻子倒冠落佩從嘲罵

清遊勝賞一往作氣象澄鮮之語忽念及懼意日謝又
說到醉裏狂言醒可怕謫居中情緒若揭

次韻前篇

去年花落在徐州對月酣歌美清夜自注去年花下對月中兄弟飲酒作蘋字韻詩今年黃州見花發小院閉門風露下萬事

如花不可期餘年似酒那禁瀉憶昔扁舟泝巴峽落帆
樊口高桅亞長江衮衮空自流白髮紛紛寧少借竟無
五畝繼沮溺空有千篇凌鮑謝至今歸計負雲山未免

孤衾眠客舍少年辛苦真食蓼老境安閒如啖蔗饑寒
未至且安居憂患已空猶夢怕穿花踏月飲村酒免使
醉歸官長罵

字字鎔鍊而出食蓼啖蔗尤為見道之言次韻較原作為更創獲長慶因繼松陵倡和猶當遂謝何況餘子

欽定四庫全書

御選唐宋詩醇

卷三十六

軾作王子立墓誌云子立子敏皆從余學於吳興學道
日進東南之士稱之又云予得罪於吳興親戚故人皆
驚散獨兩王子不去送予出郊曰死生禍福天也公其
如天何返取予家致之南都二王於軾情分如此故切
切念之非直以對月酣歌追懷勝遊已也

安國寺尋春

卧聞百舌呼春風起尋花柳村村同城南古寺修竹合
小房曲檻敲深紅看花歎老憶年少對酒思家愁老翁

病眼不羞雲母亂鬢絲強理茶烟中遙知二月王城外
玉仙洪福花如海薄羅勻霧蓋新粧快馬爭風鳴雜珮
玉川先生真可憐一生耽酒終無錢病過春風九日
獨抱添丁看花發

尋春寫爛漫之景宜也乃因看花而嘆老因嘆老而憶
年少又因對酒而思家因思家而愁老翁一句三折含
毫邈然

欽定四庫全書
御選唐宋詩醇
卷三十六
三
復齋漫錄曰玉仙觀在京城東南宣化門七八里間
仁宗時陳道士所修葺花木亭臺四時遊客不絕東
坡詩所謂玉仙洪福花如海是也

寓居定惠院之東雜花滿山有海棠一株土人不知
知貴也
江城地瘴蕃草木只有名花苦幽獨嫣然一笑竹籬間
桃李漫山總麤俗也知道物有深意故遣佳人在空谷
自然富貴出天姿不待金盤薦華屋朱唇得酒暈生臉
翠袖卷紗紅映肉林深霧暗曉光遲日暖風輕春睡足

雨中有淚亦悽愴月下無人更清淑先生食飽無一事
散步逍遙自捫腹不問人家與僧舍拄杖敲門看修竹
忽逢絕艷照衰朽歎息無言揩病目陋邦何處得此花
無乃好事移西蜀寸根千里不易到衡子飛來定鴉鵲
天涯流落俱可念為飲一樽歌此曲明朝酒醒還獨來
雪落紛紛那忍觸

朱唇二句繪其態林深二句傳其神雨中二句寫其韻
不染鉛粉不涉描摹乃得是追魂攝魄之筆倘中無寫
發但一味作嘆息流落之詞豈復有此

欽定四庫全書
御選唐宋詩醇
卷三十六
三
容齋五筆曰白樂天琵琶行一篇直欲據寫天涯淪
落之恨爾東坡謫黃州賦定惠院海棠詩有陋邦何
處得此花無乃好事移西蜀天涯流落俱可念為飲
一尊歌此曲之句其意亦爾也或謂殊無一話一言
與之相似是不然此真能用樂天之意者何必効常
人章摹句寫而後已哉

苔溪漁隱叢話曰此詩詞格超逸不復蹈襲前人元

豐間東坡謫黃州寓居定惠院院之東小山上有海棠一株特繁茂每歲盛開時必為攜客置酒已五醉其下矣故作此長篇平生喜為人寫蓋人間刊石者自有五六本云軾平生得意詩也

雨中看牡丹三首

霧雨不成點映空疑有無時於花上見的樂走明珠秀色洗紅粉暗香生雪膚黃昏更蕭瑟頭重欲相扶

明日雨當止晨光在松枝清寒入花骨蕭蕭初自持

欽定四庫全書

御選唐宋詩醇

卷三十六

景發濃艷一笑當及時依然暮還斂亦自惜幽姿
幽姿不可惜後日東風起酒醒何所見金粉抱青子千

欽定四庫全書

御選唐宋詩醇

卷三十六

故世謂杜詩韓筆無一字無來歷也如此篇全是廣異記來加之鎔鍊遂成奇光異彩豈後人臆說者所能彷彿其萬一

首作句句有雨在次作言明日此作言後日又從雨中而想雨後之景層見疊出章法如列眉

賀裳曰雨中看牡丹詩依然暮還斂亦自惜幽姿二句尤有雅人深致

武昌銅劍歌并引

供奉官鄭文嘗官於武昌江岸裂出古銅劍文得之以遺余冶鑄精巧非鍛治所成者

雨餘江清風卷沙雷公躡雲捕黃蛇蛇行空中如枉矢電光煜煜燒蛇尾或投以塊鏗有聲雷飛上天蛇入水

水上青山如削鐵神物欲出山自裂細看兩脅生碧花猶是西江老蛟血蘇子得之何所為崩侯彈鋏詠新詩君不見凌煙功臣長九尺腰間玉具高柱頭

欽定四庫全書

御選唐宋詩醇

卷三十六

廣異記曰唐開元末武勝之為宣州司士知靜江軍事忽然灘中見雷公踐微雲逐小黃蛇盤繞灘上靜江之夫戲以石投之中蛇鏗然作金聲雷公乃飛去使人往視之得一銅劍有文曰許旌陽斬蛟第三劍

云

晚至巴口迎子由

去年御史府舉重觸四壁幽幽百尺井仰天無一席隔
牆聞歌呼自恨計之失留詩不忍寫苦淚漬紙筆餘生
復何幸樂事有今日江流鏡面淨烟雨輕羃羃孤舟如
鳧鷺點破千頃碧聞君在磁湖欲見隔咫尺朝來好風

色旗尾西北擲行當中流見笑眼清光溢此邦疑可老
修竹帶泉石欲買柯氏林茲謀待君必

元豐庚申五月轍來齊安故有迎之之作前半追憶在

我今漂泊等鴻鴈江南江北無常栖幅巾不礙過城市
欲踏徑路開新蹊自注路有直入寒谿不過武昌者郤憂別後不忍到
見子行迹空餘悽吾儕流落豈天意自坐迂闊非人擗
行逢山水輒羞歎此去未免勤鹽藿何當一遇李八百
自注李八百宅在筠州相哀白髮分刀圭

軾以詩獄謫黃州轍亦謫筠州監鹽酒稅相見宜不勝
感愴者而詩云吾儕流落豈天意自坐迂闊非人擗詩

人忠厚之旨

御史臺有授獄卒梁成以遺之之作不勝其感後半則
因其將至而預期會晤之樂不勝其懼却以餘生復何
幸樂事有今日二句於中作轉軸妙絕倫

與子由同遊寒谿西山

散人出入無町畦朝遊湖北暮淮西高安酒官雖未上
兩腳垂欲穿塵泥與君聚散若雲雨共惜此日相提攜
千搖萬兀到樊口一箭放溜先鳧鷺層層草木暗西嶺
瀉瀉霜雪鳴寒谿空山古寺亦何有歸路萬頃青玻璃

我今漂泊等鴻鴈江南江北無常栖幅巾不礙過城市
欲踏徑路開新蹊自注路有直入寒谿不過武昌者郤憂別後不忍到
見子行迹空餘悶吾儕流落豈天意自坐迂闊非人擗
行逢山水輒羞歎此去未免勤鹽藿何當一遇李八百
自注李八百宅在筠州相哀白髮分刀圭

軾以詩獄謫黃州轍亦謫筠州監鹽酒稅相見宜不勝
感愴者而詩云吾儕流落豈天意自坐迂闊非人擗詩

人忠厚之旨

次韻子由病酒肺疾發

憶子少年時肺病疲坐卧喊呀或終日勢若風雨過虛
陽作浮漲客冷仍下墮妻孥恐悵望膾炙不登坐終年
禁晚食半夜發清餓胃強禹苦滿肺斂腹輒破三彭恣

啖醫二監官通播寸田可治生誰勸耕黃秧自注新法謂黃秧為方田謂黃秧

秧為探懷得真藥不待君臣佐初如雪花積漸作櫻桃
大隔牆聞三嘯隱隱如轉磨自茲失故疾陽唱陰輒和
神仙多歷試中路或坎坷平生不盡砦痛飲知無奈舊

人眼看盡老伴餘幾個殘年一斗粟待子同春飯云何
不自珍醉病又一挫真源結梨棗世味等糠粃耕耘當
待穫願子勤自課相將賦遠游仙語不用此

少時病狀曲述情形已乃幸其疾愈計及殘年老伴斗
粟同春意思無不盡矣醉病一挫陡然入題而以不自
珍重一語歸咎之切切入情

正月廿日往歧亭郡人潘古郭三人送余於女王

城東禪莊院

欽定四庫全書

御選唐宋詩醇

卷三十六

三

十日春寒不出門不知江柳已搖村稍聞決決流水谷
盡放青青沒燒痕數畝荒園留我住半瓶濁酒待君溫
去年今日闊山路細雨梅花正斷魂

一結含蘊無窮彷彿少陵東閣官梅之作

苔溪漁隱叢話曰東坡詩去年今日闊山路細雨梅
花正斷魂韓子蒼詩云只度闊山魂已斷何須疎雨
濕梅花此蓋反東坡之意但為闊山斷魂却無佳思

也

志林曰讀隋書地里志黃州乃永安郡今黃州東十
五里許有永安城而俗謂之女王城其說甚鄙野

御選唐宋詩醇卷三十六

欽定四庫全書

御選唐宋詩醇

卷三十六

三



總校官庶吉士臣張能照
校對官中書臣王璫
謄錄監生臣史映綵

欽定四庫全書叢要

御選唐宋詩醇卷三十七
集部

欽定四庫全書叢要

御選唐宋詩醇卷三十七

眉山蘇軾詩六

目錄

東坡八首

姪安節遠來夜坐三首

岐亭道上見梅花戲贈季常

太守徐君猷通守孟亨之皆不飲酒以詩戲之

次韻和王鞏六首

欽定四庫全書

御選唐宋詩醇
卷三十七目錄

一

江上值雪效歐陽體限不以鹽玉鶴鷺絮蝶飛舞
之類為比仍不使皓白潔素等字

是日同至女王城作詩乃和前韻

紅梅二首

陳季常見過三首

錄二首

寒食雨二首

魚蠻子

詳校官原任主事臣李斯咏

弔李臺卿

曹既見和復次其韻

次韻孔毅父集古人句見贈五首

錄三首

六年正月二十日復出東門仍用前韻

南堂五首

錄一首

次韻孔毅父久旱已而甚雨三首

初秋寄子由

和蔡景繁海州石室

欽定四庫全書

南選唐宋詩醇

二

小飲公瑾舟中

過江夜行武昌山上聞黃州鼓角

自興國往筠宿石田驛南廿五里野人舍

圓通禪院先君舊遊也四月二十日晚至宿焉明

日忌日也乃手寫寶積獻蓋頌佛一偈以贈長老

德公僊撫掌笑曰昨夜夢寶蓋飛下著處輒出火

豈此祥乎乃作是詩院有蜀僧宣遠事訥長老識

先君云

題西林壁

廬山二勝

開先漱玉亭

栖賢三峽橋

岐亭五首

錄三首

郭祥正家醉畫竹石壁上郭作詩為謝且遺二古

銅劍

龍尾硯歌

欽定四庫全書

南選唐宋詩醇

三

次韻杭人裴維甫

同王勝之游蔣山

送沈達赴廣南

豆粥

秦少游夢發殯而葬之者云是劉發之柩是歲發

首薦秦以詩賀之劉涇亦作因次其韻

徐大正閑軒

高郵陳直躬處士畫鴈二首

次韻王定國南遷回見寄

御選唐宋詩醇卷三十七目錄

欽定四庫全書

御選唐宋詩醇
卷三十七目錄

四

欽定四庫全書
御選唐宋詩醇
卷三十七
一

余至黃州二年日以困匱故人馬正卿哀予乏食為
於郡中請故營地數十畝使得躬耕其中地既久荒
為茨棘瓦礫之場而歲又大旱墾闢之勞筋力殆盡
釋耒而歎乃作是詩自愍其勤庶幾來歲之入以忘
其勞焉

廢壘無人顧頽垣滿蓬蒿誰能捐筋力歲晚不償勞獨
有孤旅人天窮無所逃端來拾瓦礫歲旱土不膏崎嶇
草棘中欲刮一寸毛喟然釋耒歎我廩何時高
荒田雖浪莽高庳各有適下隰種秔稌東原蒔棗栗江
南有蜀士桑果已許乞好竹不難裁但恐鞭橫逸仍須
卜佳處規以安我室家童燒枯草走報暗井出一飽未
敢期瓢飲已可必

因耕田而及桑果竹木以至築室穿井各成倅願想見

隨寓而安

自昔有微泉來從遠嶺背穿城過聚落流惡壯蓬艾去

為柯氏陂十畝魚蝦會歲旱泉亦竭枯萍粘破塊昨夜

南山雲雨到一犁外泣然尋故瀆知我理荒蒼泥片有

宿根一寸嗟獨在雪芽何時動春鳩行可膾自注蜀人貴片芽膾

雜鳩肉為之

種稻清明前樂事我能數毛空暗春澤鍼水聞好語自注

蜀人以細雨為雨毛稻初生時農夫相語稻鍼出矣

分秧及初夏漸喜風葉舉月

明看露上一一珠垂縷秋來霜穗重顛倒相撐拄但聞

畦隴間蚱蜢如風雨自注蜀中稻熟時蚱蜢羣飛田間如小蝗狀而不害稻

新春

便入甌玉粒照筐筥我久食官倉紅腐等泥土行當知

此味口腹吾已許

悉數四時田事風霜月露宛轉關情王孟田家雜詩所

未經道

良農惜地力幸此十年荒桑柘未成一麥庶可望授

種未逾月覆塊已蒼蒼農父告我言勿使苗葉昌君欲富餅餌要須縱牛羊再拜謝苦言得飽不敢忘

此首專言種麥述農父問答有情

種棗期可剥種松期可斬事在十年外吾計亦已慙十

年何足道千載如風電舊聞李衡奴此策疑可學我有

同舍郎官居在瀘岳自注李公擇也遺我三寸甘照坐光卓犖

百裁儻可致當及春冰渥想見竹籬間青黃垂屋角

豈誠願學李衡亦因遺甘而懷李公擇耳預想到屋角

欽定四庫全書

御選唐宋詩醇卷三十七

青黃拙樸語益徵高曠

潘子久不調沽酒江南村郭生本將種賣藥西市垣古

生亦好事恐是押牙孫家有十畝竹無時容叩門我窮

交舊絕三子獨見存從我於東坡勞餉同一殼可憐杜

拾遺事與朱阮論吾師卜子夏四海皆弟昆自注潘名大臨字邠

老榮陽人郭生名邁汾陽人古生名耕道新平人

馬生本窮士從我二十年日夜望我貴求分買山錢我

今反累生借耕輒茲田刮毛龜背上何時得成壇可憐

馬生癡至今夸我賢衆笑終不悔施一當獲千

軾答秦太虛書曰所居對岸武昌山水佳絕有蜀人王生在邑中往往為風濤所隔不能即歸則王生能為殺雞炊黍至數日不厭又有潘生者作酒店樊口棹小舟徑至店下村酒亦自醇釀

施元之曰先生儕耳手澤云杞人馬正卿作太學生清苦有氣節學者既不喜博士亦忌之余少時偶至其齋中書杜子美秋雨嘆壁上初無意也而正卿即

日辭歸不復出至今白首窮餓守節如故詩中馬生

即其人也 江南有蜀士謂王文甫也文甫嘉州犍為縣人居於武昌

容齋三筆曰蘇公謫居黃州始自稱東坡居士詳考其意蓋專慕白樂天而然白公有東坡種花二詩云

持錢買花樹城東坡上栽又云東坡春向暮樹木今

何如又有步東坡詩云朝上東坡步夕上東坡步東坡何所愛愛此新成樹又有別東坡花樹詩云何處

殷勤重回首東坡桃李種新成皆為忠州刺史時所

作也蘇公在黃正與白公忠州相似因憶蘇詩如贈寫真李道士云他時要指集賢人知是香山老居士

贈善相程傑云我似樂天君記取華顛賞遍洛陽春送程懿叔云我甚似樂天但無素與蠻入侍邇英云

定是香山老居士世緣終淺道根深而跋曰樂天自江州司馬除忠州刺史旋以主客郎中知制誥遂拜中書舍人某雖不敢自比然謫居黃州起知文登台

欽定四庫全書

御選唐宋詩醇

四

欽定四庫全書

御選唐宋詩醇

五

為儀曾遂忝侍從出處老少大畧相似庶幾復享晚節閒適之樂去杭州云出處依稀似樂天敢將衰朽較前賢序曰平生自覺出處老少粗似樂天則公之所以景仰者不止一再言之非東坡之名偶爾暗合也

姪安節遠來夜坐三首

南來不覺歲峥嵘坐撥寒灰聽雨聲遮眼文書元不讀伴人燈火亦多情嗟予潦倒無歸日今汝蹉跎已半生

免使韓公悲世事白頭還對短燈檠

心衷面改瘦嶄嶮相見惟應識舊聲
永夜思家在何處殘年知汝遠來情畏人默坐成癡鈍
問舊驚呼半死生夢斷酒醒山雨絕笑看飢鼠上燈檠

落第汝為中酒味吟詩我作忍飢聲便思絕粒真無策
苦說歸田似不情腰下牛閑方解佩洲中奴長足為生
大弨一弛何緣彀已覺巍巍不受檠

家常語愈淺愈真安節以下第來黃州大全集雜說有
姪安節遠來飲酒樂甚以識一時盛事之言此三詩但
作喟嘆未見其樂也然以謫居岑寂之中有骨肉遠來
聚首秉燭寒宵絮語不倦悲之所發即其樂之所形此
與冬至日贈安節詩所云詩成却超然老淚不成滴者情
懷約畧相似

岐亭道上見梅花戲贈季常

蕙死蘭枯菊亦摧返魂香入嶺頭梅數枝殘綠風吹盡
一點芳心雀喚開野店初嘗竹葉酒江雲欲落豆楷灰

行當更向釵頭見病起烏雲正作堆

陳慥喜蓄聲妓此作體近香奩似有所指者故謂之戲
贈軾與慥交好詩文無所拘忌若河東君秀英君之名
因而流布非是輕薄為文正可見其忘形無間也

方回曰一點芳心雀喚開此句最佳坡天人也作詩
不拘法度而自有生意雀之為物嘗凍喚梅開本無
情於梅下此語乃若不勝情者尾句蓋謂季常侍兒
病起新粧行當於釵頭見此花欲其出以侑樽也豆

稽灰出文酒清話王勉雪詩上天燒下豆稽灰烏李
從教作白梅亦俚語世傳以為戲者

苔溪漁隱叢話曰東坡云龍丘子自洛之蜀載二侍
女戎裝駿馬至溪山佳處輒留數日見者以為異人
後十年築室黃岡之北號靜菴居士作臨江仙贈之

云細馬遠駛雙侍女青巾玉帶紅靴溪山好處便為
家誰知巴蜀路却是洛城花面旋落英飛玉蕊人間
春日初斜十年不見紫雲車龍丘新洞府鉛鼎養丹

砂龍丘子即陳季常也

太守徐君猷通守孟亨之皆不飲酒以詩戲之

孟嘉嗜酒桓溫笑徐邈狂言孟德疑公獨未知其趣爾
臣今時復一中之風流自有高人識通介寧隨薄俗移
二子有靈應撫掌吾孫還有獨醒時

因姓援古以著題古人所有也只詠孟嘉徐邈二人事
承說到底章法獨創後人亦未見有效之者

苔溪漁隱叢話曰此詩不止天生此對其全篇用事
方回曰全用徐孟二人飲酒事以其泉下有靈却笑
厥孫不飲善滑稽者

親切尤為可喜皆徐孟二人事也

次韻和王鞏六首錄一
平生我亦輕餘子晚歲人誰念此翁巧語屢曾遭薏苡
腹詞聊復託芎藭子還可責同元亮妻郤差賢勝敬通
若問我貧天所賦不因遷謫始囊空
俯視一切交集百端起二句匪由作意所能得

亦輕餘子晚歲人誰念此翁蓋記原父語也

江上值雪效歐陽體限不以鹽玉鶴鷺絮蝶飛舞
之類為比仍不使皓白潔素等字

縮頸夜眠如凍龜雪來惟有客先知江邊曉起浩無際
樹杪風多寒更吹青山有似少年子一夕變盡滄浪髡
方知陽氣在流水沙上盈尺江無澌隨風顛倒紛不擇
下滿坑谷高陵危江空野闊落不見入戶但覺輕絲絲
沾裳細看若刻鏤豈有一天天工為霍然一麾遍九野

吉林曰昔為鳳翔幕過長安見劉原父留吾劇飲數
日酒酣謂吾曰昔陳季弼告陳元龍曰聞遠近之論
謂明府驕而自矜元龍曰夫閨門雍穆有德有行吾

敬陳元方兄弟淵清玉潔有禮有法吾敬華子魚清
修疾惡有識有義吾敬趙元達博聞強記奇逸卓犖

吾敬孔文舉雄姿傑出有王霸之畧吾敬劉玄德所
敬如此何驕之有餘子瑣瑣亦安足錄哉因仰天太

息此亦原父之雅趣也吾後在黃州作詩云平生我
敬如此何驕之有餘子瑣瑣亦安足錄哉因仰天太

吁此權柄誰執持世間苦樂知有幾今我幸免沾膚肌

山夫只見壓樵擔豈知帶酒飄歌兒天王臨軒喜有麥

宰相獻壽嘉及時凍吟書生筆欲折夜織貧女寒無幃

高人著履踏冷冽飄拂巾帽真仙姿野僧斫路出門去

寒液滿鼻清淋漓灑袍入袖溼靴底亦有執版趨堦墀

舟中行客何所愛願得獵騎當風披草中咻咻有寒兔

孤隼下擊千夫馳敲冰煮鹿最可樂我雖不飲強倒卮

楚人自古好弋獵誰能徃者我欲隨紛紜旋轉從滿面

欽定四庫全書
御選唐宋詩醇
卷三十七
十

馬上操筆為賦之

巖壑高卑人物錯雜大處浩渺細處纖微無所不盡可

抵一幅王維江干初雪圖六一詩話稱有進士許洞

嘗會諸僧分題出一紙約曰不得犯此一字其字乃山

水風雲竹石花草霜雪星日禽鳥之類諸僧皆閤筆廬

陵集頴州雪詩其序則曰玉月梨梅練絮白舞鵝鶴等字皆請勿用禁體物語非是歐陽創之也特以頴州賓主一時之盛遂成佳話耳

是日同至女王城作詩乃和前韻

東風未肯入東門走馬還尋去歲村人似秋鴻來有信事如春夢了無痕江城白酒三杯醲野老蒼顏一笑溫已約年年為此會故人不用賦招魂

紅梅三首錄一

首

怕愁貪睡獨開遲自恐冰容不入時故作小紅桃杏色尚餘孤瘦雪霜姿寒心未肯隨春態酒量無端上玉肌詩老不知梅格在更看綠葉與青枝自注石曼柳紅梅詩云認桃無綠葉

欽定四庫全書
御選唐宋詩醇
卷三十七
十一

辨杏有
青枝

不著意紅字則泛行然一落色相則又如塗塗附矣石延年句豈不精切而詩謂其不知梅格知此者可與言詩

陳季常見過三首錄二

首

仕宦常畏人退居還喜客君來輒館我未覺雞黍窄東坡有奇事已種十畝麥但得君眼青不辭奴飯白送君四十里只使一帆風江邊千樹柳落我酒杯中此

行非遠別此樂固無窮但願長如此來往一生同

寒食雨二首

自我來黃州已過三寒食年年欲惜春春去不容惜今年又苦雨兩月秋蕭瑟臥聞海棠花泥汙燕脂雪暗中偷負去夜半真有力何殊病少年病起頭已白

春江欲入戶雨勢來不已小屋如漁舟濛濛水雲裏空庖煮寒菜破竈燒濕葦那知是寒食但感烏銜紙君門深九重墳墓在萬里也擬哭途窮死灰吹不起

哉魚蠻子本非左袒徒連排入江住竹瓦三尺廬於焉長子孫戚施且侏儒擘水取鮀鯉易如拾諸途破釜不著鹽雪鱗筆青蔬一飽便甘寢何異獮與狙人間行路難踏地出賦租不如魚蠻子駕浪浮空虛空虛未可知會當算舟車蠻子叩頭泣勿語桑大夫

分明指新法病民出賦租者不如魚蠻之樂也忽又念及算舟車者筆下風生凜凜史記平準書述卜式之言以結全篇曰烹弘羊天乃雨不更益一字而意已顯此

詩結云蠻子叩頭泣勿語桑大夫亦不待明言其所以然可稱詩史

弔李臺卿并引

道也

賀裳曰黃州詩尤多不羈小屋如漁舟濛濛水雲裡一篇最為沈痛

魚蠻子

江淮水為田舟楫為室居魚鰐以為糧不耕自有餘異

李臺卿字明仲廬州人貌陋甚性介不羣而博學彊記罕見其比好左氏有史學考正同異多所發明知天文律歷千載之日可坐數也軾謫居黃州臺卿為麻城主簿始識之既罷居於廬而曹光州演甫以書報其亡臺卿光州之妻黨也

我初未識君人以君為笑垂頭老鶴雀煙雨靈七寢弊衣來過我危坐若持釣褚衰半面新蕭茂一語妙徐徐

步其瀾極望不可徼郤觀原嫵媚士固難輕料看書眼

如月罅隙靡不照我老多遺忘得君如再少縱橫通雜藝甚博且知要所恨言無文至老幽不耀其生世莫識已死誰復弔作詩遺故人庶解俗子譙

看書眼如月數語可謂心折膺服矣却先從人所共笑處為之寫生傳神可笑處實是可笑可敬處實是可敬

欽定四庫全書

御選唐宋詩醇
卷三十七

十四

寫來俱不遺餘力洵稱一人知己

曹既見和復次其韻

造物本兒嬉風噫雷電笑誰令妄驚怪失七號萬寰人走江湖一一操網釣偶然連六鼈便為此手妙空令

任公子三歲蹲海徼長貧固不辭一死實未料難將蓍草算除用佛眼照何人嗣家學恨子兒尚少嗟我與曹君衰老世不要空言今無救奇志後必耀吟君五字詩義重千金弔收藏慎勿出免使羣兒譙

笑臺卿者多是偶然釣鼈之人此詩要不專為臺卿一人長太息也

次韻孔毅父集古人句見贈五首

錄三首

羨君戲集他人詩指呼市人如使兒天邊鴻鵠不易得便令作對隨家雞退之驚笑子美泣問君久假何時歸世間好句世人共明月自滿千家墀

紫駝之峰人莫識雜以鷄豚真可惜今君坐致五侯鯖盡是猩脣與熊白路旁拾得半段槍何必開鑪鑄矛戟

欽定四庫全書

御選唐宋詩醇
卷三十七

十五

用之如何在我耳入手當令君喪魄

天下幾人學杜甫誰得其皮與其骨劃如太華當我前跛牂欲上驚崎嶇名章俊語紛交衡無人巧會當時情前生子美只君是信手拈得俱天成

集句詩創自北宋著於石延年而工於王安石至黃庭堅則目之為百家衣言如小兒文褓也是匪富有胸中豈能親切貫穿然終非詩家所貴觀此數詩所以譽之

者至矣言外正自有意在

王直方詩話曰荆公始為集句多者至數十韻往往對偶親於本詩蓋以誦古今人詩多或坐中率然而成始可以為貴也其後多有效之者孔毅父嘗集句

贈東坡

六年正月二十日復出東門仍用前韻

亂山環合水侵門身在淮南盡處村五畝漸成終老計九重新掃舊巢痕豈惟見慣沙鷗熟已覺來多釣石溫長與東風約今日暗香先返玉梅魂

欽定四庫全書

御選唐宋詩醇

卷三十七

六

詞旨溫厚意味深長在集內近體詩中更上一層

陸游曰昔祖宗以三館養士儲將相材及官制行罷三館而東坡蓋嘗直史館然自謫為散官削去史館之職久矣至於史館亦廢故云新掃舊巢痕其用事之嚴如此而鳳巢西隔九重門則又李義山詩也

方回曰東坡初貶黃州之年即細雨梅花闊山斷魂

之時也次年正月二十日往歧亭見陳慥季常是以

為女王城之詩又次年正月二十日與潘邠老等尋

春是以有事如春夢了無痕之詩又次年正月二十

日尚在黃州復出東門仍和此韻亂山環合四句謂

元豐官制行罷廢祖宗館職立秘書省以正字校書

郎等為差除資序而儒士之意淺矣觀此等語豈惟

可以考大賢之出處亦可見時事之更張仁廟之所

以遺燕安於後世者何其盛熙豐之政所以大有可

恨者何其頓衰坡下句云豈惟見慣沙鷗熟已覺來

多釣石溫又可痛坡翁一謫數年甘心於漁樵而忘

欽定四庫全書

御選唐宋詩醇

卷三十七

七

返也

南堂五首

錄一
首

掃地燒香閉閣眠簾紋如水帳如煙客來夢覺知何處挂起西窗浪接天

邢居實曰東坡此詩嘗題於余扇山谷初讀以為是

劉夢得所作

齊安拾遺曰夏澳口之側本水驛有亭曰臨臯郡人以驛之高陂上築南堂為先生游息

次韻孔毅父久旱已而甚雨三首

飢人忽夢飯甌溢夢中一飽百憂失只知夢飽本來空
未悟真飢定何物我生無田食破硯爾來硯枯磨不出
去年太歲空在酉傍舍壺漿不容乞今年旱勢復如此
歲晚何以黔吾突青天蕩蕩呼不聞況欲稽首號泥佛
甕中蜥蜴尤可笑跂跂脈脈何等秩陰陽有時雨有數
民自天民天自卹我雖窮苦不如人要亦自是民之一
形容雖是喪家狗未嘗弭耳爭投骨倒冠落幘謝朋友
欽定四庫全書

御選唐宋詩醇

卷三十七

六

獨與蚊雷共圭草故人嗔我不開門君視我門誰肯屈
可憐明月如潑水夜半清光灑我室風從南來非雨候
且為疲人洗蒸鬱褰裳一和快哉謠未暇饑寒念明日
先將旱勢寫得淋漓極致以待下二章轉闋反覆詳盡
清絕滔滔呼作快哉謠不虛也

去年東坡拾瓦礫自種黃桑三百尺今年刈草蓋雪堂
日炙風吹面如墨平生懶惰今始悔老大勤農天所直
沛然例賜三尺雨造化無心悅難測四方上下同一雲

甘霖不為龍所隔

自注俗有分龍日

蓬蒿下濕迎曉來燈火新

涼催夜織老夫作罷得甘寢卧聽牆東人響屐奔流未
已坑谷平折葦枯荷恣漂溺腐儒麤支百年力耕不
受衆目憐破陂漏水不耐旱人力未至求天全會當作
塘徑千步橫斷西北遮山泉四鄰相率助舉杵人人知
我囊無錢明年共看決渠雨饑飽在我寧闊天誰能伴
我田間飲醉倒惟有支頭甌

旱而得雨因雨而籌及於破陂之漏水思作塘以遮泉
欽定四庫全書

御選唐宋詩醇

卷三十七

七

由去年今年而并預算明年絕不為愁霖計者三詩如
各自成章乃正其神明於斷續合離之法

東坡先生年譜曰元豐壬戌先生在黃州寓居臨臯
亭就東坡築雪堂自號東坡居士以東坡圖考之自
黃州門南至雪堂四百三十步堂以大雪中為之因
繪雪於四壁之間無容隙其名蓋起於此先生自書
東坡雪堂四字以榜之先生自臨臯遷雪堂在壬戌
十月之後和孔毅父詩云去年太歲空在酉乃指去

年辛酉言之也

天公號令不再出十日愁霖併為一君家有田水冒田
我家無田憂入室不如西州楊道士萬里隨身惟兩膝
沿流不惡泝亦佳一葉扁舟任飄突山芎麥麴都不用
泥行露宿終無疾夜來飢腸如轉雷旅愁非酒不可開

楊生自言識音律洞簫入手清且哀不須更待秋井塌
見人白骨方銜杯

前兩章言旱言雨已各詞意周浹此章言甚雨君家有

田水冒田我家無田憂入室二句情狀已盡下只就楊

道士為言與雨旱都不相值張弛無所不妙也楊萬里
獨賞結二句不須更待秋井塌見人白骨方銜杯謂其

用杜詩得翻案法抑亦末矣首作以飢人忽夢起以
未暇饑寒念明日結次作云飢飽在我寧闊天三作云
夜來飢腸如轉雷微作呼應之語纓帶無痕

施宿曰先生為楊道士書一帖云僕謫居黃岡綿竹

武都山道士楊世昌子亡自廬山來過余其人善畫

山水能鼓琴晚星歷通知黃白藥術可謂藝矣又一

帖云十月十五日夜與楊道士泛舟赤壁按次數父
韻第三首載西州楊道士凡數聯因此帖知為世昌
詩中又言善吹洞簫其自廬山從公蓋壬戌之夏前
赤壁賦云客有吹洞簫者殆是楊也

初秋寄子由

百川日夜逝物我相隨去惟有宿昔心依然守故處憶

在懷遠驛閑門秋暑中荔羹對書史揮汗與子同西風

忽淒厲落葉穿戶牖子起尋被衣感歎孰我手朱顏不
可恃此語君莫疑別離恐不免功名定難期當時已悽
斷況此兩衰老失塗既難追學道恨不早買田秋已議

築室春當成雪堂風雨夜已作對牀聲

五言轉韻能一氣旋折筆愈轉而情愈深味愈長此等
詩他人不能為在集中亦惟與子由往復數章僅見之

林子仁曰懷遠驛蓋先生與子由應制京師時嘗寓
於此是歲嘉祐五年也黃州東南三十里地名沙湖

先生嘗買田其間故云買田秋已議

和蔡景繁海州石室

芙蓉仙人舊游處自注石
曼卿也蒼藤翠壁初無路戲將桃核

裏黃泥石間散擲如風雨坐令空山作錦繡倚天照海

花無數花間石室可容車流蘇寶蓋窺靈宇何年霹靂

起神物玉棺飛出王喬墓當時醉卧動千日至今石縫

餘糟醑山人一去五十年花老室空誰作主手植數松

今偃蓋蒼髯白甲低瓊戶我來取酒酌先生後車仍載

胡琴女一聲冰鐵散巖谷海為瀾翻松為舞爾來心賞復何人持節中郎醉無伍獨臨斷岸呼出日紅波碧巘相吞吐徑尋我語覓餘聲柱杖彭鏗叩銅鼓長篇小字遠相寄一唱三歎神悽楚江風海雨入牙頰似聽石室胡琴語我今老病不出門海山巖洞知何許門外桃花自開落牀頭酒甕生塵土前年開閣放柳枝今年洗心參佛祖夢中舊事時一笑坐覺俯仰成今古願君不用刻此詩東海桑田真旦暮

石延年通判海州使人以泥裹桃核彈擲山嶺之上二歲間花發滿山誠為勝舉詩援此說入自首句至蒼

髯白甲低瓊戶以上皆言石事繼述舊遊而以和詩之意終焉舒展春容有大海迴波生漱澗之妙

施元之曰蔡景繁名承禧臨川人中嘉祐進士第知雩都縣擢監察御史裏行後出為淮南轉運副使置使楚州東坡謫黃實在部內獨拳拳慰藉行部訪之

東坡有答景繁帖云朐山臨海石室信如所諭前某

嘗携家一游時有胡琴婢就室中作濩索涼州凜然有冰車鐵馬之聲婢去久矣因公復起一念若果游此必有新篇當破戒奉和也又云海上奇觀恨不與公同遊大篇或可追賦景繁往游既賦詩坡為屬和前所述皆指石曼卿後車胡琴云云皆帖中語意又前年開閣云云即所謂婢去久矣因公復起一念用此帖為証而詩乃粲然

小飲公瑾舟中

青泥赤日午相烘走訪船牕柳影中輟我東坡無限睡

賞君南浦不貲風坐觀邸報談迂叟間說滁山憶醉翁

此去澄江三萬頃只應明月照還空自注鄧滁人也是
日坐中觀邸報云

叟入下省

酒坐劇談嘯傲之概可想

過江夜行武昌山上聞黃州鼓角

清風弄水月銜山幽人夜渡吳王峴黃州鼓角亦多情送我南來不辭遠江南又聞出塞曲半雜江聲作悲健

欽定四庫全書

御選唐宋詩醇
卷三十七

西

誰言萬方聲一概鼂憤龍愁為余變我記江邊枯柳樹

未死相逢真識面他年一葉汎江來還吹此曲相迎餞已去之地鼓角多情新至之處曲聲悲健妙是半雜江聲通彼我之懷覺行役宵中有聲有色

自興國往筠宿石田驛南廿五里野人舍

谿上青山三百疊快馬輕衫來一抹倚山修竹有人家橫道清泉知我渴芒鞋竹杖自輕軟蒲薦松牀亦香滑夜深風露滿中庭惟有孤螢自開闔

孤螢開闔之句較暗飛螢自照更冷然善也

圓通禪院先君舊遊也四月二十日晚至宿焉明

日忌日也乃手寫寶積獻蓋頌佛一偈以贈長老

儂公儂撫掌笑曰昨夜夢寶蓋飛下著處輒出火

豈此祥乎乃作是詩院有蜀僧宣遠事訥長老識

先君云

石耳峯頭路接天梵音堂下月臨泉此生初飲廬山水

他日徒參雪竇禪袖裏寶書猶未出夢中飛蓋已先傳

欽定四庫全書

御選唐宋詩醇
卷三十七

五

何人更識嵇中散野鶴昂藏未是仙

詩簡於題題中之意詩無剩語題外之意詩有餘情體

贍律調咀味無盡

題西林壁

橫看成嶺側成峯遠近高低各不同不識廬山真面目

只緣身在此山中

能作如是語始是認取真面目者妙高峰三日不見而

見之別峰與此參看

黃庭堅曰此老人於般若橫說豎說了無剩語非其筆端有口亦安能吐此不傳之妙

廬山二勝

并引

余遊廬山南北得十五六奇勝殆不可勝紀而懶不作詩獨擇其尤佳者作二首

開先漱玉亭

高巖下赤日深谷來悲風劈開青玉峽飛出兩白龍亂沫散霜雪古潭搖青空餘流滑無聲快瀉雙石谼我來

欽定四庫全書

御選唐宋詩醇

五

不忍去月出飛橋東蕩蕩白銀闕沉沉水精宮願隨琴高生腳踏赤鱗公手持白芙蓉跳下清冷中

寫瀑布奇勢迭出曲盡其妙此巨靈開山手徐凝惡詩

誠不足道耳

廬山記曰山中瀑布十餘處香鑪峯與雙劍峯在瀑布旁水源在五老峯頂西入康王谷為水簾東為開先之瀑布

王注正譌曰開先漱玉亭王本訛作開元題下注云

開元禪院舊傳梁昭明太子之居棲隱也唐玄宗即位始號開元有招隱橋玄宗所作按黃庭堅開先禪

院修造記略曰南唐中主年少好文無經世意慕物

外之名間舍五老峯下有野夫獻地買之萬金以為書堂及即位以為寺以野夫獻地為已有國之祥故

名開先後遷洪都蓋嘗弭節故榻與畫像存焉又山

志稱中主讀書臺在寺後世以為李後主者誤以為梁昭明者尤誤開先寺本末甚明無可疑者王本既

欽定四庫全書

御選唐宋詩醇

五

訛開先為開元又訛南唐之元宗為唐開元天寶之玄宗又云唐玄宗即位始號開元其杜撰跡駁乃爾梅溪何至是想後人偽訛耶

栖賢三峽橋

吾聞太山石積日穿綫溜況此百雷霆萬世與石鬪深行九地底嶮出三峽右長輸不盡谿欲滿無底竇跳波翻潛魚震響落飛狹清寒入山骨草木盡堅瘦空濛烟靄閒湧洞金石奏彎彎飛橋出激漱半月彀玉淵神龍

近雨雹亂晴晝垂鉤得清甘可嚥不可漱

奇景以精理通之發為高談結為幽艷絡繹間起使人應接不暇

苔溪漁隱叢話曰三峽橋詩清寒入山骨草木盡堅瘦此等語精研絕韻真他人道不到也

蘇轍棲賢僧堂記曰元豐三年余過廬山入棲賢谷谷中多大石岌嶪相倚水行石間其聲如雷霆又如千乘車行者震掉不能自持雖三峽之險不過也故

橋曰三峽

欽定四庫全書

御選唐宋詩醇

卷三十七

天

五日賦詩一篇而去明年正月復往見之季常使人勞余於中塗余久不殺恐季常之為余殺也則以前多化之有不食肉者其後數往見之往必作詩詩必以前韻凡余在黃四年三往見季常季常七來見余蓋相從百餘日也七年四月余量移汝州自江淮徂送者皆止慈湖而季常獨至九江乃復用前韻通為五首以贈之

欽定四庫全書

御選唐宋詩醇

卷三十七

五

廬山前錄曰過栖賢路稍崎嶇然不妨觀山也約十餘里至三峽橋蘇黃門所記殆非誇詞自此行石衢至玉淵亭澗水披石陡落匯為龍湫雪濺雷吼不減三峽

岐亭五首并引錄三首

元豐三年正月余始謫黃州至岐亭北二十五里山

上有白馬青蓋來迎者則余故人陳慥季常也為留

昨日雲陰重東風融雪汁遠林草木暗近舍烟火濕下有隱君子嘯歌方自得知我犯寒來呼酒意頗急撫掌動隣里遠村捉鵝鴨房櫳鏘器聲蔬果照巾幕久聞萋蒿美初見新芽赤洗盞酌鵝黃磨刀削熊白須臾我徑醉坐睡落巾幘醒時夜向闌唧唧銅瓶泣黃州豈云遠

見峯巒集

從呼酒說到徑醉醉而復醒寫出嘯傲自適頽然兀然

真不知何者是主何者是客

詩人玉屑曰嘗論對偶如枸杞因吾有雞栖奈汝何

蓋借枸杞以對雞栖冬溫蚊蚋在人遠鳬鴨亂人遠

如鳬鴨然又直以字對而不對意此皆例子不可不知

子瞻岐亭詩云洗盞酌鵝黃磨刀功熊白是用例者也

我哀籃中蛤閉口護殘汁又哀網中魚開口吐微濕剗

腸彼交病過分我何得相逢未寒溫相勸此最急不見

盧懷慎烝壺似烝鴨坐客皆忍笑髡然發其冕不見王

武子每食刀几赤琉璃載烝肫中有人乳白盧公信寒

陋衰髮得滿幘武子雖豪華未死神已泣先生萬金璧

護此一蟻缺一年如一夢百歲真過客君無廢此篇嚴

詩編杜集

通篇俱為戒殺而作未死神已泣一語尤惻惻動人中

用鄭餘慶事誤作盧懷慎藝苑雌黃指摘之然未足為

此詩病也

許顥詩話曰東坡贈季常詩戒其殺生末云君無廢此篇嚴詩編杜集謂嚴武也工部集中有武倡和數首

枯松強鑽膏槁竹欲瀝汁兩窮相值遇相哀莫相濕不知我與君交遊竟何得心法幸相語頭然未為急願為穿雲鶲莫作將離鴨我行及初夏煮酒映疎幕故鄉在

何許西望千山赤茲遊定安歸東泛萬頃白一歡寧復再起舞花墮幘將行出苦語不用兒女泣吾非固多矣

君豈無一缺各念別時言閉戶謝衆客空堂淨掃地虛白道所集

臨別互相勸勉匡其所不及不徒作依依戀戀之詞同心之言其誼古其情深矣

湘素雜記曰世俗相傳古詩不必拘於用韻余謂不然如杜少陵早發射洪縣及字韻詩皆用緝字一韻未嘗用外韻也又觀東坡與陳季常汁字韻一篇詩而用六韻殊與老杜異其他側韻詩多如此以其名

重當世無敢訾議

苦溪漁隱叢話曰黃朝英之言非也老杜側韻詩何嘗不用外韻今若以一篇詩偶不用外韻遂為定格則老杜何以謂之能兼衆體也黃既不細考老杜諸詩又且輕議東坡尤為可笑

郭祥正家醉畫竹石壁上郭作詩為謝且遺二古銅劍

空腸得酒芒角出肝肺槎牙生竹石森然欲作不可回

欽定四庫全書

御選唐宋詩醇

卷三十七

三五

吐向君家雪色壁平生好詩仍好畫書墻涴壁長遭罵

不瞋不罵喜有餘世間誰復如君者一雙銅劍秋水光兩首新詩爭劍芒劍在牀頭詩在手不知誰作蛟龍吼畫從醉出詩特為醉筆洗剔精神讀起四句森然動魄也句句巉絕在集中另闢一格

龍尾硯歌

并引

余舊作鳳味石硯銘其畧云蘇子一見名鳳味坐令

龍尾差牛後已而求硯於歙歙人云子自有鳳味何

以此為蓋不能平也奉議郎方君彥德有龍尾大硯

奇甚謂余若能作詩少解前語者當奉餉乃作此詩黃琮白琥天不惜顧恐貪夫死懷璧君看龍尾豈石材玉德金聲寓於石與天作石來幾時與人作硯初不辭詩成鮑謝石何與筆落鍾王硯不知錦茵玉匣俱塵垢擣練支牀亦何有況瞋蘇子鳳味銘戲語相嘲作牛後碧天照水風吹雲明窗大几清無塵我生天地一間物蘇子亦是支離人麤言細語都不擇春蚓秋蛇隨意畫

欽定四庫全書

御選唐宋詩醇

卷三十七

三五

願隨蘇子老東坡仁者不用生分別

前用解嘲後更諷以通人之論雄恣逸態奇矯無前集中鳳味硯三銘各以遒鍊為工不可無此作蕩濶之氣

次韻杭人裴維甫

餘杭門外葉飛秋尚記居人挽去舟一別臨平山上塔五年雲夢澤南州淒涼楚些緣吾發邂逅秦淮為子留寄謝西湖舊風月故應時許夢中游

同王勝之遊蔣山

到郡席不暖居民空惆然好山無十里遺恨恐他年欲

歎南朝寺同登北郭船朱門收畫戟紺宇出青蓮

自注
荆公

以宅夾路蒼髯古迎人翠麓偏龍腰蟠故國鳥爪寄曾
巔竹杪飛華屋松根泣細泉峯多巧障日江遠欲浮天

畧約橫秋水浮屠挿暮煙歸來踏人影雲細月娟娟

次第寫景不必作峻嶒鬱屈之勢而斷削精潔神彩欲

飛不獨峯多江遠一聯差肩杜老

西清詩話曰元豐中王荊公在金陵東坡自黃北遷

欽定四庫全書

御選唐宋詩醇

卷三十七

三

日與公遊盡論古昔文字間即俱味禪悅公嘆息謂人曰不知更幾百年方有如此人物東坡渡江至儀真賦此詩公亟取讀之至峯多巧障日江遠欲浮天乃撫几曰老夫平生作詩無此二句

送沈達赴廣南

嗟我與君皆丙子四十九年窮不死君隨幕府戰西羌夜渡冰河斫雲壘飛塵漲天箭灑甲歸對妻孥真夢耳我謫黃岡四五年孤舟出沒煙波裏故人不復通問訊

疾病飢寒凝死矣相逢握手一大笑白髮蒼顏畧相似我方北渡脫重江君復南行輕萬里功名如幻何足計學道有牙真可喜句漏丹砂已付君汝陽壅蓋吾何恥就兩人境遇不同處抒寫盡致而以道牙日就作無聊君歸趁我鷄黍約買田築室從今始

解脫之詞覺滿紙毫飛墨噴一時怡然冰釋

豆粥

君不見虯沱流澌車折軸公孫蒼黃奉豆粥濕薪破竈

欽定四庫全書

御選唐宋詩醇

卷三十七

三

自燎衣飢寒頓解劉文叔又不見金谷敲冰草木春帳下烹煎皆美人萍藿豆粥不傳法咄嗟而辨石季倫干戈未解身如寄聲色相纏心已醉身心顛倒自不知更識人間有真味豈如江頭千頃雪色蘆茅簷出沒晨煙孤地碓春秌光似玉沙餅煮豆軟如酥我老此身無著處賣書來問東家住卧聽鷄鳴粥熟時蓬頭曳履君家

起伏開閭氣偉采奇青蓮無以過去

起伏開閭氣偉采奇青蓮無以過

苦溪漁隱叢話曰東坡於飲食作詩賦以寫之往往

皆臻其妙如老饕賦豆粥詩是也

秦少游夢發殯而葬之者云是劉發之柩是歲發首薦秦以詩賀之劉涇亦作因次其韻

君看三代士執雉本以殺身為小補居官死職戰死綏夢尸得官真古語五行勝已斯為官官如草木吾如土仕而未祿猶賓客待以純臣蓋非古餽焉曰獻稱寡君豈比公卿相爾汝世衰道微士失已得喪悲歡反其故

草袍蘆笠相嬾媚飲食嬉游事羣聚曲江船舫月燈球

是謂舞殯而歌墓者花走馬到東野餘子紛紛何足數二生年少兩豪逸詩酒不知軒冕苦故令將仕夢發棺

勸子勿為官所腐塗車芻靈皆假設著眼細看君勿誤時來聊復一飛鳴進隱不須煩伍舉

說得通透使人心融神釋凡經史傳記百家之言信手

拈來無不貫穿協合前古詩人未嘗有此此所謂詩到

蘇黃盡也

徐大正閒軒

冰蠶不知寒火鼠不知暑知閒見閒地已覺非閒侶君

看東坡翁懶散誰比數形骸墮醉夢生事委塵土蚤眠

不見燈晚食或欺午卧看籠取盜坐視夢漂雨語希舌

頰強行少腰腳僵五年黃州城不蹋黃州鼓人言我閒

客置此閒處所問閒作何味如眼不自覩頗訝徐孝廉

得閒能幾許介予願奉使翁歸備文武應緣不耐閒名

字挂庭宇我詩為閒作更得不閒語君如汗血駒轉盼

略燕楚莫嫌鑾輶重終勝鹽車苦

為閒字下轉語轉轉無竭是問是答兩無縛脫以偈頌體入詩自雪堂始也

施元之曰徐大正因其先君猷守黃州始從公游秦

少游為作門軒記

高郵陳直躬處士畫鴈二首

野鴈見人時未起意先改君從何處看得此無人態無乃槁木形人禽兩自在北風振枯葦微雪落璀璨慘澹

雲水昏晶熒沙礫碎弋人悵何慕一舉渺江海

衆禽事紛爭野鴈獨閒潔徐行意自得俯仰若有節我

衰寄江湖老伴雜鵝鴨作書問陳子曉景畫石雪依依

聚圓沙稍稍動斜月先鳴獨鼓翅吹亂蘆花雪

色斯舉矣語隱而不發前作更從未起時見其意之先改後作又於安翔徐徊處見其意之自得詩中畫畫中詩二難併矣

次韻王定國南遷回見寄

土暈銅花蝕秋水要須悍石相礪砥十年冰蘖戰膏梁萬里煙波濯紈綺歸來詩思轉清激百丈空潭數鮀鯉逝將桂浦擷蘭蓀不記槐堂收劖履郤思庾嶺今何在更說彭城真夢耳自注來詩述彭城舊游君知先竭是甘井我願得全如苦李妄心不復九回腸至道終當三洗髓廣陵陽羨何足較自注余買田陽羨來詩以為不如廣陵只有無何真我里樂全老子今禪伯自注謂張安道也定國其壻掣電機鋒不容擬心通豈復問云何印可聊須答如是相逢為我話留滯桃花

春漲孤舟起

盤空硬語具體昌黎

王定國詩集叙曰定國以余故得罪貶海上三年一子死貶所一子死於家定國亦病幾死余意其怨我甚不敢以書相聞而定國歸至江西以其嶺外所作詩數百首寄余皆清平豐融藹然有治世之音其言與志得道行者無異幽憂憤歎之作蓋亦有之矣特恐死嶺外而天子之恩不及報以忝其父祖耳孔子

曰不怨天不尤人定國且不我怨而肯怨天乎余然後廢卷而嘆自恨其人之淺也

墨莊漫錄曰王定國寄詩於東坡答書云新詩篇篇皆奇老拙此回真不及矣窮人之具輒欲交割與公魏道輔見而笑曰定國亦難作交代只是且權攝耳

御選唐宋詩醇卷三十七



總校官庶吉士臣張能照
校對官中書臣王璗
謄錄監生臣史映綵

欽定四庫全書會要

集部
御選唐宋詩醇卷三十八

眉山蘇軾詩七

目錄

泗州南山監倉蕭淵東軒二首

寄蘄簟與蒲傳正

贈眼醫王生彥若

觀杭州鉗轄歐育刀劍戰袍

欽定四庫全書

御選唐宋詩醇
卷三十八目錄

王伯敏所藏趙昌花四首

梅花

黃葵

芙蓉

山茶

書林逋詩後

溪陰堂

送穆越州

詳校官原任主事

臣李斯咏

金山妙高臺

贈杜介

送楊傑

次韻送徐大正

楊康功有石狀如醉道士為賦此詩

海市

過萊州雪後望三山

次韻胡完夫

欽定四庫全書

御選唐宋詩醇
卷三十八目錄

送范純粹守慶州

惠崇春江晚景二首

錄一首

次韻完夫再贈之什某已卜居毗陵與完夫有廬

里之約云

次韻朱光庭初夏

送賈訥倅眉二首

錄一首

題文與可墨竹

武昌西山

趙令晏崔白大圖幅徑三丈

次韻劉貢父西省種竹

軾以去歲春夏侍立邇英而秋冬之交子由相繼

入侍次韻絕句四首各述所懷錄二首

郭熙畫秋山平遠

次韻張昌言喜雨

書晁補之所藏與可畫竹三首

錄二首

書李世南所畫秋景二首

錄一首

欽定四庫全書

御選唐宋詩醇
卷三十八目錄

書鄢陵王主簿所畫折枝二首

故李誠之待制六丈挽詞

九月十五日邇英講論語終篇賜執政講讀史官

燕於東宮又遣中使就賜御書詩各一首臣軾得

紫薇花絕句其詞云絲綸閣下文書靜鐘鼓樓中

刻漏長獨坐黃昏誰是伴紫薇花對紫薇郎翌日

各以表謝又進詩一篇臣軾詩云

獲鬼章二十韻

和王晉卿

次韻劉貢父叔姪扈駕

和子由除夜元日省宿致齋三首

次韻黃魯直畫馬試院中作

余與李鴈方叔相知久矣領貢舉事而李不得第愧甚作詩送之

慶源宣義王文以累舉得官為洪雅主簿雅州戶掾遇吏民如家人人安樂之既謝事居眉之青神

欽定四庫全書

御選唐宋詩醇
卷三十八目錄

四

瑞草橋放懷自得有書來求紅帶既以遺之且作詩為戲請黃魯直秦少游各為賦一首為老人光華

送錢穆父出守越州二首

卧病逾月請郡不許復直玉堂十一月一日鎖院

是日苦寒詔賜官燭法酒書呈同院

木山

送千乘千能兩姪還鄉

御選唐宋詩醇卷三十八目錄

欽定四庫全書

御選唐宋詩醇
卷三十八目錄

五

欽定四庫全書
御選唐宋詩醇卷三十八

眉山蘇軾詩七

泗州南山監倉蕭淵東軒二首

偶隨樵父採都梁

自注南山名都梁山出都梁香故也

竹屋松扉試乞漿

但見東軒堪隱几不知公子是監倉

谿中亂石牆垣古

山下寒蔬七箸香我是江南舊游客

挂冠知有老蕭郎

北望飛塵苦晝霾洗心聊復寄東齋珍禽聲好猶思越

野橘香清未過淮有信微泉來遠嶺無心明月轉空階

一官倉庾真堪老坐看松根落斷崖

有幽邃之趣蕭條高寄盡得風流前首結句用老蕭郎亦本香山能文好飲老蕭郎之句容齋引老元為例而不引此疎矣

容齋三筆曰東坡賦詩用人姓名多以老字足成句

蕭淵東軒云桂冠知有老蕭郎壽州龍潭云觀魚并

記老莊周病不赴會云空對親眷老孟光看潮云猶

似浮江老阿童贈黃山人云說禪長笑老浮屠元長

老衲裙云乞與佯狂老萬回侍立邇英云定是香山

老居士贈李道士云知是香山老居士蒜山亭云竒

逸多聞老敬通汶公東堂云一帖空存老遂良次韻

韶守云華髮蕭蕭老遂良游羅浮云還須畧報老同

叔贈辯才云中有老法師寄子由云青山老從事贈

眼醫云忘言老尊宿謝惠酒云青州老從事謝餉魚

云誰似老方朔贈吳子野扇云得之老月師次韻李

欽定四庫全書

御選唐宋詩醇
卷三十八

欽定四庫全書

御選唐宋詩醇
卷三十八

端叔云此是老牛戰是皆以為助語非真謂其老也

大抵七言則於第五字用之五言則於第三字用之

若其他錯出如再說走老聃故人餘老龜老濞宮粧傳父祖便腹從人笑老韶老可能為竹寫真不知老裝幾時歸之類皆隨語勢而然白樂天云每被老元偷格律蓋亦有自來矣

寄蘄簟與蒲傳正

蘭谿美箭不成笛離離玉筋排霜脊千溝萬縷自生風

入手未開先慘慄公家列屋閑蛾眉珠簾不動花陰移

霧帳銀牀初破睡牙籤玉局坐彈暴東坡病叟長羈旅
凍卧飢吟似飢鼠倚賴春風洗破衾一夜雪寒披故絮
火冷燈青誰復知孤舟兒女自憂咿皇天何時反炎燠
愧此八尺黃琉璃願君靜掃清香閣卧聽風漪聲滿榻
習習還從兩腋生請公乘此朝闔闔

蒲性奢靡故因寄簾而特作飢寒之語以諷之古人之

誼也昔鄭羣當暑濕之時贈簾與昌黎而韓詩有倒身

甘寢百疾愈却願天日恒炎曠之句妙想獨造此則當
春寒之候寄簾與傅正乃云皇天何時反炎燠愧此八
尺黃琉璃命筆畧同然一則美其適用一則愧其無用
雖脫胎仍是翻案也

施元之曰蒲傳正名宗孟嘗以書寄東坡云晚年學

道有所得坡答之曰聞所得甚高然有二事特勸一

曰慈二曰儉此詩云霧帳銀牀牙籤玉局亦可見其

奉養矣

贈眼醫王生彥若

欽定四庫全書

御選唐宋詩醇

三

欽定四庫全書

御選唐宋詩醇

四

鍼頭如麥芒氣出如車軸閒關絡脈中性命寄毛粟而
況清淨眼內景含天燭琉璃貯沆瀣輕脆不任觸而子
於其間來往施鋒鏃笑談紛自若觀者頸為縮運鍼如
運斤去翳如拆屋常疑子善幻他技雜符祝子言吾有
道此理君未矚形骸一座垢貴賤兩草木世人方重外
妄見瓦與玉而我初不知刺眼如刺肉君看目與翳是
翳要非目目翳苟二物易分如麥菽寧聞老農夫去草

更傷穀鼻端有餘地肝膽分楚蜀吾於五輪間蕩蕩見
空曲如行九軌道並驅無擊轂空花誰開落明月自朏
胸請問樂全堂忘言老尊宿自注彥若樂全先生門下醫也

一意翻騰發難送解險語奇詞絡繹奔會令人可怖可
喜忘其為有韻之文李之儀所謂極天地之變化者此
種是也

觀杭州鉗轄歐育刀劍戰袍

青綾衲衫暖襯甲紅線勒帛光遠脣禿襟小袖雕鶲盤

大刀長劍龍蛇柙兩軍鼓譟屋瓦墜紅塵白羽紛相雜

將軍恩重此身輕笑履鋒鎚如一挿書生只肯坐帷幄

談笑毫端弄生殺叫呼擊鼓催上竿猛士應憐小兒黠

試問黃河夜偷渡掠面驚沙寒雲霎何如大艦日高眠

一枕清風過苦雪

將軍輕履鋒鎚而書生帷幄談笑似為文史牽掣深其

扼腕者黃河驚沙掠面不如苦雪一枕清風豈誠閒寂

為高乃其歎息痛恨之至也筆力峭峻殆如刀發於硎

欽定四庫全書
御選唐宋詩醇
卷三十八
五

王伯穀所藏趙昌花四首

梅花

南行渡闊山沙水清練練行人已愁絕日暮集微霰慙

勤小梅花鬢鬟吳姬面暗香隨我回首驚千片至今
開畫圖老眼淒欲泣幽懷不可寫歸夢君家倩

黃葵

弱質困夏永奇姿蘇曉涼低昂黃金盃照曜初日光檀

心自成暈翠葉森有芒古來寫生人妙絕誰似昌晨粧

與午醉真態含陰陽君看此花枝中有風露香

芙蓉

清飈已拂林積水漸收潦溪邊野芙蓉花木相媚好坐
看池蓮盡獨伴霜菊槁幽姿強一笑莫景迫摧倒淒涼

似貧女嫁晚驚衰早誰寫少年容樵人劍南老

山茶

蕭蕭南山松黃葉隕勁風誰憐兒女花散火冰雪中能

欽定四庫全書
御選唐宋詩醇
卷三十八
六

傳歲寒姿古來惟丘翁趙叟得其妙一洗膠粉空掌中

調丹砂染此鶴頂紅何須誇落墨獨賞江南工

書林逋詩後

吳儂生長湖山曲呼吸湖光飲山綠不論世外隱君子
傭奴販婦皆冰玉先生可是絕俗人神清骨冷無由俗

我不識君曾夢見瞳子瞭然光可燭遺篇妙字處處有
步遠西湖看不足詩如東野不言寒書似西臺差少肉
平生高節已難繼將死微言猶可錄自言不作封禪書

更宵悲吟白頭曲我笑吳人不好事好作祠堂傍修竹不然配食水仙王一盞寒泉薦秋菊

將以稱美林逋乃至謂吳儂之傭販皆如冰玉深一層說入而林之神清骨冷其為高節難繼處不待羅縷矣

軾論文章嘗有郊寒島瘦之目其讀孟郊詩有云何苦

將兩耳聽此寒蟲號又嘗論西臺御史李建中之書以

為雖可愛終可鄙雖可鄙終不可棄若此篇所言則謂

其詩如東野而不能至於寒書似西臺而又不嫌於肉

是兼有孟李之所長盡去孟李之所短也後人多於西

臺句誤會其意此未深考耳

歸田錄曰處士林逋居於杭州西湖之孤山逋工書

畫善為詩如草泥行郭索雲木叫鈞輒頗為士大夫

所稱又梅花詩云疎影橫斜水清淺暗香浮動月黃昏評詩者謂前世詠梅者多矣未有此句也又其臨終為句云茂陵他日求遺草猶喜初無封禪書尤為

人稱誦自逋之後湖山寂寞未有繼者

香祖筆記曰郎瑛七修類纂舉東坡跋林和靖詩詩如東野不言寒書似西臺差少肉以西臺為南唐李建中謬甚南唐太弟太傅李建勲非建中也建中宋初人為西京御史故稱西臺其書與楊風子先後齊名蘇黃常稱之郎未知耶

溪陰堂

白水滿時雙鷺下綠槐高處一蟬吟酒醒門外三竿日

卧看溪南十畝陰

高齋詩話曰子美詩曰兩箇黃鸝鳴翠柳一行白鷺上青天窓含西嶺千秋雪門泊東吳萬里船東坡題真州范氏溪堂詩蓋用老杜詩意也

送穆越州

江海相忘十五年羨公松柏蔚蒼顏四朝耆舊冰霜後兩郡風流水石間舊政猶傳蜀父老先聲已振越溪山樽前俱是蓬萊守莫放高樓雪月閒

趙次公曰蓬萊守蓋穆既守越而先生將守登越謂

之蓬萊者元微之守越以州宅誇白樂天詩云我是
玉皇香案吏謫居猶得在蓬萊今越州有蓬萊閣及
以酒名也登州有萊山倚郭乃蓬萊縣故越登皆可
稱蓬萊守

金山妙高臺

我欲乘飛車東訪赤松子蓬萊不可到弱水三萬里不
如金山去清風半帆耳中有妙高臺雲峯自孤起仰觀
初無路誰信平如砥臺中老比丘碧眼照牕几巉巉玉

欽定四庫全書
御選唐宋詩醇
卷三十八
九
為骨凜凜霜入齒機鋒不可觸千偈如翻水何須尋德

雲即此比丘是長生未暇學請學長不死

若先談妙高之勝而別稱赤松蓬萊以作波瀾便是人
人意中所有妙在於未入題之前作破空而來之勢遠
望叢叢若攢圖之托霄上

贈杜介并引

元豐八年七月二十五日杜幾先自浙東還與余相
遇於金山話天台之異以詩贈之

我夢遊天台橫空石橋小秋風吹菌露翠濕香嫋嫋應
真飛錫過絕澗度雲鳥舉意欲從之翛然已松杪微微言
粲珠玉未說意先了覺來如墮空耿耿牕戶曉羣生陷
迷網獨達從古少杜叟子何人長嘯萬物表妻孥空四
壁振策念輕矯遂為赤城遊飛步凌縹渺問禪不歸舍
屢為瓠壺繞何人識此志佛眼自照瞭我夢君見之卓
爾非魔僊仙葩發茗椀前刻分葵蓼從今更不出閑戶
閑驥裏時從佛頂巖馳下雙蓮沼

欽定四庫全書
御選唐宋詩醇
卷三十八
十
不述杜介之詰而自述夢遊使實境從空中出筆端玲
瓏縹緲不落塵凡

趙次公曰仙葩發茗椀前刻分葵蓼此言其所點茶
之祥也先生十八羅漢頃後跋云軒家藏十六羅漢
像每設茶供則化為白乳或凝為花木桃李芍藥僅

可指名

送楊傑并引

無為子嘗奉使登太山絕頂鷄一鳴見日出又嘗以

事過華山重九日飲酒蓮花峰上今乃奉詔與高麗僧統游錢塘皆以王事而從方外之樂善哉未曾有

也作是詩以送之

天門夜上賓出日萬里紅波半天赤歸來平地看跳丸
一點黃金鑄秋橘大華峰頭作重九天風吹灑黃花酒
浩歌馳下腰帶鞋醉舞崩崖一揮手神游八極萬緣虛
下視蛟雷隱汎渠大千一息八十返笑厲東海騎鯨魚

三韓王子西求法鑿齒彌天兩勍敵過江風急浪如山

欽定四庫全書

御選唐宋詩醇

十一

寄語舟人好看客

直叙三事奔盪之音鬱爾為壯偉昔李白登華山落雁峰
曰恨不攜謝眺驚人詩來搔首問青天此詩奇勝亦真
足與泰華爭巍峩矣

趙夔曰元祐二年高麗僧義天航海間道至明州傳
云義天棄王位出家上疏乞徧歷叢林問法受道有
詔朝奉郎楊傑次公館伴所至吳中諸刹皆迎餞如

王臣禮

次韻送徐大正

自注嘗與余約卜鄰於江淮間將赴登州同舟至山陽以詩見送留別

別時酒釀照燈花知我歸期漸有涯去歲渡江萍似斗
今年並海棗如瓜多情明月邀君共無價青山為我賒
千首新詩一竿竹不應空釣漢江槎

因有卜鄰之約故曰無價青山為我賒因與同舟故曰
多情明月邀君共運寶於虛鉤綿秀絕

楊康功有石狀如醉道士為賦此詩

欽定四庫全書

御選唐宋詩醇

十二

楚山固多猿青者黠而壽化為狂道士山谷恣騰蹠誤
入華陽洞竊飲茅君酒君命囚巖間巖石為械杻松根
絡其足藤蔓縛其肘蒼苔昧其目叢棘哽其口三年化
為石堅瘦敵瓊玖無復號雲聲空餘舞杯手樵夫見之
笑抱賣易升斗楊公海中仙世俗那得友海邊逢姑射
一笑微俛首胡不載之歸用此頑且醜求詩紀其異本
末得細剖吾言豈妄云得之亡是叟

猿化石道士都是課虛責有此特偶爾以文為戲

非武昌銅劍歌等可比也故結出吾言豈妄云得之七
是更見所謂妄者乃不妄不妄者乃妄耳

呂氏童蒙訓曰此詩窮極思致出新意於法表前賢
所未到然學者專力於此則亦失古人作詩之意

韓駒曰東坡作文如天花變現初無根葉不可揣測

如作醉石道士詩共二十八句却二十六句作假說

惟用兩句收拾及作鶴嘆則又替鶴分明

海市并引

予聞登州海市舊矣父老云常出於春夏今歲晚不
復見矣予到官五日而去以不見為恨禱於海神廣
德王之廟明日見焉乃作此詩

東方雲海空復空羣仙出沒空明中蕩搖浮世生萬象
豈有貝闕藏珠宮心知所見皆幻影敢以耳目煩神工
歲寒水冷天地閉為我起蟄鞭魚龍重樓翠阜出霜曉
異事驚倒百歲翁人間所得容力取世外無物誰為雄

幸然有請不我拒信我人厄非天窮潮陽太守南遷歸

喜見石廩堆祝融自言正直動山鬼豈知造物哀龍鍾
信眉一笑豈易得神之報汝亦已豐斜陽萬里孤鳥沒
但見碧海磨青銅新詩綺語亦安用相與變滅隨東風
海市只是重樓翠阜此固不盡形容亦正不能形容也
從未見之前既見之後與歲晚得見之異結撰至思煒
煒精光欲奪人目

文昌雜錄曰余見光祿卿解賓王說登州每晴霧烟
霧中有城闕樓閣人物車馬鷄犬往來之狀被人謂

之海市

過萊州雪後望三山

東海如碧環西北卷登萊雲光與天色直到三山回我
行適冬仲薄雪收浮埃黃昏風絮定半夜扶桑開參差
太華頂出沒雲濤堆安期與羨門乘龍安在哉茂陵秋
風客勸爾麾一杯帝鄉不可期楚些招歸來

次韻胡完夫

青衫別淚尚欄斑十載江湖困抱關老去上書還北闕

朝來拄笏看西山相從杯酒形骸外笑說平生醉夢間
萬事會須咨伯始白頭容我占清閒

送范純粹守慶州

才大古難用論高常近迂君看趙魏老乃為滕大夫浮雲無根蒂黃潦能須臾知經幾成敗得見真賢愚羽旄照城闕談笑安邊隅當年老使君赤手降於菟諸郎更何事折箋鞭其離吾知鄧平叔不鬪月支胡

舊德之思良友之誼勤勤懇懇意餘於詞

施元之曰范純粹字德孺文正公之季子哲宗即位以直龍圖閣京東轉運副使代其兄忠宣公守慶請棄所侵西夏地曰爭地未棄則邊隙無時可除於是還四砦而夏人服此詩言文正公在仁宗時李元昊叛命訖以計降之德孺守慶州竟如先生所期云

惠崇春江晚景二首

錄一

竹外桃花三兩枝春江水暖鴨先知萎蒿滿地蘆芽短正是河豚欲上時

苦溪漁隱叢話曰東坡題惠崇畫詩此正是二月景致是時河豚已盛矣欲上之語似乎未穩

圖畫見聞志曰建陽僧惠崇尤工小景為寒汀遠渚

蕭灑虛曠之象人所難到

清波雜志曰崇非但能詩畫亦有名世謂惠崇小景

者是也

次韻完夫再贈之什某已卜居毗陵與完夫有廬

里之約云

柳絮飛時筍籜斑風流二老對開關雪芽為我求陽羨乳水君應餉惠山竹簞水風眠晝永玉堂制草落人間應容緩急煩閭里桑柘聊同十畝間

軾始因免汝州居住而居宜興其後海外北還無以為歸復暫至常州纔兩月而已是詩應作於元豐乙丑春放歸陽羨之時故以柳絮飛時發興其住常州亦止兩

月餘閭里之約蓋終不遂其樂也

次韻朱光庭初夏

朝罷人人識鄭崇直聲如在履聲中卧聞疎響梧桐雨

獨詠微涼殿閣風諫苑君方續承業醉鄉我欲訪無功

陶然一枕誰呼覺牛蟻初除病後聰

唐人傳誦之語一經裁翦對仗輒覺別調氣氤

藝苑雌黃曰陳輔之以新唐書改柳公權殿閣生微

涼為殿桷生餘涼此兩字有功於修詞予謂輔之此語無甚意義今世所傳多只用公權舊語故東坡詩

云獨詠微涼殿閣風不聞有殿桷餘涼之說

困學紀聞曰諫苑君方續承業隋樂運字承業錄夏殷以來諫爭事名諫苑文帝覽而嘉焉注謂南史李承業作諫苑誤矣

送賈訥倅眉二首

錄一
首

老翁山下玉淵回手植青松三萬裁父老得書知我在蓬蒿親手為君開試看一一龍蛇舞更聽蕭蕭風雨哀便與甘棠同不翦蒼鬚白甲待歸來

自注先君葬於墓頤山之東二十餘里

地名老翁泉君許為一往感嘆之深故及之

為情造文通篇獨就青松迴環徃復語淺而思深

題文與可墨竹

并引

故人文與可為道師王執中作墨竹且謂執中勿使

他人書字待蘇子瞻來令作詩其側與可既沒八年而軾始還朝見之乃賦一詩

斯人定何人游戲得自在詩鳴草聖餘兼入竹三昧時出木石荒怪軼象外舉世知珍之賞會獨余最知音古難合奄忽不少待誰云生死隔相見如龔隗

集中有書文與可墨竹絕句序曰與可有四絕詩一楚辭二草書三畫四與可嘗云世無知我者惟子瞻一見識吾妙處而詩有空遺運斤質却弔斷絃人之句蓋作於為王執中題畫之前一年其作墨君堂記謂與可能以墨象君之形容作堂以居君而屬余為文以頌君德又稱其畫竹之工以為與可獨能得君之深而知君之所以贊雍容談笑揮灑奮迅而盡君之德稚壯枯老之容披折偃仰之勢風雪凌厲以觀其操崖石犖以致

其節得志遂茂而不驕不得志瘁瘠而不辱羣居不倚
獨立不懼與可之於君可謂得其情而盡其性矣由此
文觀之軾自謂賞會獨余最者良非虛語而文同必待
軾來令作詩其側亦見知已惟此一人豈特筆墨相推
重已哉

武昌西山 幷引

嘉祐中翰林學士承旨鄧公聖求為武昌令常游寒
溪西山山中人至今能言之軾謫居黃岡與武昌相

望亦常往來谿山間元祐元年十一月二十九日考

試館職與聖求會宿玉堂偶話舊事聖求嘗作元次
山窪樽銘刻之巖石因為此詩請聖求同賦當以遺
邑人使刻之銘側

春江渌漲蒲萄醅武昌官柳知誰裁憶從樊口載春酒
步上西山尋野梅西山一上十五里風駕兩腋飛崔嵬
同遊困卧九曲嶺褰衣獨到吳王臺中原北望在何許
但見落日低黃埃歸來解劍亭前路蒼崖半入雲濤堆

互鈞貫情文相生健筆圓機開出劍南一派

往和萬壑松風哀

述舊遊則中原迷於落日叙會宿則曉夢驚於江邊連

趙令晏崔白大圖幅徑三丈

扶桑大麗如壅蓋天女織綃雲漢上往來不遣鳳銜梭
誰能鼓臂投三丈人間刀尺不敢裁丹青付與濠梁崔
風蒲半折寒鴈起竹間的樂橫江梅畫堂粉壁翻雲幙
十里江天無處著好卧元龍百尺樓笑看江水拍天流
有蔚然之光有蒼然之色有鏗然之韻不徒為是大言
炎炎

藝苑雌黃曰吟詩喜作豪句須不畔於理方善如東

浪翁醉處今尚在石臼杯飲無樽罍爾來古意誰復嗣
公有妙語留山隈至今好事除草棘常恐野火燒蒼苔
當時相望不可見玉堂正對金鑾開豈知白首同夜直
卧看椽燭高花摧江邊曉夢忽驚斷銅鐸玉鎖鳴春雷
山人帳空猿鶴怨江湖水生鴻鴈來請公作詩遺翁老

坡觀崔白驟雨圖扶桑大繭如甕盎四句此語豪而
甚工石敏若咏雪詩有燕南雪花大於掌冰柱縣簷
一千丈之語豪則豪矣然安得爾高屋耶

苔溪漁隱叢話曰東坡集載此詩是題趙令晏崔白
大圖幅徑三丈故云往來不遠鴈啣梭誰能鼓臂投
三丈可謂善造語能形容者也畫品中止有李營丘

驟雨圖從無崔白者無東坡此詩人云風蒲半折寒

雁起竹間的樂橫江梅乃是崔白冬景圖藝苑以為
欽定四庫全書
御選唐宋詩醇
卷三十八
王

驟雨圖誤矣

次韻劉貢父西省種竹

要知西掖承平事記取劉郎種竹初舊德終呼名字外
後生誰續笑談餘自注昔李公擇種竹館中戲語同舍
笑曰文正不獨繫筆亦知
種竹耶時有筆工李文正成陰障日行當見取筍供庖

計已疎白首林間望天上平安時報故人書

軾以去歲春夏侍立邇英而秋冬之交子由相繼

入侍次韻絕句四首各述所懷

錄二

瞳瞳日腳曉猶清細細槐花暖自零坐閱諸公半廊廟
自注僕射李公門下韓公右丞劉公皆自講席大用時看黃色起天庭

微生偶脫風波地晚歲猶存鐵石心定是香山老居士世

緣終淺道根深自注樂天自江州司馬除忠州刺史旋以處老少大畧相似庶幾復享此翁晚節閒適之樂焉

俯仰今昔有激昂頽波之情

郭熙畫秋山平遠自注文潞公為跋尾

玉堂畫掩春日間中有郭熙畫春山鳴鳩乳燕初睡起

欽定四庫全書
御選唐宋詩醇
卷三十八
王

白波青嶂非人間離離短幅開平遠漠漠疎林寄秋晚

恰似江南送客時中流回頭望雲嶺伊川佚老鬢如霜
卧看秋山思洛陽為君紙尾作行草炯如嵩洛浮秋光
我從公游如一日不覺青山映黃髮為畫龍門八節灘
待向伊川買泉石

秋山平遠只是離離短幅四句却先以玉堂之春江曉
景為秋山先導復因文彥博跋尾致其纏綿鄭重之情
而熙畫之妙已不待更加讚嘆矣

蔡居厚詩話曰學士院舊與宣徽院相隣今門下後省乃其故地玉堂兩壁有巨然畫山水董羽水宋宣獻公為學士時燕穆之復為六幅山水屏寄之遂置於中間元豐末既修兩後省遂移院於今樞密院之後今玉堂中屏乃待詔郭熙所作春江曉景禁中官局多熙筆迹而此屏獨深妙意若欲追配前人者蘇儋州嘗賦詩云玉堂畫掩春日閒中有郭熙畫春山今遂為玉堂一佳物也

欽定四庫全書

御選唐宋詩醇

卷三十八

五

次韻張昌言喜雨

千里黃流失故居年來赤地到青徐遙聞爭誦十行詔無異親巡六尺輿精貫天人一言足雲興嶽瀆萬靈趨愛君誰似元和老賀雨詩成即諫書寓諷於頌又援古為說真能以三百篇諫者忠敢賀有其始亦願有其終

書晁補之所藏與可畫竹三首

錄二

與可畫竹時見竹不見人豈獨不見人嗒然遺其身其身與竹化無窮出清新莊周世無有誰知此凝神若人今已無此竹寧復有那將春蚓筆畫作風中柳君看斷崖上瘦節蛟蛇走何時此霜竿復入江湖手讀其身與竹化一語覺墨君堂記為繁次作見畫而思其人却因人亡而歎其畫不復得珍惜之至李衍畫竹譜曰文湖州教東坡訣云竹之始生一寸之萌耳而節葉具焉自蜩腹蛇跗至於劍拔十尋者

欽定四庫全書

御選唐宋詩醇

卷三十八

五

生而有之也今畫竹者乃節節而為之葉葉而累之

豈復有竹乎故畫竹必先得成竹於胸中執筆熟視乃見其所欲畫者急起從之振筆直遂以追其所見如兔起鶻落少縱則逝矣坡云與可之教予如此予不能然也夫既心識所以然而不能然者内外不一心手不相應不學之過也且坡公尚以為不能然者不學之過況後之人乎

書李世南所畫秋景二首

錄一

野竹參差落漲痕疎林欹倒出霜根扁舟一棹歸何處
家在江南黃葉村

書鄖陵王主簿所畫折枝二首

論畫以形似見與兒童隣賦詩必此詩定非知詩人詩
畫本一律天工與清新邊鸞雀寫生趙昌花傳神如何
此兩幅疎淡含精勻誰言一點紅解寄無邊春
瘦竹如幽人幽花如處女低昂枝上雀搖蕩花間雨雙
翎決將起衆葉紛自舉可憐採花蜂清蜜寄兩股若人

欽定四庫全書

御選唐宋詩醇

卷三十八

五

富天巧春色入毫楮懸知君能詩寄聲求妙語

軾嘗言善畫者畫意不畫形善詩者道意不道名語本
歐陽古畫畫意不畫形梅詩詠物無詠情之句若此詩
言詩畫一律又與軾他詩所云韓生畫馬真是馬蘇子
作詩如見畫以及少陵翰墨無形畫韓幹丹青不語詩
等句互相印可然彼猶曰此詩此畫誰當看又曰此畫
此詩今已矣嘆索解人不得也豈若此詩直以詩畫三
昧舉示來哲乎次首言竹言花言雀言蜂又言花之枝

花之葉花間之雨雀之翎蜂之蜜濃淡淺深得意兼能
得格

王直方詩話曰論畫以形似六句若論詩畫於此盡
矣每誦數過殆欲常以為法也

漫叟詩話曰世有青衿集一編以授學徒可以諭蒙
若天詩云戴益徒仰止測管詎知之席詩云孔堂曾
子避漢殿戴馮重可謂著題乃東坡所謂賦詩必此
詩也

欽定四庫全書

御選唐宋詩醇

卷三十八

五

呂氏蒙童訓曰東坡詩云賦詩必此詩定非知詩人

此或一道也魯直作詠物詩曲當其理如猩猩筆詩
平生幾兩屐身後五車書其必此詩哉

故李誠之侍制六丈挽詞

青青一寸松中有樑棟姿天驥墮地走萬里端可期世
無阿房宮下建五丈旗又無穆天子西征燕瑤池才大
古難用老死亦其宜丈夫恐不免患莫已知公如松
與驥少小稱偉奇俯仰自廊廟笑談無羌夷清朝竟不

用白首仍憂時願斬橫行將請烹乾沒兒言雖不見省
坐折姦雄窺嗟我去公久江湖生白髮歸來耆舊盡零
落存者誰比公嵇中散龍性不可羈疑公李北海慷慨
多雄詞淒涼五君詠沉痛八哀詩邪正久乃明人今屬
公思九原不可作千古有餘悲

比之於物則松也驥也擬之於人則嵇康也李邕也然
而其身不見用其言不見行而死則其宜矣明白道出
那得不千古餘悲

九月十五日邇英講論語終篇賜執政講讀史官
燕於東宮又遣中使就賜御書詩各一首臣軾得
紫薇花絕句其詞云絲綸閣下文書靜鐘鼓樓中
刻漏長獨坐黃昏誰是伴紫薇花對紫薇郎翌日
各以表謝又進詩一篇臣軾詩云

繡裳畫袞雲垂地不作成王剪桐戲日高黃繖下西清
風動槐龍舞交翠自注邇英閣前有雙槐根如龍形壁中蠹簡今千
年漆書科斗光射天諸儒不復憂吟燥東宮賜酒如流

泉酒酣復拜千金賜一紙驚鸞回鳳字蒼顏白髮便生
光袖有驪珠三十四自注臣所賜書并題目及臣姓名凡三十四字歸來車馬
已喧闐爭看銀鈎墨色鮮人間一日傳萬口喜見雲章
第一篇自注上前此未嘗以御書賜羣臣玉堂晝掩文書靜鉛索不搖
鐘漏永莫言弄筆數行書須信時平由主聖犬羊散盡
沙漠空捷烽夜到甘泉宮似聞指揮築上郡已覺談笑
無西戎自注時熙河新獲鬼章是日涇原復奏夏賊數十萬人遁去文思天子師文
母終閉玉關辭馬武小臣願對紫薇花試草尺書招贊

普自注按唐制翰林學士帶知制誥許綏中書舍人班今臣以知制誥待罪禁林故得以紫薇為故事

叙紀恩私切合時事無不莊雅有體爛漫之才又於此

等詩見其誠敬之學

資治通鑑曰元祐二年秋宴近臣於資善堂出所書

唐人詩分賜

邵長蘅曰按年譜先生以元祐元年自中書舍人為
翰林學士知制誥二年兼侍讀通典唐置中書舍人
六人其內一人知制誥天寶元年改中書為紫薇省

舍人曰紫薇郎

獲鬼章二十韻

青唐有逋寇白首已窮妖竊據臨洮郡潛通講諸橋廟
謀周召虎邊帥漢班超堅壘千兵破連航一炬燒擒姦
從窟穴奏捷上煙霄詭異人圖像驩娛路載謠干誅非
一事代叛自先朝取道經陵寢前期告廟祧西來聞幾
日面縛見今朝二聖臨雲陛千官溢海潮載囚車轔轔
失主馬蕭條橫拜如蹲犬胡裝尚衣貂理卿辭具服譯
欽定四庫全書

御選唐宋詩醇

卷三十八

五九

長舌初調緩死恩殊厚求生尾屢搖慈仁逢太母寬厚
戴唐堯赤手真擒虎和羹未賜梟藁街虛授首東市偶
全腰困獸何須殺遺離或可招威聲西振夏武節北通
遼帝道有強弱天時或長消羌情防報復軍勝忌矜騎
慎重關西將奇功勿再要

鬼章之獲在元祐二年本集內奏議有論擒獲鬼章稱
賀太速劄子又因擒鬼章論西羌夏人事宜劄子又乞
詔邊吏無進取及論鬼章事宜劄子又乞約鬼章討阿

里骨劄子大旨欲使其部族與溫溪心歛檀等合以討
阿里骨而納趙純忠然後許其請命自新而深以將騎
卒惰後無以使為可慮此詩先陳偏師獨克俘獲醜虜
之功繼述請命乞憐之狀終稱放還不殺之德至其歸
宿乃曰羌情防報復則固後兩劄子意也曰軍勝忌矜
驕則又前兩劄子意也而又申言之曰慎重關西將奇
功勿再要其所以為緝治邊防整肅騎慢計者剴劖周
詳誠一不二如此

欽定四庫全書

御選唐宋詩醇

卷三十八

三

軾因擒鬼章論西羌夏人事宜劄子曰夫阿里骨董
檀之賊臣也挾契丹公主以弑其君之二妻董檀死
匿喪不發逾年衆定乃詐稱嗣子偽書鬼章溫溪心
等名以請於朝當時執政若且令邊臣審問鬼章等
以阿里骨當立不立若朝廷從汝請遂授節鉞阿里
骨直汝主矣汝能臣之如董檀乎若此等無詞則是
諸羌心服既立之後必能統一都部吾又何求若其
不服則釁端自彼爵命未下曲不在吾彼既一國三

公則吾分其恩禮各以一近上使額命之鬼章等各

得所欲宜亦無患當時執政不深慮此專以省事為安因其妄請便授節鉞阿里骨自知不當立而憂鬼章之討也故欲借力於西夏以自重於是始有解仇結好之謀而鬼章亦不平朝廷之以賊臣君我故怒而盜邊夏人知諸羌之叛也故起而和之此臣所謂前後致寇之由明主不可以不知者也

宋史阿里骨傳曰董氈病革召諸酋領至青唐謂曰

吾一子已死惟阿里骨母嘗事我我視之如子今將以種落付之諸酋聽命既嗣事遣使修貢元祐元年封寧塞郡公二年遂逼鬼章使率衆拒洮州羌結藥密者使所部怯陵來告里骨孰怯陵結藥密懼携妻子南歸鬼章又使其子結咷覲入寇八月鬼章就擒檻送京師尋赦之聽招其子以自贖元祐三年里骨奉表謝罪詔西河無復出兵許貢奉如故鬼章死詔焚付其骨

和王晉卿并引

元豐二年予得罪貶黃州而駙馬都尉王銑亦坐累遠謫不相聞者七年予既召用而銑亦還朝相見殿門外感歎之餘作詩相屬詞雖不甚工然託物悲慨阨窮而不怨泰而不驕憐其貴公子有志如此故和其韻欲使銑姓名附見予詩集中然亦不以示銑也

銑字晉卿功臣全斌之後云

先生飲東坡獨舞無所屬當時挹明月對影三人足醉

眠草棘間蟲虺莫予毒醒來送歸鴈一寄千里目悵然懷公子旅食久不玉欲書加食字遠託西飛鵠謂言相濡沫未足寄溝瀆吾生如寄耳何者為禍福不如兩相忘昨夢那可逐上書得自便歸老湖山曲躬耕二頃田自種十年木豈知垂老眼對此金蓮燭公子亦生還仍分刺史竹賢愚有定分尊俎守戶祝文章何足云執技等醫卜朝廷方西顧羌鹵驕未伏遙知重陽酒白羽落

黃菊羨君真將家浮面氣可掬何當請長纓一戰河湟

復

似不經意而出然句如堅城而氣極和厚蓋其老年詩境漸造平淡如此

劉克莊西園雅集圖跋曰日本朝戚晚惟李端愿王晉卿二駙馬好文喜士世傳孫巨源三通鼓眉山公金

銕墜之詞想見一時風流醞藉未幾烏臺韻詩案賓

主俱謫

邵長蘅曰唐書令狐綯為學士承旨夜對禁中撤金

欽定四庫全書

御選唐宋詩醇

卷三十八

三

蓮花炬送還院按先生時為學士嘗召對便殿宣仁撤御前金蓮燭送歸院或即自述其事歟

次韻劉貢父叔姪扈駕

玉堂孤坐不勝清長羨枚鄒接長卿只許隔牆聞置酒時因議事得聯名機雲似我多遺俗廣受如君不治生共託屬車塵土後鈞天一餉夢中榮

和子由除夜元日省宿致齋三首

江湖流落豈關天禁省相望亦偶然等是新年未相見

此身應坐不歸田

白髮蒼顏五十三家人遙遣試春衫朝回兩袖天香滿頭上銀幡笑阿咸

當年踏月走東風坐看春闌鑠醉翁白髮門生幾人在郤將新句調兒童

次韻黃魯直畫馬試院中作

少年鞍馬勤遠行卧聞艷草風雨聲見此忽思短策橫十年髀肉磨欲透那更陪君作詩瘦不如芋魁歸飯豆

欽定四庫全書

御選唐宋詩醇

卷三十八

三

門前欲嘶御史驄詔恩三日休老翁羨君懷中雙橘紅

自注黃有老母

此格乃禁臯所謂促句換韻者唐詩惟岑參有之後人遂以此為岑嘉州體要其源固出於秦碑也是須適然得之不由作意令轉換承接不可增減方稱入妙此篇次韻自然又且奇氣勃窣實較黃庭堅原唱為更勝

余與李薦方叔相知久矣領貢舉事而李不得第愧甚作詩送之

與君相從非一日筆勢翩翩疑可識平生漫說古戰場
過眼終迷日五色我慙不出君大笑行止皆天子何責
青袍白紵五千人知子無怨亦無德買羊沽酒謝玉川
為我醉倒春風前歸家但草凌雲賦我相夫子非臞仙
養疴漫筆之語似不足取信觀詩中筆勢翩翩疑可識
一句可証以軾正人豈肯於糊名易書之時暗通關節
以示恩者乎委之於天而勉之以無怨且期之以夫子
非臞仙切磋之誼愛戀之忱不當如是耶

養疴漫筆曰元祐中東坡知貢舉李方叔就試將鎖
院坡緘封一簡令叔黨持與方叔值方叔出其僕受
簡置几上有頃章子厚二子曰持曰援者來取簡竊
觀乃揚雄優於劉向論一篇二章驚喜携之以去方
叔歸求簡不得知為二章所竊悵惋不敢言已而果
出此題二章皆模倣坡作方叔幾於閣筆及拆號坡
意魁必方叔也乃章援第十名文意與魁相似乃章
持坡失色二十名間一卷頗奇坡謂同列曰此必方

叔視之乃葛敏修而方叔竟下第坡出院聞其故大
嘆恨作詩送其歸所謂平生漫說古戰場過眼空迷
日五色者是也

慶源宣義王丈以累舉得官為洪雅主簿雅州戶
掾遇吏民如家人安樂之既謝事居眉之青神
瑞草橋放懷自得有書來求紅帶既以遺之且作
詩為戲請黃魯直秦少游各為賦一首為老人光

華

青山半作霜葉枯遇民如兒吏如奴吏民莫作官長看
我是識字耕田夫妻曉兒號刺史怒時有野人來挽須
拂衣自注下下考芋魁飯豆吾豈無歸來瑞草橋邊路
獨游還佩平生壺慈姥巖前自喚渡青衣江畔人爭扶
今年蠶市數州集中有遺民懷袴襦邑中之黔相指似
白髯紅帶老不癯我欲西歸卜鄰舍隔牆拊掌容歌呼
不學山王乘駟馬回頭空指黃公壚
分明表出陽城何易于一輩人物非此筆力莫能傳其

人

王直方詩話曰與王慶源詩起六句山谷云庭堅最愛此數韻

林子仁曰謹按蘇叔黨所作王元直墓表云初季父

慶源官於雅州以論事不合取官長怒即謝病去詩

中云刺史怒指此

送錢穆父出守越州二首

簿書常苦百憂集樽酒今應一笑開京兆從教思廣漢

會稽聊喜得方回

若耶溪水雲門寺賀監荷花空自開我恨今猶在泥滓勸君莫棹酒船回

錢勰出守越州因坐奏獄空不實亦由與安石輩不相能故前作以趙廣漢郁情為比次作點竄李詩語無窮

清新

卧病逾月請郡不許復直玉堂十一月一日鎖院

是日苦寒詔賜官燭法酒書呈同院

微霰疏疎點玉堂詞頭夜下攬衣忙分光玉燭星辰爛

拜賜宮壺雨露香醉眼有花書字大老人無睡漏聲長何時郤逐桑榆暖社酒寒燈樂未央

方回曰中四句氣燄逼人

木山并引

吾先君子嘗蓄木山三峰且為之記與詩詩人梅二丈聖俞見而賦之今三十年矣而猶子千乘又得五峰益奇因次聖俞韻使并刻之其側

欽定四庫全書

御選唐宋詩醇

卷三十八

欽定四庫全書

御選唐宋詩醇

卷三十八

三

木生不願回萬牛願終天年仆沙洲時來幸逢河伯秋掀然見怪推不流蓬婆雪嶺巧雕鍤蟻行蟻為豪酋阿咸大膽忽持去河伯好事不汝尤城中古治浸坤軸一林瘦竹吾菟裘二頃良田不難買三年榦木行可槱會將白髮對蒼巘魯人不厭東家丘

次梅詩韻即效其體格炯炯清立

藝苑雌黃曰木山詩三年榦木行可槱榦字人少有識者遍尋字書亦皆無之蜀中多此木詢之蜀人則

相傳以為區宜切按杜陵有覓榼木詩云飽聞榼木
三年大注蜀人以榼為新三年可燒又堂成詩云榼
林礙日吟風葉注榼木下材止可充薪而已惟蜀地
最宜種

送千乘千能兩姪還鄉

治生不求富讀書不求官譬如飲不醉陶然有餘歡君
看龐德公白首終泥蟠豈無子孫念顧獨遺以安鹿門
上冢回牀下拜龍鸞躬耕竟不起者舊節獨完念汝少

多難冰雪落綺紈五子如一人奉養真色難烹雞獨饋
母自饗苜蓿槃口腹雖累人寧我食無肝西來四千里
敝袍不言寒秀眉似我兄亦復心闊忽然捨我去歲
晚留餘酸我豈軒冕人青雲意先闢汝歸時松菊環以
青琅玕榼陰三年成可以挂吾冠清江入城郭小圃生
微瀾相從結茅舍曝背談金鑾

一篇大旨起四句道盡預想歸田之樂說到曝背談金鑾
津津有味



總校官庶吉士臣張能照
校對官中書臣王璫
謄錄監生臣史映綵

欽定四庫全書叢要

集部

御選唐宋詩醇卷三十九

欽定四庫全書叢要

御選唐宋詩醇卷三十九

眉山蘇軾詩八

目錄



次韻王定國得晉卿酒相留夜飲

書王定國所藏烟江疊嶂圖

王晉卿所藏著色山二首

錄一首

王晉卿作烟江疊嶂圖僕賦詩十四韻晉卿和之

欽定四庫全書

御選唐宋詩醇
卷三十九目錄

語特奇麗因復次韻不獨紀其詩畫之美亦為道其出處契闊之故而終之以不忘在莒之戒亦朋友忠愛之義也

夜直玉堂攜李之儀端叔詩百餘首讀至夜半書

其後

次韻秦少章和錢蒙仲

去杭州十五年復游西湖用歐陽察判韻

送子由使契丹

詳校官原任主事臣李斯咏

文登蓬萊閣下石壁千丈為海浪所戰時有碎裂

次韻楊公濟梅花十首錄二首

淘灑歲久皆圓熟可愛土人謂此彈子渦也取數

贈劉景文

枚以養石菖蒲且作詩遺垂慈堂老人

再和楊公濟梅花十絕錄二首

參寥上人初得智果院會者十六人分韻賦詩得
心字

故周茂叔先生濂谿

予去杭十六年而復來留二年而去平生自覺出
處老少麤似樂天雖才名相遠而安分寡求亦庶
幾焉三月六日來別南北山諸道人而下天竺惠

次韻子由使契丹至涿州見寄四首錄二首

淨師以醜石贈行作三絕句

次韻劉景文周次元寒食同游西湖

贈武道士彈賀若

欽定四庫全書

御選唐宋詩醇

卷三十九目錄

二

次韻林子中王彥祖唱酬

元祐六年六月自杭州召還汝公館我於東堂閱

三

舊詩卷次諸公韻三首

西湖秋涸東池魚窘甚因會客呼網師遷之西池

為一筭之樂夜歸被酒不能寐戲作放魚一首

復次韻答趙承議陳教授

九月十五日觀月聽琴西湖示坐客

泛頴

韓退之孟郊墓銘云以昌其詩舉此問王定國當

次韻蘓伯固主簿重九

安州老人食蜜歌

昌其身耶昌其詩也來詩下語未契作此答之

聚星堂雪

次前韻送劉景文

次韻趙景貺春思且懷吳越山水

小飲西湖懷歐陽叔弼兄弟贈趙景貺陳履常

送路都曹

送運判朱朝奉入蜀

淮上早發

在潁州與德麟同治西湖未成改揚州三月十六

日湖成德麟有詩見懷次其韻

雙石

次韻蘇伯固遊蜀岡送李孝博奉使嶺表

行宿泗間見徐州張天驥次舊韻

近以月石硯屏獻子功中書公復以涵星研獻純父侍講子功有詩純父未也復以月石風林屏贈之謹和子功詩并求純父數句

次韻范純父涵星硯月石風林屏詩

欽定四庫全書 舊要卷一萬九千三百六十三集部

御選唐宋詩醇卷三十九

眉山蘇軾詩八

次韻王定國得晉卿酒相留夜飲

短衫壓手氣橫秋更著仙人紫綺裘使我有名全
是酒從他作病且忘憂詩無定律君應將醉有真鄉我可侯

且倒餘樽盡今夕睡蛇已死不須釣

書王定國所藏烟江疊嶂圖

自注王晉卿畫

欽定四庫全書

御選唐宋詩醇

卷三十九

江上愁心千疊山浮空積翠如雲烟山耶雲耶遠莫知

烟空雲散山依然但見兩崖蒼蒼暗絕谷中有百道飛

來泉紫林絲石隱復見下赴谷口為奔川川平山開林

麓斷小橋野店依山前行人稍度喬木外漁舟一葉江

吞天使君何從得此本點綴毫末分清妍不知人間何

處有此境徑欲往買二頃田君不見武昌樊口幽絕處

東坡先生留五年春風搖江天漠漠暮雲卷雨山娟娟

丹楓翻鴉伴水宿長松落雪驚醉眠桃花流水在人世

武陵豈必皆神仙江山清空我塵土雖有去路尋無緣
還君此畫三歎息山中故人應有招我歸來篇

竟是為畫作記然摹寫之神妙恐作記反不能如韻語

之曲盡而有情也君不見以下烟雲卷舒與前相稱

許嶺詩話曰畫山水詩少陵數首無人可繼者惟東

坡烟江疊嶂圖一首差近之

王晉卿所藏著色山二首

錄一

縹緲營丘水墨仙浮空出沒有無間爾來一變風流盡

欽定四庫全書

御選唐宋詩醇

卷三十九

誰見將軍著色山

王晉卿作烟江疊嶂圖僕賦詩十四韻晉卿和之

語特奇麗因復次韻不獨紀其詩畫之美亦為道其出處契闊之故而終之以不忘在昔之戒亦朋友忠愛之義也

山中舉頭望日邊長安不見空雲烟歸來長安望山上

時移事改應潛然管絃去盡賓客散惟有馬埒編金泉

渥洼故自千里足要飽風雪輕山川屈居華屋啞棗脯

十年俯仰龍旂前郤因瘦病出奇骨鹽車之厄寧非天

風流文采磨不盡水墨自與詩爭妍畫山何必山中人

田歌自古非知田鄭虔三絕君有二筆勢挽回三百年

欲將巖谷亂窈窕眉峰修嬌誇連娟人間何有春一夢

此身將老蠶三眠山中幽絕不可久要作平地家居仙

能令水石長在眼非君好我當誰緣願君終不忘在昔

樂時更賦囚山篇自注柳子厚有囚山賦

王詵和詩有云愛詩好畫本天性輞口先生疑宿緣會

當別寫一匹烟霞境更應消得玉堂醉筆揮長篇蓋亦

自得意於詩畫之工也及軾復和此詩詵亦復有答謝之作有云玉堂故人相與厚意使嫫母齊聯娟豈知憂患耗心力讀書嬾去但欲眠又云更得新詩寫珠玉勸

我不作區中緣佩服忠言匪論報短章重次木瓜篇特以答其不忘在昔之戒焉詵自遠謫還朝詩故舉囚山賦以相戒勉其云鄭虔三絕君有二筆勢挽回三百年

則所以譽之者亦至矣

夜直玉堂携李之儀端叔詩百餘首讀至夜半書其後

玉堂清冷不成眠伴直難呼孟浩然暫借好詩消永夜

每逢佳處輒參禪愁侵硯滴初含凍喜入燈花欲鬪妍

寄語君家小兒子他時此句一時編

能使人愁能使人喜非好詩那得有此故曰可以參禪

詩人王屑曰東坡跋李端叔詩卷云暫借好詩消永

夜每逢佳處輒參禪蓋端叔詩用意太過參禪之語

所以警之云

方回曰李之儀詩得意趣頗深晦非東坡不之察故有是佳句以孟浩然待之非誇也

次韻秦少章和錢蒙仲

碧畦黃隴稻如京歲美人和易得情鑑裏移舟天外思
地中鳴角古來聲山圍故國城空在潮打西陵意未平
二子有如雙白鷺隔江相照雪衣明

鑑裏句即是老杜春水船如天上坐之意地中句即是

元微之鼓角聲從地底迴之意鑪錘在胸森秀別出

容齋隨筆曰劉夢得山圍故國周遭在潮打空城寂

寞回之句白樂天以為後之詩人無復措詞坡公做之曰山圍故國城空在潮打西陵意未平坡公天才不侔豈非絕唱寡和理自應爾耶

石林詩話曰讀古人詩多意所喜處誦憶之久往往

不覺誤用為已語若子瞻山圍故國二句此非誤用直是取舊句縱橫役使莫彼我為辨耳

去杭州十五年復游西湖用歐陽察判韻

我識南屏金鯽魚重來拊檻散齋餘還從舊社得心印

似省前生覓手書葑合平湖久蕪沒人經豐歲尚凋疎誰憐寂寞高常侍老去狂歌憶孟諸

蕪沒凋疎人地依然如故而俯仰已成今昔感愴何限軾自再至杭值水旱迭逢饑疫並作於是免上供米糶常平義倉作餧粥設病坊浚二河完六井去葑田築湖

堤凡所惠養杭民者至周且備而蕪沒者使之通調疎者令之起此其為君子之用心不徒寄之感歎者也趙堯卿謂公游壽星院入門便悟有前生我已到杭州之句引之以與此詩似省前生覓手書一語相印証稱為異人抑思君子之所以異於人者以其存心初不在此即是省前生詩人之語豈必徵實他日到惠州亦有彷彿曾遊之句何獨無解耶

冷齋夜話曰東坡錢塘詩曰我識南屏金鯽魚似童

稚語然記一時之事西湖南屏山興教寺池有鯽十餘尾金色道人齋餘爭倚檻投餅餌為戲東坡習西湖久故寓於詩詞耳

復齋漫錄曰誰憐寂寞高常侍老去狂歌憶孟諸高適有兩詩言孟諸其一云朝臨孟諸上忽見芒碭間赤帝終已矣白雲長不還其後又有封丘詩云我本漁樵孟諸野一生自是悠悠者乍可狂歌草澤中寧堪作吏風塵下東坡所用乃後一篇也

東坡先生年譜曰元祐四年三月內累章請郡除龍圖閣學士知杭州以七月三日到杭州任謝表云江山故國所至如歸父老遺民與臣相問以先生去杭州十五年故有是語耳

蘇長公外紀曰錢塘西湖壽星寺先生作郡倅日始與參寥子同登方丈即顧謂參寥曰某生平未嘗至此而眼界所視皆若素所經歷者自此上至懺堂當有九十二級遣人數之果如其言即謂參寥子曰某

前生山中僧也今日寺僧皆吾法屬耳後每至即解衣盤礴久而始去

送子由使契丹

雲海相望寄此身那因遠適更沾巾不辭驛騎凌風雪要使天驕識鳳麟沙漠回看清禁月湖山應夢武林春單于若問君家世莫道中朝第一人

末用唐李揆事非以第一人相矜誇正是臨別而望其遄歸之意

蓬萊海上峯玉立色不改孤根捍滔天雲骨有破碎陽侯殺廉角陰火發光采纍纍彈丸間瑣細或珠琲闊浮一漚耳真妄果安在我持此石歸袖中有東海垂慈老人眼俯仰了大塊置之益盎中日與山海對明年菖蒲根連絡不可解儻有蟠桃生旦暮猶可待

袖中東海語至奇而理至平進於易則天在山中通於禪則一毫端現寶王刹也

黃庭堅曰我持此石歸袖中有東海此詩謂之句中眼學者不知此妙韻終不勝

參寥上人初得智果院會者十六人分韻賦詩得心字

漲水返舊壑飛雲思故岑念君忘家客亦有懷歸心三間得幽寂數步藏清深攢金盧橘塢散火楊梅林茶筭

文登蓬萊閣下石壁千丈為海浪所戰時有碎裂淘灑歲久皆圓熟可愛土人謂此彈子渴也取數枚以養石菖蒲且作詩遺垂慈堂老人

盡禪味松杉真法音雲崖有淺井玉醴常半尋遂名參寥泉可濯幽人襟相携橫嶺上未覺衰年侵一眼吞江湖萬象涵古今願君更小築歲晚解吾簪

僧潛臨平道中詩軾一見而刻諸石其後謫黃則潛自武陵訪之軾館之東坡至是又為卜精舍居潛及軒南遷猶有專使往返且有欲轉海相訪之詞墨莊漫錄云呂溫卿為浙漕屢起大獄復欲網羅參寥參寥本名曇潛東坡改之曰道潛呂索牒勘驗竟坐刑還俗編管究

州蓋亦以湖上懷軒之詩坐語含刺譏故也建中靖國

間始因曾子開得還初服歸老江湖軒平生多方外交而於潛尤有深契焉故此詩有歲晚解吾簪之言而惠州寄詩猶云未嘗一日忘湖山也

參寥泉銘序曰余謫居黃參寥子不遠數千里從余於東坡留期年嘗與同遊武昌之西山夢相與賦詩

有云寒食清明都過了石泉槐火一時新語甚美而不知其所謂其後七年余出守錢塘參寥子在焉明

參寥集曰余初入智果院蘇翰林率賓客相送者十六人各賦詩一章用圓覺經云以大圓覺為我伽藍命無求之意乃名之參寥泉

夢九年衛公之為靈也久矣坐人皆悵然歎息有知

命無求之意乃名之參寥泉

故周茂叔先生濂谿

世俗眩名實至人疑有無怒移水中蟹愛及屋上鳥坐

令此谿水名與先生俱先生本全德廉退乃一隅因拋

彭澤米偶似西山夫遂即世所知以為谿之呼先生豈

我輩造物乃其徒應同柳州柳聊使愚谿愚

作詩以頌大儒風格倍加峻潔如曰先生本全德廉退

乃一隅不煩言而得其體要前後布置鏗然韻流無一

毫道學詩習氣也周子自題濂谿書堂詩曰吾樂蓋易

足名濂以自箴詩蓋本此為說

林下偶談曰山谷稱周濂溪胸次如光風霽月又云
西風壯士淚多為程顥滴東坡為濂溪詩云夫子豈
我輩造物乃其徒蓋蘇氏師友未嘗不起敬於周程
如此惜乎後因嘻笑而成仇敵也

宋史道學傳曰周敦頤字茂叔道州營道人熙寧初
為廣東轉運判官提點刑獄以疾求知南康軍因家
廬山蓮花峰下前有溪合於溢江取營道所居濂溪
以名之

施元之曰周茂叔先生子熹字次元公守杭次元為
兩浙轉運同在錢塘為賦此詩

次韻子由使契丹至涿州見寄四首

錄二首

胡羊代馬得安眠窮髮之南共一天又見子卿持漢節
遙知遺老泣山前

檀毳年來亦甚都時時鵝舌問三蘇

自注余與子由入京時北使已問所

在後余館伴北使屢誦三蘇文

那知老病渾無用欲問君王乞鏡湖

轍寄詩云誰將家集過燕都每被行人問太蘇莫把文
章動蠻貊忍妨談笑卧江湖軾和之語語相呴應古人
和詩有不次韻而但和其意者未有次韻而各不相顧
者此詩亦其一証也

宋史蘇轍傳曰其使契丹也館客能誦其菴苓賦及

洵軾文云

澠水燕談曰張芸叟奉使大遼宿幽州館中有題蘇
子瞻老人行於壁間者聞范陽書肆亦刻子瞻詩數

十篇謂之大蘇集子瞻名重當代至遠人敬服如此
香祖筆記曰昔閱高麗史愛其臣金富軾之文又兄
弟一名軾一名轍疑其當宣和時去元祐未遠何以
已竊取眉山二公之名讀遊宦紀聞云徐兢以宣和
六年使高麗密訪其兄弟命名之意蓋有所慕文章
動蠻貊語不虛云

次韻劉景文周次元寒食同游西湖

絮飛春減不成年老境同乘下瀨船藍尾忽驚新火後

遨頭要及浣花前自注成都在正月二日出遊謂之遨頭至四月十九日浣花乃止

余與子中彦同祖子敦完夫同試舉人景德寺今皆健

山西老將詩無敵洛下書生語更妍共向北山尋二士

畫橈鼉鼓聒清眠

湘素雜記曰蘇鶚演義云今人以酒巡匝為啉尾即再命其爵也云南朝有異國進貢藍牛其尾長三丈

一云藍頴水牛其尾三丈時人倣之以為酒令今兩

盞從其簡也此皆非正行酒巡匝即重其盞蓋慰勞其得酒在後也又啉云者貪也謂處於座末得酒最

晚腹癢於酒既得酒巡匝更貪婪之故曰啉尾啉字

從口是明貪婪之意此說近之余觀宋景文公守歲

詩云迎新送故只如此且盡燈前婪尾盞又云稍倦持蠻手猶殘婪尾觴又東坡寒食詩云藍尾忽驚新火後遨頭要及浣花前自注引樂天寒食詩云三杯藍尾酒一楪膠牙餚乃用藍字蓋禁藍一也

次韻林子中王彥祖唱酬

蚤知身寄一漚中晚節尤驚落木風自注近聞莘老公擇皆逝故有此句

昨夢已論三世事歲寒猶喜五人同自注余與子中彦祖子敦完夫同試舉人景德寺今皆健

雨餘北固山圍坐春盡西湖水映空差勝四

明狂監在更將老眼犯塵紅

軾帥杭代林希及去杭希復來替其去杭時希蓋守潤也北固在潤西湖在杭點綴無一泛設

壽星院寒碧軒

清風肅肅搖牕扉牕前修竹一尺圍紛紛蒼雪落夏簟冉冉綠霧沾人衣日高山蟬抱葉響人靜翠羽穿林飛

道人絕粒對寒碧為問鶴骨何緣肥

語語元倣自喜拔俗千尋

二老堂詩話曰蘇文忠公詩初若豪邁天成其實闊鍵甚密再來杭州壽星院寒碧軒詩句句切題而未嘗拘清風肅肅四句寒碧各在其中第五句日高山

蟬抱葉響頗似無意而杜詩云抱葉寒蟬靜併葉言之寒亦在其中矣人靜翠羽穿林飛固不待言末句却說破道人絕粒對寒碧為問鶴骨何緣肥其妙如

此

題楊公春蘭

春蘭如美人不採羞自獻時聞風露香蓬艾深不見丹青寫真色欲補離騷傳對之如靈均冠佩不敢燕態濃意遠餘味曲包故得騷經之流韻

次韻曹輔寄壑源試焙新芽

仙山靈草濕行雲洗遍香肌粉未勻明月來投玉川子清風吹破武林春要知玉雪心腸好不是膏油首面新

戲作小詩君勿笑從來佳茗似佳人

艷體作茶詩似不相稱者結句特為點出

方回曰此謂壑源新茶自如玉雪不似餅茶團茶外若膏油之沃也故云佳茗似佳人

苕溪漁隱叢話曰壑源諸處私焙茶其絕品亦可敵

官焙自昔至今亦皆入貢其流販四方悉私焙茶耳東坡和曹輔詩稱道壑源茶蓋壑源與北苑為隣山阜相接纔二里許其茶甘香特在諸私焙之上

欽定四庫全書

御選唐宋詩醇

卷三十九

十五

欽定四庫全書

御選唐宋詩醇

卷三十九

十六

澤國梅雨餘衰年因蒸溽高堂磨新博頗覺利腰足松根百尺井兩绠飛淨澑澑聚兒童一笑為捧腹清風信可御剛氣在巖麓始知共此世物外無三伏長歌入雲去不待絃管逐西湖真西子烟樹點眉目濤江少醞藉高浪翻飛屋俛仰拊四海百世飛鳥速遠追錢氏餘近弔祖侯躅吾生如寄耳寸晷輕尺玉誰似劉將軍逸韻謝邊幅千言一揮手五車不再讀春嵒彩雞舞月峽

次韻劉景文登介亭

哀猿哭朝先鶼鶼起暮與寒蟬續我老廢吟哦賴君時擊觸從今事遠覽發軾此幽谷清游得三昧至樂謝五欲莫作狂道士氣壓劉師服

長篇次韻觸挽如志中間題品江湖復有此卓傑之詞抑何秀氣磅礴

咸淳臨安志曰介亭在鳳凰山熙寧中郡守祖無擇作天風冷然有縹緲憑虛之意

袁公濟和復次韻答之

昏昏墮醉夢奈此六月溽君詩如清風吹我朝睡足登臨得佳句江白照湖渌袖手獨不言默橐已在腹是時風雨過鵠鵠雲歸麓疎星帶微月金火爭見伏惜哉此清景變滅不可逐歸來讀君詩耿耿猶在目郤思少年

日聲價爭場屋文如翻水成賦作义手速秋風起鴻鴈我亦繼華躅那知君蹭蹬獨泣荆山玉相見南新道青衫垂破幅蚤知事大繆恨不十年讀莫嫌馮唐老終勝賈誼哭今年復為僚舊好許重續升沉何足道等是蠻

蜜中有藥治百疾正當狂走捉風時一笑看詩百憂失東坡先生取人廉幾人相歡幾人嫌恰似飲茶甘苦雜不如食蜜中邊甜因君寄與雙龍餅鏡空一照雙龍影三吳六月水如湯老人心似雙龍井

游戲三昧掣電機鋒合之以成絕世奇作昔軾嘗引佛言譬言如食蜜中邊皆甜之語以論陶柳詩謂人食五味知其甘苦皆是能分別其中邊者百無一二也如此篇其亦詩之中邊皆甜者乎

與觸共為湖山主出入窮澗谷衆馳君不爭人棄我所欲何時神武門相約挂冠服

此作專就和詩上用意與前作無一筆相犯衆馳君不爭二句收束通篇神完氣足

志林曰蘇州仲殊師利長老能文善詩及歌詞皆操筆立就予曰此僧胸中無一毫髮事故與之游

中吳紀聞曰殊初為士人嘗與鄉薦其妻以藥毒之遂棄家為僧工於長短句東坡先生與之往來甚厚時時食蜜解其藥人號蜜殊

安州老人心似鐵老人心肝小兒舌不食五穀惟食蜜笑指蜜蜂作檀越蜜中有詩人不知千花百草爭含姿老人咀嚼時一吐還引世間癡小兒小兒得詩如得蜜

老學菴筆記曰族伯父彥遠言少時識仲殊長老東坡為作安州老人食蜜歌者一日與數客過之所食皆蜜也豆腐麵筋牛乳之類皆漬蜜食之客多不能

下筋惟東坡性亦酷嗜蜜能與之共飽

次韻蘇伯固主簿重九

雲間朱袖拂雲和知是長松挂女蘿鬢重不嫌黃菊滿
手香新喜綠橙搓墨翻衫袖吾方醉紙落雲烟子患多
只有黃雞與白日玲瓏應識使君歌

苔溪漁隱叢話曰商玲瓏餘杭歌者樂天作郡日賦
歌與之云誰道使君不解歌聽唱黃雞與白日黃雞

催唱丑時鳴白日催年酉前沒東坡用此歌夜飲次

妙

再和楊公濟梅花十絕

錄二首

人去殘英滿酒尊不堪細雨濕黃昏夜寒那得穿花蝶
知是風流楚客魂

春入西湖到處花開腰芳草抱山斜盈盈解佩臨煙浦

脈脈當壚傍酒家

予去杭十六年而復來留二年而去平生自覺出

處老少麤似樂天雖才名相遠而安分寡求亦庶

幾焉三月六日來別南北山諸道人而下天竺惠

淨師以醜石贈行作三絕句

贈劉景文

荷盡已無擎雨蓋菊殘猶有傲霜枝一年好景君須記
最是橙黃橘綠時

淺語遙情

苔溪漁隱叢話曰最是一年春好處絕勝煙柳滿皇
都此退之早春詩也一年好景君須記最是橙黃橘
綠時此子瞻初冬詩也二詩意同而詞殊皆曲盡其

妙

再和楊公濟梅花十絕

錄二首

人去殘英滿酒尊不堪細雨濕黃昏夜寒那得穿花蝶
知是風流楚客魂

春入西湖到處花開腰芳草抱山斜盈盈解佩臨煙浦

脈脈當壚傍酒家

予去杭十六年而復來留二年而去平生自覺出

處老少麤似樂天雖才名相遠而安分寡求亦庶

幾焉三月六日來別南北山諸道人而下天竺惠

淨師以醜石贈行作三絕句

贈劉景文

當年衫鬢兩青青強說重臨慰別情衰髮祇今無可白
故應相對話來生

出處依稀似樂天敢將衰朽較前賢便從洛社休官去
猶有閒居二十年

在郡依前六百日山中不記幾回來還將天竺一峯去

欲把雲根到處裁

三詩宛轉關生情曲意密縫邈尺素 賦以己巳七月
至杭以辛未三月去杭却是六百日其贈唐坰詩云我

在錢塘六百日山中暫來不暖席意與此同皆用白詩
語意也

王直方詩話曰東坡平日最愛樂天之為人而坡在

錢塘與樂天所留歲月略相似其詩云在郡依前六
百日者是也

趙次公曰在錢塘六百日雖是紀實暗使白樂天詩

在郡六百日遊山十二回也

西湖遊覽志曰杭州之美得白蘇而益章考其治績

欽定四庫全書

御選唐宋詩醇

卷三十九

欽定四庫全書

御選唐宋詩醇

卷三十九

性情往往酷似樂天詩云閭里固宜勤撫卹樓臺亦
要數躋攀子瞻亦云細雨晴時一百六畫橈鼉鼓莫
違民樂天詩云笙歌委曲聲延耳金翠動搖光照身
子瞻亦云刺看新翻眉倒暈未應泣別臉消紅樂天
詩云故伎數人頻問訊新詩兩首倩流傳子瞻亦云
休驚歲歲年年貌且對朝朝暮暮人樂天取天竺奇
石受代詩云唯向天竺山取得兩片石子瞻亦云還
將天竺一峯去欲把雲根到處裁蓋子瞻景慕惟在
樂天故摹擬之詞比比歌詠如云出處依稀似樂天
敢將衰朽較前賢殆有夢寐羨墻之想矣

贈武道士彈賀若

清風終日自開簾涼月今宵有挂簷琴裏若能知賀若
詩中定合愛陶潛

以不說破解人之願耦句共逸韻俱發

續湘山野錄曰宮詞中小調子乃隋賀若弼所撰
其聲與意及用指取聲之法古今無能加者十調者

一曰不博金二曰不換玉三曰夾泛四曰越溪吟五

曰越江吟六曰孤猿吟七曰清夜吟八曰葉下聞蟬

九曰三清外一調最優古忘其名琴家祇命曰賀若

元祐六年六月自杭州召還汝公館我於東堂閱

舊詩卷次諸公韻二首

半熟黃粱日未斜玉堂陰合手裁花郤尋三十年前味
未飯鐘時已飯茶

夢覺還驚屢響廊故人來炷影前香鬢須白盡成何事

一帖空存老遂良

尺一東來喚我歸衰年已迫故山期文章曹植今堪笑

郤卷波瀾入小詩

西湖秋涸東池魚窘甚因會客呼網師遷之西池

為一笑之樂夜歸被酒不能寐戲作放魚一首

東池浮萍半黏塊裂碧跳青出魚背西池秋水尚涵空
舞闊搖深吹荇帶吾僚有意為遷居老守縱饑那忍膾
縱橫爭看銀刀出灔澦初驚玉花碎但愁數罟損鱗鬚

未信長堤隔濤瀨瀛瀛發發須臾間圉洋洋尋丈外
安知中無蛟龍種尚恐或有風雲會明年春水漲西湖

好去相忘渺淮海

忽想到蛟龍雲雨覺通篇字鏤句琢盡成澎湃之觀

復次放魚韻答趙承議陳教授

擾擾萬生同一塊捨榆不羨培風背青丘已吞雲夢芥
黃河復繞天門帶長譏韓子隘且陋一飽鯨魚何足膾
東坡也是可憐人披抉泥沙收細碎逝將歸修人節灘

欽定四庫全書

御選唐宋詩鵞

卷三十九

又欲往釣七里瀨正似此魚逃網中未與造物遊數外

且將新句調二子湖上秋高風月會為君更喚木腸兒

腳扣兩舷歌小海

現身說法又一變以遊方之外為高是前篇好去相忘
渺淮海一句轉語也

藝苑雌黃曰次韻滕元發詩云坐看青丘吞澤芥按
子虛賦云秋田乎青丘傍徨乎海外吞雲夢者八九
於其胸中曾不芥蒂芥蒂刺鯁也非草芥之芥西湖

詩亦有青丘已吞雲夢芥之說皆非也

容齋四筆曰坐看青丘吞澤芥青丘已吞雲夢芥用

芥字可謂工新乃以為出處曾不芥蒂非草芥之芥如此論文章其意見亦淺矣

九月十五日觀月聽琴西湖示坐客

白露下衆草碧空卷微雲孤光為誰來似為我與君水天浮四坐河漢落酒樽使我冰雪腸不受麴蘖釀尚恨琴有絃出魚亂湖紋哀彈奏舊曲妙耳非昔聞良時失

俯仰此見寧朝昏懸知一生中道眼無由渾

月色之明琴聲之清誦詩以當卧遊亦得

泛頰

我性喜臨水得頰意甚奇到官十日來九日河之渭吏民笑相語使君老而癡使君實不癡流水有令姿達郡十餘里不駛亦不遲上流直而清下流曲而漪畫船俯明鏡笑問汝為誰忽然生鱗甲亂我須與眉散為百東坡頃刻復在茲此豈水薄相與我相娛嬉聲色與臭味

顛倒眩小兒等是兒戲物水中少磷縕趙陳兩歐陽同參天人師觀妙各有得共賦泛頰詩

櫟嚴圓覺之理栗里香山之筆昔沈敦謨引傳燈錄良价禪師過水觀影偈曰我今獨自往處處得逢渠渠今正是我我今不是渠以釋此詩散為百東坡頃刻復在茲二語最為得之 篇末趙陳兩歐陽句時趙令畤在軾幕府陳師道教授潁州歐陽棐歐陽辯則修之二子皆適在頰也

欽定四庫全書

御選唐宋詩鵠

卷三十九

五

韓退之孟郊墓銘云以昌其詩舉此問王定國當

昌其身耶昌其詩也來詩下語未契作此答之

昌身如飽腹飽盡還復飢昌詩如膏面為人作容姿不如昌其氣鬱鬱老不衰雖云老不衰劫壞安所之不如昌其志志一氣自隨養之塞天地孟軻不吾欺人言魏勃勇股栗向小兒何如魯連子談笑郤秦師慎勿怨謗讟乃我得道資淤泥生蓮花糞壤出菌芝賴此善知識使我枯生荑吾言豈須多冷暖子自知

志一氣隨固是本諸孟子而謗讟得道則已與西銘憂

戚玉成之旨協合矣豈惟可與言詩

困學紀聞曰謹勿怨謗讟數句此尹和靖所謂困窮
拂鬚能堅人之志而熟人之仁也詩曰它山之石可
以攻玉

施元之曰王定國與吳正憲充馮文簡京素善而師
友東坡舒亶輩欲傾二公因坡詩獄羅織定國遂南
行萬里三年而歸司馬溫公當國深器遇之東坡在

翰林以人言力請郡去未幾定國亦報罷此詩自慎
勿怨謗讟以下端為定國發也

聚星堂雪

并引

元祐六年十一月一日禱雨張龍公得小雪與客會
飲聚星堂忽憶歐陽文忠公作守時雪中約客賦詩
禁體物語於艱難中特出奇麗爾來四十餘年莫有
繼者僕以老門生繼公後雖不足追配先生而賓客
之美殆不減當時公之二子又適在郡故輒舉前令

各賦一篇

臆前暗響鳴枯葉龍公試手行初雪映空先集疑有無
作態斜飛正愁絕衆賓起舞風竹亂老守先醉霜松折
恨無翠袖點橫斜祇有微燈照明滅歸來尚喜更鼓暗
晨起不待鈴索掣未嫌長夜作衣袴郤怕初陽生眼纈
欲浮大白追餘賞幸有回廳驚落屑模糊檜頂獨多時
歷亂瓦溝裁一瞥汝南先賢有故事醉翁詩話誰續說
當時號令君聽取白戰不許持寸鐵

欽定四庫全書

御選唐宋詩醇

五

欽定四庫全書

御選唐宋詩醇

五

賦雪者多以悠揚飄蕩取其韻致此獨用生剝之筆作
硬盤之語擺脫常態匪徒以禁體物語標奇競勝

苕溪漁隱叢話曰六一居士守汝陰日因雪會客賦

詩詩中玉月梨梅練絮白舞鵝鶴銀等字皆請勿用
其後東坡居士出守汝陰聚星堂雪輒舉前令自二
公賦詩之後未有繼之者豈非難措筆乎

次前韻送劉景文

白雲在天不可呼明月豈肯留庭隅怪君西行八百里

清坐十日一事無路人不識呼尚書但見凜凜雄千夫

自注君一馬兩僕率然相訪逆旅多呼尚書意謂君都頭也

豈知入骨愛詩酒醉倒

正欲蛾眉扶一篇向人寫肝肺四海知我霜鬢須歐陽

趙陳皆我有豈謂夫子駕復迂邇來又見三點柳共此

暖熟餐榾蘇酒肴酸薄紅粉暗祇有頰水清而姝一朝

寂寞風雨散對影誰念月與吾

自注郡中日與歐陽叔弼趙景貺陳履常相從而景文復至不數日柳戒之亦見過賓客之盛

頃所未有然又數日叔弼景文戒之皆去矣

何時歸

帆汎江水春酒一變甘棠湖

自注景文近卜居九江近甘棠湖

情事曲折裁約以入有韻之言襄衷俯仰逸趣橫生

石林詩話曰劉季孫能作七字詩家藏書數千卷為

杭州鉅輶子瞻作守深知之後嘗以詩寄子瞻云四

海共知霜鬢滿重陽曾挿菊花無子瞻大喜在潁州

和季孫詩所謂一篇向人寫肝肺四海知我霜鬢須

蓋記此也

次韻趙景貺春思且懷吳越山水

歲華來無窮老眼久矣靜春風如繫馬未動意先騁西

湖忽破碎鳥落魚動鏡繁城理枯瀆放闢起膠艇願君

營此樂官事何時竟

自注清河西湖三閣督君成之

思吳信偶然出處

付前定飄然不繫舟乘此無盡興醉翁行樂處草木皆

可敬明朝游北渚急掃黃葉徑白酒真到齊紅韋已放

鄭

自注酒尚有香泉一壺為樂全先生服不作樂也

行樂處至於可敬於此見賢者之澤長是乃詩之有關名教者前路名句紛沓尤是窮力追新

小飲西湖懷歐陽叔弼兄弟贈趙景貺陳履常

欽定四庫全書

御選唐宋詩醇

卷三十九

欽定四庫全書

御選唐宋詩醇

卷三十九

三

歲暮自急景我間方緩觴歡飲西湖晚步轉北渚長地坐略少長意行無澗岡久知薜荔青稍喜榆柳黃益盎春欲動瀛灘夜未央水天鷗鷺靜月霧松檜香撫景方日晚懷人重淒涼豈無一老兵坐念兩歐陽我意正麋鹿君才亦圭璋此會不可再此觀不可忘

寫景以駢語入情劉勰所謂儔采百字之偶者可移以評此

送路都曹并引

乖崖公在蜀有錄曹參軍老病廢事公責之曰胡不歸明日參軍求去且以詩留別其略曰秋光都似宦情薄山色不如歸意濃公驚謝之曰吾過矣同僚有詩人而吾不知因留而慰薦之予幼時聞父老言恨不問其姓名今都曹路公以小疾求致仕予誦此語留之不可乃採前人意作詩送之并邀趙德麟陳履常同賦一篇

積雪困桃李春心誰為容淮光釀山色先作歸意濃我

亦倦游者君恩繫疎慵欲留耿介士伴我衰遲蹤吏課升斗積崎嶇等鉛舂那將露電身坐待收千鍾結髮空百戰市人看先封誰能搔白首抱闌望夕烽則路君之賢而不遇可知矣然

亦不書其名使之少獲表見又為可惜也

欽定四庫全書

御選唐宋詩醇

主

欽定四庫全書

御選唐宋詩醇

主

施元之曰荆溪在常州宜興縣先生嘗買田於此

送運判朱朝奉入蜀

百戰市人看先封誰能搔白首抱闌望夕烽子意亮已成我言寧復從恨無乖崖老一洗芥蒂胸我田荆谿上伏臘亦麤供懷哉江南路會作林下逢

一片愛才求友之意津津亹亹序雖援張詠為說然詠特不知參軍為詩人耳既知則能留而慰薦之軾知都曹矣而於其致仕留之不可故尤怊悵切情

容齋三筆曰碑志之作本孝子慈孫欲以稱揚其父祖之功德播之當時而垂之後世當直存其名字無所避隱然東漢諸銘載其先代多只書官自唐及本朝名人文集所志往往只稱君諱某字某至於記序之文亦然殆與求文揚名之旨為不相契東坡先生送路都曹詩大畧云結髮空百戰市人看先封誰能搔白首抱闌望夕烽則路君之賢而不遇可知矣然亦不書其名使之少獲表見又為可惜也

我歸何日為話腰腳輕猶堪踏泉石

五言換韻體製最古而後人少效之者以其氣易斷而情韻反減耳此則纍纍然如貫珠清妙之音讀之百回不厭

淮上早發

澹月傾雲曉角哀小風吹水碧鱗開此身定向江湖老
默數淮中十往來

在潁州與德麟同治西湖未成改揚州三月十六

日湖成德麟有詩見懷次其韻

太山秋毫兩無窮鉅細本出相形中大千起滅一塵裏
未覺杭頽誰雌雄自注來詩云與抗爭雄我在錢塘拓湖渌大堤
士女爭昌丰六橋橫絕天漢上北山始與南屏通忽驚
二十五萬丈老葑席卷蒼雲空竭來潁尾弄秋色一水
縈帶照靈宮坐思吳越不可到借君月斧修瞳朧二十
四橋亦何有換此十頃玻瓈風雷塘水乾禾黍滿寶釵
耕出餘鸞龍明年詩客來弔古伴我霜夜號秋蟲自注德麟

見約來揚寄居
亦有意求揚伴

六橋橫絕四句都是實事却寫來異樣警動前以杭之西湖陪說頽之西湖後以歐陽之自揚移頽比已之自頽改揚都有天然證佐會作佳談構成絕唱

侯鯖錄曰歐公自揚州移汝州作西湖詩云都將二十四橋月換得西湖十頃秋後東坡復自汝移揚作詩云二十四橋亦何有換此十頃玻璃風用歐公詩也

鶴林玉露曰杭有西湖而頽亦有西湖皆為遊賞之勝而東坡連守二州其初得頽也有頽人在坐云內翰但只消遊湖中便可以了郡事蓋言其訟簡也秦少章因作一絕獻之云十里荷花菡萏初裁公所至有西湖欲將公事湖中了見說官閒事亦無東坡到頽有謝執政啟亦云入參兩禁每玷北扉之榮出典二邦輒為西湖之長

咸淳臨安志曰元祐中東坡既奏開浚湖水因以所

積葑草築為長堤起南訖北橫跨湖面綿亘數里夾道雜植花柳中為六橋行者便之坡嘗賦詩云六橋橫絕天漢上北山始與南屏通忽驚二十五萬丈老葑席卷蒼烟空嗣郡守林希榜曰蘇公堤

葑席卷蒼烟空嗣郡守林希榜曰蘇公堤

楊慎曰東坡先生在杭州潁州許州皆開西湖而杭之西湖尤偉其詩我在錢塘拓湖添六句此詩史也而注殊畧今按宋長編云杭本江海之地水泉鹹苦

唐刺史李泌始引西湖水作六井故井邑日富及白

居易復浚西湖所溉千餘頃然湖水多葑近歲廢而

不理湖中葑田積二十五萬餘丈而水無幾矣運河

失湖水之利則取給於江潮潮渾濁多淤河行闊闊

中三年一淘為市井大患而六井亦幾廢公始至浚

茅山鹽橋二河以茅山一河專受江潮以鹽橋一河

專受湖水復造堰閘以為湖水蓄洩之限然後潮不

入市間至湖上周視良久曰今願去葑田葑田如雲

將安所置之湖南北三十里環湖徃來終日不達若

取葑草積之湖中為長堤以通南北則葑田去而行者便矣堤成杭人名之曰蘇公堤云合是觀之則公之有功杭人大矣今閱公詩注甚畧故詳注之

雙石并引

至揚州獲二石其一綠色因巒迤邐有穴達於背其一玉白可鑒清以盆水置几案間忽憶在潁州日夢人請住一官府榜曰仇池覺而誦杜子美詩曰萬古仇池穴潛通小有天乃戲作小詩為僚友一笑

欽定四庫全書

御選唐宋詩醇

卷三十九

462-447

夢時良是覺時非汲井埋盆故自癡但見玉峰橫太白便從鳥道絕峨眉秋風與作煙雲意曉日令涵草木姿

一點空明是何處老人真欲住仇池

次韻蘇伯固遊蜀岡送李孝博奉使嶺表

新苗未沒鶴老葉方翳蟬綠渠浸麻水白板燒松煙笑
佩犧子府有騎鶴仙觀風崎南使出相山東賢渡江弔
很石過嶺酌貪泉與君步徙倚望彼修連娟願及南枝

謝早隨北鴈歸來春酒熟共看山櫻然

離離蔚蔚雲霞澄鮮

苔溪漁隱叢話曰遊蜀因詩造語全效退之城南聯

句新苗八句雖退之筆力殆無以過之

行宿泗間見徐州張天驥次舊韻

二年三躡過淮舟款段還逢馬少游無事不妨長好飲
著書自要且窮愁孤松早偃原非病倦鳥雖還豈是休
更欲河邊幾來往祇今霜雪已蒙頭

近以月石硯屏獻子功中書公復以涵星研獻純
父侍講子功有詩純父未也復以月石風林屏贈
之謹和子功詩并求純父數句

紫潭出元雲翳我潭中星獨有潭上月倒挂紫翠屏我
老不看書默坐養此昏花晴時時一開眼見此雲月眼
自明久知世界一泡影大小真偽何足評笑彼三子歐
梅蘇無事自作雪羽爭自注事見三人詩集故將屏硯送兩范要使珠璧栖牕櫺大范忽長謠語出月脇令人驚小范當


繼之說破星心如雞鳴牀頭復一月下有風林橫急送
小范家護此涵星泓願從少陵博一句山木盡與洪濤
傾

起八句連絡硯屏魂偉絕特中間行以迤邐舒而不迫
却用少陵詩語一句結住讀之更有千百言在腕下

也

次韻范純父涵星硯月石風林屏詩

影落蘇子硯與屏天工與我兩厭事孰居無事為此形
與君持橐侍帷幄同到溫室觀堯蓂自憐太史牛馬走
伎等卜祝均倡伶欲留衣冠挂神武便擊雲水歸南溟
陶泓不稱管城沫醉石可助平泉醒故持二物與夫子
欲使妙質留天庭但令滋液到枯槁勿遣光景生晦冥
上書挂名豈待我獨立自可當雷霆我時醉眠風林下
夜與漁火同青熒撫物懷人應獨嘆作詩寄子誰當聽
起局得勢後乃舒緩其氣以副之不煩繩削而自合



總校官庶吉士臣張能照
校對官中書臣王璫
謄錄監生臣史映綵

欽定四庫全書叢要

集部

御選唐宋詩醇卷四十

欽定四庫全書叢要

御選唐宋詩醇卷四十

眉山蘇軾詩九

目錄

次韻穆父尚書侍祠郊丘瞻望天光退而相慶引
滿醉吟

郊祀慶成詩

僕所藏仇池石希代之寶也王晉卿以小詩借觀

欽定四庫全書

御選唐宋詩醇
卷四十 目錄

意在於奪不敢不借然以此詩先之

晉卿示詩欲奪海石錢穆父王仲至蔣穎叔皆次
韻穆至二公以為不可許獨穎叔不然今日穎叔
見訪親覩此石之妙遂悔前語僕以謂晉卿豈可
終閉不予者若能以韓幹二散馬易之者蓋可許
也復次前韻

欲以石易畫晉卿難之穆父欲兼取二物穎叔欲
焚畫碎石乃復次前韻并解二詩之意

詳校官原任主事臣李斯咏

生日劉景文以古畫松鶴為壽且貺佳篇次韻為

謝

程德孺惠海中柏石兼辱佳篇輒復和謝

送蔣穎叔帥熙河

次韻吳傅正枯木歌

送范中濟經畧侍郎分韻賦詩得先字且贈以魚

枕杯四馬箑一以元戎十乘以先啟行為韻

書晁說之考牧圖後

欽定四庫全書

御選唐宋詩醇
卷四十目錄

二

七年九月自廣陵召還復館於浴室東堂八年六
月乞會稽將去汝公乞詩乃復用前韻三首

東府雨中別子由

書丹元子所示李太白真

次韻滕大夫雪浪石

鶴歎

子由生日以檀香觀音像及新合印香銀篆繁為

壽一首

過高郵寄孫君孚

慈湖夾阻風五首

錄四首

過廬山下

壺中九華詩

秧馬歌

八月七日初入贛過惶恐灘

鬱孤臺

廉泉

欽定四庫全書

御選唐宋詩醇
卷四十目錄

三

塵外亭

天竺寺

月華寺

碧落洞

峽山寺

舟行至清遠縣見顧秀才極談惠州風物之美

廣州蒲澗寺

浴日亭

游羅浮山一首示兒子過

十月二日初到惠州

白水山佛跡巖

十一月二十六日松風亭下梅花盛開

新釀桂酒

江郊

正月二十四日與兒子過賴仙芝王原秀才僧曇
賴行全道士何宗一同遊羅浮道院及栖禪精舍

欽定四庫全書

御選唐宋詩醇

四

過作詩和其韻寄邁迨一首

贈王子直秀才

遊博羅香積寺

連雨漲江二首

四月十一日初食荔支

六月十二日酒醒步月理髮而寢

荔支歎

御選唐宋詩醇卷四十目錄

欽定四庫全書會要卷一萬九千三百六十四集部

御選唐宋詩醇卷四十

眉山蘇軾詩九

次韻穆父尚書侍祠郊丘瞻望天光退而相慶引
滿醉吟

千章杞梓蔭雲天樗散誰收老鄭虔喜氣到君浮白裏
豐年及我挂冠前令嚴鐘鼓三更月野宿貔貅萬竈烟
太息何人知帝力歸來金帛看頰肩

欽定四庫全書

御選唐宋詩醇

一

氣偉采奇望之又蔚然深秀厥由風力之道

復齋漫錄曰東坡言古今七言偉麗之句永叔一聯
云蒼波萬古流不盡白鳥雙飛意自閒上句取李太
白長波瀉萬古之句東坡一聯云令嚴鐘鼓三更月
野宿貔貅萬竈烟上句取杜子美中天懸明月令嚴
夜寂寥之句也

苔溪漁隱叢話曰東坡云七言之偉麗者子美云旌
旗日暖龍蛇動宮殿風微燕雀高五更鼓角聲悲壯

三峽星河影動搖爾後寂寥無聞焉直至永叔云蒼
波萬古流不盡白鳥雙飛意自閒萬馬不嘶聽號令
諸番無事著耕耘可以並驅爭先矣先生亦云令嚴
鐘鼓三更月野宿貔貅萬竈烟亦庶幾焉耳

郊祀慶成詩

帝出乘昌運天心予太平文章三代繼制作七年成大

祀乾坤合剛辰日月明泰壇朝掃地魄寶夜垂精仰御
圓蒼蓋環觀海嶽城北流吞朔易西極落櫬槍升燎靈
光答回鑾瑞霧迎需雲徧枯槁解雨達旬萌可頌非天
德因歲亦下情民言知有酌帝謂本無聲富國由崇儉
斬年在好生無心斯格物克己自銷兵化國安新政孤
臣反舊耕還將清廟什留與野人賡

自元豐元年詳定郊祀禮文至六年冬至親祀圜丘以
太祖配始罷天地合祭之禮元祐五年廷臣集議復定
南郊並祀之儀七年親郊始行合祭宋制三年一郊軾
以兵部尚書為南郊鹵簿使疏請嚴整儀仗時稱盛

合祭之禮至紹聖元年仍議罷而軾則主合祭之說然
合祭亦僅行於是年耳時宰執侍從進詩以賀故有是
詩詩共十四韻而自可頌非天德以下俱作箴規之語
此所謂因事納規不藉揚厲鋪張以矜其華藻也

僕所藏仇池石希代之寶也王晉卿以小詩借觀

意在於奪不敢不借然以此詩先之

海石來珠宮秀色如蛾綠坡陀尺寸間宛轉陵巒足連
娟二華頂空洞三茅腹初疑仇池化又恐瀛洲蹙殷勤

崎南使餽飼淮東牧自注僕在揚州程德孺自嶺南解官還以此石見遺得之喜
無寐與汝交不瀆盛以高麗盆藉以文登玉自注僕以大銅盆貯之又以登州高麗所飼海石如碎玉者附其足幽光先五夜冷氣壓三伏老人

生如寄茅舍久未卜一夫幸可致千里常相逐風流貴
公子竄謫武當谷見山應已厭何事奪所欲欲留嗟趙
弱寧許負秦曲傳觀慎勿許間道歸應速
希代之寶實是寫得出末用秦歸趙璧恰與情事比附
意隨筆轉如脫彈丸

趙次公曰連娟二華頂空洞三茅腹二華太華少華也古人謂造化削成故於二華言頂三茅一名句曲山其腹中空虛別有天地日月載在真誥故於三茅則言腹也

詩說雋永曰李贊皇好石有謝臨海守寄石詩半奇章亦好石落中闢地多得之刻文可辨近世東坡亦好之有仇池石程德孺所遺其詩云殷勤崎嶇使餽餉淮東牧即今英石也

王晉卿示詩欲奪海石錢穆父王仲至蔣穎叔皆

次韻移至二公以為不可許獨穎叔不然今日穎叔見訪親賭此石之妙遂悔前語僕以謂晉卿豈可終閉不予者若能以韓幹二散馬易之者蓋可許也復次前韻

相如有家山縹渺在眉綠誰云千里還寄此一顰足平生錦繡腸桑歲藜覓腹從教四壁空未遣兩峯蹙吾今況衰病義不忘樵牧逝將仇池石歸沂岷山瀆守子不

貪寶完我無瑕玉故人詩相戒妙語予所伏一篇獨異論三占從兩卜君家畫可數天驥紛相逐風驟掠原野電尾梢澗谷君如許相易是亦我所欲今朝安西守來聽陽關曲勸我留此峰他日來不速

丹經墨史拈出盡歸妙諦筆上生花

趙次公曰故人詩相戒指錢穆父王仲至之不欲予也一篇獨異論指蔣穎叔之欲予也書曰三人占則

從二人之言故以錢王可從而蔣可違也來聽陽關

曲穎叔將別而行故云耳

欲以石易畫晉卿難之穆父欲兼取二物穎叔欲焚畫碎石乃復次前韻并解二詩之意

春冰無真堅霜葉失故綠鶲疑鵬萬里眩笑夔一足二豪爭攘袂先生一捧腹明鏡既無臺淨瓶何用蹙益山不可隱畫馬無由牧聊將置庭宇何必棄溝瀆焚寶真愛寶碎玉未忘玉久知公子賢出語者年伏欲觀轉物妙故以求馬卜維摩既復捨天女還相逐授之無盡燈

照此久幽谷定心無一物法樂勝五欲三峩吾鄉里萬

馬君部曲卧雲行歸休破賊看神速

自注晉鄉將種常有此意

因有欲焚畫碎石者乃別為踢淨瓶燒木佛添出一重

公案言下如有白毫大光應念來感豈止次韻之能怪

變百出

趙次公曰三峩吾鄉里言真山萬里君部曲言真馬
我有真山則將卧雲王有真馬則用破賊如此則假

山不必愛畫馬不必取也

生日劉景文以古畫松鶴為壽且貺佳篇次韻為

謝

問子一室間寧有千里廓塵心洗長松遠意發孤鶴生
朝得此壽死籍疑可落微言在參同妙契藏九籥故人
有奇趣逸想寄幽壑霜枝謝寒暑雲翮無前郤何須構
明堂未羨巢阿閣緬懷別時語復作數日惡詩腴固堪
食字瘦還可愕高標忽在眼清夢了如昨君今噲等伍
志與湛葦各豈待相願言方為不朽託子雲老執戰長

孺終主爵吾當追松喬子亦鄙衛霍
松鶴為壽近於俗情乃寫得古趣洋溢固知才人之筆
無所不可

程德孺惠海中柏石薰辱佳篇輒復和謝

嵐薰瘴染郤敷腴笑飲貪泉獨繼吳未欲連車收薏苡
宵教沈綱取珊瑚不知庾嶺三年別收得曹溪一滴無
但指庭前雙柏石要予臨老識方壺

施元之曰德孺名之元持節嶺南歸惠此石故詩皆

用嶺南事德孺時為主客郎中

送蔣穎叔帥熙河

并引

穎叔出使臨洮與穆父仲至同餞之各賦詩一篇以
今我來思為韻致遄歸之意得我字

西方猶宿師論將不及我苟無深入計緩帶我亦可承
明正須君文字粲藻火自薦雖云數留行終不果正坐
食字瘦還可愕高標忽在眼清夢了如昨君今噲等伍
志與湛葦各豈待相願言方為不朽託子雲老執戰長
秋杜楊柳方婀娜邊風事首鹵所得蓋公麼願為曾連

書一射聊城筭陰功在不殺結草酬魏顆

積其憤激發以詆諧起四句似謔似莊言語妙天下

次韻吳傳正枯木歌

天公水墨自奇絕瘦竹枯松寫殘月夢回疎影在東窗
驚怪霜枝連夜發生成變壞一彈指乃知造物初無物
古來畫師非俗士妙相實與詩同出龍眠居士本詩人
能使龍池飛霹靂君雖不作丹青手詩眼亦自工識拔
龍眠胸中有千駟不獨畫肉兼畫骨但當與作少陵詩
或自與君拈秃筆東南山水相招呼萬象入我摩尼珠
盡將書畫散朋友獨與長鋏歸來乎

因吳詩而及李畫因歌枯木而及畫馬軒然而來翩然
而往隨意所到總入元微

苔溪漁隱叢話曰東坡題伯時畫馬云龍眠胸中有
千駟議者謂譏其無德而稱余意其不然如文與可
善作墨竹故和賀箇谷云料得清貧饑太守渭濱千
畝在胸中豈亦是譏之耶又山谷咏伯時虎脊天馬

圖亦云筆端那有此千里在胸中蓋言畫馬之妙得
之於心應之於手若輪扁之斲輪也

送范中濟經畧侍郎分韻賦詩得先字且贈以魚

枕杯四馬筆一以元戎十乘以先啟行為韻

梁李久樂禍自焚豈非天兩鼠鬪空中一勝亦偶然謀
初要百慮善後乃萬全廟堂選世將范氏真多賢仁風
被宿麥綠浪搖秦川號令聳毛羽先聲落虛弦我家天
一方去路城西偏投竿困障日賣劍行歸田贈君荆魚

杯副以蜀馬鞭一醉可以起母令祖生先

謀初善後有無限經濟在中濟能不負此詩又以見其

言必有中也

施元之曰中濟以虜歷官元祐八年知慶州中濟祖
雍仁宗時為副樞李元昊叛拜鎮武節度使知延州
又知永興軍故曰廟堂選世將范氏真多賢中濟在
慶廣儲畜城柵嚴守備羈黠羌推誠待下人樂為用
書晁說之考牧圖後

我昔在田間但知羊與牛川平牛背穩如駕百斛舟

行無人岸自移我卧讀書牛不知前有百尾羊聽我鞭

聲如鼓鼙我鞭不妄發視其後者而鞭之澤中草木長

草長病牛羊尋山跨坑谷騰趨筋骨強烟蓑雨笠長林

下老去而今空見畫世間馬耳射東風悔不長作多牛

翁

小雅無羊之詩宣王考牧也牛羊寢訛之狀牧人簮笠之容俄焉而麾忽然而夢維魚維旛變幻莫測詩格之奇無踰於此矣不襲其詞而能得其意遙遙千古斯作

之外誰其嗣音

七年九月自廣陵召還復館於浴室東堂八年六

月乞會稽將去汝公乞詩乃復用前韻三首

乞郡三章字半斜廟堂傳笑眼昏花上人問我遲留意待賜頭綱八餅茶

自注尚書學士得賜頭綱龍茶一斤今年綱到最遲

桐枝贈汝千里行歸來知健否莫忘此時情

空清如話而情味無窮此較前初秋寄子由一章尤入

夢繞吳山卻月廊白梅盧橘覺猶香

自注杭州梵天寺有月廊數百間寺

中多白楊會稽且作須臾意從此歸田策最良

梅盧橘

楊

會稽

且作

須臾

意從

此歸

田策

最良

東南此去幾時歸倦鳥孤飛豈有期斷送一生消底物

三年光景六篇詩

首作託言待賜戀闋情深三作只是把詩消歲月之意道破便可發深省

苔溪漁隱叢話曰細色茶五綱凡四十三品形製各異共七千餘餅又有粗色茶七綱凡五品大小龍鳳併揀芽悉入龍腦和膏為團餅茶共四萬餘餅東坡題文公詩卷云待賜頭綱八餅茶即今粗色紅綾袋

餅八者是也

東府雨中別子由

庭下梧桐樹三年三見汝前年適汝陰見汝鳴秋雨去

年秋雨時我自廣陵歸今年中山去白首歸無期客去

莫歎息主人亦是客對牀定悠悠夜雨空蕭瑟起折梧

桐枝贈汝千里行歸來知健否莫忘此時情

空清如話而情味無窮此較前初秋寄子由一章尤入

神品

書丹元子所示李太白真

天人幾何同一漚
謫仙非謫乃其游
麾斥八極隘九州
化為兩鳥鳴相酬
一鳴一止三千秋
開元有道為少留
縻之不可矧肯求
西望太白橫峨岷
眼高四海空無人
大兒汾陽中令君
小兒天台坐忘身
平生不識高將軍
手污吾足乃敢瞋
作詩一笑君應聞

筆歌墨舞實有手
弄白日頂摩青穹
之氣概足為白寫
照矣後人刊詩有
將此作分為兩首者
特以平韻承

接之故然分則意象不昌豈惟不諳詩法且并其佳處

失之觀集內儋州夜夢一詩猶用此體可以為証
天厨禁牋曰太白贊一韻七句方換韻又是平聲其
法不得雙殺雙殺者不得此法也

賀裳曰文人有一言使人升九天墮九淵者此類是
也亦公自寫其傲岸之趣却令太白生面重開勝碑

陰記一段文字遠甚

次韻勝大夫雪浪石

太行西來萬馬屯
勢與岱嶽爭雄尊
飛狐上黨天下脊

半掩落日先黃昏
削成山東二百郡
氣壓代北三家村
千峯石卷龜牙帳
崩崖鑿斷開土門
鶴來城下作飛石
一礮驚落天騎魂
承平百年烽燧冷
此物僵卧枯榆根
畫師爭摹雪浪勢
天公不見雷斧痕
離堆四面繞江水
坐無蜀士誰與論
老翁兒戲作飛雨
把酒坐着看珠跳盆

此身自幻孰非夢
故國山水聊心存

勁氣不可斷來則
山岑競舉止則壁
岸無階

墨莊漫錄曰東坡帥中山得黑石白脈如蜀孫位孫

知微所畫石間奔流盡水之變又得白石曲陽為大

盆以盛之激水其上名其室曰雪浪齋公自銘曰玉

井芙蓉丈八盆伏流飛空激其根時有英州之命後
謫惠州又徙海外故中山後政以公遷謫雪浪之名
遂廢元符中始被北歸之命將至吳中張芸叟守中

山葺治雪浪齋重安盆石

趙次公曰古所謂山東乃今之河北晉地蓋太行山

之東也山東二百郡正謂太行以東冀州之域矣代北則燕趙以往之地也

鶴歎

園中有鶴馴可呼我欲呼之立坐隅鶴有難色側睨予
豈欲臆對如鵬乎我生如寄良畸孤三尺長脰閣瘦軀
俛啄少許便有餘何至以身為子娛驅之上堂立斯湏
投以餅餌視若無嘵然長鳴乃下趨難進易退我不如

難進易退我不如此鶴歎所以作也却只於結處一句

收住中云豈欲臆對如鵬乎乃疑而問鶴之詞我生如
寄四句便直代鶴作臆對語章法奇絕是為善學賈賦
者

唐庚語錄曰東坡作病鶴詩嘗寫三尺長脰瘦軀闊
其一字使任德翁輩下之數十字東坡徐出其稿蓋
閻字也此字既出儼然如見病鶴矣

子由生日以檀香觀音像及新合印香銀篆槃為

壽一首

旃檀婆律海外芬西山老臍柏所薰香螺脫羣來相羣
能結縹緲風中雲一燈如螢起微焚何時度盡繆篆紋
繚繞無窮合復分絲絲浮空散氤氳東坡持是壽外君

君少與我師皇墳旁資老聃釋迦文共厄中年點蠅蚊
晚遇斯須何足云君方論道承華勛我亦旗鼓嚴中軍
國恩未報敢不勤但願不為世所熏爾來白髮不可耘
問君何時返鄉粉收拾散亡理放紛此心實與香俱烹

聞思大士應已聞

香難以形容偏為形容曲盡平時好以禪語入詩此詩
偏只結句大士已聞一點真有如天花變現不可測識
者在詩道中殆以從聞思修而入三摩地矣

王直方詩話曰蘇黃門以已卯生故東坡有卯君之
語其以檀香觀音像遺黃門云持是壽卯君其出局
偶書云傾杯不能飲待得卯君來其送王翬詩云淚
濕粉牋書不得憑君送與卯君看

過高郵寄孫君孚

過淮風氣清一洗塵埃容水木漸幽茂菰蒲雜游龍可

憐夜合花青枝散紅茸美人遊不歸一笑當誰供故園

在何處已偃手種松我行忽失路歸夢千山重聞君有

負郭二頃收橫從卷野卑秋獲殷牀聞夜春樂哉何所

憂社酒粥面釀宦游豈不好毋令到千鍾

極言景物清幽留連不能去而其人之足思自見感舊

懷人風格最古此詩出於南遷之時孫升亦遭貶謫

篇中絕不露牢騷抑鬱之意津津乎其有遺味矣

欽定四庫全書

御選唐宋詩醇

卷四十

六

劉廷世孫公談圃序曰紹聖之改元也凡仕於元祐

而貴顯者例皆竄貶湖南嶺表相望而錯趾惟閩郡

獨孫公一人遷於臨汀公元祐時歷三院遷左史入

中書為舍人危言讜論內外憚之已而忤時宰意以

集賢殿修撰留守南都後遷天章閣待制其謫官也

自南都為歸州遂以散秩謫臨汀公諱升字君孚高

郵人

慈湖夾阻風五首

錄四

揜索旆竿立嘯空蒿師酣寢浪花中故應嘗崩知心腹
弱纜能爭萬里風

此生歸路愈茫然無數青山水拍天猶有小船來賣餅

喜聞虛落在山前

日輪亭午汗珠融誰識南訛長養功暴雨過雲聊一快

未妨明月郤當空

卧看落月橫千丈起喚清風得半帆且竝水村欹側過
人間何處不巉巖

欽定四庫全書

御選唐宋詩醇

卷四十

十七

荒灣旅泊却寫得即事皆可喜讀此數詩足以開豁塵
襟

遇廬山下并引

予過廬山下雲物騰湧默有禱焉未午衆峰凜然故

作是詩

亂雲欲霾山勢與飄風南羣隣相應和勇往爭驂驛可
憐蒼蔚中時出紫翠嵐鴈沒失東嶺龍騰見西龕一時
供坐笑百態變立談暴雨破塊北清飈掃渾酣廓然歸

何處陋矣安足戡亭亭紫霄峰窈窕白石菴五老數松
雪雙溪落天潭雖云默禱應顧有移文慙

雲巒新霽氣象萬千列秀青青已見廬山真面目矣

壺中九華詩并引

湖口人李正臣蓄異石九峯玲瓏宛轉若搘櫓然予
欲以百金買之與仇池石為偶方南遷未暇也名之
曰壺中九華且以記之

清溪電轉失雲峯夢裡猶驚翠掃空五嶺莫愁千嶂外

九華今在一壺中天池水落層層見玉女牕明處處通
念我仇池太孤絕百金歸買碧玲瓏

詩亦宛轉玲瓏與題恰稱

趙次公曰劉禹錫有歌云九華山自是造化一尤物
焉能藉甚乎人間今先生以石有九峯遂以名之其
在一壺中則神仙壺公之壺也中別有天地山川故
云耳

秧馬歌并引

過廬陵見宣德郎致仕曾君安止出所作禾譜文既
溫雅事亦詳實惜其有所缺不譜農器也予昔遊武
昌見農夫皆騎秧馬以榆棗為腹欲其滑以楸桐為
背欲其輕腹如小舟昂其首尾背如覆瓦以便兩髀
雀躍於泥中繫束藁其首以縛秧日行千畦較之偃
僂而作者勞佚相絕矣史記禹乘四載泥行乘橇解
者曰橇形如箕擿行泥上豈秧馬之類乎作秧馬歌
一首附於禾譜之末云

春雲濛濛雨淒淒春秧欲老翠剝齊嗟我婦子行水泥
朝分一塊暮千畦腰如箜篌首啄雞筋煩骨殆聲酸嘶
我有桐馬手自提頭尻軒昂腹脇低背如覆瓦去角圭
以我兩足為四蹏聳踊滑汰如鳥鷺纖纖束藁亦可齧
何用繁纓與月題郤從畦東走畦西山城欲閉聞鼓鼙
忽作的盧躍檀溪歸來挂壁從高栖了無芻秣飢不啼
少壯騎汝逮老黧何曾蹶軼防顛躋錦鸞公子朝金闈
笑我一生蹋牛犁不知自有木駿騮

直以馬喻非馬瑰偉連猝其說能解人頤

砩溪詩話曰東坡遊武昌嘗作秧馬歌唐子西至羅浮始識此器作詩云擬向明時受一廛著鞭常恐老農先行藏已問吾能識從此馳名四十年亦巧於用事

周必大農器譜序曰紹聖初元蘇文忠公載南遷過太和邑人宣德郎致仕曾公安止獻所著元詩文忠

美其溫雅詳實為作秧馬歌又惜其不諳農器時曾

公已喪明不暇為也後百餘年其侄孫耒陽令之謹

始續成之凡耒耜鋤車戽簾笠鉢刈篠箕杵臼斗

斛金甌倉庾穀類惟十附以雜記勒成三卷皆考之經傳參合今制無不備者是可補伯祖之書成蘇公之志矣

八月七日初入贛過惶恐灘

廉泉

七千里外二毛人十八灘頭一葉身山憶喜懽勞遠夢
自注蜀道有錯喜地名惶恐泣孤臣長風送客添帆腹
歡舖在大散關上

積雨浮舟減石鱗便合與官充水手此生何止略知津
起二句固是同調柳州書作發端乃更警策按十八灘
自下而上第一灘在萬安縣前名黃公灘東坡改作惶
恐以對喜歡其後文文山更以惶恐對零丁遂成典故
結處云充水手者應是暗用何易于腰笏引舟事也

砩溪詩話曰柳詩十一年前南渡客四千里外北歸
人又一身去國六千里萬死於荒十二年蘇詩七千
里外二毛人十八灘頭一葉身不約而合句法使然

欽定四庫全書

御選唐宋詩醇

主

故也

鬱孤臺自注以下四首皆虔州

八境見圖畫鬱孤如舊游山為翠浪湧水作玉虹流日
麗崆峒曉風酣章貢秋丹青未變葉鱗甲欲生洲嵐氣
昏城樹灘聲入市樓烟雲侵嶺路草木半炎州故國千

峯外高臺十日留他年三宿準擬繫歸舟

水性故自清不清或撓之君看此廉泉五色爛摩尼廉

者謂我廉我以此名為有廉則有貪有慧則有癡誰為

柳宗元孰是吳隱之漁父足豈潔許由耳何淄紛然立
名字此水了不知幾譽有時盡不知無盡時竭來廉泉
上捋鬚看鬚眉好在水中人到處相娛嬉

有盡在人無盡在我維摩經言有法門名無盡燈此詩
所本

塵外亭

楚山澹無塵韻水清可厲散策塵外遊麾手謝此世山

欽定四庫全書

御選唐宋詩醇

卷四十

欽定四庫全書

御選唐宋詩醇

三

高憎人力十步輒一憇郤立浮雲端俯視萬井麗幽人
宴坐處龍虎為斬雜馬駒獨何疑豈墮山鬼計夜垣非
助我謬敬欲其遊戲留一轉語千載起攘袂

韓詩云崎嶇上軒昂始得觀覽富未及此之圓妙也正

諦既得故後幅但就馬祖事言之不更為山水饒古

趙次公曰幽人宴坐處以下八句皆是馬祖事馬祖
始居此山山鬼為築垣自謂修行不至為鬼所識乃
舍去今先生詩語高馬祖一著也

天竺寺并引

予年十二先君自虔州歸謂予言近城山中天竺寺
有樂天親書詩云一山門作兩山門兩寺元從一寺
分東澗水流西澗水南山雲起北山雲前臺花發後
臺見上界鐘清下界聞遙想吾師行道處天香桂子
落紛紛筆勢竒逸墨跡如新今四十七年予來訪之
則詩已亡有刻石存耳感涕不已而作是詩

香山居士留遺跡天竺禪師有故家空詠連珠吟疊璧

欽定四庫全書

御選唐宋詩醇

三

已亡飛鳥失驚蛇林深野桂寒無子雨浥山蕙病有花
四十七年真一夢天涯流落淚橫斜

點染處極其古秀揭朗標華較香山聯珠體詩更進一

格

月華寺自注寺鄰岑水場施者皆

坑戶也百年間蓋三焚矣

天公胡為不自憐結土融石為銅山萬人探斷富媪泣
祇有金帛資豪姦脫身獻佛意可料一瓦坐待千金還
月華三火豈天意至今爰舍依榛菅僧言此地本龍象

興廢反掌曾何艱高巖夜吐金碧氣曉得異石青闌斑

坑流窟發錢湧地莫施百鑑朝千錢此山出寶以自賊
地脈已斷天應慳我願銅山化南畝爛漫黍麥蘇惇鰥

道人修道要底物破鎗煮飯茹三間

亦是左傳象齒焚身莊子山木自寇之意說來警動倍
覺氣象崢嶸

李必恒曰智度論云水行中龍陸行中象故荷大法

力比之龍象按月華寺智藥三藏真身在焉故有龍

象之語

搓牙亂峯含晃蕩絕壁橫遙知紫翠間古來仙釋并陽

崖射朝日高處連玉京陰谷叩白月夢中遊化城果然

石門開中有銀河傾幽龕入窈窕別戶穿虛明泉流下
珠琲乳前交纓纓我行畏人知恐為仙者迎小語輒響

荅空山自雷驚策杖歸去來治具煩方平

氣交冲漠與神為徒小語響荅二句寫巖洞之景未經

人道

苔溪漁隱叢話曰題碧落洞詩云小語輒響荅空山

白雲驚此語全類李太白今印本誤作自雷驚不惟

無意味兼與上句重疊也

李必恒曰一統志云洞多懸石如霓旌羽蓋旁有小
洞號雲華深不可測按詩所云幽龕別戶即指其處

也

峽山寺

自注傳奇所記孫恪袁氏事
即此寺至今有人見白猿者

天開清遠峽地轉凝碧灣我行無遲速攝衣步孱顏山

僧本幽獨乞食況未還雲碓水自春松門風為關石泉

解娛客琴筑鳴空山佳人劍翁孫遊戲暫人間忽憶囁
雲侶賦詩留玉環林深不可見霧雨蘿鬢

空山無人水流花開良由妙造自然匪關思索而致

裴硎傳奇曰廣德中有孫恪者游洛中遇袁氏女遂
納為室後十餘年同至峽山寺袁氏欣然改服理鬢

詣老僧乃持一碧玉環獻僧曰此是院舊物僧初不

曉及齋罷有野猿數十悲嘯拥蘿而躍袁氏惻然俄
命筆題詩云無端變化幾涇沉剛被恩情役此心不
如逐伴歸山去長嘯一聲烟霧深詩畢遂烈火化為
老猿追嘯者躍樹而去老僧方悟曰乃貧道為沙門

時所養者碧玉環則胡人所施繫於其頸者

舟行至清遠縣見顧秀才極談惠州風物之美

到處聚觀香案吏此邦宜著玉堂仙江雲漠漠桂花溼
梅雨翛翛荔子然聞道黃柑常抵鵲不容朱橘更論錢

欽定四庫全書

御選唐宋詩醇

卷四十

恰從神武來弘景便向羅浮覓稚川

八句屬對律詩正格筆力積健為雄韻頗杜老

廣州蒲潤寺自注地產菖蒲十二節相傳安期生之故居始皇訪之於此

不用山僧導我前自尋雲外出山泉千章古木臨無地
百尺飛濤瀉漏天昔日菖蒲方士宅後來蒼葛祖師禪

而今只有花含笑笑道秦王欲學仙自注山中多含笑花

浴日亭自注在南海廟前

劍氣崢嶸夜挿天瑞光明滅到黃灣坐看賜谷浮金暈

遙想錢塘涌雪山已覺滄涼蘇病骨更煩沆瀣洗衰顏
忽驚鳥動行人起飛上千峯紫翠間

前六句猶是滄滄涼涼之勢忽驚鳥動一轉陡然而上

筆勢奇絕

游羅浮山一首示兒子過

人間有此白玉京羅浮見日雞一鳴自注劉夢得有詩見日此可異也

南樓未必齊日觀鬱儀自欲朝朱明自注山有二石樓今延祥寺在南樓下朱明洞在冲虛觀後云是蓬萊第七洞天

東坡之師抱

欽定四庫全書

御選唐宋詩醇

卷四十

朴老真契久已交前生玉堂金馬久流落寸田尺宅今

誰耕道華亦嘗啖一棗自注唐永樂道士侯道華竊食鄧天師藥仙去永樂有無核棗

人不可得道華獨得之予契虛正欲仇三彭自注唐僧在歧下亦嘗得食一枚

契虛遇人導游稚川仙府真人問曰汝

三彭之仇乎契虛不能答鐵橋石柱連空橫自注山石柱人杖藜欲趁飛猱輕雲溪夜逢瘞虎伏

自注山有罕至者石柱人杖藜欲趁飛猱輕雲溪夜逢瘞虎伏自注山有罕至者

斗壇畫出銅龍吟自注冲虛觀後有朱真人朝斗壇近於壇上獲銅龍六銅魚一小兒

少年有奇志中宵起坐存黃庭近者戲作凌雲賦筆勢彷彿離騷經負書從我盍歸去羣仙正草新宮銘汝應

奴隸蔡少霞我亦季孟山元卿

自注唐有夢書新宮銘者云紫陽真人山元卿

嶺南萬戶皆春色

自注嶺南萬戶酒

會有幽人客寓公

撰其畧曰良常西麓原澤東泄新宮宏宏崇軒轅轅又有蔡少霞者夢人遺書碑畧曰昔乘魚車今履瑞雲躅空仰塗綺輶輪因其末題云五雲書閣吏蔡少霞書還須畧報老同叔羸糧萬里

尋初平

自注子由一字同叔

森蔚璀璨以御風凌雲之氣行之是亦新宮銘所稱天
賴虛徐鳳簫冷徹者耶

容齋隨筆曰東坡遊羅浮山作詩示叔黨其末負書

從我四句坡自注用山元卿撰銘蔡少霞書碑二事

欽定四庫全書

御選唐宋詩醇卷四十

天

予按薛用弱集異記載蔡少霞夢人召去令書碑題
云蒼龍溪新宮銘紫陽真人山元卿撰其詞三十八
句不聞有五雲閣吏之說魚車瑞雲之語乃逸史所
載陳幼霞事云蒼龍溪主歐陽某撰蓋坡公誤以幼
霞為少霞耳

十月二日初到惠州

彷彿曾遊豈夢中欣然雞犬識新豐吏民驚怪坐何事
父老相攜迎此翁蘇武豈知還漠北管寧自欲老遼東

貶謫之地見如舊遊有終焉之志賢者固隨寓而安
白水山佛跡巖

自注羅浮之東麓也

在惠州東北二十里

何人守蓬萊夜半失左股浮山若鵬蹲忽展垂天羽根
株互連絡崖嶠爭吞吐神工自爐鞴融液相綴補至今
餘隙罅流出千斛乳方其欲合時天匠麾月斧帝觴分
凝古佛來布武當時汪周氏投足不蓋拇青蓮雖不見

欽定四庫全書

御選唐宋詩醇卷四十

壬午

千古落花雨雙溪匯九折萬馬騰一鼓奔雷濺玉雪潭
洞開水府潛鱗有飢蛟掉尾取渴虎我來方醉後濯足
聊戲侮回風卷飛雹掠面過彊弩山靈莫惡劇微命安
足賭此山吾欲老慎勿厭求取谿流變春酒與我相賓
主當連青竹竿下灌黃精園

山記謂浮山即蓬萊別島洪水浮至依羅而止二山合
體謂之羅浮本是不根之談前八韻據此翻騰而入無
非為佛跡二字取勢以跌落古佛來布武一句耳後紀

浴於湯池從飢蛟渴虎飛雹強弩數句之中參以醉後濯足二語忽然動魄驚心忽然掉臂徐步羅浮以風雨為合離匪此神筆莫傳其妙

唐庚語錄曰東坡詩叙事言簡而意盡惠州有潭潭有潛蛟人未之信也虎飲水其側蛟尾而食之俄而浮骨水上人方知之東坡以十字道盡云潛鱗有飢蛟掉尾取渴虎言渴則知虎以飲水而召災言飢則

蛟食其肉矣

志林曰紹聖元年十月十二日與幼子過遊白水佛跡院浴於湯池熱甚其源殆可煮物循山而東少北有懸水百仞山八九折處輒為潭深者礎石五丈不得其所止雪濺雷怒可喜可畏水厓有巨人迹數十所謂佛跡也

軾答陳季常書曰今日遊白水佛跡山山上布水三十仞雷輦電散未易名狀大畧如項羽破章邯時也

十一月二十六日松風亭下梅花盛開

春風嶺上淮南村昔年梅花曾斷魂自注予昔赴黃州有兩絕句明年正月往岐亭道上賦詩春風嶺上見梅花云去年今日闊山路細雨梅花正斷魂詩豈知流落復相見

園豈惟幽光留夜色直恐冷艷排冬溫松風亭下荆棘裏兩株玉葉明朝曉海南仙雲嬌墮砌月下縞衣來扣門酒醒夢覺起繞樹玅意有在終無言先生獨飲勿歎息幸有落月窺清尊

秀色孤姿涉筆如融風彩露集中梅花詩有以清空入

妙者如和秦觀梅花詩云竹外一枝斜更好是也有以使事傳神者此詩海南仙雲嬌墮砌月下縞衣來扣門是也軾嘗稱秦觀詩有云西湖處士骨應槁只有此詩君壓倒觀詩豈能過之毋亦自道其所得耳此題尚有和韻兩篇第二篇有紛紛初疑月挂樹耿耿獨與參橫昏二句最為洪邁所稱胡仔亦云三首皆擺落陳言古今人未嘗經道者第二首尤奇然細玩前篇究是不逮

原唱也

邀齋閒覽曰凡詩之詠物雖平淡巧麗不同要能以隨意造語為工東坡在嶺南有暎字韻詠梅詩韻險而語工非大手筆不能到也

碧溪詩話曰用自己詩為故事須作詩多者乃有之太白雲滄浪吾有曲相子棹歌聲樂天云須知菊酒登高會從此多無二十場明年云去秋共數登高會又被今年減一場坡赴黃州過春風嶺有絕句後詩

云去年今日關山路細雨梅花正斷魂至海外又云

春風嶺上淮南村昔年梅花曾斷魂

新釀桂酒

搗香節辣入瓶盆盃盃春溪帶雨渾收拾小山藏社甕招呼明月到芳樽酒材已遣門生致菜把仍叨地主恩爛煮葵羹斟桂醑風流可惜在蠻村桂酒頌作於釀成之後有云釀為我醪淳而清甘終不壞醉不醒此詩乃作於方釀之時故但以搗香節辣為言耳收拾小山藏社甕造語神奇

轍桂酒頌序曰吾謫居海上法當數飲酒以禦瘴而嶺南無酒禁有隱者以桂酒方授吾釀成而玉色香味超然非人間物也東坡先生曰酒天祿也其成壞美惡世以兆人主之吉凶吾得此豈非天哉故為之頌以遺後之有道而居夷者其法蓋刻石置之羅浮鑑橋之下非忘世求道者莫至焉

江郊并引

惠州歸善縣治之北數步抵江少西有盤石小潭可

以垂釣作江郊詩云

江郊葱蘢雲水青絢岸斗入洞潭輪轉先生悅之布

席閒燕初日下照潛鱗俯見意鈎忘魚樂此竿綫優哉悠哉玩物之變

琢句全摹水經注磯岸二句乃從斗聳曲池及洞湍電轉環濤轂轉等句化出潛鱗俯見亦從新安江潭不掩鱗一句得來

正月二十四日與兒子過賴仙芝王原秀才僧曇

頴行全道士何宗一同遊羅浮道院及栖禪精舍

過作詩和其韻寄邁迨一首

斷橋隔勝蹟脫屢欣小揭瘞花已繁紅官柳猶疎細斜
川二三子悼歎我年逝淒涼羅浮館風壁頽雨砌黃冠
常苦飢迎客羞破袂仙山在何許歸鶴時墮毳崎嶇食
松黃欲救齒髮弊坐令禪客笑一夢等千歲栖禪晚置
酒蠻果粲蕉荔齋厨金無羨野餉籃有蕙嬉游趁時節
俯仰了此世猶當洗業障更作臨水禊寄書陽羨兒并
語長頭弟門戶各努力先期畢租稅

婢橘千頭幅巾我欲相隨去海上何人識故侯
用詞多以數目字大小相形清艷兩絕

藝苑雌黃曰水底笙歌蛙兩部山中奴婢橘千頭雖
愛其語之工然南史孔德璋門庭之內草萊不剪中
有蛙鳴或問之曰欲為陳蕃乎曰我以此當兩部鼓
吹何必效陳蕃却無笙歌之說石林詩話曰子瞻嘗
兩用孔稚圭鳴蛙事如水底笙歌蛙兩部雖以笙簧
易鼓吹不礙其為意同至已遣亂蛙成兩部則兩部
盡牽出處語而意不顯也

遊博羅香積寺并引

寺去縣七里三山犬牙夾道皆美田麥禾甚茂寺下
谿水可作碓磨若築塘百步閘而落之可轉兩輪舉
四杵也以屬縣令林朴使督成之

二年流落蠹魚鄉朝來喜見麥吐芒東風搖波舞淨綠
初日汎露酣嬌黃汪汪春泥已沒膝剗剗秋穀初分秧

萬里雲山一破裘杖端閒挂百錢游五車書已留兒讀
二頃田應為鶴謀自注子直鶴田山水底笙歌蛙兩部山中奴

誰言萬里出無友見此二美喜欲狂三山屏擁僧舍小

一谿雷轉松陰涼要令水力供臼磨與相地脉增隈防
霏霏落雪看收麵隱隱疊鼓聞春糠散流一啜雲子白
炊裂十字瓊肌香豈惟牢九薦古味自注東晉餅賦饅頭簿持起搜牢九

要使真一流天漿詩成捧腹便絕倒書生說食真膏肓
固是硬語排奡須看其字字鎔鑄而成有回萬牛之力

有轉丸珠之巧

苦溪漁隱叢話曰老杜自我作古其詩體不一在人

欽定四庫全書

御選唐宋詩醇

卷四十

三

所喜取而用之如東坡在嶺外游博羅香積寺同正
輔游白水山皆古詩而終篇對屬精切語意貫穿此
亦是老杜體如岳麓道林二寺行追酬故高蜀州人
日見寄入衡州奉贈李八丈判官晚登瀼上堂之類
槩可見矣

李必恒曰按東晉餅賦有餛頭薄壯起溲牢丸之名
而先生詩用作牢九又自注中薄壯作簿持起溲作
起搜又真一酒歌亦用起搜字想別有所據

連雨漲江二首

越井岡頭雲出山牂牁江上水如天牀牀避漏幽人屋
浦浦移家蟹子船龍卷魚蝦并雨落人隨雞犬上牆眠
只應樓下平階水長記先生過嶺年

急雨蕭蕭作晚涼卧聞榕葉響長廊微明燈火耿殘夢
半濕簾帷浥舊香高浪隱牀吹甕盞闇風驚樹擺琳瑯
先生不出晴無用留向空階滴夜長

四月十一日初食荔支

欽定四庫全書

御選唐宋詩醇

卷四十

三

南村諸楊北村盧自注謂楊梅盧摘也白華青葉冬不枯垂黃綴
紫烟雨裏特與荔支為先驅海山仙人絳羅襦紅紗巾
單白玉膚不須更待妃子笑風骨自是傾城殊不知天
公有意無遣此尤物生海隅雲山得伴松檜老霜雪自
困櫛梨麌先生洗盞酌桂醑冰盤薦此頡虬珠似聞江
鯨斫玉柱更洗河豚烹腹腴自注予嘗謂荔支厚味高格兩絕果中無比惟江鯨桂河豚魚近之耳我生涉世本為口一官久已輕尊鱸人間何
者非夢幻南來萬里真良圖

絳羅紅紗語不露刻鏤之迹而形容備至江鱠河豚之

比特以其同為異味非有深意陳敏政駁之固無謂胡

仔辨之亦強作解事耳

遜齋閒覽曰東坡食荔支詩云海山仙人絳羅襦紅紗中單白玉膚予誦之未嘗不愛其體物之工然其

後云似聞江鯨研玉柱更洗河豚烹腹腴予意東坡

未嘗至閩中亦不識真荔支其曰四月十一日是特

廣南火山者耳故其比類僅與魏文帝庾信同科

苦溪漁隱叢話曰詩人詠物形容之妙近世為最東

坡海山仙人四句誦此則知其詠荔支也 坡詩自

注云予嘗謂荔支厚味高格兩絕果中無比惟江珧

柱河豚魚近之耳又曰僕嘗問荔支何所似或曰荔

支似龍眼客皆笑其陋實無所似也僕曰荔支似江

珧柱應者皆慚然僕亦不解此所謂善於比類者若

魏文帝庾信之葡萄乃至謬耳遜齋閒覽殊無鑒裁

若言閩廣荔支高下不同則可若言東坡不善比類

則不可也

六月十二日酒醒步月理髮而寢

羽蟲見月爭翾翾我亦散髮虛明軒干梳冷快肌骨醒

風露氣入霜蓬根起舞三人謾相屬停杯一問終無言

曲肱璫簾有佳處夢覺瓊樓空斷魂

語簡而靜紙上有涼氣撲人

荔支歎

十里一置飛塵灰五里一候兵火催顛坑仆谷相枕籍

知是荔支龍眼來飛車跨山鵠橫海風枝露葉如新採

宮中美人一破顏驚塵濺血流千載永元荔支來交州

天寶歲貢取之涪至今欲食林甫肉無人舉觴醉伯游

自注漢永元中交州進荔支龍眼十里一置五里一候奔騰死亡罹猛獸毒蟲之害者無數唐羌字伯游為林

武長上書言狀和帝罷之唐天寶中蓋取涪州荔支自子午谷路進入

我願天公憐赤子

莫生尤物為瘡痏雨順風調百穀登民不飢寒為上瑞

君不見武夷溪邊粟粒芽前丁後蔡相籠加自注大小龍茶始於

丁晉公成於蔡君謨歐陽永叔聞君謨進小龍團驚歎曰君謨士人也何至作此事

爭新買寵各

出意今年聞品克官茶

自注今年閩中監司乞進鬱茶許之

吾君所乏豈

此物致養口體何陋邪洛陽相君忠孝家可憐亦進姚

黃花

自注洛下貢花
自錢惟演始

君不見一段百端交集一篇之奇橫在此詩本為荔支
發歎忽說到茶又說到牡丹其胸中鬱勃有不可以已
者惟不可以已而言斯至言至文也

碧溪詩話曰錢惟演為洛帥留守置驛貢花識者鄙
之坡作荔支歎云洛陽相君忠孝家可憐亦進姚黃

欽定四庫全書

御選唐宋詩醇

甲

花補世之語不能易也

容齋三筆曰東坡先生作文引用史傳必詳述本末
有至百餘字者蓋欲使讀者一覽而得之不待復尋
繹書策也如勤上人詩集叙引翟公罷廷尉賓客反
覆事晁君成詩集叙引李邵漢中以星知二使者事
上富丞相詩引左史倚相美衛武公事荔支歎詩引
唐羌言荔支事是也

苕溪漁隱叢話曰武夷溪邊粟粒芽誤指其地武夷

未嘗有茶茶之精絕者乃在北苑自有溪南流至
富沙城下方與西來武夷溪水合流東去鯪浦固不
可雷同言之建安北苑茶始於太宗朝太平興國
二年遣使造之取象於龍鳳以別庶飲由此入貢至
於蔡君謨謂之將漕閩中實董其事社前十五日即
採其芽日數千工聚而造之逼社即入貢工甚大造
甚精皆載於所撰建陽茶錄

欽定四庫全書

御選唐宋詩醇

甲

御選唐宋詩醇卷四十



總校官庶吉士臣張能照
校對官中書臣王璗
謄錄監生臣史映樞

欽定四庫全書叢要

御選唐宋詩醇卷四十一

欽定四庫全書叢要

御選唐宋詩醇卷四十一

眉山蘇軾詩十

目錄



御選唐宋詩醇

卷四十一

目錄

同正輔表兄遊白水山

與正輔遊香積寺

次韻正輔同遊白水山

章質夫送酒六壺書至而酒不達戲作小詩問之

欽定四庫全書

御選唐宋詩醇

卷四十一

雨後行菜

殘臘獨出二首

錄一首

新年五首

錄一首

次韻高要令劉湜峽山寺見寄

惠州近城數小山類蜀道春興進士許毅野步會意處飲之且醉作詩以記適參寥專使欲歸使持此以示西湖之上諸友庶使知余未嘗一日忘湖

山也

詳校官原注事

臣李斯咏

食荔支二首 錄一首

遷居

兩橋詩

東新橋

西新橋

白鶴峰新居欲成夜過西鄰翟秀才二首

縱筆

種茶

欽定四庫全書

御選唐宋詩醇
卷四十一目錄

白鶴山新居鑿井四十尺遇盤石石盡乃得泉

三月二十九日二首

吾謫海南子由雷州被命即行了不相知至梧廻

聞尚在藤也旦夕當追及作此詩示之

行瓊儋間肩輿坐睡夢中得句云千山動鱗甲萬

谷酣笙鐘覺而遇清風急雨戲作此數句

次前韻寄子由

遷居之夕聞鄰舍兒誦書欣然而作

觀棋

糴米

擷菜

次韻子由月季花再生

次韻子由浴罷

十二月十七日夜坐達曉寄子由

子由生日

以黃子木拄杖為子由生日之壽

欽定四庫全書

御選唐宋詩醇
卷四十一目錄

儋耳

新居

倦夜

縱筆三首 錄一首

貧家淨掃地

庚辰歲人日作時聞黃河已復北流老臣舊數論

此今斯言乃驗二首 錄一首

庚辰歲正月十二日天門冬酒熟予自漉之且漉

且嘗遂以大醉二首

錄一首

汲江煎茶

予來儋耳得吠狗曰烏觜甚猛而馴隨予遷合浦

過澄邁泗而濟路人皆驚戲為作此詩

澄邁驛通潮閣二首

六月二十日夜渡海

次韻王鬱林

藤州江下夜起對月贈邵道士

欽定四庫全書

御選唐宋詩醇

四

欽定四庫全書

御選唐宋詩醇

五

廣倅蕭大夫借前韻見贈復和答之二首

錄一首

次韻韶倅李通直二首

錄一首

李伯時畫其弟亮功舊隱宅圖

贈嶺上老人

予昔過嶺而南題詩龍泉鐘上今復過而北次前

韻

過嶺二首

留題顯聖寺

歇白塔舖

鬱孤臺

次韻江晦叔二首

錄一首

寒日與器之遊南塔寺寂照堂

贈詩僧道通

予昔作壺中九華詩其後八年復過湖口則石已
為好事者取去乃和前韻以自解云

次韻郭公甫二首

錄一首

宋復古畫瀟湘晚景圖三首

嘲子由

第五橋

軒窓

魚

御選唐宋詩醇卷四十一目錄

欽定四庫全書
唐宋詩醇卷一萬九千三百六十五

集部

御選唐宋詩醇卷四十一

眉山蘇軾詩十

同正輔表兄游白水山

偉哉造物真豪縱攫土搏沙為此弄璧開翠峽走雲雷
截破奔流作潭洞因隨化人履巨迹得與仙兄躡飛輶
曳杖不知巖谷深穿雲但覺衣裘重坐看驚鳥救霜葉

知有老蛟蟠石甕金沙玉礫粲可數古鏡寶奩寒不動

欽定四庫全書

御選唐宋詩醇

卷四十一

念兄獨立與世踈絕境難到惟我共永辭角上兩蠻觸
一洗胸中九雲夢浮來山高回望失武陵路絕無人送

筠籃擷翠爪甲香素綆分碧銀餅凍歸路霏霏湯谷暗
野堂活活神泉湧解衣浴此無垢人身輕可試雲間鳳

直從瀑布發處寫到波平水靜與前佛跡巖詩別是一
般境象游跡不同詩亦隨異可知絕唱高蹤不由強索

而得

與正輔遊香積寺

越山少松竹常苦野火厄此峰獨蒼然感荷佛祖力疾
於無人採千歲化琥珀幽光發中夜見者惟木客我豈
無長鏡真屬苦難識靈苗與毒草疑似在毫髮把玩竟
不食棄置長太息山僧類有道辛苦嘗谷汲我慙作機

春鑿破混沌穴幽尋恐不繼書板記歲月

真贗疑似之難辨偶借採藥以發長歎其感人者微矣
次韻正輔同遊白水山

祇知楚越為天涯不知肝膽非一家此身如綫自繫繞

欽定四庫全書

御選唐宋詩醇

二

左旋右轉隨纊車誤拋山林入朝市平地咫尺千褒斜
欲從稚川隱羅浮先與靈運開永嘉首參虞舜欵韶石

次謁六祖登南華仙山一見五色羽雪樹雨摘南枝花
赤魚白蟹著屢下黃柑綠橘籩常加糖霜不待蜀客寄

荔支莫信閩人誇恣傾白蜜收五稜細斲黃土栽三極
自注正輔分人參歸種韶陽來詩本用璣字
惠州無書不見此字所出故且從木奉和

朱明洞裏

得靈草翩然放杖凌蒼霞豈無軒車駕熟鹿亦有鼓吹
號寒蛙仙人勸酒不用勺石上自有樽罍窪徑從此路

朝玉闕千里莫遣毫釐差故人日夜望我歸相迎欲到長風沙豈知乘槎天女側獨倚雲機看織紗世間誰似老兄弟篤愛不復相疵瑕相攜行到水窮處庶幾一見

留子嗟千年枸杞常夜吠無數草棘工藏遮但令凡心一洗濯神人仙藥不我遐山中歸來萬想滅豈復回顧

雙雲鴉

離却白水別作虛空縹緲之想層巒疊浪興會淋漓屈

子遠遊之遺也

李必恒曰雙雲鴉似指失偶事先生前迎正輔詩有萬里倘同歸兩鰥當對耰之句自注某喪婦已三年矣正輔近亦有亡嫂之戚故云洗濯凡心及萬想滅

二語可見雲鴉即所云雲鬟鴉鬢矣

章質夫送酒六壺書至而酒不達戲作小詩問之白衣送酒舞淵明急掃風軒洗破觥豈意青州六從事化為烏有一先生空煩左手持新蟹漫繞東籬喚落英南海使君今北海定分百榼餉春耕

青州烏有偶然拈作對偶集中尚有以通印子魚對披綿黃雀以日斜庚子對歲在己辰並為宋詩人所稱其實軾詩卓絕處不盡在此

復齋漫錄曰文之所以貴對偶者謂出於自然非假於牽強也王禹玉元豐間以錢二萬酒十壺餉呂夢得夢得作啟謝之有白水真人青州從事禹玉歎賞為其切題至若東坡得章質夫書遺酒六瓶書至而酒亡因寄詩云豈意青州六從事化為烏有一先生

二句渾然一意絕無斧鑿痕更覺有功

詩人玉屑曰天下未嘗無對東坡以章質夫寄酒不至作詩云豈意青州六從事化為烏有一先生或以綠研寄楊誠齋為人以柏木簡換去誠齋用此意作詩謝云如何綠玉含風面化作青銅溜雨枝二事可為奇對亦善用坡詩也

雨後行菜

夢回聞雨聲喜我菜甲長平明江路濕並岸飛雨梨天

公真富有乳膏瀉黃壤霜根一蕃滋風葉漸俯仰未任
筐筥載已作盃盤想艱難生理窄一味敢專饗小摘飯
山僧清安寄真賞芥藍如箇草脆美牙頰響白菘類羔
豚膾土出蹯掌誰能視火候小竈當自養

質而實綺癯而實腴得陶公田園諸詩神髓

殘臘獨出二首

錄一

江邊有微行詰曲背城市平湖春草合步到栖禪寺堂
空不見人老稚掩關睡所營在一食食已寧復事客來
豈無得施予靜掃地風松獨不靜道我作鼓吹
通首酷寫靜境結云風松獨不靜此是反托之法玄微
宵奧妙處可尋

欽定四庫全書

御選唐宋詩醇

卷四十一

五

容齋三筆曰東坡初赴惠州過峽山寺不值主人故
其詩云山僧本幽獨乞食況未還雲碓水自春松門
風為關石泉解悞客琴筑鳴空山既至惠州殘臘獨
出至栖禪寺亦不逢一僧故其詩云江邊有微行詰
曲背城市平湖春草合步到栖禪寺堂空不見人老

稚掩關睡後在儋耳作觀碁詩記遊廬山白鶴觀觀
中人皆閨戶晝寢獨聞碁聲云我時獨游不逢一士
誰與碁者戶外屢二不聞人聲時聞落子其寂寞冷
落之味可以想見句語之妙一至於此

新年五首

錄一

曉雨暗人日春愁連上元水生挑菜渚煙濕落梅村小
市人歸盡孤舟鶴踏翻猶堪慰寂寞漁火亂黃昏

次韻高要令劉湜峽山寺見寄

欽定四庫全書

御選唐宋詩醇

卷四十一

六

新聞妙無多舊學閑可束猶當隱季主未遽逃梅福空
腸吐餘思靜似蠶綴族寸田結初果秀若銅生綠荆棘
掃誠盡梨棗憂不熟高人寧鑄金下士乃服玉君看嶺
嶠隘我欲巾笥蓄曾攀羅浮頂亦到朱明谷旋觀真歷
塊歸臥甘破屋故人老猶仕世味薄如穀偶從越女笑
不怕蠻江浴驚聞尺書到喜有新詩辱應憐五管客曾
作八州督骨銷謾口鑠膽破獄吏酷隴雲不易寄江月
乃可掬遙知清遠寺不稱空明腹蹇驢步武碎短瑟絃

柱促仰看泉落珮俯聽石響轂千峰鴻清駛一往無回
躅狂雷失晤語過電不容目要知僧長飢正坐山少肉
人間無南北蝸角空出縮仇池九十九自注仇池有九十九泉余嘗夢至有詩
自注子由近買田陽翟北望嵩少甚近天人同一夢仙

凡無兩錄陋邦真可老生理亦麤足便回熟天焰長作
照海燭自注黃魯直寄詩云蓮花合裏一寸燭北馬海中燒百川魯直蓋近有得也

雋語清談引人入勝而竟體裁對絕不見排比之迹故

由筆妙應憐五管客曾作八州督二句宋援則引莊

欽定四庫全書

御選唐宋詩醇

七

子上有五管之說李原則引韓詩五管編歷之句王注

兼採而並錄之古人之虛衷如此援說誠為未當李必恒補注是李原而非宋援可也其所作王注正偽直斥王注為杜撰是沒其實矣至曾作八州督句李原但引

晉書只能解釋字面此則補注得之然觀軾賀子由生第四孫詩結云早謀二頃田莫待八州督有自注云吾前後典八州此乃八州督三字之確注補注但引八州憐我往來頻之句猶未為得也

至有嵩少三十六自注子由近買田陽翟北望嵩少甚近天人同一夢仙

詩

卷四十一

七

夕陽飛絮亂平蕪萬里春前一酒壺鐵化雙魚沉遠素

劍分二嶺隔中區花曾識面香仍好鳥不知名聲自呼

夢想平生消未盡滿林烟月到西湖

渥采流烹觸物圓覽夢想之切洋溢於詞端

欽定四庫全書

御選唐宋詩醇

卷四十一

八

冷齋夜話曰韓子蒼曰丁晉公海外詩云草解忘憂憂底事花名含笑笑何人世以為工及讀東坡詩云花曾識面香仍好鳥不知名聲自呼便覺才力相去遠矣

風月堂詩話曰東坡南遷參寥居西湖智果院交遊無復曩時之盛作湖上絕句云去歲春風上苑行爛窺紅紫厭平生而今眼底無姚魏浪華浮花嬾問名城隈野水綠逶迤裏裏輕舟掠岸過欲採芸蘭無覓

惠州近城數小山類蜀道春與進士許毅野步會意處飲之且醉作詩以記適參寥專使欲歸使持此以示西湖之上諸友庶使知余未嘗一日忘湖山也

夕陽飛絮亂平蕪萬里春前一酒壺鐵化雙魚沉遠素劍分二嶺隔中區花曾識面香仍好鳥不知名聲自呼夢想平生消未盡滿林烟月到西湖

渥采流烹觸物圓覽夢想之切洋溢於詞端

欽定四庫全書

御選唐宋詩醇

卷四十一

八

冷齋夜話曰韓子蒼曰丁晉公海外詩云草解忘憂憂底事花名含笑笑何人世以為工及讀東坡詩云花曾識面香仍好鳥不知名聲自呼便覺才力相去遠矣

風月堂詩話曰東坡南遷參寥居西湖智果院交遊無復曩時之盛作湖上絕句云去歲春風上苑行爛窺紅紫厭平生而今眼底無姚魏浪華浮花嬾問名城隈野水綠逶迤裏裏輕舟掠岸過欲採芸蘭無覓

處野花汀草占春多詩既出遂坐譏刺得罪返初服
軾惠州答參寥書曰專人遠來辱手書并示近詩如
獲一笑之樂數日喜慰忘味也某到貶所半年凡百
粗適更不能細說大畧祇似靈隱天竺和尚退院後
却在一箇小村院子折足鑷中罨米飯喫便過一
生也得

食荔支二首

錄一
首

羅浮山下四時春盧橘楊梅次第新日啖荔支三百顆

欽定四庫全書

御選唐宋詩醇

九

不辭長作嶺南人

遷居

并引

吾紹聖元年十月十二日至惠州寓合江樓是月十
八日遷於嘉祐寺二年三月十九日復遷於合江樓

今一年多病鮮歡頗懷水東之樂得歸善縣後隙地
數畝父老云此古白鶴觀也意欣然欲居之白鶴
峰新居成自嘉祐寺遷入詠淵明時運詩云斯晨斯
夕言息其廬似為余發也

兩橋詩

并引

之上新居成庶幾其少安乎

前年家水東回首夕陽麗去年家水西涇面風雨細東
西兩無擇緣盡我輒逝今年復東徙舊館聊一憩已買

白鶴峰規作終老計長江在北戶雪浪舞吾砌青山滿
牆頭髮鬢幾雲髻雖慚抱朴子金闕陋蟬蛻猶賢柳柳
州廟俎薦丹荔吾生本無待俯仰了此世念念自成劫
塵塵各有際下觀生物息相吹等蚊蚋

柳州貶謫詩多憂鬱淒楚之音軾嘗評其南澗中詩引

老杜云王侯與螻蟻同盡隨丘墟儀曹何憂之深也若

惠州諸作無不寬然有餘地此其所得深矣

軾和陶集曰去歲三月自水東嘉祐寺遷合江樓迨

欽定四庫全書

御選唐宋詩醇

十

卷四十一

惠州之東江谿合流有橋多廢壞以小舟渡羅浮道
士鄧守安始作浮橋以四十舟為二十舫鐵鎖石甃
隨水漲落榜曰東新橋州西豐湖上有長橋屢作屢

壞栖禪院僧希固築進兩岸為飛樓九間盡用石鹽
木堅若鐵石榜曰西新橋皆以紹聖三年六月畢工
作二詩落之

東新橋

羣鯨貫鐵索背負橫空覓首搖翻雪江尾插崩雲谿機
牙任信縮漲落隨高低轆轤卷巨索青蛟挂長堤奔舟
免狂觸脫筏防撞擠一橋何足云謹傳廣東西父老有
不識喜笑爭攀躋魚龍亦驚逃雷電生馬蹏嗟此病涉

欽定四庫全書

御選唐宋詩醇

卷四十一

土

久公私困留稽姦民食此險出沒生鳬鷺似賣失船壺
如去登樓梯不知百年來幾人隕沙泥豈知濤瀾上安
若堂與閨往來無晨夜醉病休扶攜使君飲我言妙割
無牛雞不云二子勞歎我捐腰犀自注二士造橋予嘗助施犀帶我亦

壽使君一言聽扶藜常當修未壞勿使後噬臍

先寫浮橋之狀次言橋成之利而以常當修未壞終之
驚采絕艷直是為浮橋作贊頌前賢詩中無此偓奇

西新橋

昔橋木千柱挂湖如斷霓浮梁陷積淖破板隨奔谿笑
看遠岸沒坐覺孤城低聊因三農隙稍進百步堤炎州
無堅植潦水輕推擠千年誰在者鐵柱羅浮西獨有石
鹽木白蛇不敢躋似開銅駝峰如鑿鐵馬蹏岌岌類鞭

石山川非會稽嗟我久閣筆不書紙尾鷺蕭然無尺筆
欲構飛空梯百夫下一杙椓此百尺泥自注橋柱石礲
椓入泥中丈餘謂之頂椿探囊賴故侯寶錢出金闕自注子由之婦
史頃入內得賜黃金錢數父老喜雲集簞壺無空攜三日飲不敢殺盡

欽定四庫全書

御選唐宋詩醇

卷四十一

十三

西村難似聞百歲前海近湖有犀自注橋下舊名鰐湖
蓋嘗有鰐之類那知陵谷變枯瀆生茭藜後來勿忘今冬涉水過臍

序記事跡與東橋體格不同而波濶意度曲折恣肆獨
以和韻顯其奇

白鶴峰新居欲成夜過西鄰翟秀才二首

林行婆家初閉戶翟夫子舍尚留關連娟缺月黃昏後
縹渺新居紫翠間繫悶豈無羅帶水割愁還有劍鋒山
自注韓退之云水作青羅帶山如碧玉參柳子厚云
海上尖鋒若劍鋒秋來處處割愁腸皆嶺南詩也

中

原北望無歸日鄰火村春自往還

甕間畢卓防偷酒壁後匡衡不點燈待鑿平江百尺井
要分清署一壺冰佐卿恐是歸來鶴次律寧非過去僧
他日莫尋王粲宅夢中來往本何曾

首作元微鮮妍揮毫卓犖次作以意貫串故役事繁而
思不隔不善學之不轉成點鬼簿耶

石林詩話曰詩篇當有操縱不可拘用一律蘇子瞻
詩林行婆家初閉戶翟夫子舍尚留關始讀殆不可
測其意蓋下有連娟缺月四句則入頭不怕放行寧
傷初拙也

縱筆

白頭蕭散滿霜風小閣藤牀寄病容報道先生春睡美
道人輕打五更鐘

王十朋曰按此詩執政聞而怒之再貶儋耳

種茶

松間旅生茶已與松俱瘦茨棘尚未容蒙翳爭交構天

公所遺棄百歲仍稚幼紫筍雖不長孤根乃獨壽移栽
白鶴嶺土軟春雨後彌旬得連陰似許晚遂茂能忘流
轉苦戢戢出鳥喙未任供臼磨且可資摘嗅千團輸大
官百餅銜私鬪何如此一啜有味出吾固

曰能忘流轉苦詞旨了然可見

白鶴山新居鑿井四十尺遇磐石石盡乃得泉
海國因蒸溽新居利高寒以彼陟降勞易此寢處乾但

白鶴山新居鑿井四十尺遇磐石石盡乃得泉

苦江路峻常慙汲腰酸矻矻煩四夫碗碗斲層巒彌旬
得尋丈下有青石磐終日但逆火何時見飛瀾豐我粲
與醪利汝椎與鑽山石有時盡我意殊未闡今朝僮僕
喜黃土復可搏晨瓶得雪乳莫甕停冰湍我生類如此
何適不艱難一勺亦天賜曲肱有餘歡

艱難二字為通首點睛處借題抒寫興美無窮

三月二十九日二首

南嶺過雲開紫翠北江飛雨送淒涼酒醒夢回春盡日

閉門隱几坐燒香

門外橘花猶的爛牆頭荔子已爛斑樹暗草深人靜處捲簾欹枕臥看山

吾謫海南子由雷州被命即行了不相知至梧迺聞尚在藤也旦夕當追及作此詩示之

九疑聯縵屬衡湘蒼梧獨在天一方孤城吹角烟樹裏落日未落江蒼茫幽人拊枕坐歎息我行忽至舜所藏江邊父老能說子白須紅頰如君長莫嫌瓊雷隔雲海

欽定四庫全書
御選唐宋詩醇
卷四十一
十五

聖恩尚許遙相望平生學道真實意豈與窮達俱存亡天其以我為箕子要使此意留要荒他年誰作輿地志海南萬古真吾鄉

水天景色離合情懷極排解乃極沉痛

鶴林玉露曰子瞻謫儋州子由謫雷州皆章惇取其

字之偏傍而謔之當時有術士曰儋字從立人子瞻其北歸乎雷字雨在田上承天之澤子由其未艾乎

後皆驗

行瓊儋間肩輿坐睡夢中得句云千山動鱗甲萬

谷酣笙鐘覺而遇清風急雨戲作此數句

四州環一島百洞蟠其中我行西北隅如渡月半弓登

高望中原但見積水空此生當安歸四顧真途窮眇觀大瀛海坐詠談天翁茫茫太倉中一米誰雌雄幽懷忽破散永嘯來天風千山動鱗甲萬谷酣笙鐘安知非羣仙釣天宴未終喜我歸有期舉酒屬青童急雨豈無意催詩走羣龍夢雲忽變色笑電亦改容應怪東坡老顏

欽定四庫全書
御選唐宋詩醇
卷四十一
十六

衰語徒工久矣此妙聲不聞蓬萊宮

行荒遠僻陋之地作騎龍弄鳳之思一氣浩歌而出天風浪浪海山蒼蒼足當司空圖豪放二字

苕溪漁隱叢話曰幽懷忽破散四句蓋風來則千山草木俱動如動鱗甲萬谷號呼有聲如酣笙鏞耳

次前韻寄子由

我少即多難遭回一生中百年不易滿寸寸彎強弓老矣復何言榮辱今兩空泥洹尚一路
自注古語云十方薄伽梵一路涅槃

門梵語泥洹
此云涅槃

所向餘皆窮似聞崆峒西仇池迎此翁胡

為適南海復駕垂天雄下視九萬里浩浩皆積風回望

古合州屬此琉璃鐘離別何足道我生豈有終渡海十年歸方鏡照兩童還鄉亦何有暫假壺公龍峩眉向我

笑錦水為君容天人巧相勝不獨數子工指點昔遊處

蒿萊生故宮

其胸次實為天空海闊非是無聊解免之詞

遷居之夕聞鄰舍兒誦書欣然而作

欽定四庫全書

御選唐宋詩醇

卷四十一

七

幽居亂龜蛇生理半人禽楚然已可喜况聞弦誦音兒聲自圓美誰家兩青衿且欣集齊咻未敢笑越吟九齡起韶石姜子家日南吾道無南北安知不生今海闊尚挂斗天高欲橫參荆榛短牆缺燈火破屋深引書與相和置酒仍獨斟可以侑我醉琅然如玉琴

謫居荒陋聞誦讀而欣然乃是恒情所同最愛海闊數句寫出一時情景別具興會文采欲飛

觀慕

予素不解棊嘗獨游廬山白鶴觀觀中人皆閨戶晝寢獨聞棊聲於古松流水之間意欣然喜之自爾欲學然終不解也兒子過迺麤能者儕守張中日從之戲予亦偶坐竟日不以為厭也

五老峰前白鶴遺趾長松蔭庭風日清美我時獨游不逢一士誰歟棊者戶外屢二不聞人聲時聞落子紋枰坐對誰究此味空鉤意釣豈在鯈鯉小兒近道剥啄信指勝固欣然敗亦可喜優哉游哉聊復爾耳

欽定四庫全書

御選唐宋詩醇

卷四十一

大

軾嘗論司空圖碁聲花院閉幡影石幢高之句以為吾嘗獨入白鶴觀松陰滿地不見一人惟聞碁聲然後知此句之工但恨其寒儉有僧態數語可謂定評矣比四言一章則甚似規撫二十四品之文者清幽靜妙真得味外之味然何嘗帶一毫寒儉氣耶

深雪偶談曰四言自韋孟司馬遷相如班固東晉陶潛韓愈柳宗元梅堯臣歐陽修王安石蘇軾工拙畧見嘗怪五言而上世人往往極其才之所至而四言

雖文詞鉅伯輒不能工水心有是言矣劉潛夫亦以

四言尤難三百五篇在前之故余思四言如律以三

百五篇則韋氏為工世殊體異後之銘詩莫非四言

也安石以上諸公未暇深論如蘇公所撰范蜀公誌

銘余每展卷輒為擊節在儋耳作觀碁詩其寂寒冷
落之味可以想見坡公四言於古近體中句語無適
而不高妙也

因學紀聞曰觀碁詩誰歟碁者用檀弓文法

欽定四庫全書

御選唐宋詩醇

九

苦溪漁隱叢話曰夢得觀碁歌云初疑磊落曙天星
次見搏擊三秋兵雁行布陣衆未曉虎穴得子人皆
驚余嘗愛此數語能摹寫奕碁之趣夢得必高於手
談也至東坡觀碁則云勝固欣然敗亦可喜優哉游

糴米

糴米買束薪百物資之市不緣耕樵得飽食殊少味再
拜請邦君願受一廛地知非笑昨夢食力勉內愧春秧

幾時花夏裨忽已穟張馬撫耒耜誰復識此意

此與陶潛詩云田家豈不苦弗獲辭此難四體誠乃疲

庶無異患干同為學道有得之語

擷菜并引

吾借王參軍地種菜不及半畝而吾與過子終年飽
菜夜半飲醉無以解酒輒擷菜煮之味含土膏氣飽
風露雖梁肉不能及也人生須底物而更貪耶乃作

四句

欽定四庫全書

御選唐宋詩醇

十

秋來霜露滿東園蘆菔生兒芥有孫我與何曾同一飽
不知何苦食雞豚

見到之言不嫌直遂

次韻子由月季花再生

幽芳本長春暫瘁如蝕月且當付造物未易料枯朽也
知宿根深便作紫筍出乘時出婉婉為我暖栗烈先生
蚤貴重廟論推英拔而今城東瓜不記召南芟陋居有
遠寄小圃無閑躡還為久處計坐待行年匝

自注子由
明年六十

臘果綴梅枝春杯浮竹葉誰言一萌動已覺萬木活聊

將玉藥新自注世謂此玫瑰花也插向綸巾折

誰言一萌動二語覺春風太和自襟抱間

次韻子由浴罷

理髮千梳淨風晞勝湯沐閑息萬竅通霧散名乾浴頽然語默喪靜見天地復時令具薪水漫欲濯腰腹陶匠不可求盆斛何由足自注海南無浴器故常乾浴而已老雞臥糞土振

羽雙暝日倦馬驟風沙奮鬢一噴玉垢淨各殊性快愜

欽定四庫全書

卽選唐宋詩醇

卷四十一

主

聊自沃雲母透蜀紗琉璃瑩蘄竹稍能夢中覺漸使生處熟楞嚴在牀頭妙偈時仰讀反流歸照性獨立遺所矚未知仰山禪已就季主卜安心會自得助長母相督觸處圓通了無罣礙

十二月十七日夜坐達曉寄子由

燈燼不挑垂暗藥爐灰重撥尚餘薰清風欲發鴉翻樹

缺月初升犬吠雲閉眼此心新活計隨身孤影舊知聞

雷州別乘應危坐跨海幽光與子分

淒寂之境寫得雞犬皆仙超然玄著

子由生日

上天不難知好惡與我一方其未定間人力破陰隲小忍待其定報應真可必季氏生而仁觀遇見其實端如柳下惠焉往不三黜天有時而定壽考未易畢兒孫七

男子自注子由三子四孫次第皆逢吉遙知設羅門獨掩懸磬室

回思十年事無愧箋中筆但願白髮兄年年作生日

語語朴摯祝頌乃弟之體故當如是

欽定四庫全書

卽選唐宋詩醇

卷四十一

主

以黃子木拄杖為子由生日之壽

靈壽扶孔光菊潭飲伯始雖云閒草木豈樂蒙此恥一時偶收用千載相癱疚海南無嘉植野果名黃子堅瘦多節目天材任操倚嗟我始剪裁世用或緣此貴從老

夫手往配先生几相從歸故山不愧仙人杞自注本草枸杞一名

杖仙人

從老夫手配先生几嗟余寡兄弟四海一子由此語老而益信

儋耳

霹靂收威莫雨開獨憑欄檻倚崔嵬垂天唯霓雲端下快意雄風海上來野老已歌豐歲語除書欲放逐臣回殘年飽飯東坡老一壑能專萬事灰

崎嶇雄姿經挫折而不稍損抑養浩然之氣於此見其心聲

蘇轍曰東坡居士謫居儋耳宜家羅浮之下獨與幼子過負擔渡海葺茅竹而居之日啞諸芋而華屋玉

食之念不存於胸中平生無所嗜好以圖史為園囿文章為鼓吹至是亦皆罷去猶獨喜為詩精深華妙不見老人衰憊之氣

馮景曰唐書吳武陵與孟簡書云雷砰電射天怒也不能終朝柳宗元之貶已十二年矣聖人在上安有

畢世而怒人臣耶公起句暗用其意

新居

朝陽入北林竹樹散疎影短籬尋丈間寄我無窮境舊

居無一席逐客猶遭屏結茅得茲地翳翳村巷永數朝風雨涼畦菊發新穎俯仰可卒歲何必謀二頃

幸得一廛蕭條高寄仁智所樂不勝娛衷散賞非夫澄懷觀道曷克有此

軾答程全父推官書曰初至僦官屋數椽近復遭逐不免買地結茅僅免露處而農裝為一空困厄之中何所不有置之不足道聊為一笑而已

施元之曰東坡至儋耳軍使張中請館於行衙又別

欽定四庫全書

御選唐宋詩醇

卷四十一

欽定四庫全書

御選唐宋詩醇

卷四十一

西

飾官舍為安居計朝廷命湖南提舉常平董必者察訪廣西遣使臣過海逐出之中坐黜死雷州監司悉鐫秩遂買地築室為屋五間潮人王介石為客於儋躬泥水之後其勞甚於家隸故詩有逐客猶遭屏句倦夜

倦枕厭長夜小窗終未明孤村一犬吠殘月幾人行衰鬢久已白旅懷空自清荒園有絡緯虛織竟何成

虛廓寂寥具臻妙境

縱筆三首

錄一
首

寂寂東坡一病翁白鬚蕭散滿霜風小兒誤喜朱顏在一笑那知是酒紅

容齋五筆曰樂天詩云醉貌如霜葉雖紅不是春坡則曰小兒誤喜朱顏在一笑那知是酒紅采舊公案而機杼一新前無古人於是為至

貧家淨掃地

貧家淨掃地貧女好梳頭下士晚聞道聊以拙自修叩

欽定四庫全書

御選唐宋詩醇
卷四十一

五

門有佳客一飯相邀留春炊勿草草此客未易媿慎勿用勞薪感我如薰猶德人抱衡石銖黍安可度

起二語瞽空而入是詩家興體

庚辰歲人日作時聞黃河已復北流老臣舊數論

此今斯言乃驗二首

錄一
首

老去仍棲隔海村夢中時見作詩孫天涯已慣逢人日歸路猶欣過鬼門三策已應思賈讓孤忠終未赦虞翻典衣剩買河源米屈指新芻作上元

方回曰前輩論詩文謂子美夔州後詩東坡嶺外文老筆愈勝少作而中年亦未若晚年也此詩元符三年東坡年六十五謫居儋耳所作人日鬼門之對極工

劉辰翁曰夢中時見作詩孫此句為仲虎發也陸務觀云在蜀見蘇山藏公墨迹疊韻詩後題云寄作詩孫符符字仲虎

施元之曰神宗元豐四年澶州言河決小吳埽詔東

欽定四庫全書

御選唐宋詩醇
卷四十一

五

行河道已填淤不可復更不修閑哲宗元祐三年安燾等疏議回河東流文忠烈呂正愍從而和之力主

其議子由在西掖言於呂正獻曰河決而北先帝不能回而諸公欲回之是自謂過先帝也正獻曰當與

公籌之然竟莫能奪其後遂興議論紛然至於累歲公嘗侍上讀祖宗寶訓因及時事曰黃河勢方北流而強之使東當局者恨之老臣舊數論此指此事也

庚辰歲正月十二日天門冬酒熟予自漉之且漉

且嘗遂以大醉二首

錄一
首

自撥牀頭一甕雲幽人先已醉濃芬天門冬熟新年喜
麴米春香並舍聞自注杜子美詩云聞道
雲安麴米春蓋酒名也菜圃漸疎花
漠漠竹扉斜掩雨紛紛擁裘睡覺知何處吹面東風散
纈紋

花雨於醉中見之別饒情趣

汲江煎茶

活水還須活火烹自注唐人云茶須
緩火炙活火煎自臨釣石取深清

欽定四庫全書

御選唐宋詩醇
卷四十一

三

常之石四也東坡自汲非遣卒奴五也大瓢貯月歸
春甕小杓分江入夜瓶其狀水之清美極矣分江二字此尤難下雪乳已翻煎處腳松風忽作瀉時聲此倒語也尤為詩家妙法即少陵紅稻啄餘鸚鵡粒碧梧棲老鳳凰枝也枯腸未易禁三椀臥聽山城長短更又翻却盧仝公案全喫到七椀坡不禁三椀山城更漏無定長短二字有無窮之味

欽定四庫全書

御選唐宋詩醇
卷四十一

三

予來儋耳得吠狗曰烏臂甚猛而馴隨予遷合浦過澄邁泗而濟路人皆驚戲為作此詩

大瓢貯月歸春甕小杓分江入夜餅茶雨已飄煎處腳松風忽作瀉時聲枯腸未易禁三椀坐聽荒城長短更舒促離合若風湧雲飛揚萬里輦曲為疏解似反失其趣詣

苦溪漁隱叢話曰此詩奇甚道盡烹茶之要且茶非活水則不能發其鮮馥東坡深知此理矣

楊萬里曰東坡煎茶詩云活水還須活火烹自臨釣石汲深清第二句七字而具五意水清一也深處取

清者二也石下之水非有泥土三也石乃釣石非尋常之石四也東坡自汲非遣卒奴五也大瓢貯月歸春甕小杓分江入夜瓶其狀水之清美極矣分江二字此尤難下雪乳已翻煎處腳松風忽作瀉時聲此倒語也尤為詩家妙法即少陵紅稻啄餘鸚鵡粒碧梧棲老鳳凰枝也枯腸未易禁三椀臥聽山城長短更又翻却盧仝公案全喫到七椀坡不禁三椀山城更漏無定長短二字有無窮之味

欽定四庫全書

御選唐宋詩醇
卷四十一

三

予來儋耳得吠狗曰烏臂甚猛而馴隨予遷合浦過澄邁泗而濟路人皆驚戲為作此詩

烏啄本海獒幸我為之主食餘已瓠肥終不憂鼎俎畫

馴識賓客夜悍為門戶知我當北還掉尾喜欲舞跳浪

趁童僕吐舌喘汗雨長橋不肯躡徑渡清深浦拍浮似

鵝鴨登岸劇虓虎盜肉亦小疵鞭箠當貫汝再拜謝厚恩天不遺言語何當寄家書黃耳定乃祖

一時戲筆摹繪入情至盜肉亦小疵鞭箠當貫汝二句

其寓意者深矣

澄邁驛通潮閣二首

倦客愁聞歸路遙
眼明飛閣俯長橋
貪看白鷺橫秋浦
不覺青林沒晚潮

餘生欲老海南村
帝遣巫陽招我魂
杳杳天低鶴沒處
青山一髮是中原

羈望深情含蘊無際

苦溪漁隱叢話曰
通潮閣詩云杳杳天低鶴沒處青

欽定四庫全書

御選唐宋詩醇

卷四十一

元

山一髮是中原
伏波將軍廟碑有
雲南望連山若有
若無杳杳一髮耳
其語怪奇兩用之
蓋得意也

六月二十日夜渡海

參橫斗轉欲三更
苦雨終風也解晴
雲散月明誰點綴
天容海色本澄清
空餘魯叟乘桴意
麤識軒轅奏樂聲
九死南荒吾不恨
茲遊奇絕冠平生

高闊空明非實身
有仙骨莫能有其隻字

方回曰紹聖四年丁丑東坡在惠州年六十二矣五

月再謫瓊州別駕昌化軍安置即儋耳也以六月二十日夜渡海七月十三日至儋州或謂尾句太過無省愆之意殊不然也章子厚蔡卞欲殺之而處之怡然當此老境無怨無怒以為茲遊奇絕真了生死輕得喪天人也

次韻王鬱林

晚塗流落不堪言
海上春泥手自翻
漢使節空餘皓首
故侯瓜在有頽垣
平生多難非天意
此去殘年盡主恩

欽定四庫全書

御選唐宋詩醇

卷四十一

三

誤辱使君相杖拭
寧聞老鶴更乘軒
忠厚悱惻大雅遺音

藤州江下夜起對月贈邵道士

江月照我心江水洗我肝
端如徑寸珠墮此白玉盤
我心本如此月滿江不湍
起舞者誰歟莫作三人看
崎南瘴毒地有此江月寒
乃知天壤間何人不清安
牀頭有白酒盃若白露溥
獨醉還獨醒夜氣清漫漫
仍呼邵道士取琴月下彈
相將乘一葉夜下蒼梧灘

舒元輿序白一篇只辨形容擬議猶是日下孤燈伎倆此詩乃能證出妙明心直是照天照地

廣倅蕭大夫借前韻見贈復和答之二首

錄一
首

生還麤勝虞蚤退不如疎垂死初聞道平生誤信書風濤驚夜半疾病送災餘賴有蕭夫子幽懷得少攄軾詩好用古人姓壓韻前人有譏之者若此詩起二句亦是習氣未除而格韻則高堅於晚節矣

次韻韶倅李通直二首

錄一
首

一篇瀧吏可書紳莫向長沮更問津老去常憂伴新鬼歸來且喜是陳人曾陪令尹蒼髯古又見郎君白髮新回首天涯一惆悵郤登梅嶺望楓宸

李伯時畫其弟亮功舊隱宅圖

樂天蚤退今安有摩詰長閒古亦無五訛自裁池上竹十年空看輞川圖近聞陶令開三徑應許揚雄寄一區晚歲與君同活計如雲鵝鴨散平湖池上承樂天句輞川承摩詰句陶令比李揚雄自喻一

意直下舒展自如斯為律詩神境

贈嶺上老人

鶴骨霜鬚心已灰青松合抱手親栽問翁大庾嶺頭住

曾見南遷幾箇回

高朗得青蓮之一體

娛書堂詩話曰東坡還至庾嶺上小憩村店有一老翁出問從者曰官為誰曰蘇尚書曰是蘇子瞻歟曰是也乃前揖坡曰我聞人害公者百端今日北歸是

天祐善人也東坡笑而謝之因題此詩於壁

予昔過嶺而南題詩龍泉鐘上今復過而北次前韻

秋風卷黃落朝雨洗綠淨人貪歸路好節近中原正下嶺獨徐行艱險未敢忘遙知叔孫子已致魯諸生刻意斲削節短而味長

陸游曰建中初韓曾二相得政盡收用元祐人其不召者亦補大藩惟東坡兄弟猶領宮祠未旬蓋寓所

謂不能致者二人意深語緩尤未易窺測

過嶺二首

暫著南冠不到頭，郤隨北雁與歸休。
平生不作兔三窟，今古何殊貉一丘。
當日無人送臨賀，至今有廟祀潮州。
劍關西望七千里，乘興真為玉局游。

七年來往我何堪，又試曹溪一勺甘。
夢裡似曾遷海外，醉中不覺到江南。
波生濯足鳴空澗，霧繞征衣滴翠嵐。

誰遣山雞忽驚起，半嵒花雨落毵毵。

欽定四庫全書

御選唐宋詩醇

卷四十

三

視遷謫猶醉夢，中知其胸中別有澄定者，在

方回曰紹聖元年甲戌貶惠州四年丁丑貶儋耳明

年元豐戊寅改元三年庚辰量移廉州永州自便凡
七年楊憑貶臨賀尉惟徐晦送之此事極切夢裏似

曾遷海外此聯甚佳殊不以遷謫為意也

留題顯聖寺

渺渺疎林集晚鴉，孤村烟火梵王家。
幽人自種千頭橘，遠客來尋百結花。
浮石已乾霜後水，焦坑閒試雨前茶。

祇疑歸夢西南去，翠竹江村遼白沙。

歇白塔鋪

甘山廬阜鬱長望，林隙依稀漏日光。
吳國晚蠶初斷葉，占城蚤稻欲移秧。
迢迢澗水隨人急，冉冉巖花撲馬香。
望眼儘從飛鳥遠，白雲深處是吾鄉。

歇孤臺

自注再過虔
州和前韻

吾生如寄耳嶺外亦閒游，贛石三百里寒江尺五流。
楚山微有霰，越瘴久無秋。望斷橫雲嶠，竟飛咤雪洲。
曉鐘鶴化甘作賈，胡留祇有貂裘在。猶堪買釣舟。

欽定四庫全書

御選唐宋詩醇

卷四十一

三

時出寺暮鼓，各鳴樓歸路。迷千嶂，勞生閱百州。
不隨猿鶴化，甘作賈胡留。祇有貂裘在，猶堪買釣舟。
深穩之至彌出清新。吾生如寄耳，一句集中屢見其
橫溢固不屑屑於此也。

次韻江晦叔二首

錄一

鐘鼓江南岸，歸來夢自驚。浮雲世事改，孤月此心明。
雨已傾盆落，詩仍翻水成。二江爭送客，木杪看橋橫。
冲襟內益見，於文詞無不邃然入理。

苕溪漁隱叢話曰東坡自嶺外歸次韻江晦叔云浮

雲世事改孤月此心明語意高妙如參禪悟道之人

吐露胸襟無一毫窒礙也

困學紀聞曰浮雲世事改孤月此心明坡公晚年所造深矣更無柳絮隨風起惟有葵花向日傾見司

馬公之心浮雲世事改孤月此心明見東坡公之心

寒日與器之游南塔寺寂照堂

城南鐘鼓闢清新端為投荒洗瘴塵總是鏡空堂上客

欽定四庫全書

御選唐宋詩醇

卷四十一

誰為寂照境中人紅英掃地風驚曉綠葉成陰雨洗春

記取明年作寒食杏花曾與此翁鄰

花落木榮不言人事而人事之變遷自見寄嘵良深

贈詩僧道通

雄豪而妙苦而腴祇有琴聰與蜜殊

自注錢塘僧思聰
總角善琴後捨琴

而學詩復棄詩而學道其詩似皎然而加雄放安州僧仲殊詩敏捷立成而工妙絕人殊辟穀常啖蜜

帶烟霞從古少

自注李太白云他人之文

氣含蔬筍到

公無

自注謂無酸餡氣也

香林乍喜聞簷蜀古井惟慙斷轆轤為

報韓公莫輕許從今豈可是詩奴

氣含蔬筍是以諧語入詩遂成千古名論世之開堂

為人者能得斯意定知兔園四六敗簏時文撮合補綴不足為支那撰述而具正法眼藏者即如不搽紅粉也風流只要檀郎認得聲等句皆為解第一義也

石林詩話曰唐詩僧中葉以後其名字班班為時所稱者甚多然詩皆不傳如經來白馬寺僧到赤烏年

數聯僅見文士所錄而已陵遲至貫休齊已之徒其

詩雖存然無足言矣中間惟皎然最為傑出故其詩

十卷獨全亦無甚過人處近世僧學詩者極多皆無

超然自得之氣往往反拾綴模倣士大夫所殘棄又

自作一種體格尤凡俗世謂之酸餡氣予贍贈惠

通詩云語帶烟霞從古少氣含蔬筍到公無嘗語人

曰頗解蔬語否為無酸餡氣也聞者莫不大笑

西清詩話曰東坡言僧詩要無蔬筍氣固詩人龜鑑

今時誤解便作世網中語殊不知本分家風水邊林

下氣象蓋不可無若盡洗去清拔之韻便與俗同科
又何足尚

竹坡詩話曰思聰杭州孤山僧東坡倅杭令和參寥
子晉字韻詩云千點亂山橫紫翠一鉤新月掛黃昏
大加稱賞大觀政和間挾琴游梁日登中貴人之門
久之遂還俗為御前使臣方其將冠巾也蘇叔黨因
浙僧入都送之詩云試誦北山移為我招琴聰詩至
已無及矣

予昔作壺中九華詩其後八年復過湖口則石已
為好事者取去乃和前韻以自解云

江邊陣陣馬走千峰問訊方知冀北空尤物已隨清夢斷

自注劉夢得以九華為造物一尤物真形猶在畫圖中

自注道藏有歸來五岳真形圖歸來

晚歲同元亮郤掃何人伴敬通賴有銅盆修石供仇池
玉色自璁瓈

自注家有銅盆貯仇池石正綠色有洞水達背予又嘗以怪石供佛印師作怪石供

一篇

次韻郭功甫二首

錄一

蚤知臭腐即神奇海北天南總是歸九萬里風安稅駕
雲鵬今悔不卑飛

以謫宦為搏扶撥卑飛於厚祿偶露不平之鳴翻案獨絕
林子仁曰功甫觀先生畫雪雀有感作詩寄惠州云
平生才力信瑰奇今在窮荒豈易歸正似雪林枝上
畫羽翰雖好不能飛後先生北歸又用前韻寄詩云
秋霜春雨不同時萬里今從海外歸已出網羅毛羽
在却尋雲跡帖天飛今次其韻也

宋復古畫瀟湘晚景圖三首

西征憶南國堂上畫瀟湘照眼雲山出浮空野水長舊
游心自省信手筆都忘會有衡陽客來看意渺茫

落落君懷抱山川自屈蟠經營初有適揮灑不應難江

市人家少烟村古木攢知君有幽意細細為尋看

咫尺殊非少陰晴自不齊徑蟠趨後崦水會赴前溪自
說非人意曾經入馬蹏他年宦遊處應話劍山西

首篇言畫之梗概終篇言畫之曲折中篇乃以前四句

承上後四句起下結構森嚴不但霞綺水瑩獨標瓊穎

嘲子由

堆几盡埃簡攻之如蠹蟲誰知聖人意不在古書中
正是讀書萬卷人語不悅學者不能道通雅稱馮開之
云讀書太樂則漫太苦則澁董遇之百遍考亭之半日
淵明之不求甚解東坡之每事一過其各得於輪扁之
甘苦者乎數語可為此詩注脚

第五橋

欽定四庫全書

御選唐宋詩醇

卷四十一

三

白露淒風洗瘴烟夢回相對兩淒然雀羅廷尉非當日
鳩杖先生愈少年世事飽諳思縮手主恩未報恥歸田
誰憐第五橋東水獨照台州老鄭虔

五六一聯詞意深厚

軒牕

東鄰多白楊夜作雨聲急牕下獨無眠秋蟲見燈入

魚

湖上移魚子初生不畏人自從識釣餌欲見更無因

御選唐宋詩醇卷四十一

欽定四庫全書

御選唐宋詩醇

卷四十一

四



總校官庶吉士臣張能照
校對官中書臣王 璞
謄錄貢生臣湯安泰

欽定四庫全書叢書要

御選唐宋詩醇卷四十二
集部

欽定四庫全書叢書要

御選唐宋詩醇卷四十二

山陰陸游詩一

目錄

寄酬曾學士學宛陵先生體比得書云所寓廣教

僧舍有陸子泉每對之輒奉懷

送曾學士赴行在

新夏感事

欽定四庫全書

御選唐宋詩醇
卷四十二 目錄

留題雲門草堂

度浮橋至南臺

還縣

航海

東陽道中

送七兄赴揚州帥幕

以石芥送劉韶美禮部劉比釀酒勁甚因以為戲

寄張真父舍人

詳校官原任主事臣李斯冰

病中簡仲彌性唐克明蘇訓直

晚泊慈姥磯下

夜宿陽山磯將曉大雨北風甚勁俄頃行三百餘

里遂抵鴈翅浦

送全州趙都曹

病中作

醉中歌

上己臨川道中

欽定四庫全書

御選唐宋詩醇
卷四十二目錄

二

隨意

遊山西村

雨霽出遊書事

上虞逆旅見舊題歲月感懷

題十八學士圖

夜聞松聲有感

十二月一日

宿楓橋

雨中泊趙屯有感

秋風

重陽

沙頭

移船

將離江陵

滄灘

松滋小酌

欽定四庫全書

御選唐宋詩醇
卷四十二目錄

三

晚泊松滋渡口

繫舟下牢溪遊三游洞二十八韻

秋風亭拜寇萊公遺像

聞猿

瞿唐行

蹋磧

鄉中每以寒食立夏之間省墳客夢適逢此時悽

然感懷

風雨中望峽口諸山奇甚戲作短歌

晚晴聞角有感

畏虎

鄰水延福寺早行

大安病酒留半日王守復來招不往送酒解醒因

然有賦

小飲江月館

曉發金牛

山南行

欽定四庫全書

御選唐宋詩醇
卷四十二 目錄

欽定四庫全書

御選唐宋詩醇
卷四十二 目錄

五

和高子長參議道中

次韻張季長題龍洞

太息

閨中作

遊錦屏山謁少陵祠堂

歸次漢中境上

南沮水道中

長木夜行抵金堆市

赴成都泛舟自三泉至益昌謀以明年下三峽

雪晴行益昌道中頗有春意

劍門道中遇微雨

劍門城北回望劍闕諸峯青入雲漢感蜀亡事慨

綿州魏城縣驛有羅江東詩云芳草有情皆礙馬
好雲無處不遮樓戲用其韻

東津

東山

綿州錄參廳觀姜楚公畫鷹少陵為作詩者

西郊尋梅

海棠

驛舍見故屏風畫海棠有感

登荔枝樓

凌雲醉歸作

醉中感懷

玻瓈江

送客至江上

九月十六日夜夢駐軍河外遣使招降諸城覺而

有作

成都行

初寒

木山

十月一日浮橋成以故事宴客凌雲

觀大散關圖有感

欽定四庫全書

御選唐宋詩醇
卷四十二 目錄

六

欽定四庫全書
御選唐宋詩醇
卷四十二
集部

山陰陸游詩一

三百篇之後自楚騷漢魏六朝以至於唐而詩之變盡矣變有極則所就亦以時異故宋人繼唐之後不規模擬前人要以自成一家而止然其體製雖殊而波瀾未嘗二也耳食之流未窺古人門戶於一代大家橫生訾議而不善學者又徒襲其聲貌亦兩失之矣宋自

欽定四庫全書

御選唐宋詩醇
卷四十二

南渡以後必以陸游為冠當時稱大家者曰蕭楊范陸楊萬里則曰尤蕭范陸至劉克莊乃曰放翁學力似杜甫又曰南渡而下放翁故為一大宗朱子與徐賡載書放翁詩讀之爽然近代惟見此人為有詩人風致今諸家詩具在可與游匹者誰也觀游之生平有與杜甫類者少歷兵間晚棲農畝中間浮沉中外在蜀之日頗多其感激悲憤忠君愛國之誠一寓於詩酒酣耳熱跌蕩淋漓至於漁舟樵徑茶椀爐熏或雨或晴一草一木莫

御選唐宋詩醇卷四十二目錄

不著為咏歌以寄其意此與甫之詩何以異哉詩至萬首瑕瑜互見評者以為譬之深山大澤包含者多不暇剪除蕩滌非如守半畝之宮一木一石可屈指計數可謂知言矣若捐疵類存英華畧纖巧可喜之詞而發其閑深微妙之指何嘗不與李杜韓白諸家異曲同工可以配東坡而無愧者哉茲所存者僅逾二十之一直使天青木響水落石出其有以破拘士之見而守劍南門戶者亦知所取則也夫

茶置風爐倘公無客時濯纓亦足娛井名本季疵思人理豈無居然及賤子媿謝恩意殊幾時得從公舊學鋤荒蕪古文講聲形誤字辨魯魚時時酌井泉露芽奉瓢孟不知公許否因風報何如

送曾學士赴行在

二月侍燕觴紅杏寒未坼四月送入都杏子已可摘流年不貸人俯仰遂成昔事賢要及时感此我心惻欲書加餐字寄之西飛翩念公為民起我得怨乖隔遙遙跋

前旌去去望車輶亭鄣鬱將暮落日澹波澤敢忘國士風涕泣效臧獲敬輸千一慮或取二三策公歸對延英清問方側席民瘼公所知願言寫肝膈向來酷吏橫至緘展矮紙滑細疑卵膚首言勞良苦後問逮妻孥中間勉以仕語意極勤渠字如老瘠竹墨淡行踪踈詩如古鼎篆可愛不可摹快讀醒人意垢癢逢爬梳細讀味益長炙轂出膏腴行吟坐卧看廢食至日晡想見落筆時萬象聽指呼亦知題詩處綠井石髮龐公閒計有客煎

前篇學宛陵此遂并近工部道義相勵辭意俱古

唐書劉晏傳州縣取富人督漕輒謂之船頭主郵遞

謂之捉驛稅外橫取謂之白著

新夏感事

百花過盡綠陰成漠漠爐香睡晚晴病起兼旬疎把酒
山深四月始聞鶯近傳下詔通言路已卜餘生見太平
聖主不忘初政美小儒惟有涕縱橫

者比

王士禎曰劉公載論詩云七律較五律多二字耳其

欽定四庫全書

御選唐宋詩辭

四

欽定四庫全書

御選唐宋詩辭

五

難什倍譬開硬弩祇到七分若到十分滿古今亦罕
矣予因思唐宋以來為此體者何翅千百人求其十
分滿者唯杜甫李頎李商隱陸游及明之空同滄溟
二李數家耳

文集曾文清公志銘太上憲秦氏專政之後開言路

獎孤直應詔論事者甚衆

留題雲門草堂

小住初為旬月期二年留滯未應非尋碑野寺雲生屢

送客溪橋雪滿衣親滌硯池餘墨瀆臥看爐面散煙霏
他年遊宦應無此早買漁蓑未老歸

度浮橋至南臺

客中多病廢登臨聞說南臺試一尋九軌徐行怒濤上
千艘橫繫大江心寺樓鐘鼓催昏曉墟落雲煙自古今
白髮未除豪氣在醉吹橫笛坐榕陰

領聯寫浮橋語頗偉麗五六雄渾中興象自遠有涵蓋

一切之氣

欽定四庫全書

御選唐宋詩辭

四

欽定四庫全書

御選唐宋詩辭

五

霧色清和日已長綸巾蕭散意差強飛飛鷗鷺陂塘綠
鬱鬱桑麻風露香南陌東村初過社輕裝小隊似還鄉
哦詩忘却登車去枉是人言作吏忙

三四間雅可愛畫手有不能寫處

航海

我不如列子神遊御天風尚應似安石悠然雲海中卧
者十幅蒲團彎若張弓潮來湧銀山忽復磨青銅飢鶴

掠船舷大魚舞虛空流落何足道豪氣蕩肺胸歌罷海動色詩成天改容行矣跨鵬背弭節蓬萊宮

東陽道中

風欹烏帽送輕寒雨點春衫作碎斑小吏知人當著句先安筆硯對溪山

送七兄赴揚州帥幕

初報邊烽照石頭旋聞胡馬集瓜州諸公誰聽芻蕘策吾輩空懷畎畝憂急雪打窗心共碎危樓望遠涕俱流

欽定四庫全書

御選唐宋詩辭

六

御選唐宋詩辭

卷四十二

七

豈知今日淮南路亂絮飛花送客舟

五句承上但覺忠憤填胸不復論其造句之警此子美嫡嗣他人不能到也

以石芥送劉韶美禮部劉比釀酒勁甚因以為戲古人重改陽城驛吾輩欣聞石芥名風味可人終骨梗

尊前真見魯諸生

草木名物見好賢之意風人微旨可以風世厲俗

元微之陽城驛詩商有陽城驛名同陽道州陽公沒

已久感我淚交流祠曹諱羊祜此驛何不侔我欲避公諱名為避賢郵

寄張真父舍人

諸公方衮衮無地著斯人萬里夔州守中朝禁省臣孤帆秋上峽五馬曉班春想見懷明主登臨白髮新

病中簡仲彌性唐克明蘇訓直

移疾還家暫曲肱依然耐久北窓燈心如澤國春歸雁身是雲堂旦過僧細雨佩壺尋廢寺夕陽下馬弔荒陵

欽定四庫全書

御選唐宋詩辭

卷四十二

七

小留莫厭時追逐勝社年來冷欲冰

原註三君皆有歸志故云

晚泊慈姥磯下

山斷峭崖立江空翠靄生漫多來往客不盡古今情月碎知流急風高覺笛清兒曹笑老子不睡待潮平

格力殊健起勢尤為挺拔

夜宿陽山磯將曉大雨北風甚勁俄頃行三百餘里遂抵雁翅浦

五更顛風吹急雨倒海翻江洗殘暑白浪如山潑入船

家人驚怖篤師舞此行十日苦滯留我亦蘆叢厭鳴艤

書生快意輕性命十丈蒲帆百夫舉星馳電驚三百里

坡隴聯翩雜平楚船頭風浪聲愈厲助以長笛搗鼉鼓
豈惟澎湃震山嶽直恐湧洞連后土起看草木盡南靡
水鳥號鳴集洲渚稽首龍公謝風伯區區未禱煩神許
應知老去負壯心戲遣窮途出豪語

王士禎曰南渡惟陸務觀為大宗七言遜杜韓蘇黃
諸大家正坐沈鬱頓挫少耳要非餘人所及

欽定四庫全書

御選唐宋詩牌
卷四十二

送全州趙都曹

霜葉無停聲脂車有行色正悲南浦秋又送清湘客啼
飢兒頰紅待養親髮白努力事上官世路日已迫
發端清妙後幅語帶憤激矣

病中作

豫章瀕大江氣候頗不令孟冬風薄人十室八九病外
寒客肺胃下濕攻脚脰俗巫醫不藝嗚呼安託命我始
屏藥囊治疾以清靜幻妄消六塵虛白全一性三日體

遂輕成此不戰勝長年更事多苦語君試聽

醉中歌

吾少貧賤真腥儒貪食嗜味老不除折腰歛版日走趨
歸來聊以醉自娛長餅巨榼羅盃不須漁翁勸三閭
牛尾膏美如凝酥猫頭輪囷欲專車黃雀萬里行頭顱
白纖作鮓天下無尋陽糖蟹徑尺餘吾州之蔊尤嘉蔬
珍盤餚百味俱不但項臍與腹腴悠然一飽自笑愚
顧為口腹勞形軀投効行矣歸園廬莫厭糲飯嘗黃菹

欽定四庫全書

御選唐宋詩牌
卷四十二

上己臨川道中

二月六夜春水生陸子初有臨川行溪深橋斷不得渡
城近卧聞吹角聲三月三日天氣新臨川道中愁殺人
纖纖女手桑葉綠漠漠客舍桃花春平生怕路如怕虎
幽居不省遊城府鶴軀苦瘦坐長飢龜息無聲惟默數
如今自憐還自笑歛版低心事年少儒冠未恨終自誤
刀筆最驚非素料五更欹枕一悽然夢裏扁舟水接天
紅蕖綠芰梅山下白墻朱樓禹廟邊

隨意

隨意上漁舟，幽尋不預謀。
清溪欣始泛，野寺憶前遊。
豐歲雞豚賤，霜天柿栗稠。
餘生知有幾，且置萬端憂。

起句之妙正以不著意得之
遊山西村

莫笑農家臘酒渾。豐年留客足。
雞豚山重水複疑無路，柳暗花明又一村。
箫鼓追隨春社近，衣冠簡朴古風存。

從今若許閒乘月，拄杖無時夜叩門。

欽定四庫全書

御選唐宋詩譜

十

欽定四庫全書

御選唐宋詩譜

十一

有如彈丸脫手不獨善寫難狀之景

雨霽出遊書事

十日苦雨一日晴，拂拭拄杖西。
村行清溝冷，流水細。
好風習習吹衣輕，四隣蛙聲已閣閣。
兩岸柳色爭青青。
辛夷先開半委地，海棠獨立方傾城。
春工遇物初不擇，亦秀燕麥開蕪菁。
齊花如雪又爛漫，百草紅紫那知名。
小魚誰取置道側，細柳穿頰危將烹。
欣然買放寄吾意，草萊無地蘇疲氓。

閒閒即目有鳶飛魚躍之意，末句一轉便追風人非大家，烏能有此。

上虞逆旅見舊題歲月感懷

孤店開時鶯亂啼，倦枕不成千里夢。
壞牆閒覓十年題，漆園傲吏猶非達物我。
區區豈足齊。

題十八學士圖

隋日昏曠東南，傾雷塘。
風吹草木腥平時，但忌黑色兒。

欽定四庫全書

御選唐宋詩譜

十二

不知乃有虬鬚生晉陽。
龍飛雲瀚瀚，闕洛萬里即日平。
東征歸來脫金甲，天策開府延豪英。
琴書閒暇永清晝，簪履光彩明華星。
高叅伊呂列佐命，下者才氣猶崢嶸。
但餘一恨到千載，高陽繆公來竄名。
老奸得志國幾喪，李氏誅徒連孤嬰。
向令亟念履霜戒，危亂安得存勾萌。
衆賢一佞既尚爾，掩卷涕淚臨風橫。
自古知人不易，一經指出便為炯戒。
此詩之有關政治者，筆亦勁直無比。

唐書秦王使閻立本圖像文學褚亮為之贊題名爵

里號十八學士圖

夜聞松聲有感

清晨放船落星石大風吹颶如箭激回頭已失廬山雲
却上吳城觀落日夜深龍歸孽祠門入木數寸留爪痕
明朝就視心尚慄腥風卷地雷霆奔歸船買酒持自慰

性命平生驚屢戲固知神怒有定時波紋蹙作魚鱗細
如今衰病卧林垌霜覆茆簷月滿庭松聲驚破三更夢

歸燕羈鴻共斷魂荻花楓葉泊孤村風吹暗浪重添繩
雨送新寒半掩門魚市人煙橫慘淡龍祠蕭鼓鬧黃昏
此身且健無餘恨行路雖難莫更論

潘問奇曰三四風景颯然五六亦稱

入蜀記大風解船經皖口至趙屯未朝食已行百五
十里而風益大乃泊夾中趙屯有戍兵亦小市聚也

欽定四庫全書
御選唐宋詩總
卷四十二
十一
猶作當時風浪聽

原註余丙戌七月自京口移官豫章冒風濤自星子解舟不半日至吳城

山小龍廟

十二月一日

東風吹斗柄暖律變嚴凝草色迷殘燒溪流帶斷冰兒
書春日榜女翦上元燈莫笑蒲龕睡山翁怯歲增

宿楓橋

七年不到楓橋寺客枕依然半夜鐘風月未須輕感慨
巴山此去尚千重

所謂一番拈起一番新也

雨中泊趙屯有感

欽定四庫全書
御選唐宋詩總
卷四十二
十三
夜雨

秋風

秋風吹客檣節物嘆遐方歲事忽云莫吾行殊未央霜
清漢水綠日落楚山蒼此去三巴路無猿亦斷腸

前四句疎宕五六撐拄得起結有餘力逼真盛唐格律

重陽

照江丹葉一林霜折得黃花更斷腸商畧此時須痛飲
細腰宮畔過重陽

王士禎曰偶與友人論宋人絕句若放翁照江丹葉
一林霜舟中一雨掃飛蠅江上荒城猿鳥悲諸篇皆
可直追唐音

入蜀記九日泊壩子磯求菊花於江上人家得數枝

芬馥可愛為之頽然徑醉

沙頭

游子行愈遠沙頭逢莫秋孫劉鶴足地荆益犬牙州鼓

角風雲慘江湖日夜浮此生應袞袞高枕看東流

雄渾悲壯直摩浣花之壘

移船

沙際舟銜尾相依作四隣暮年多感慨分路亦酸辛折
竹占行日吹簫賽水神無勞問亭驛久客自知津

將離江陵

莫莫過渡頭旦旦走隄上舟人與關吏見熟識顏狀癡
頑久不去常恐遭誚讓昨日倒檣竿今日聯百丈買薪
備雨雪儲米滿瓶盞明當遂去此障袂先側望即今孟

冬月波濤幸非壯潦收出奇石霧卷見疊嶂地嶮多崎
嶇峽束少平曠從來樂山水臨老愈跌宕皇天憐其狂
擇地令自放山花白似雪江水綠於釀竹枝本楚些妙

句寄悽愴何當出清詩千古續遺唱

入蜀記九月二十日倒檣竿立艤牀蓋上峽惟用艤

及百丈不復張帆矣百丈以巨竹四破為之大如人

臂予所乘千六百斛船用艤六枝百丈兩車

滄灘

百夫正謹助鳴艤舟中對面不得語須臾人散寂無譁
惟聞百丈轉兩車嘔嘔啞啞車轉急舟人已在沙際立
霧斂蘆村落照紅雨餘漁舍炊煙濕故鄉回首已千山
上峽初經第一灘少年亦慕宦遊樂投老方知行路難

松滋小酌

西遊六千里此地最淒涼騷客久埋骨巴歌猶斷腸風
聲撼雲夢雪意接瀟湘萬古茫茫恨悠然付一觴
五六翛然意遠兼有沈雄之氣孟浩然云獵響驚雲夢

漁歌激楚詞妙處故應遜此

晚泊松滋渡口

小灘拍拍麪鷓飛深竹蕭蕭杜宇悲看鏡不堪衰病後
繫船最好夕陽時生涯落魄惟耽酒客路蒼茫自咏詩
莫問長安在何許亂山孤店是松滋

繫舟下牢溪游三游洞二十八韻

舊觀三峽圖常謂非人情意疑天壤間豈有此崢嶸盡
師定戲耳聊欲窮丹青西游過汚鄂莽莽千里平昨日

到峽州所見始可驚乃知畫非妄却恨筆未精及茲下

牢戍峯嶂畢自呈下入裂坤軸高騫挿青冥角勝多列
時擅美有孤擇或如釜上甑或如坐後屏或如倨而立
或如喜而迎或深如螺房或疎如窗櫺峨巍冠冕古婀

娜髻鬟傾其間絕出者虎搏蛟龍蹲崖凜欲墮修梁
棲空橫懸瀑瀉無底終古何時盈幽泉莫知處但聞珩

珮鳴怪怪與竒竒萬狀不可名久聞三游洞疾走忘病
嬰竇穴初漆黑傴僂搘壁行方虞觸蟄蛇頬見一點明

扶接困僮奴恍然出瓶罌穹穹廈屋寬滴乳成微泓題

名歐與黃雲蒸蒼蘚平穿林走驚齧拂面逢飛鼯息倦
盤石上拾樵置茶鐺長嘯禽谷響清吟和松聲辭卑不

堪刻猶足寄友生

語奇句老頗近昌黎視南山蓋具體而微爾

秋風亭拜寇萊公遺像

江上秋風宋玉悲長官手自葺茅茨人生窮達誰能料

蠟淚成堆又一時

感慨繫之其風調致佳

王士禎曰詩意以蠟淚成堆為公貴後事按后山叢
談所記則自其微時已然既為宰相乃所謂無地起
樓臺相公也此萊公英雄本色所以不可及

入蜀記巴東謁寇萊公祠登秋風亭下臨江山是日
重陰微雪天氣颶飄復觀亭名使人悵然始有流落
天涯之歎

聞猿

瘦盡腰圍不為詩良辰流落自成衰也知客裏偏多感
誰料天涯有許悲漢塞角殘人不寐渭城歌罷客將離
故應未抵聞猿恨况是巫山廟裏時

排宕開闔波瀾無限格調自李商隱得之故自青出於
藍

瞿塘行

四月欲盡五月來峽中水漲何雄哉浪花高飛暑路雪
灘石怒轉晴天雷千艘萬舸不敢過篙工施師心膽破

人人陰拱待勢衰誰敢輕行犯奇禍一朝時去不自由

平如油

入蜀記入瞿塘峽兩壁對聳上入霄漢其平如削成
仰視天如足練然水已落峽中平如油盞

蹋磧

鬼門關外逢人日蹋磧千家萬家出竹枝慘戚雲不動
劔器聯翩日將夕行人十有八九瘦見慣何曾羞顧影

江邊沽酒沙上卧峽口月出風吹醒人生未死信難知
鮚頰夔州生鬢絲何日盡船搖桂楫西湖却賦探春詩
鄉中每以寒食立夏之間省墳客夔適逢此時悽

然感懷

手持綠酒醉蒼苔今歲何由匹馬來清淚不隨春雨斷
孤吟欲和暮猿哀皂貂破弊歸心切白髮淒涼老境催
誓墓只思長不出松門日日手親開

風雨中望峽口諸山竒甚戲作短歌

白鹽赤甲天下雄拔地突兀摩蒼穹凜然猛士撫長劍

空有豪健無雍容不令氣象少渟滯常恨天地無全功
今朝忽悟始歎息妙處元在煙雨中太陰殺氣橫慘澹
元化變態含空濛正如奇材遇事見平日乃與常人同
安得朱樓高百尺看此疾雨吹橫風

奇思橫出傑語迭見

晚晴聞角有感

暑雨初收白帝城小荷新竹夕陽明十年塵土青衫色

萬里江山盡角聲零落親朋勞遠夢淒涼鄉社負歸耕
議郎博士多新奏誰致當時魯二生

游嘗與范成大論東坡遙知叔孫子已致魯諸生句謂
為意深語緩此詩結意雖顯亦有不盡之致

畏虎

滑路滑如苔涇路涇若梯更堪都梁下一雪三日泥泥
深尚云可委身餓虎蹊心寒道上跡魄碎茆葉低常恐
不自免一死均豬雞老馬亦甚畏惄惄不敢嘶吾聞虎

欽定四庫全書

御選唐宋詩醇

卷四十二

王

雖暴未嘗窺汝棲孤行莫不止取禍非排擠彼讒實有
心平地生溝谿哀哉馬新息蓋以成珠犀
得詩人激刺之旨截然徑往彌健彌深

隣水延福寺早行

化蝶方酣枕聞雞又著鞭亂山徐吐日積水遠生煙淹
泊真衰矣登臨獨惆然桃花應笑客無酒到愁邊

原註酒偶

著語之工視四更山吐月殘夜水明樓一警健一細緻

盡市酤
不可飲

大安病酒留半日王守復來招不往送酒解醒因

小飲江月館

江驛春醒半日留更煩送酒為扶頭柳花漠漠嘉陵岸

別是天涯一段愁

曉發金牛

客枕何時穩忽忽又束裝快晴生馬影新暝坼花房沮
水春流綠蟠山曉色蒼阿瞞狼狽地千古有遺傷

原註自金

牛以西皆明

欽定四庫全書

御選唐宋詩醇

卷四十二

王

山南行

我行山南已三日如繩大路東西出平川沃野望不盡
麥隴青青桑鬱鬱地近函秦氣俗豪鞚鞬跳鞠分明曹
首着連雲馬蹄健楊柳夾道車聲高古來歷歷興亡處
舉目山川尚如故將軍壇上冷雲低丞相祠前春日暮
國家四紀失中原師出江淮未易吞會看金鼓從天下

却用闕中作本根
和高子長叅議道中

梁州四月晚鶯啼共憶扁舟罨谿莫作世間兒女態

明年萬里駐安西

翩翩有俠氣

次韻張季長題龍洞

我昔謁紫皇駢鳳驂虬龍俯不見塵世浩浩萬里空謫

墮尚遠遊忽到漢始封西望接蜀道北顧連秦中壯哉
形勝區有此蜿蜒宮雷霆自鞞鞳環玦亦璁瓈石屋如
建章萬戶交相通來者各有得盡取知無從憑高三歎

欽定四庫全書

御選唐宋詩醇

卷四十二

三

息自古幾英雄老我文字衰揮毫看諸公

慨然遠望落想在耳目之外

太息

原註宿青山鋪作

太息重太息吾行無終極冰霜迫殘歲鳥獸號落日秋
砧滿孤村枯葉擁破驛白頭鄉萬里墮此虎豹宅道邊

新食人膏血染草棘平生鐵石心忘家思報國即今冒

九死家國兩無益中原久喪亂志士淚橫臆切勿輕書

生上馬能擊賊

閨中作

殘年作客遍天涯下馬長亭便似家三疊淒涼渭城曲
數枝閒澹閨中花襞牋授管相逢晚理鬢熏衣一笑譁

俱是邯鄲枕中夢墜鞭不用憶京華

遊錦屏山謁少陵祠堂

城中飛閣連危亭處處軒窗臨錦屏涉江親到錦屏上
却望城郭如丹青虛堂奉祠子杜子眉宇高寒照江水
古來磨滅知幾人此老至今元不死山川寂寞客子迷

欽定四庫全書

御選唐宋詩醇

卷四十二

三

草木搖落壯士悲文章垂世自一事忠義凜凜令人思
夜歸沙頭雨如注北風吹船橫半渡亦知此老憤未平
萬竅爭號泄悲怒

傷今懷古懷抱畧同憇焉寤歎如見其人亦以寫其胸
臆爾

歸次漢中境上

雲棧屏山閱月遊馬蹄初喜蹋梁州地連秦雍川原壯
水下荆揚日夜流遺虜辱辱寧遠略孤臣耿耿獨私憂

良時恐作他年恨大散關頭又一秋

才氣慷慨不詭風人

南沮水道中

磧舍臨湍瀨曾船聚小潭山形寒漸瘦雪意莫方酣久
客情懷惡頻來道路諳家山空悵望無夢到江南
長木夜行抵金堆市

夜行長木村重霧雜零雨濕螢粘野蔓寒犬吠雲鳴道
壞交細泉亭廢立遺堵時時過農家燈火照鳴杼嗟予

欽定四庫全書

御選唐宋詩

卷四十二

三

獨何事無歲得安處即今窮谷中性命寄豺虎三更投

小市買酒慰羈旅高詠東山詩悵望懷往古

赴成都泛舟自三泉至益昌謀以明年下三峽

詩酒清狂二十年又摩病眼看西川心如老驥常千里

身似春蠶已再眠莫雪烏奴停醉帽秋風白帝放歸船

飄零自是闕天命錯被人呼作地仙

領聯自佳近人朱彞尊乃謂比興之體可以偶見摭其

相類之句以為前後稠疊何乃吹毛求疵

王士禎曰蜀道廣元縣蜀王弟葭萌所封古苴侯國城西二里有烏奴山陸游詩莫雪烏奴停醉帽秋風白帝放歸船是也

雪晴行益昌道中頗有春意

杜陵雁下歲將殘足馬西遊雪擁闕顚願敢忘雙闕路淹遲遍看兩川山春回柳眼梅鬚裏愁在鞭絲帽影間安得黃金成大藥為人千載駐顏顏

劍門道中遇微雨

欽定四庫全書

御選唐宋詩

卷四十二

三

衣上征塵雜酒痕遠遊無處不消魂此身合是詩人未

細雨騎驢入劍門

盧世灌曰筆墨之氣脫化殆盡

劍門城北回望劍闕諸峯青入雲漢感蜀亡事慨

然有賦

自昔英雄有屈信危機變化亦逡巡陰平窮寇非難禦

如此江山坐付人

劉禪庸主譙周庸臣七字中含多少感慨

綿州魏成縣驛有羅江東詩云芳草有情皆礙馬

好雲無處不遮樓戲用其韻

老夫乘興忽西遊遠跨秦吳萬里秋尊酒登臨遍山寺

歌辭散落滿江樓孤城木葉蕭蕭下古驛灘聲瀟瀟流

未許詩人誇此地茂林修竹憶吾州

東津

歲暮涪江水歸壑白沙渺然石犖角蜀天常燠少雪霜
綠樹青林不搖落闌干詰曲臨官道煙靄參差望城郭

欽定四庫全書

御選唐宋詩醇

卷四十二

十六

打魚斫膾修故事豪竹哀絲奉歡樂樂莫樂於新相知
美人一笑回春姿四方本是丈夫事安用一生無別離
深情老筆視少陵二作雖未敢旗鼓中原亦當鴈行同
時諸子豈敢望其項背

東山

今日之集何佳哉入闕劇飲始此回登山正可小天下
跨海何用尋蓬萊青天肯為陸子見妍日似趣梅花開
有酒如涪綠可愛一醉直欲空千罍駝酥鵝黃出龍右

熊肪玉白黔南來眼花耳熱不知夜但見銀燭高花摧
京華故人死大半歡極往往潛生哀聊將豪縱壓憂患

鼓吹動地聲如雷

綿州錄參廳觀姜楚公畫鷹少陵為作詩者

我來訪古涪之濱不辭百因冀一真走馬朝尋海棲館
斫膾夜醉飭魚津越王高樓亦已換俯仰今古堪悲辛
督郵官舍最卑陋棟撓楹腐知幾春巋然此壁獨亡恙

欽定四庫全書

御選唐宋詩醇

卷四十二

十七

老槎勁翮宛如新向來刦火何自免叱呵守護疑有神
妖狐九尾穴中國共置不問如越秦天時此物合致用
下講指呼端在人會當原野灑毛血坐令萬里清煙塵
老眼還憂不及見詩成肝膽空輪囷

西郊尋梅

西郊梅花矜絕艷走馬獨來看不厭似羞流落蒙市塵
寧墮荒寒傍茆店翛然自是世外人過去生中差一念
淺顰常鄙桃李學獨立不容鶯蝶覘山礬水仙晚角出

大是春秋吳楚僭餘花豈無好顏色病在一俗無由砭
朱欄玉砌渠有命斷橋流水君何欠嗟余相與頗同調
身客劍南家在湖淒涼萬里歸無日蕭颯二毛衰有漸
尚能作意晚相從爛醉不辭孟歎灔
因險出奇却不落小家數

海棠

原註范希元園

誰道名花獨故宮

原註謂故蜀燕王宮

東城盛麗足爭雄橫陳錦

障闌干外盡吸紅雲酒醕中貪看不辭持夜燭倚狂直

欽定四庫全書

御選唐宋詩醇卷四十二

十六

欲擅春風拾遺舊咏悲零落瘦損腰圍擬未工

原註杜老不應

無海棠詩意其失傳爾

孫勑曰末句妙於翻案如此著意自爾無陳非新

驛舍見故屏風畫海棠有感

厭煩只欲長面壁此心安得頑如石杜門復出歎習氣

止酒還開愁定力成都二月海棠開錦繡裏城迷巷陌

燕宮最盛號花海霸國雄豪有遺迹猩紅鸚綠極天巧

疊萼重跗眩朝日繁華一夢忽吹散閉眼細思猶歷歷

憂樂相尋豈易知故人應記醉中詩夜闌風雨嘉州驛
愁向屏風見折枝

結尾點題含情無限通首俱成波瀾矣夜聞松聲有感
與此同調蓋其作用熟也

登荔枝樓

平羌江水接天流涼入簾櫳已似秋喚作主人元是客

知非吾土強登樓閒憑曲檻常忘去欲下危梯更小留

公事無多厨釀美此身不負負嘉州

原註薛能詩不負嘉州只負身

欽定四庫全書

御選唐宋詩醇卷四十二

三九

凌雲醉歸作

峨嵋月入平羌水歎息吾行俄至此謫仙一去五百年

至今醉魂呼不起玻瓈春滿琉璃鍾

原註玻瓈春眉州酒名宦情

苦薄酒興濃飲如長鯨渴赴海詩成放筆千觴空十年

看盡人間事更覺麴生偏有味君不見蒲萄一斗換得

西涼州不如將軍告身供一醉

醉中感懷

早歲君王記姓名只今顚額客邊城青衫猶是鶴行鷺

白髮新從劍外生古戍旌旗秋慘澹高城刀斗夜分明

壯心未許全消盡醉聽檀槽出塞聲

盧世㴶曰三四無限感慨

玻瓈江原註眉州共飲亭蓋取東坡共飲玻瓈江之句追懷舊遊戲作以補西州樂府

玻瓈江水千尺深不如江上離人心君行未過青衣縣
妾心先到峨嵋陰金樽共醻不知曉月落煙渚天橫參
車輪無角那得住馬蹄不方位處尋空憑尺素寄幽恨
縱有綠綺誰知音愁來只欲掩屏睡無奈夢斷聞疎砧

欽定四庫全書

御選唐宋詩醇

三十

原註古樂府安得雙車輪一夜生四角唐人詩云長安塵土中馬蹄重重郎馬蹄不方位處認郎蹤

清便宛轉別成風調視范成大作奚啻牀上下之別

送客至江上

多事經旬不出城今朝送客此間行郊原遠帶新晴色
人語中含樂歲聲天際歛雲山盡出江流汎漲水初平
故園社友應惆悵五歲無端棄耦耕

如此領聯較之繞郭烟嵐滿山樓閣以相誇耀者獨有
雅人深致

九月十六日夜夢駐軍河外遣使招降諸城覺而

有作

殺氣昏昏橫塞上東並黃河開玉帳晝飛羽檄下列城
夜脫貂裘撫降將將軍櫨上汗血馬猛士腰間虎文韁
階前白刃明如霜門外長戟森相向朔風卷地吹急雪
轉盼玉花深一丈誰言鐵衣冷徹骨感義懷恩如挾纊
腥臊窟穴一洗空太行北嶽原無恙更呼斗酒作長歌
要遣天山健兒唱

欽定四庫全書

御選唐宋詩醇

三

成都行

倚錦瑟擊玉壺吳中狂士遊成都成都海棠十萬株繁
華盛麗天下無青絲金絡白雪駒日斜馳遣迎名姝燕
脂褪盡見玉膚綠鬟半脫嬌不梳吳綾便面對客書斜
行小草密復疎墨君秀潤瘦不枯風枝雨葉筆筆殊月
浸羅襪清夜徂滿身花影醉索扶東來此歡墮空虛坐
悲新霜點鬢易求合浦千斛珠難覓錦江雙鯉魚

一結見意詩體如是

初寒

江路常逢雨山城早得寒蘭凋初解佩菊老尚加餐
嘉陽有崇蘭八月盛開以節物知何負情懷自鮮歡浮生者已熟

原註

不必夢邯鄲

木山

枯楠千載遭風雷披枝折幹吁可哀輪囷無用天所赦
秋水初落浮江來嵌空宛轉若耳鼻峭瘦拔起何崔嵬

三十二

珠宮貝闕留不得忽出洲渚知誰推書窓正對雲洞啓

欽定四庫全書

御選唐宋詩醇卷四十二

三十二

叢菊初傍幽篁裁是間著汝頗宜稱摩挲朝莫真千回
天公解事雨十日洗盡泥滓滋莓苔一丘一壑吾所許
不須更慕明堂材

十月一日浮橋成以故事宴客凌雲

陰風吹雨白晝昏誰掃雲霧升朝暾三江水縮獻洲渚
九頂秀色欲塞門西山下竹十萬箇江面便可馳車轍
巷無居人亦何怪釋耒來看空山村竹枝宛轉秋猿苦
桑落漱灑春泉渾衆賓共醉忘燭跋一徑却下緣雲根

走沙人語若潮卷爭橋炬火如星繁肩輿睡兀到東郭
空有醉墨留衫痕十年萬事俱變滅點檢自覺惟身存
寒燈夜永照耿耿卧賦長句招羈魂

觀大散關圖有感

上馬擊強胡下馬草軍書二十抱此志五十猶癯儒大
散陳倉間山川巒盤紆勁氣鍾義士可與共壯圖坡陁
咸陽城秦漢之故都王氣浮夕靄宮室生春蕪安得從
王師汎掃迎皇輿黃河與函谷四海通舟車士馬發燕

欽定四庫全書

御選唐宋詩醇卷四十二

三十二

趙布帛來青徐先當營七廟次第畫九衢偏師縛可汗
傾都觀受俘上壽大安宮復如正觀初丈夫畢此願死
與螻蟻殊志大浩無期醉膽空滿軀

忠憤蟠鬱自然形見無意於工而自工

御選唐宋詩醇卷四十二

欽定四庫全書
御選唐宋詩醇卷四十三

山陰陸游詩二

目錄

十月十九日與客飲忽記去年此時自錦屏歸山
南道中小獵今又將去此矣

長門怨

斷碑歎

欽定四庫全書

御選唐宋詩醇
卷四十三目錄

一

蜀酒歌

醉後草書歌詩戲作

十二月初一日得梅一枝絕奇戲作長句今年於

是四賦此花矣

十二月十一日視築隄

游修覺寺

塞上曲

苦筍

月下作

過大蓬嶺度繩橋至杜秀才山莊

東湖新竹

夏日湖上

同何元立賞荷花追懷鏡湖舊遊

怡齋

龍湫歌

蒸暑思梁州述懷

欽定四庫全書

御選唐宋詩醇
卷四十三目錄

二

古意

寓驛舍

題宇文子友所藏薛公鶴

晨至湖上

聽琴

龍眠畫馬

山中得長句戲呈周輔并簡朱縣丞

長歌行

遊三井觀

臨別成都帳飲萬里橋贈譚德稱

丈人觀

儲福觀

離堆伏龍祠觀孫太古畫英惠王像

登灌口廟東大樓觀岷江雪山

平羌道中望峩眉山慨然有作

次韻何元立都曹贈行

欽定四庫全書

御選唐宋詩牌
卷四十三目錄

三

初到榮州

醉中懷眉山舊遊

齋中夜坐有感

晚登橫溪閣

高齋小飲戲作

太液黃鸝歌

夜聞浣花江聲甚壯

謁諸葛丞相廟

醉中長歌

春感

花時遍遊諸家園

題明皇幸蜀圖

春殘

對酒

遊圓覺乾明祥符三院至暮

食齋

欽定四庫全書

御選唐宋詩牌
卷四十三目錄

四

幽居晚興

書歎

月下醉題

銅壺閣望月

夜宴即席作

芳華樓夜宴

歲晚

數日寒頓減頗有春意感懷賦短歌

梅花

萬里橋江上習射

出塞曲

偶過浣花感舊遊戲作

樓上醉書

初春出遊

張園海棠

登劍南西川門感懷

欽定四庫全書

御選唐宋詩醇
卷四十三 目錄

五

江樓

訪楊先輩不遇因至石室

感秋

白鶴館夜坐

南津勝因院亭子

書寫舍壁

御選唐宋詩醇卷四十三 目錄

欽定四庫全書叢要卷一萬九千三百六十七

集部

御選唐宋詩醇卷四十三

山陰陸游詩二

十月十九日與客飲忽記去年此時自錦屏歸山
南道中小獵今又將去此矣

去年縱獵韓壇側玉鞭自探南山雪今年痛飲蜀江邊
金盃却吸峩眉月竹枝歌舞新教成淒怨傳得三巴聲

城頭築觀出雲雨峨眉正與闌干平酒酣詩就擲盃去

欽定四庫全書

御選唐宋詩醇
卷四十三

一

醉蹋玻璃江上路懸知幽磽斷橋邊已有梅花開半樹

長門怨

寒風號有聲寒日慘無暉空房不敢恨但懷歲暮悲今
年選後宮連娟千蛾眉早知獲謹速悔不承恩遲聲當
徹九天淚當達九泉死猶復見思生當長棄捐

忠厚悱惻深於言怨

斷碑歎
原註興元姚節度園以折碑為石苟文猶可識蓋梁蕭懿墓碑簡文為太子時撰書

法道美
可愛

二蕭同起南蘭陵正如文叔與伯升至今人悲大蕭死
齋恨不見梁家興崇崇之陵久為谷豈惟羣盜分珠玉
斷碑槎枒棄道邊文字班班猶可讀剝剝苔蘚一悽然
俯仰人間幾變遷世人作碑君勿哂千載園林須石筍
簡峭

蜀酒歌

漢州鶩黃鸝鳳雛不鶩不搏德有餘眉州玻瓈天馬駒
出門已無萬里塗病夫少年夢清都曾賜虛皇碧琳腴

欽定四庫全書

御選唐宋詩譜
卷四十三

二

文德殿門晨奏書歸局黃封羅百壺十年流落狂不除
遍走人間尋酒爐青絲玉瓶到處酤鶩黃玻瓈一滴無
安得豪士致連車倒瓶不用盃與盃琵琶如雷聒坐隅
不愁渴死老相如

醉後草書歌詩戲作

朱樓矯首隘八荒綠酒一舉累百觴洗我堆阜崢嶸之
胸次寫為淋漓放縱之詞章墨飄初若鬼神怒字瘦忽
作蛟螭僵寶刀出匣揮雪刃大舸破浪馳風檣紙窮擲

筆霹靂響婦女驚走兒童藏往時草檄喻西域颯颯聲
動中書堂原註余嘗草丞相魯公以下與夏國主書於政事堂一收朝迹忽十載
西掠三巴窮夜郎山川荒絕風俗異賴有美酒猶能狂
醉中自脫頭上幘綠髮未許侵微霜人生得喪良細事
孰謂老大多悲傷

醉墨淋漓暢然滿志忽移商調淒焉改色矣柴升所謂
浸淫奔放於詞翰之中以遂其放浪蕭散不溺不淄之

槩者取諸此也

欽定四庫全書

御選唐宋詩譜
卷四十三

三

十二月初一日得梅一枝絕奇戲作長句今年於

是四賦此花矣

高標已壓萬花羣尚恐嬌春習氣存月兔擣霜供換骨
湘娥鼓瑟為招魂孤城小驛初飛雪斷角殘鐘半掩門
盡意端相終有恨夜寒皴玉倩誰溫

梅花詩最為難工中四語頗有逸致

十二月十一日視築隄

江水來自蠻夷中五月六月聲摩空巨魚穹龜牙鬚雄

欲取閼市為龍宮橫隄百丈卧霧虹始誰築此東平公
今年樂哉適歲豐吏不相倚勇赴功西山大竹織萬籠
船舶載石來無窮橫陳屹立相疊重置力尤在水廟東
我登高原相其衝一盾可受百箭攻蜿蜒其長高隆隆
截如長城限羌戎安得椽筆記始終挿江石崖堅可礮

游修覺寺

上盡蒼崖百級梯詩囊香挽手親携山從飛鳥行邊出
天向平蕪盡處低花落忽驚春事晚樓高剩覺客䰟迷

欽定四庫全書

御選唐宋詩醇

四

欽定四庫全書

御選唐宋詩醇

五

興闌掃榻禪房卧清夢還應到剡溪

潘問奇曰第三句真登臨妙語

祖應世曰曲江有一水雲際飛之句竟陵評云若入
俗手定作一雲水際飛矣此領聯若作鳥從山邊出
更有何味

塞上曲

三尺鐵如意一枝玉馬鞭笑把出門去萬里行無前當
道何崔嵬云是玉門關方當置屯守征人何時還馬色

如雜花鎧光若流水肅肅不敢譁遙望但塵起日落戍

火青煙重塞垣紫回首五湖秋西風開戈鋋

蟠竚氣於簡古著鮮華於老健不徒作悲涼語氣體絕

似太白

苦筍

藜藿盤中忽眼明駢頭脫襁白玉嬰極知耿介種性別
苦節乃與生俱生我見魏徵殊媚嫵約束兒童勿多取
人才自古要養成放使千霄戰風雨

欽定四庫全書

御選唐宋詩醇

五

周密曰世傳涪翁喜苦筍嘗從斌老乞苦筍詩云南
園苦筍味勝肉獐龍稱寃莫採錄煩君更致蒼玉束
明日風雨吹成竹嘗賦苦筍云苦而有味如忠諫之
可活國放翁又從而獎之云我見魏徵殊媚嫵約束
兒童勿多取於是世以諫筍目之殊不知翁嘗自跋
云余生長江南里人喜食苦筍試取而嘗之氣苦不
可於鼻味苦不可於口故嘗屏之未始為客一設及
來黔中黔人各掘苦筍萌於土中才一寸許味如蜜

歲初春則不食惟僰道人食苦筍四寸餘曰出土尺
餘味猶甘苦相半以此觀之涪翁所食乃取其甘非
貴於苦也

月下作

畏暑不巾襪步月捲短筇瘦身髮鬍鬚顧影如孤松徑
幽螢開闔池漲魚發鳴飛泉穿北垣珠玉相撞春東湖
更奇絕百畝銀初鎔但能抱琴往絕恨欠鶴從重露傾
荷盤微風墮芙蓉歡言美清夜縹緲吹疎鐘空中飛僊

人粲然冰雪容笑我老塵世不記瑤臺逢
清麗寄意處妙無迹相

過大蓬嶺度繩橋至杜秀才山莊

度笮臨千仞梯山躡半空濕雲朝暮雨陰壑古今風亭
觀參差見闌干詰曲通柳空叢篠出松偃翠蘿蒙負籠
銀釦女鉏蓄鶴髮翁何由有餘俸小築此山中

東湖新竹

挿棘編籬謹護持養成寒碧映淪漪清風掠地秋先到

赤日行天午不知解繩時聞聲簌簌放稍初見葉離離
官閒我欲頻來此枕簟仍教到處隨

集中詩類此者頗多往往膾炙人口然領聯不過斷句
工巧作者佳處殊不在此今擇其華淨少累者存之以
備一體其有句無篇者汰之若矜尚字句之巧以為得
放翁家法所謂微之之識碩碖耳

夏日湖上

烏帽箬枝散客愁不妨胥吏雜沙鷗迎風枕簟平欺暑
近水簾櫳探借秋茶竈遠從林下見釣筒常向月中收
江湖四十餘年夢豈信人間有蜀州

同何元立賞荷花追懷鏡湖舊遊

少狂欺酒氣吐虹一笑未了千觴空涼堂下簾人似玉
月色冷泠透湘竹三更盡船穿藕花花為四壁船為家
不須更踏花底藕但嗅花香已無酒花深不見盡船行
天風空吹白紵聲雙槳歸來弄湖水往往湖邊人已起
即今憔悴不堪論賴有何郎共此尊紅綠疎疎君勿歎

漢嘉去歲無荷看

怡齋

東湖仲夏草樹荒屋古無人亭午涼萱房微呀不見日
筍籜自解時吹香野藤蟠屈入窗罅濕菌扶疎生屋梁
跨溝數椽最幽翳漲水及檻雨敗牆靜涵青蘋舞藻荇
閒立白鷺浮鴛鴦美棄雖瘦亦瀰漫照眼翠蓋遮紅妝
水紋枕簟欲卷却團圓素扇嬾復將天風忽送墮鈴語
喚覺清夢遊瀟湘

欽定四庫全書

御選唐宋詩醇

卷四十三

八

龍湫歌

環湫巨木老不花淵淪千尺龍所家爪痕入木欲數寸
觀者心掉不敢譁去年大旱綿千里禾不立苗麥垂死
林神社鬼無奈何老龍欠伸徐一起隆隆之雷浩浩風
倒卷江水傾虛空鱗間出火作飛電金蛇夜掣層雲中
明朝父老來賽雨大巫吹簫小巫舞祠門人散月娟娟
龍歸抱珠湫底眠

須臾慰滿三農望歛却神功寂若無此詩亦有其意

蒸暑思梁州述懷

宣和之末予始生遭亂不及遊司并從軍梁州亦少慰
土脉深厚泉流清季秋嶺谷浩積雪二月草木初抽萌
夏中高涼最可喜不省舉手驅蟲蟲藏冰一出賣滿市
玉璞堆積寒崢嶸柳陰夜卧千駟馬沙土露宿連營兵
胡笳吹隨漾水月烽燧傳到山南城最思出甲戍秦隴
戈戟徹夜相摩聲兩年劍南走塵土肺熱煩促無時平
荒池昏夜蛙閣閣食案白日蠅營營何時王師自天下

欽定四庫全書

御選唐宋詩醇

卷四十三

九

雷雨湧洞收櫬槍老生衰病畏暑濕思卜鄂杜開柴荆

古意

繼足飼飢鷹鷹飽意未平伏櫪豈不安老驥終悲鳴士
生固欲達又懼徒富貴素願有未伸五鼎澹無味茅屋
秋雨漏稻陂春水深長歌傾濁酒舉世不知心

身分極高語亦落落入古

寓驛舍

原註予三至成都皆館於是

閒坊古驛掩朱扉又憩空堂綻客衣九萬里中鯤自化

一千年外鶴仍歸遙庭數竹饒新筍解帶量松長舊園

惟有壁間詩句在暗塵殘墨兩依依

題宇文子友所藏薛公鶴

仙人騏驥絕世稀卵生凡禽似而非宮保妙筆窮化機
縞衣玄裳真令威千年華表聊一歸回首幸脫乘軒譏
喙吞不恨菰米微從吾曹遊安得肥

晨至湖上

園古逢秋好身閒與嬾宜空堂賞踈豁重閣望參差竹

欽定四庫全書

御選唐宋詩醇

十

粉有新意松風含古姿低回慙祿米官事少於詩

聽琴

疎簾曲檻蘋風涼細腰美人鷁絲裳綠藤水紋穿矮牀

玉指纖纖彈履霜高林鶯轉日正長幽澗泉鳴夜未央

哀思不怨和而莊有齊淑女禮自防世人但感青樓倡

琵琶笙箏雜胡羌試聽一曲醒汝狂文姬指法傳中郎

於韓歐蘇黃諸家外自樹一幟泠泠清音欲滿人耳視

諸子正未肯作邾莒

龍眠畫馬

國家一從失西陲年年買馬西南夷瘴鄉所產非權奇

邊頭歲入幾番皮崔嵬瘦骨帶火印離立欲不禁風吹

圉人太僕空列位龍媒汗血來何時李公太平官京師

立仗慣見渥洼姿斷縫歲久墨色暗逸氣尚若不可羈

賞奇好古自一癖感事憂國空餘悲嗚呼安得毛骨若

此三千匹銜枚夜度桑乾磧

文集跋韓幹馬大駕南幸將八十年秦兵洮馬不復

欽定四庫全書

御選唐宋詩醇

十一

可見志士所共嘆也觀此畫使人作關輔河渭之夢

殆欲賈涕矣

山中得長句戲呈周輔并簡朱縣丞

鶴鳴山空無鶴來青霞嶂深天辟開千巖角逐互吞吐

一峯拔起矜崔嵬日光微漏潭見底

原註青霞嶂碧玉潭皆霧中佳處

水氣上薄雲成堆幽禽飛鳴報客至奇樹璀璨知誰裁

花藤怪蔓白晝暗犇猿落狹無時哀路窮尚躡一千級

忽見密竹藏樓臺共言神僧昔住此至今光景如天台

擔簦負笠出復沒喜動婦人驚提孩高人何至作狡猾
無乃翫世聊相詆不然學道窮實際詎捨正大崇奇瓊
儒林丈人學擅世餘事尚壓蔡與崔名山未死可再到
此士一失難重陪贊府摘山事如織擺撥領客何竒哉
境幽神愴不可住歸倩玉手傳金杯

原註朱君有待
兒許為客出

唐書劉建鋒傳高郁教馬殷教民得自摘山收茗算
募高戶置邸閣居茗

長歌行

欽定四庫全書

御選唐宋詩醇

卷四十三

三

人生不作安期生醉入東海騎長鯨猶當出作李西平

手梟逆賊清舊京金印煌煌未入手白髮種種來無情
成都古寺卧秋晚落日偏傍僧窗明豈其馬上破賊手
哦詩長作寒螿鳴興來買盡市橋酒大車磊落堆長餅
哀絲豪竹助劇飲如鉅野受黃河傾平時一滴不入口
意氣頓使千人驚國讐未報壯士老匣中寶劍夜有聲
何當凱還宴將士三更雪壓飛狐城

遊三井觀

三井久知名暇日偶一訪棟宇壞欲盡基址尚閱壯畫
牆皆國工煙雲儼天仗旌旄亞戈戟佩玉雜弓韁太古
實傑作筆落九天上吳生名擅世睥睨未肯讓規模遠
有考意象豪不放最竒老癯仙骨立神愈王石恪雖少
怪用筆亦跌宕兩姝澹蛾眉非復火食狀塵埃久侵蝕
風雨無益障好事未易逢寧能久亡恙雍洛刦火餘妙
迹盡凋喪斯遊恐難繼佇立增悄愴

因畫生慨妙得子美家法筆力樸堅亦復相近

欽定四庫全書

御選唐宋詩醇

卷四十三

三

臨別成都帳飲萬里橋贈譚德稱

成都城南萬里橋蘆根蕷末風蕭蕭映花碾草鉏車小
駐坡蕪澗青驄騎入門翠徑絕窮窕臨水飛觀何岑堯
判無功名著不朽惟仗詩酒寬亡聊迎霜早已足雉兔
微冷便欲思狐貉喜看縷膾映盤箸恨欠研蟹加橙椒
坐中譚侯天下士龍馬毛骨矜超遙烏犀白紵謫儂樣
但可邂逅不可招今年一戰馘餘子風送六翮凌青霄
美人再拜乞利市醉墨飛落生鮫綃我衰於世百無用

十年不赴含元朝。華纓肯傍蕭颯鬢寶帶。那束龍鍾腰。
祝君好去事明主。日望分喜來漁樵。遊談引類亦細事。
寄酒且解相如消。

丈人觀

黃金篆書扁朱門。夾道巨竹屯蒼雲。崖嶺劃若天地分。
千柱耽耽壓其垠。纓冠肅謁丈人君。廣殿空庭吹寶熏。
摩挲畫橋手為輒。異哉山苑與土竊。物怪蟠鰐冠丘墳。
仙人佩玉雜帨幃。手整貂冠最不羣。欲去不忍恨日曛。

道翁采藥晝夜勤。松根茯苓獲兼斤。人之植立彊骨筋。
狗杞羣吠聲狺狺。山爐小甌吹幽芬。朱顏不飲常自醺。
我亦宿誦五千文。一念之差隨世紛。逝將從翁走如麋。
隱書秘訣何由聞。

硬語排奡自見妥帖

本集七律自註丈人觀孫太古晝范長生作舉手整

豹蟬像神氣尤奇逸

儲福觀原註唐玉真公
主修真之地

路轉屏風疊。雲藏帝子家。窮幽行肇確。息倦倚槎枒。綠
鮮封茶樹。清霜折藥花。世無勾漏令。誰此養丹砂。
不少新色亦逼唐調。

離堆伏龍祠觀孫太古畫英惠王像

岷山導江書禹貢。江流蹴山山為動。嗚呼秦守信豪傑。
千年遺迹人猶誦。決江一支溉數州。至今禾黍連雲種。
孫翁下筆開生面。岌峩高冠摩屋棟。徒木遺風雖峭刻。
取材尚足當世用。寥寥後世豈乏人。尺寸未施讒已衆。

要官無責空賦祿。軒蓋傳呼真一閑。奇勲偉績曠世無。
仁人志士臨風慟。我游故祠九頓首。夜遇神君了非夢。
披雲激電從天來。赤手騎鯨不施鞍。
以騷人之才發志士之感。獨立蒼茫自詠詩。正使生平
蘊結藉此一撝。

登灌口廟東大樓觀嶧江雪山

我生不識栢梁建章之宮殿。安得峩冠侍遊宴。又不及
身在榮陽京索間。擐甲橫戈夜酣戰。胷中迫隘思遠遊。

泝江來倚岷山樓千年雪嶺闊邊出萬里雲濤坐上浮

禹迹茫茫始江漢疏鑿功當九州半丈夫生世要如此

齋志空死能無歎白髮蕭條吹北風手持卮酒醉江中

姓名未死終磊磊要與此江東注海

平羌道中望峩眉山慨然有作

白雲如玉城翠嶺出其上異境忽隨前心目久蕩漾別
來二百日突兀喜無恙飛僂遙舉手喚我一稅鞅此行
豈或使屏迹事幽曠何必故山歸更破萬里浪

欽定四庫全書

御選唐宋詩醇

六

欽定四庫全書

御選唐宋詩醇

七

王士禛曰九盤山臨青衣江遙望大峩眉秀出天半雲
嵐萬狀積雪晶然中峩眉如偃僂少峩眉如拱揖北來諸
山蜿蜒起伏爭趨峩眉下放翁詩白雲如玉城翠嶺出

其上異境忽墮前心目久蕩漾身未到此不知語意
之工

次韻何元立都曹贈行

原註元立用陳後山送蘇公詩韻

嘉榮東西川此別不為遠徘徊凌雲守決去未遽忍登

高望故人煙樹參差見懸知今日夢不隔重城鍵平生

相從意百年有未滿結巢青城雲期子在歲晚

澄澹入古

初到榮州

亂山缺處城樓呀雙旗蕭蕭晚吹笳煙深綠桂臨絕壑
霜落殘瀨鳴寒沙廢臺已無隱士嘯遺宅尚有高人家
鈴齋下榻約僧話松陰枕石放吏衙盃羹最珍慈竹筍
餅水自養山薑花地爐堆獸熾石炭瓦鼎號蚓煎秋茶
少年遠遊無百里一飢能使行天涯豈惟慣見蓬婆雪

欽定四庫全書

御選唐宋詩醇

七

直恐遂泛星河槎故巢肯作兒女戀異境會向鄉間誇
一盃徑醉帽自墮燈下髮影看鬢鬢

醉中懷眉山舊遊

勁酒少和氣哀歌無歡情故鄉不敢思登高望錦城錦
城那得去琴歸墓顧路遙知尊前人指我題詩處我雖
流落夜郎天遇酒能狂似少年想見東郊携手日海棠
如雪柳飛綿

原註漢嘉術者袁牧童謂予明年春分後當還西州

如瓶瀉水如珠走盤想見酒間揮灑之樂

齋中夜坐有感

荒山為城溪作壕風鼓巨木聲翻濤鷗巢乘屋彈不去
狐狸欺人怒豎毛雨來紅鶴更可惡爭巢一似嬰兒號
城孤屋老草木茂正坐人少此輩豪急呼五百具畚鍤
欲掀窟穴窮腥臊忽然語罷却自笑殘年何至與汝麤
浣花江色綠如黛春波灔灔浮輕舠行當繫纜柳陰下
仰聽鶯語傾香醪

晚登橫溪閣

欽定四庫全書

御選唐宋詩醇
卷四十三

六

樓鼓聲中日又斜憑高愈覺在天涯空桑客土生秋草
野渡虛舟集晚鴉瘴霧不開連六詔俚歌相答帶三巴
故鄉可望應添淚莫恨雲山萬疊遮

淒其欲絕哀厲彌長被之歌喉可以繞梁三日

高齋小飲戲作

梅花又發鬼門關坐覺春風萬里寬荔子陰中時縱酒
竹枝聲裏強追歡丁年漢使殊方老子夜吳歌昨夢殘
白帝夜郎俱不惡兩公補處得憑欄

原註予五年間自夔客榮

太液黃鵠歌 有引

漢始元元年春二月黃鵠下建章宮太液池中公卿
上壽賜諸侯王列侯宗室金錢予夜讀漢書追作歌
一首

建章宮裏春風寒太液水生池面寬中人馳奏黃鵠下
龍旗豹尾臨池看芹香藻暖鵠得意左右從官呼萬歲
須臾傳詔宴公卿歡聲如雷動天地時平官省遊樂多
黃鵠刷羽涵恩波小臣珥筆龍墀下願繼前朝天馬歌

欽定四庫全書

御選唐宋詩醇
卷四十三

九

託興深遠承靈威兮障外國猶是夜度桑乾之意

夜聞浣花江聲甚壯

浣花之東當笮橋犇牛齧橋橋為搖分洪初疑兩蛟舞
觸石散作千珠跳壯聲每挾雷雨橫巨勢潛借鼉鼈騎
夢回聞之坐太息鐵衣何日東征遼銜枚度碛沙颯颯
盤槊斷龍風蕭蕭不然投檄徑歸去短蓬臥聽錢塘潮

謁諸葛丞相廟

原註彌年八陣原上

漢終四百天所命老賊方持太阿柄區區梁益豈足支

不忍安坐觀異姓遺民亦知王室在閏位那干天統正
公雖已沒有神靈猶假賊手誅鍾鄧前年我過汎陽祠
再拜奠俎哀淚迸潔齋請作送迎詩精忠大義神其聽
能道孔明心事辭意警絕善於包舉

醉中長歌

闌干斗柄搖天東人間一夜回春風注桃染柳歲相似
惟我衰顏非昔紅可憐逢春不自感更欲使氣驚兒童

煙郊射雉錦臆碎水亭供膾金盤空歸穿南市萬人看

欽定四庫全書

御選唐宋詩

卷四十三

流星突過連錢驄高樓作歌醉自寫墨光燭焰交長虹

人生未死貴適意萬里作客原非窮故人夜直金鑾殿
偃卧獨聽宮門鐘

春感

少時狂走西復東銀鞍駿馬馳如風眼見春去不復惜
只道歲月來無窮初遊漢中亦未覺一飲尚可傾千鍾
又魚狼藉漾水濁獵虎蹴蹋南山空射堋命中萬人看
毬門對植雙旗紅華堂却來弄筆硯新詩醉草誇坐中

劍闊南山纔幾日壯氣摧縮成衰翁雪霜蕭颯已滿鬚
蛟龍鬱屈空蟠胸隣園杏花忽爛漫推枕彊起隨遊蜂
遙看百匝幾嘆息吹紅洗綠行匆匆莫年逢春尚有幾
常恐春去尋無踪青銅三百尚可辨且判爛醉酤郿筒

花時遍遊諸家園

宣華無樹著啼鶯惟有摩訶春水生故老能言當日事
直將宮錦裹宮城

於海棠寓荒淫之警獨有深味

欽定四庫全書

御選唐宋詩

卷四十三

題明皇幸蜀圖

天寶政事何披猖使典相國捐忠良弄權楊李不足怪
阿瞞手自裂紀綱八姨富貴尚有理何至詔書褒五郎

原註天寶末下詔
雪張易之兄弟

盧龍賊騎已洶洶丹鳳神語猶琅琅

人知大勢危累卵天稔竒既如崩牆臺省諸公獨耐事
歌詠功德卑虞唐一朝殺氣橫天末疋馬西奔幾不脫
向來論子知幾人賊前稱臣草間活劍南萬里望秦天
行殿春寒聞杜鵑老臣九齡不可作魚蠹蛛絲金鑑篇

筆墨老橫有如高牙大纛堂堂正正摧堅而折銳一結尤得立言之旨

春殘

石鏡山前送落暉春殘回首倍依依時平壯士無功老鄉遠征人有夢歸首蓿苗侵官道合蕪菁花入麥畦稀倦遊自笑摧頰甚誰記飛鷹醉打圍

盧世㴶曰項聯有髀肉復生之慨

對酒

欽定四庫全書

御選唐宋詩醇
卷四十三

五三

閒愁如飛雪入酒即消融好花如故人一笑益自空流鶯有情亦念我柳邊盡日啼春風長安不到十四載酒徒往往成衰翁九環寶帶光耀地不如留君雙頰紅

遊圓覺乾明祥符三院至暮

書歎

成都再見春事殘雖名閒官實不閒門前車馬鬧如市案上文檄高於山有時投轔輒徑出略似齊客偷秦關日斜僕夫已整駕顧景欲駐愁嘲訛豈知今朝有此樂放浪一笑開衰顏抽身黃塵烏帽底得意翠木清泉間

褰裳危磴窮華確洗耳古磽聽淙潺豈惟頓覺宇宙廣政爾一散腰脚頑似聞青城縹緲處待我歸綴仙官班俊鷹解絛即萬里豈比倦翼方知還

食薺

小著鹽醯助滋味微加薑桂發精神風鑪欹鉢窮家活妙訣何曾肯授人

小有風致

幽居晚興

欽定四庫全書

御選唐宋詩醇
卷四十三

五三

借鉏勵藥喜微香汲井澆花趁晚涼胸次何曾橫一物尊前尚欲笑千場錦江秋雨芙蓉老笠澤春風杜若芳歸去自佳留亦樂夢中何處是吾鄉

行雲流水之趣眼前語頗能道出

三代藏寶器世守參河圖埋涇則已矣可使列市區文章有廢興蓋與治亂符慶歷嘉祐間和氣扇大鑪數公實主盟渾灝配典謨開闢始歐王苗奮逮曾蘇大駕初

渡江中原皆避胡吾猶及故老清夜陪坐隅論文有脉絡千古著不誣俯仰四十年綠髮霜蓬枯孤生尊所聞東節不敢渝久幽士固有速售理則無世方亂珉玉吾其老江湖

文章與時隆汙自古而然後生小子偭規矩而改錯豈知老成之有淵源耶太白歎大雅久不作少陵云文章千古事高情遠識可以並讀

文集答邢司戶書近時頗有不利場屋者退而組織

古語剽裂奇字大書深刻以眩世俗讀之使人面熟

此等果可言文章乎如唐韓氏柳氏吾宋歐氏王氏蘇氏以文章擅天下者徒以在場屋時苦心耗力凡陳言淺說之可病者已知厭棄如都市之玉工珉玉雜治積日既久望而識之矣一旦取荆山之璞以為黃琮蒼璧萬乘之寶珉豈可復欺耶凡今不利場屋

而名古之文者往往多未嘗識珉者也又安知玉哉

月下醉題

黃鸝飛鳴未免飢此身自笑欲何之閉門種菜英雄老彈鋏思魚富貴遲生擬入山隨李廣死當穿塚近要離一樽強醉南樓月感慨長吟恐過悲

盧世㴶曰三四自是壯語

銅壺閣望月

銅壺閣上看明月身在千尋白銀闕十年肺渴今夕平皓然胸次堆冰雪恨無仙掌出雲表更取墜露和玉屑

夜闌三嘆下危梯明日人間火雲熱

夜宴即席作

宣華輦路牧牛羊摩訶龍池草茫茫宮殿犁盡餘繚牆南風遠吹禾黍香草間白骨橫秋霜何由喚起釣一觴癡人走死聲利場我獨感此惜流光蘋花開時風榭涼美人縹緲如鸞翔堯年舜日樂未央非子之故為誰狂

芳華樓夜宴

射虎將軍老不侯尚能豪縱醉江樓笙歌雜沓娛清夜風露高寒接素秋少日壯心輕玉塞暮年幽夢墮滄洲

人間清絕沅湘路常笑靈均作許愁

歲晚

歲晚城隅車馬稀偷閒聊得掩荆扉
征蓬滿野風霜苦多稼連雲雁鶩肥
報國有心空自信結茅無地竟安歸
浣花道上人誰識華表千年老令威

領聯真風人語歎惋無盡妙有含蓄

數日寒頓減頗有春意感懷賦短歌

微陰寒不力破臘春暗動林梢報梅白
水際聞鳥哢羈

欽定四庫全書

御選唐宋詩醇

卷四十三

鴻漸整翮一一勞目送應憐飛蓬客猶作浣花夢平生
江淮間裘馬事豪縱豈知老畏死齋鉢受蔬供忍饑每
自笑小飲未敢痛何以慰寂寥卧聽壓春甕

梅花

冰崖雪谷木未芽造物破荒開此花神全形枯近有道
意莊色正知無衰高堅政要飽憂患放棄何遽愁荒遐
移根上苑亦過計竹籬茅屋真吾家平生自嫌亦自許
妙處可識不可誇金尊翠杓未免俗籌火為試江南茶

另開生面全是寓言

萬里橋江上習射

坡隴如濤東北傾胡牀者射及春晴風和漸減雕弓力
野迥遙聞羽箭聲天上橈槍端可落草間狐兔不須驚
丈夫未死誰能料一等他年下百城

出塞曲

佩刀一刺山為開壯士大呼城為摧三軍甲馬不知數

但見動地銀山來長戈逐虎祁連北馬前曳來血丹臆

欽定四庫全書

御選唐宋詩醇

卷四十三

却回射雁鴨綠江箭飛雁起連雲黑清泉茂草下程時
野帳牛酒爭淋漓不學京都貴公子唾壺麈尾事兒嬉
偶過浣花感舊遊戲作

憶昔初為錦城客醉騎駿馬桃花色玉人携手上江樓

一笑鈎簾賞微雪寶釵換酒忽徑去三日樓中香未滅
市人不識呼酒仙異事驚傳一城說至今西壁餘小草
過眼年光如電掣正月錦江春水生花枝缺處小舟橫
閒倚胡牀吹玉笛東風十里斷腸聲

樓上醉書

丈夫不虛生世間本意橫槊收河山豈知蹭蹬不稱意
八年梁益凋朱顏三更撫枕忽大呌夢中奪得松亭闌
中原機會嗟屢失明日茵席留餘潛益州官樓酒如海
我來解旗論日買酒酣博塞為歡娛信手梟盧喝成采
牛背爛爛電目光狂殺自謂元非狂故都九廟臣敢忘
祖宗神靈在帝旁

縱筆直書却有沈鬱頓挫之妙范成大贈游云高興餘
飛動孤忠有照臨非虛語也

初春出游

春風初來滿刀州江水照人如潑油犢車芳草南陌頭
家家傾貲事遨遊萬里橋西繫黃驥為君一登散花樓
半年長齋廢觥籌興來忽典千金裘小桃婀娜弄芳柔
紅蘭茁芽滿春洲爐邊女兒不解愁鬪草纔罷還藏釣
可憐世人自拘囚蓋中乾坤舞蜉蝣百年苦短去日遒
問君安用萬戶侯

張園海棠

洛陽春信久不通姚魏開落胡塵中揚州千葉昔曾見
已歎造化無餘功西來始見海棠盛成都第一推燕宮
池臺掃除凡木盡天地眩轉花光紅慶雲隋空不飛去
時有絳雪紫微風蜂蝶成團出無路我亦狂走迷西東
此園低樹猶三丈錦繡却在青天上不須更著刀尺裁
乞與齊奴開步障

不著凡語為海棠生色從來咏海棠者多矣以此為最

登劍南西川門感懷

自古高樓傷客情更堪萬里望吳京故人不見莫雲合
客子欲歸春水生瘴癘連年須藥石退藏無地著柴荆
諸公勉畫平戎策投老深思看太平
盧世㴶曰此首極似杜陵讀者自辨之

眉州作

扁舟久不泛岷津常恐黃塵解污人爛醉破除千日懲
原註予不至眉山三年矣
狂吟判斷四州春原註此行自成都歷永康唐安至眉山
汀

洲漸歎蘋花老風露初嘗荔子新便欲騎鯨東海去勝遊未忍別峩岷

江樓

急雨洗殘瘴江邊閒倚樓日依平野沒水帶斷槎流擣紙荒村晚呼牛古巷秋腐儒憂國意此際入搔頭隨意詠懷不覺近杜其由來深矣

訪楊先輩不遇因至石室

訪客客已去追涼成獨行衣冠嚴漢殿草木拱秦城古

欽定四庫全書

御選唐宋詩醇

卷四十三

欽定四庫全書

御選唐宋詩醇

三

甃蒼苔滑空庭落日明出門還憮恍列屋打碑聲

原註
墻東

即石經堂

感秋

西風繁杵擣征衣客子闊情正此時萬事從初聊復爾

百年彊半欲何之畫堂蟋蟀怨清夜金井梧桐辭故枝一枕淒涼眠不得呼燈起作感秋詩

王士禛曰玉階蟋蟀鬧清夜四語小說載此為蜀中某驛卒女詩放翁見之納以為妾為夫人所逐又有

卜算子詞不合盡春山依舊留愁住云云按劍南集此詩乃放翁在蜀時所作本七律玉階作盡堂閣作怨後人稍竄易數字輒傳會或收入閨秀詩可笑也

白鶴館夜坐

竹聲風雨交松聲波濤翻我坐白鶴館燈青無晤言廓然心境寂一洗吏卒喧袖手哦新詩清寒愧雄渾屈宋死千載誰能起九原中間李與杜獨招湘水魂自此競

摹寫幾人望其藩蘭苔看翡翠煙雨啼青猿豈知雲海

欽定四庫全書

御選唐宋詩醇

三

中九萬擊鵬鷗更闌燈欲死此意與誰論

此與書歎一篇見此老識力亦後學良則所以為南渡

之冠

南津勝因院亭子

南江平無風如鏡新拂拭漁舟不點破激激千頃碧闌干西北角雲散山爭出坡陁競南走翠入窗戶窄江山不世情作意娛此客豈無尊中酒豪飲非宿昔明當還成都塵土埋馬迹後巖在眼中飛去無羽翼

原註後巖

後七八里山
水尤奇絕

書寫舍壁

天與癡頑不解愁未埋病骨且閒遊山於拄杖橫時看
路到芒鞋破處休初擬燒丹住南嶽却因學劍客西州
秋風巾褐添蕭爽又作臨邛十日留

欽定四庫全書

御選唐宋詩醇

三二

御選唐宋詩醇卷四十三



總校官庶吉士臣張能照
校對官中書臣王璫
謄錄貢生臣湯安泰

欽定四庫全書叢書要

集部

御選唐宋詩醇卷四十五

欽定四庫全書叢書要
御選唐宋詩醇卷四十四

山陰陸游詩三

目錄

西巖翠屏閣

雨中山行至松風亭忽澄霧

贈宋道人

獵罷夜飲示獨孤生

欽定四庫全書

御選唐宋詩醇
卷四十四目錄

秋晚登城北門

莫秋

數日暄妍頗有春意予閑居無日不出遊戲作

江樓醉中作

曳策

謁漢昭烈惠陵及諸葛公祠宇

大雪歌

訪客至西郊

詳校官原任主事臣李斯咏

夜寒

故蜀別苑在成都西南十五六里梅至多有兩大

樹夭矯若龍相傳謂之梅龍予初至蜀嘗為作詩

自此歲常訪之今復賦一首丁酉十一月也

閑意

書雨

莫冬夜宴

謁石犀廟

欽定四庫全書

御選唐宋詩醇
卷四十四 目錄

二

江上散步尋梅偶得絕句

大醉梅花下走筆賦此

廣都江上作

道室夜意

城南王氏莊尋梅

遊諸葛武侯書臺

眉州披風榭拜東坡先生遺像

南定樓遇急雨

舟中對月

涪州道中

北巖

忠州禹廟

龍興寺弔少陵先生寓居

遊萬州岑公洞

萬州放船過下巖小留

楚城

欽定四庫全書

御選唐宋詩醇
卷四十四 目錄

三

舟出下牢關

峽口夜坐

初到荊州

阻風

小雨極涼舟中熟睡至夕

岳陽樓

黃鶴樓

自雪堂登四望亭因歷訪蘇公遺跡至安國院

舟行蘄黃間雨霽得便風有感

長風沙

登賞心亭

將至京口

泝谿

冬夜聞雁有感

月夕

自雲門之陶山肩輿者失道行亂山中有茅舍小

塘極幽邃求見主人不可意其隱者也

園中雜書

池亭夜賦

雙清堂夜賦

橋南納涼

初秋夢故山覽而有作

別建安

紫谿驛

欽定四庫全書

御選唐宋詩醇
卷四十四目錄

四

欽定四庫全書

御選唐宋詩醇
卷四十四目錄

五

書懷絕句

雨後極涼料簡篋中舊書有感

秋夜

雨夜

豐城高安之間憩民家景趣幽邃為之慨然懷歸

寄奉新高令

予欲自嚴買船下七里灘謁嚴光祠而歸會灘淺

陸行至桐廬始能泛江因得絕句

月巖

聞雁

春雨

南窓睡起

感舊絕句

夏日晝寢夢遊一院閒然無人簾影滿堂惟燕跕
箏弦有聲覺而聞鐵鐸風響璆然殆所夢也邪因

得絕句

辛丑正月三日雪

雪霽歸湖上過千秋觀少留

題山家壁

憶昔

秋夜

九月三日泛舟湖中作

新寒

湖村月夕

欽定四庫全書

御選唐宋詩醇
卷四十四目錄

六

橫塘

蔬圃

五雲門晚歸

夜汲井水煮茶

寄朱元晦提舉

乍晴風日已和泛舟至扶桑埭徘徊西村久之

攜嬢尊醉梅花下

城西接待院後竹下作

幽居春夜

晨起

春遊

八月十四日夜湖山觀月

夜聞秋風感懷

草書歌

夜泊水村

自妙相歸將至杜浦堰舟中作

欽定四庫全書

御選唐宋詩醇
卷四十四目錄

七

御選唐宋詩醇卷四十四目錄

欽定四庫全書 舊要卷一萬九千三百六十八

集部

御選唐宋詩醇卷四十四

山陰陸游詩三

西巖翠屏閣

把酒孤亭半日留。西巖獨擅鶴山秋。
也知絕境終難賦，且喜閑身得縱遊。
鶻起危巢時磔磔，鹿鳴深澗暮呦呦。
人生適意方為樂，甲第朱門祇自囚。

五六造語幽絕寂歷之境宛然在目

欽定四庫全書

御選唐宋詩醇
卷四十四

雨中山行至松風亭忽澄霽

煙雨千峰擁髻鬟，忽看青嶂白雲間。
卷藏破墨營丘筆，却展將軍著色山。

贈宋道人

我不如昔人騎鶴上九天，玉簡奏事虛皇前。
平生齋養氣，麤全兩脚馳走輕如煙。

鳥道懸崖忽飛騫，戲擲短劒聲鏗然。
轉盼跳下千仞淵，已復取劒升層巔。
騰猿俊鶻爭後先，飢食松花掬飛泉。
金骨綠髓漸凝堅，口哦七字

黃庭篇西來，欲訪挾彈儂。
丹經劒訣更精研，嗟哉一失五百年。
作詩付子勿妄傳。

獵罷夜飲示獨孤生

白袍如雪寶刀橫，醉上銀鞍身更輕。
帖草角鷹掀兔窟，憑風羽箭作鴟鳴。
關河可使成南北，豪傑誰堪共死生。
欲疏萬言投魏闕，燈前攬筆涕先傾。

直從胸臆流出如聞撫髀之歎

秋晚登城北門

欽定四庫全書

御選唐宋詩醇
卷四十四

幅巾藜杖北城頭，卷地西風滿眼愁。
一點烽傳散闕信，兩行雁帶杜陵秋。
山河興廢供搔首，身世安危入倚樓。
橫槊賦詩非復昔，夢魂猶繞古梁州。

神似少陵

莫秋

時序中年速，風霜客路長。
孤愁巴月白，清夢楚山蒼。
燈疎夜殷床，居有微祿不敢恨。
殊方數日暄，妍頗有春意。
予閑居無日不出遊戲，作

小春花蕾索春饒已有暄風入紫貂村路雨晴鳩婦喜

射場草綠雉媒驕苑邊結客飛金勒樓上誰家弄玉簫
莫怪夕陽歸獨後早梅喚我度谿橋

原註蜀宣華苑在摩訶池上

江樓醉中作

淋漓百榼宴江樓秉燭揮毫氣尚遒天上但聞星主酒

人間寧有地埋憂生希李廣名飛將死慕劉伶贈醉侯

戲語佳人頻一笑錦城已是六年留

原註退之詩云越女一笑三年留

曳策

原註遊房園作

欽定四庫全書

御選唐宋詩醇卷四十四

三

慈竹蕭森拱廢臺醉歸曳策一徘徊紛紛落日牛羊下
黯黯長空霰雪來三峽猿催清淚落兩京梅傍戰塵開

客懷已是淒涼甚更聽城頭畫角哀

觸緒即来自是此翁忠悃與杜陵無二賞其氣之蒼老

謁漢昭烈惠陵及諸葛公祠宇

雨止風益豪雪作雲不動淒涼漢陵廟衰草卧翁仲畫

妓空笙竽土馬闕羈鞚壞沃黃犢耕柏密幽鳥哢尚想

忠武公身任社稷重整整渭上營氣已無歧雍少須天

意定破賊寧患衆興亡信有數星隕事可痛陵邊四五

家茆竹居接棟手駁紙上箔

原註居民皆以造紙為業酷熟酒鳴甕

雖嗟生理微亦足逭飢凍劉葛固雄傑閱世均一夢論

高常近迂才大本難用九原不可作再拜臨風慟

潘問奇曰事未必然聊為孔明吐氣

大雪歌

原註累日作雪竟不成戲賦此篇

長安城中三日雪潼關道上行人絕黃河鐵牛僵不動
承露金盤凍將折虬鬚豪客狐月白裘夜來醉眠寶釵樓

欽定四庫全書

御選唐宋詩醇卷四十四

四

五更未醒已上馬衝雪却作南山遊千年老虎獵不得
一箭橫穿雪皆赤掣空爭死作雷吼震動山林裂崖石
曳歸擁路千人觀髑髏作枕皮裳鞍人間壯士有如此

胡不來歸漢天子

一腔豪氣千古奇文覺希逸雪賦直是兒女情多風雲

氣少

訪客至西郊

撼撼敗葉飛黯黯寒雲低村墟與市里觸目一慘悽今

日病體輕駕言適城西丹柿滿野店青帘出江隄獵騎

載雉兔樵檜懸鶴雞居人各自得使我念故谿故谿不敢說況復朝金闈傷哉齧雪翁歲晚猶牧羝下愚不自還大惑終身迷君恩何由報力耕愧黔黎

夜寒

清夜焚香讀楚詞寒侵貂褐歎吾衰輕冰滿研風聲急忽記山陰夜雪時

故蜀別苑在成都西南十五六里梅至多有兩大

欽定四庫全書

御選唐宋詩醇
卷四十四

五

樹天矯若龍相傳謂之梅龍予初至蜀嘗為作詩自此歲常訪之今復賦一首丁酉十一月也

昔年曾賦西郊梅茫茫去日如飛埃即今衰病百事嬾陳迹未忘猶一來蜀王故苑犁已遍散落尚有千雪堆朱樓玉殿一夢破煙蕪牧笛遺民哀兩龍卧穩不飛去鱗甲脫落生莓苔精神最遇雪月見氣力苦戰冰霜開

羈臣放士耿獨立淑姬靜女知誰媒摧傷雖多意愈厲直與天地爭春回蒼然老氣壓桃杏笑我白髮心尚孩

微風故為作嫋媚一片吹入黃金罍

詩以言情賦物而情不至不足以為詩羈臣放士耿獨立淑姬靜女知誰媒蓋亦黯然自傷矣

閑意

柴門雖設不曾開為怕行人損綠苔妍日漸催春意動好風時捲市聲來學經妻問生疎字嘗酒兒斟灑灑盃安得小園寬半畝黃梅綠李一時裁

書雨

欽定四庫全書

御選唐宋詩醇
卷四十四

六

仲冬候始寒丙夜天正黑雨來挾風助吼擊不遺力聲如拔高山勢若伐強國初憂老栢折遂恐石筍踣乾坤本無心百神各効職蛟龍鬪歲暮豪橫理莫測農功幸已成龍怒亦會息屋漏何足言袖手姑默默信手拈來輒成奇語中間接筆尤為健絕

暮冬夜宴

官機錦茵金蹙鳳舞娃釵墮雙鬟重寶爐三尺香吐霧畫燭如椽風不動主人愛客情無已箏聲未斷歌聲起

亦知百歲等朝露便恐一歡成覆水爐紅酒綠春為回

坐上梅花連夜開堂前咫尺異氣候冰合平池霜壓階

妙於諷諭風人之遺

謁石犀廟

閑過石犀祠登堂一歎歎江回陵谷變碑斷市朝非原註
有王蜀時修廟碑銘荒圃連寒壠斜陽映夕霏興亡俱昨夢惆悵

跨驢歸

江上散步尋梅偶得絕句

欽定四庫全書

御選唐宋詩醇

卷四十四

七

小南門原註萬里橋門一名小南門外野人家短短疎籬繚白沙紅

稻不須鸚鵡啄清霜催放兩三花

大醉梅花下走筆賦此

閉門坐歎息不飲輒千日忽然酒興生一醉須一石擔

頭花易老旗亭酒常窄出郊索一笑放浪謝形役把酒
梅花下不覺日既夕花香襲襟袂歌聲上空碧我亦落
烏巾倚樹吹玉笛人間奇事少頗謂三勍敵酒闌江月
上珠樹挂寒壁便疑從此儂朝市長掃迹醉歸亂一水

頓與異境隔終當騎梅龍海上看春色

原註梅龍蓋蜀苑中故物也

風流清興如在目前

廣都江上作

微波不搖江纖雲不行天我來倚杖立天水相澄鮮平
遠望不盡日落自生煙梅花耿獨立雪樹明前川好風
吹我衣春色已粲然東村聞酒美買醉上漁船

道室夜意

寒泉漱酒醒午夜誦仙經茶鼎聲號蚓香盤火度螢齋

欽定四庫全書

御選唐宋詩醇

卷四十四

八

心守玄牝閑目得黃寧寄語山中友因人送茯苓

黃庭經何不食氣太和精故能不死入黃寧注即黃

庭也

城南王氏莊尋梅

涸池積槁葉茆屋圍疎籬可憐庭中梅開盡無人知寂
寥終自香孤貞見幽姿雪點滿綠苔零落尚爾奇我來
不須晴微雨正相宜臨風兩愁絕日暮倚筇枝

骨格不凡

遊諸葛武侯書臺

沔陽道中草離離卧龍往矣空遺祠當時興亡稱猾賊氣喪不敢當王師定軍山前寒食路至今人祠丞相墓松風想像梁甫吟尚憶幡然奮三顧出師一表千載無遠比管樂蓋有餘世上俗儒寧辨此高臺當日讀何書警策語故不在多

眉州披風榭拜東坡先生遺像

蜿蜒回顧山有情平鋪十里江無聲孕奇蓄秀當此地

鬱然千載詩書城高臺老仙誰所寫仰視眉宇寒崢嶸百年醉魂吹不醒飄飄風袖筇杖橫爾來逢迎厭俗子龍章鳳姿我眼明北扉南海均夢耳謫墮本自白玉京惜哉畫史未造極不作散髮騎長鯨故鄉歸來要有日

安得春江變酒從公傾

南定樓遇急雨

行遍梁州到益州今年又作度瀘遊江山重複爭供眼風雨縱橫亂入樓人語朱離逢峒獠棹歌欸乃下吳舟

天涯住穩歸心嬾登覽茫然却欲愁

屬對之妙神韻自然不可湊泊

舟中對月

百壺載酒遊凌雲醉中揮袖別故人依依向我不忍別誰似峨嵋半輪月月窺船窓挂淒冷欲到渝州酒初醒江空裊裊釣絲風人靜翩翩葛巾影噭詩不睡月滿船清寒入骨我欲仙人間更漏不到處時有沙禽背船去

涪州道中

遠客喜歸路清遊逾昔聞雨添山翠重舟壓浪花分落叟經名世張侯勇冠軍原註郡境有伊川先生故居及張翼德祠懷人不可覩袖手對爐熏

北巖原註有程正叔先生祠堂

艤船涪州岸攜兒北巖遊搖櫓橫大江褰裳躡高樓雨昏山半失江漲地欲浮老矣寧再來為作竟日留烏帽程丈人閉戶本好修駭機一朝發議罪至竄投黨禁久不解胡塵暗神州修怨以稔禍哀哉誰始謀小人無遠

略所懷在私讐後來其鑑茲賦詩識巖幽

持論嚴正所見者大集中如此等作於君子小人之分
判若黑白足以觀其所處矣

忠州禹廟

古郡巴蠻國空山夏禹祠鴉歸暗庭栢巫拜薦江離草
蔓青緣壁苔痕紫滿碑欲歸頻悵望回棹夕陽時
雖非橘柚龍蛇之比亦老氣無敵

龍興寺弔少陵先生寓居

欽定四庫全書
御選唐宋詩醇
卷四十四
中原草草失承平成火胡塵到兩京扈蹕老臣身萬里
天寒來此聽江聲

雙管齊下一寫兩枝

張完臣曰草草二字狀盡衰世景象謂之咏少陵可
謂之自咏亦可

遊萬州岑公洞

原註岑公隋時人居此二十年得道仙去

大業征遼發閭左軍興書檄煎膏火此時也復有閑人
自引巖泉拾山果後六百歲吾來遊洞中正夏淒如秋

乳石床平可坐卧水作珠簾月作鉤十年神遊八極表
浮名坐覺秋豪小試問岑公迎我不鶴飛忽下青松杪

萬州放船過下巖小留

畫船四月滿旗風飲散匆匆鷁首東醉裏偏憐江水綠
意中已想荔枝紅斷碑零落莓苔遍幽澗淙潺略有通
一足寧無好東緝憑誰畫此碧玲瓏

楚城

欽定四庫全書
御選唐宋詩醇
卷四十四
江上荒城猿鳥悲隔江便是屈原祠一千五百年間事

只有灘聲似舊時

王士禎曰歸州在江北山巔江南有楚臺山山上有
楚王臺及舊秭歸城三閭大夫實產是鄉王龜齡詩

城郭舊為夔子國人民多是楚王孫陸放翁詩江上
荒城猿鳥悲隔江便是屈原祠一千五百年間事只
有灘聲似舊時何仲默詩古郡山頭數家住客舟江
上一燈明竹枝慣聽巴人曲鳥道纔通楚國程荒山
寒日江聲怒號獨坐吟此數詩不必猿鳴三聲淚霑

裳也

張完臣曰聲味都盡而語氣不斷此之謂詩

舟出下牢關

大舸凌驚濤飛度青玉峽虛壁雲濛濛陰洞風颯颯拂天松蓋偃入水山腳插炎曦忽摧破亭午手忘簾懸知今夜喜月白宿沙夾曠哉七澤遊盟鷗不須歛

押韻皆穩

峽口夜坐

欽定四庫全書

御選唐宋詩醇
卷四十四

十三

三峽至此窮兩壁猶峭立估船無時行婦蓋有夜汲風生樹影動月碎水流急草根綴微露螢火飛熠熠吾行已四旬纔抵楚西邑浩歌散鬱陶還舟覺衣濕

初到荊州

萬里泛仙槎歸來鬢未華蕭蕭沙市雨淡淡渚宮花斷

岸添新漲高城咽晚笳船窓一樽酒半醉落烏紗

阻風

沙市三日風萬鼓鳴船頭欲去不得發卧對青燈幽聽

兒誦離騷可以散我愁微言入孤夢悅與屈宋遊睡起銅瓶響欣然喚茶甌吾道無淹速風伯非所尤

小雨極涼舟中熟睡至夕

舟中一雨掃飛蠅半脫綸巾卧翠藤清夢初回窓日晚數聲柔艣下巴陵

岳陽樓

身如病鶴短翅翎雨雪飄灑號沙汀天風忽吹不得住

欽定四庫全書

御選唐宋詩醇
卷四十四

十四

東下巴峽泛洞庭軒皇張樂雖已矣此地至今朝百靈雄樓岌峩鎮吳楚我來舉手捫天星帆檣纔放已隱隱雲氣亂入何冥冥鼉鼈出沒蛟鰐橫浪花遮盡君山青

黃衫仙翁喜無恙袖劖近到城南亭眼前俗子敗人意安得與翁同醉醒

黃鶴樓

手把仙人綠玉枝吾行忽及早秋期蒼龍闕角歸何晚黃鶴樓中醉不知江漢交流波渺渺晉唐遺跡草離離

平生最喜聽長笛裂石穿雲何處吹

別出機軸邈然清負結語運化入妙幾於滅盡針線之迹

自雪堂登四望亭因歷訪蘇公遺迹至安國院

我醉飛屐登孱頰拄杖出沒風煙間三山葱曨鮫鷁靜九關肅穆虎豹閑幾年金骨煉綠髓此日始得窮躋攀老僊歸侍紫皇案空有野水流淙潺蜿蜒翠阜圍綠野似嶺非嶺山非山向來龍蛇滿雪壁雷電下取何時還

欽定四庫全書

御選唐宋詩醇

十五

名花亦已天上去居人指似題詩處九十一翁不識公

我抱此恨知無窮原註定惠院已廢海棠亦不復在安國老僧景滋年九十一自言東坡去

黃後四年方生

舟行蘄黃間雨霽得便風有感

天青雲白十分晴帆飽舟輕盡日行江底魚龍貪晝睡

淮南草木借秋聲好山縹渺何由住華髮蕭條只自驚

莫怪時人笑疎嬾宦情元不似詩情

長風沙

江水六月無津涯驚濤駭浪高吹花艤聲已出雁翅浦

荻夾喜入長風沙長風自古三巴路檣竿參差雜煙樹南船北船各萬里淒涼小市相依住歌呼雜沓燈火明

登賞心亭

蜀棧秦關歲月邇今年乘興却東遊全家穩下黃牛峽半醉來尋白鷺洲黯黯江雲瓜步雨蕭蕭木葉石城秋孤臣老抱憂時意欲請遷都涕已流

欽定四庫全書

御選唐宋詩醇

十六

將至京口

卧聽金山古寺鐘三巴昨夢已成空船頭坎坎坷帆鼓旗尾舒舒下水風城角危樓晴靄碧林間雙塔夕陽紅

銅瓶愁汲中瀉水不見茶山九十翁原註頃在京口嘗取中瀉水寄曾文

清公

沂谿

射的峰前禹廟東短蓬三扇卧衰翁閑攜清聖濁賢酒重試朝南莫北風水落痕留紅蓼節雨來聲滿綠蒲叢

衝煙莫作匆匆去擬看溪丁下釣筒

冬夜聞雁有感

從軍昔戍南山邊傳烽直照東駱谷軍中罷戰壯士閑
細草平郊恣馳逐洮州駿馬金絡頭梁州毬場日打毬
玉杯傳酒和鹿血女真降虜彈箜篌大呼拔幟思野戰
殺氣當年赤浮面南遊蜀道已低摧猶據胡牀飛百箭
豈知蹭蹬還江邊病臂不復能開弦夜聞雁聲起太息
來時應過桑乾磧

豪邁一往壓倒高岑

月夕

開戶滿庭雪徐看知月明微風入叢竹復作雪來聲俗
塵不待掃凜然肝肺清村深無漏鼓鶴唳報三更
以雋語寫幽致列子御風冷然善也

自雲門之陶山肩輿者失道行亂山中有茅舍小
塘極幽邃求見主人不可意其隱者也

陂池幽處有茅堂井臼蕭條草樹荒小鴨怯波時聚散

病蔬傷蠹半青黃童兒衝雨收魚網婢子聞鐘上佛香

我亦暮年思屏迹數椽何計得連牆

園中雜書

殘花委地筍掀泥香椀詩囊到處攜幽夢欲成誰喚覺
半窓斜日鷗鷺啼

池亭夜賦

池上小亭幽清宵秉燭遊荷盤時瀉露螢火早知秋有
感歲時速無聲河漢流殊方不堪住歸夢繞滄洲

雙清堂夜賦

陸子病少間獨卧谿上堂人靜魚自躍風定荷更香素

月行中天流螢失孤光歸鳥飛有聲度此十里塘嗟我
獨何事遲暮客異鄉太息搔短髮起視夜未央

妙於體物流螢失孤光與螢火早知秋各有妙理風定

荷更香風定池蓮自在香亦復各成妙句前後三詩不

妨並存

橋南納涼

曳杖來追柳外涼，畫橋南畔倚胡牀。
月明船笛參差起，風定池蓮自在香。

碧筒莫惜頹然醉，人事還隨日出忙。

初秋夢故山覺而有作

陂水白茫茫，草煙濕霏霏。
牧童一聲笛，落日無餘暉。
遙山已漸隱，村巷亞竹扉。
老翁延我入，苦謝柿栗微。
幸逢歲有秋，一醉君勿違。
念此動中懷，命駕吾將歸。

一別建安

欽定四庫全書

御選唐宋詩醇
卷四十四

十九

欹帽揚鞭晚出城，驛亭燈火向人明。
多情葉上蕭蕭雨，更把新涼送客行。

紫谿驛
原註信州
鉛山縣

雲外丹青萬仞梯，木陰合處子規啼。
嘉陵棧道吾能說，略似黃亭到紫谿。

筆有天趣此作運化工，部下篇又用太白皆極鑪錘之妙。

月巖

幾年不作月巖遊，萬里重來已白頭。
雲外連娟何所似，平羌江上半輪秋。

淡淡自合刻劃，即失之矣。

聞雁

過盡梅花把酒稀，熏籠香冷換春衣。
秦關漢苑無消息，又在江南送雁歸。

張完臣曰可謂深至

春雨

欽定四庫全書

御選唐宋詩醇
卷四十四

二十

冬旱土不膏，愛此春夜雨。
四郊農事興，老稚迭歌舞。
相呼長沮耕，分喜樊遲圃。
豐年已在目，亭障靜桴鼓。
我歸未有期，一官寄倉庾。
幸復寬簡書，不敢恨羈旅。

平平寫去淡雅可愛，豐年十字抵得一篇喜雨亭記。

南窓睡起

夢中忘却在天涯，一似當年錦里時。
狂倚寶箏歌白紵，醉移銀燭寫烏絲。
酒來郫縣香，初壓花送彭州露。
尚滋起坐南窓成絕嘆，玉樓乾鵠誤歸期。

盧世㴶曰三四俊爽自是佳句

晝漏迢迢暑氣清不妨小倦帶餘醒夢從隴客聲中斷愁向湘屏曲處生風度簾旌紅浪颭窓明香岫碧雲橫

閑情賦罷憑誰寄悵望壺天白玉京

感舊絕句

鵝黃酒邊綠荔枝

原註鵝黃廣漢酒名綠荔枝出叙州

摩訶池上納涼時

冰紈不畫驂鸞女却寫江南白紵辭

盧世㴶曰有世外音響當於空際遇之

欽定四庫全書

御選唐宋詩醇卷四十四

王三

夏日晝寢夢遊一院閒然無人簾影滿堂惟燕跕
箏弦有聲覺而聞鐵鐸風響璆然殆所夢也邪因

得絕句

桐陰清潤雨餘天簷鐸搖風破晝眠夢到晝堂人不見

一雙輕燕蹴箏絃

書懷絕句

不到天台三十年草菴猶記宿雲邊老僧曉出松門去

手挈軍持取澗泉

絕句源出樂府但取神韻趣在有意無意之間唐人推

青蓮龍標二家擅場作者妙處深得風人之致視唐殆無愧色此不可以時代拘者也

雨後極涼料簡篋中舊書有感

日昧小雨不至晡雨雖未足涼有餘細泉泠泠咽幽竇
清吹策策驚高梧笠澤老翁病蘇醒欣然起理西齋書
十年燈前手自校行間顛倒黃與朱區區樸學老自信
要與萬卷歸林廬爾來世俗好變古鑿空飾詐無根株

欽定四庫全書

御選唐宋詩醇卷四十四

王三

愀然撫几三太息力薄抱恨何由祛蘭臺漆書非已責
且為籤牋除蠹魚

秋夜

湖海秋初到房櫳夜轉幽露濃驚鶴夢月冷伴蛩愁生

計依微祿年光墮遠遊嚴灘已在眼早晚放孤舟

原註欲自三衢舟行泛七里瀨歸山陰今竟當為此行也

雨夜

庭院蕭條秋意深銅爐一炷海南沈幽人聽盡芭蕉雨

獨與青燈話此心

豐城高安之間憩民家景趣幽邃為之慨然懷歸

桐廬縣前艤聲急蒼煙茫茫白鳥雙亂山日落潮未落
勝絕不減吳松江

數家聚雲根細路入叢薄濺濺石渠水來往一略約有

無鄰里通笑語婦子樂濁醪時相就青蔬缺鹽酪日暮
歸閑門績火星煜爚先期畢租稅老不入城郭嗟予獨
何事早插紅塵脚故山未成歸悵望有餘怍

寄奉新高令

小雨催寒著客袍草行露宿敢辭勞歲饑民食糟糠窄

欽定四庫全書
御選唐宋詩醇
卷四十四
王三
吏惰官倉鼠雀豪只要閭閻寬筆楚不須亭障肅弓刀

九重屢下丁寧詔此責吾曹未易逃

此真良二千石矣察吏恤災安民弭盜奉公任職八句
中色色具到却一氣渾成不冗不腐風雅遺軌何可多
得鶴林玉露載王十朋真德秀二詩命意雖同而氣格

相去遠矣

予欲自嚴買船下七里灘謁嚴光祠而歸會灘淺

陸行至桐廬始能泛江因得絕句

辛丑正月三日雪
風格絕佳

開歲尚殘冬佳哉雪意濃潤歸千里麥聲亂五更鐘簾
隙收初密牆隅積已重龍團笑羔酒狐腋襲駝茸危檻
臨欹竹幽牕聽墮松忽思西戍日憑堞待傳烽原註予
從戎日
嘗大雪中登興元城上
高興亭待平安火至

欽定四庫全書
御選唐宋詩醇
卷四十四
王三
龍團笑羔酒用陶穀事妙於不覺

雪霽歸湖上過千秋觀少留

縱轡不嫌遠逢山猶一登夕陽陂渺渺殘雪塔層層折
竹橫遮道饑烏下啄冰欲歸還小駐倚杖對峻嶒

題山家壁

山中無傳漏猿鳴知既夕芳藤上幽援素月照高壁主人殊喜事歡若有夙昔稚子檠竹檠炊黍持餉客卜鄰
雖未辦清嘯聊自適衰病久廢詩筆端歎荆棘

憶昔

憶昔浮江發劒南夕陽船尾每相銜楠陰暗處尋高寺

荔子紅時宿下巖

原註高寺在瀘州下巖在雲安軍

破口烹猪賽龍廟

沙頭伐鼓桂風帆區區陳迹何由記惟有征塵尚滿衫

秋夜

秋氣侵帷夢不成一燈西壁翳還明風高露井無桐葉

雨急煙村有雁聲擊筑誰同燕市飲賈春方作會稽行

從來自許知何等堪歎江湖白髮生

欽定四庫全書

御選唐宋詩醇

卷四十四

欽定四庫全書

御選唐宋詩醇

卷四十四

涼風又落南宮木老雁孤鳴漢北州不及領聯之含蘊

九月三日泛舟湖中作

兒童隨笑放翁狂又向湖邊上野航魚市人家滿斜日

菊花天氣近新霜重重紅樹秋山晚獵獵青帘社酒香

隣曲莫辭同一醉十年客裏過重陽

原註予自庚寅至辛丑始見九日於

故山

新寒

病怯新寒欲不禁南牕擁褐夜愔愔江湖跌宕送餘日

書劒蕭條孤壯心杜曲新愁隨斷雁遼陽遺恨入疎砧
此懷擬向何人說賴有昏燈伴苦吟

湖村月夕

客路風塵化素衣閑愁冉冉鬢成絲平生不負月明處
神女廟前聞竹枝

盧世灌曰色相俱空

橫塘

橫塘南北埭西東拄杖飄然樂未窮農事漸興人滿野

欽定四庫全書

御選唐宋詩醇

卷四十四

霜寒初重雁橫空參差樓閣高城上寂歷村墟細雨中
新買一蓑苔樣綠此生端欲伴漁翁

原註是日偶買蓑衣甚妙

蔬圃

山翁老學園自笑一何愚碗瘠財三畝勤劬賴兩奴正

方畦畫局微潤土融酥翦闢荆榛盡鉏犁磊塊無過溝

橫略約聚甓起浮屠

原註拾園瓦礫作小塔隙地成瓜拔餘功及

芋區如絲細生菜似鴨爛蒸壺此事今真辦東歸不為

鱸

排比瑣事點染閑情雖云遊戲亦斐亹可觀

五雲門晚歸

高城帶遠林落日動寒砧行客自朝暮青山無古今衰遲慙逸氣憂患足危心溪迮滯歸艇何時春水深以高韻勝置盛唐人集中不復可辨

夜汲井水煮茶

病起罷觀書袖手清夜永四鄰悄無語燈火正淒冷山童亦睡熟汲水自煎茗鏘然轆轤聲百尺鳴古井肺腑凜清寒毛骨亦蘇省歸來月滿廊惜踏疎梅影

寄朱元晦提舉

市聚蕭條極村墟凍餒稠勸分無積粟告糴未通流民望甚饑渴公行胡滯留徵科得寬否尚及麥禾秋

惻然仁者之言四十字不愧古人羅大經謂文公於詩獨取放翁以其氣質渾厚殆未足以盡之

宋史文公本傳淳熙七年淛東大饑易提舉淛東常

平茶鹽事即日單車就道移書他郡募米商蠲其征

比至部邑輻輳與僚屬鈞訪民隱至廢寢食雖深

山窮谷拊存不遺事竣宰相王淮贊於上曰烹荒政

乃行其所學民被實惠

乍晴風日已和泛舟至扶桑埭徘徊西村久之

十日風雨今日晴衰病忽減思閑行接蘿一幅煙霧薄
舶艋八尺鳬鶩輕亭亭孤塔遠天碧曲曲深巷斜陽明
數家茅屋門畫掩不聞人聲聞碓聲身似龐公不入城
東阡南陌餞餘生新年倘有豐年喜買酒漁村看太平

欽定四庫全書
御選唐宋詩醇
卷四十四
王

攜瘦尊醉梅花下

楠瘦作尊容斗許擁腫輪囷元媚嫵肯從放翁來住山
誰云置身不得所山房寂寞久不飲作意欲就梅花語
我病鮮歡花更甚日暮淒涼泣殘雨人生萬事雲茫茫
一醉常恐俗物妨正須仙人冰雪膚來伴老子鐵石腸
花前起舞花底卧花影漸東山月墮瓊尊未竭狂未休

笑起題詩識吾過

城西接待院後竹下作

水邊小邱因古城上有巨竹數百箇一徑蛇蟠不容脚

平處乃可十客坐裊裊共看風枝舞簌簌時聽春籜墮

古佛不粧香火冷瘦僧如腊袈裟破門前西去長安路
日夜舳艤銜尾過老夫本乏臺省姿且就清陰曲肱卧

幽居春夜

暮景催人雪鬢雙十年始復反吾邦雲逢佳月每避舍
酒壓閑愁如受降三弄笛聲初到枕一枝梅影正橫牕

要知清夢遊何許不釣桐江即錦江

欽定四庫全書

御選唐宋詩醇

卷四十四

欽定四庫全書

御選唐宋詩醇

三

頸聯圓妙有彈丸脫手之樂

晨起

小雨濕清曉新鶯啼早春年光驚病眼節物屬閑身巴

硖東連楚嶠山北控秦遠遊端可繼敢恨素衣塵

春遊

平生樂行役不耐常閉戶今朝新雨霽一笑整巾屨青

猿導幽蹊春草伴微步雖云尊酒薄蔬果亦畧具辛夷

發高枝楊柳吹墮絮行歌不知遠落日呼野渡橫林已

棲鴉淺水猶立鷺歸來意頗豪古錦有新句

八月十四日夜湖山觀月

長空露洗玻璃碧紫金之盤徑三尺忽看擘地出人間
桂樹扶疎如淡墨攬衣獨立鏡湖邊風露萬頃秋渺然

開帆詎必入東海騎鯨便可追飛仙冰壺玉瀣侵骨冷

醉看孤鸞舞清影夜闌歸舍人已眠却倩天風為吹醒
奇語得自眼前轉覺出人意表

夜聞秋風感懷

西風一夜號庭樹起攬戎衣淚濺襟殘角聲催關月墮

斷鴻影隔塞雲深數篇零落從軍作一寸淒涼報國心
莫倚壯圖思富貴英豪何限死山林

草書歌

傾家釀酒三千石閑愁萬斛酒不敵今朝醉眼爛巖電
提筆四顧天地窄忽然揮掃不自知風雲入懷天借力
神龍戰野昏霧腥奇鬼摧山太陰黑此時驅盡胸中愁
棟牀大叫狂墮幘吳牋蜀素不快人付與高堂三尺壁

與醉後草書一篇各成奇致

夜泊水村

腰間羽箭久凋零
太息燕然未勒銘
老子猶堪絕大漠
諸君何至泣新亭

一身報國有萬死
雙鬢向人無再青

記取江湖泊船處
卧聞新雁落寒汀

率多胸臆兼有氣
骨可為南渡君臣
慨然太息自妙相
歸將至杜浦堰舟中作

斜陽發東郭初夜轉西城
寺閣踈鐘動漁村遠火明蒼

茫林靄滅撲灑水禽驚漸喜吾廬近
遙聞過埭聲

欽定四庫全書

御選唐宋詩醇

卷四十四

斜陽發東郭初夜轉西城
寺閣踈鐘動漁村遠火明蒼

率多胸臆兼有氣
骨可為南渡君臣
慨然太息自妙相
歸將至杜浦堰舟中作

斜陽發東郭初夜轉西城
寺閣踈鐘動漁村遠火明蒼

斜陽發東郭初夜轉西城
寺閣踈鐘動漁村遠火明蒼

欽定四庫全書叢要

御選唐宋詩醇卷四十五

山陰陸游詩四

目錄

秋興

三江舟中大醉作

樊江晚泊

秋夕

欽定四庫全書

御選唐宋詩醇

卷四十五

欽定四庫全書

御選唐宋詩醇

目錄

秋雨排悶十韻

寄題朱元晦武彝精舍

長安道

村舍

幽居感懷

遲莫

自若耶溪舟行杭鏡湖而歸

骨相

御選唐宋詩醇卷四十四

感憤

晚出偏門

過杜浦橋

莊器之作招隱閣項平父諸人賦詩予亦繼作

溪上醉吟

雨中泊舟蕭山縣驛

初夏遊凌氏小園

題少陵畫像

初冬雜題

小雨

題徐淵子環碧亭亭有茶山曾先生詩

臨安春雨初霽

飲張功父園戲題扇上

小舟過御園

春遊絕句

雨後

欽定四庫全書

御選唐宋詩醇

卷四十五目錄

二

欽定四庫全書

御選唐宋詩醇

卷四十五目錄

三

夜汲

新霽城南舟中夜興

丙午五月大雨五日不止鏡湖渺然想見湖未廢時有感而賦

早自烏龍廟歸

齋中閒咏

秋雨北榭作

馬耆行

園中絕句

晨過天慶

出城

夜登千峯榭

秋興

余年二十時嘗作菊枕詩頤傳於人今秋偶復采菊縫枕囊悽然有感

東吳女兒曲

有為予言烏龍高峻不可到處有僧巖居不知其
年予每登千峯榭望之慨然為作詩

題千秋觀懷賀亭

樊江

楚宮行

妾命薄

四鼓酒醒起步庭下

秋霽

採藥

塞上曲

欽定四庫全書

御選唐宋詩醇
卷四十五目錄

四

送潘德久使薊門

夜歸塘街巷書事

送張野夫寺丞牧滁州

夜歸偶懷故人獨孤景畧

月下小酌

鄰曲有未飯被迫入郭者憫然有作

題湖邊旗亭

寓懷

題千秋觀懷賀亭

樊江

歸次樊江

練塘

泛湖至東涇

村居初夏

東關

七月一日夜坐舍北水涯戲作

欽定四庫全書

御選唐宋詩醇
卷四十五目錄

五

以事至城南書觸目

梅花絕句

題瑩上人二畫

剡溪

吳江

山家暮春

自詠

蓬萊館午憩

夢遊散闊渭水之間

秋夜

荷花

秋興

新晴

舍北望水鄉風物戲作絕句

禹跡寺南有沈氏小園四十年前嘗題小閣壁間偶復一到而園已易主刻小闌於石讀之悵然

欽定四庫全書

御選唐宋詩醇
卷四十五目錄

六

小園

夜讀范至能攬轡錄言中原父老見使者多揮涕

感其事作絕句

醉臥松下短歌

探梅

題四仙像

冬晴閒步東村由故塘還舍作

夜聞湖中漁歌

村夜

野意

憶昔

感懷

欽定四庫全書

御選唐宋詩醇
卷四十五目錄

七

御選唐宋詩醇卷四十五目錄

欽定四庫全書
唐宋詩醇卷一萬九千三百六十九

集部

御選唐宋詩醇卷四十五

山陰陸游詩四

秋興

樵風溪上弄扁舟濯錦江邊憶舊遊豪竹哀絲真昨夢
夾砧繁杵又驚秋墜枝橘熟初堪剪浮甕醅香恰受篤
莫道身閑總無事孤燈夜夜寫清愁

三江舟中大醉作

欽定四庫全書

御選唐宋詩醇

一

志欲富天下一身常苦飢氣可吞匈奴束帶向小兒天
公無由問世俗那得知揮手散醉髮去隱雲海天涯風息
天鏡平濤起雪山傾輕帆入浩蕩百怪不可名虹竿秋
月鈎巨鱉倘可求滅迹從今逝回看隘九州
擬以太白便覺去人不遠

樊江晚泊

碧雲吞日天欲暮城西捩柁城東路尊羹菰飯香滿船
正是江頭落帆處荻洲漁火遠更明烟水蒼茫聞雁聲

不是綠尊能破悶白頭客路若為情

秋夕

羈魂虛仗些詞招病骨那禁積毀消亂葉打窗寒有信
昏燈照幔夢無聊棧邊老驥心空在爨下殘桐尾半焦
百感忽生推枕起碧霄銀漢正迢迢

秋雨排悶十韻

欽定四庫全書

御選唐宋詩醇

二

潤香偏著書蒸蠹欲生壞簷聞瓦墮漲水見堤平溝溢
池魚出天低塞雁征螢飛明闇廡蛙鬧雜疎更藥醭時
須焙舟閑任自橫未憂荒楚菊直恐敗吳杭夜永燈相
守愁深酒細傾浮雲會消散鼓笛賽西成

方回曰字字工穩

寄題朱元晦武彝精舍

先生結屋綠巖邊讀易懸知屢絕縫不用采芝驚世俗
恐人謗道是神仙

身閑剝覺溪山好心靜尤知日月長天下蒼生未蘇息
憂公遂與世相忘

惟朱子稱此詩惟此詩可寄朱子所云詩中有人者

長安道

千夫登登供版築萬手丁丁供斲木歌樓舞榭高入雲
複幕重簾晝燒燭中使傳宣騎飛鞚達官候見車擊轂

豈惟炎熱可炙手五月瞿唐誰敢觸人生易盡朝露晞

世事無常壞陂復士師分鹿真是夢塞翁失馬猶為福

君不見野老八十無完衣歲晚北風吹破屋

言抵藥石體合風雅

村舍

空谷人稀到新寒病頓輕晨霜催小獵宿雨潤新耕草

莽秦馳道雲烟越故城千年不磨滅惟有暮山橫

有俯仰千古之感句法亦逼老杜

幽居感懷

偶傍楓林結數椽東歸也復度流年汀洲雁下依殘水

墟里人行破夕煙十月風霜欺客枕五更鼓角滿江天
散關清渭應如昨回首功名一愴然

遲暮

遲暮固多感況此歲峥嵘霜霰忽已集夜聞絡緯鳴青
燈不解語依依有餘情銅瓶煮寒泉中作笙簫聲沈憂
能傷人一夕白髮生蓬萊渺雲海金丹幾時成

自若耶溪舟行杭鏡湖而歸

換馬亭前煙火微闌牛橋畔行人稀雲山慘澹少顏色

霜日清薄無光輝新酒勦成桑正落美人信斷雁空歸

高樓何處吹長笛清淚無端又濕衣

詞意清婉風調致佳

骨相

骨相元知薄功名敢自期病侵彊健日閑過聖明時形
勝輪臺地飛騰瀚海師江湖雖萬里猶擬綴聲詩

意自深深非關骨相

感憤

今皇神武是周宣誰賦南征北伐篇四海一家天厯數

兩河百郡宋山川諸公尚守和親策志士虛捐少壯年
京洛雪消春又動永昌陵上草芊芊

大聲疾呼氣浮紙上諸將五首之嫡嗣也

盧世㴶曰南渡樂於偏安誰能念此

晚出偏門

一段新愁帶宿醒半欹烏帽策驢行村墟香動梅初破

裘褐寒輕雪未成渡口人爭紅日晚沙邊雁帶碧煙橫

悠然又覓長堤路腸斷城樓畫角聲

過杜浦橋

橋北雨餘春水生橋南日落暮山橫問君對酒胡不樂

聽取菱歌煙外聲

莊器之作招隱閣項平父諸人賦詩予亦繼作

諸公共賦反招隱細字斜行肯見傳語到淮南小山作
人如江左永和年一窗蘿月禁春瘦萬壑松風撼畫眠
我亦尚嫌林谷淺因君更擬斬雲煙

溪上醉吟

行行不知溪路深但怪素月生遙岑不辭醉袖拂花絮
與子更醉青蘿陰

雨中泊舟蕭山縣驛

端居無策散閑愁聊作人間汗漫遊晚笛隨風來倦枕
春潮帶雨送孤舟店家菰飯香初熟市擔專絲滑欲流
自笑勞生成底事黃塵陌上雪蒙頭

春潮七字與蘇州各成妙句

初夏遊凌氏小園

水滿池塘葉滿枝曲廊危榭愴幽期風和海燕分泥處

日永吳蠶上簇時閑理阮咸尋舊譜細傾白墮賦新詩

從來夏淺勝春日兒女紛紛豈得知原註庾信詩云夏淺却勝春鏡湖遊

人至立夏而止

題少陵畫像

長安落葉紛可掃九陌北風吹馬倒杜公四十不成名
袖裏空餘三賦草車聲馬聲喧客枕三百青銅市樓飲

杯殘酒冷正悲辛仗內鬪雞催賜錦

初冬雜題

莫嫌風雨作新寒一樹青楓已半丹身在范寬圖畫裏
小樓西角剩憑闌

小雨

細細濕春光霏霏破夕陽臥聞驚倦枕起看入虛堂映
葉鶯猶囁爭泥燕正忙閑愁無遣處誰與共飛觴
工於賦物不落纖巧

欽定四庫全書

御選唐宋詩醇

七

欽定四庫全書

御選唐宋詩醇

八

世味年來薄似紗誰令騎馬客京華小樓一夜聽春雨
深巷明朝賣杏花矮紙斜行閒作草晴窓細乳戲分茶
素衣莫起風塵嘆猶及清明可到家

領聯團轉脫口而出一涉湊泊失此語妙

瞿佑曰陳簡齋詩云客子光陰詩卷裏杏花消息雨
聲中陸放翁詩云小樓一夜聽春雨深巷明朝賣杏
花皆佳句也葉靖逸詩云春色滿園關不住一枝紅

杏出牆來戴石屏詩云一冬天氣如春暖昨日街頭

賣杏花句意亦佳可以追及之

盧世灌曰三四有唐人風韻

方回曰臨安春雨初霽一首歛南集編在嚴州朝辭
時所作後村詩話乃謂妙年行都所賦思陵賞音似
曲池還浸古來月叢莽忽見當時花重題舊句照高棟
誤

飲張功父園戲題扇上

寒食清明數日中西園春事又匆匆梅花自避新桃李

速宜力置竹葉酒不用更淪桃花茶

原註桃花茶
見曾公詩

臨安春雨初霽

不為高樓一笛風

寓意雖刻自足風調

盧世㴶曰翻案妙有諷意

小舟過御園

聖主憂民罷露臺春風別苑晝常開盡除曼衍魚龍戲
不禁芻蕘雉兔來水鳥避人橫翠靄宮花經雨委蒼苔
殘年自喜身強健又作清都夢一回

善於立言

欽定四庫全書

御選唐宋詩醇

卷四十五

九

春遊絕句

一百五日春郊行三十六溪春水生千秋觀裏逢急雨

射的峰前看晚晴原註自秦望山而北合
三十六溪水為若耶溪

雨後

礎潤還成雨雲收旋作晴巖花分日發林筍逐番生筆
硯行常具軒窗晚更明塵埃幸不到那得廢詩情

夜汲

酒渴起夜汲月白天正青銅瓶響寒泉聞之心自醒井

邊雙梧桐映月影離離上有獨棲鵠細爪握高枝我欲

畫團扇良工不可求三嘆拊庭楯浩然風露秋

落落有古意

新霽城南舟中夜興

身是江湖不繫船雨餘隨處一翛然浮雲盡斂出青嶂
孤月徐升行碧天收網漁歌移別浦隔城塔影落前川
明朝閒就平洲飲巾履追涼又一年

丙午五月大雨五日不止鏡湖渺然想見湖未廢

欽定四庫全書

御選唐宋詩醇

卷四十五

十

時有感而賦

朝雨暮雨梅正黃城南積潦入車箱鏡湖無復鍼青秧
直浸山腳白茫茫湖三百里漢訖唐千載未嘗廢陂防
屹如長城限胡羌嗚夫有秩走且僵旱有灌注水何傷
越民歲歲常豐穰沃湖誰始謀不臧使我婦子饑糟糠
陵遷谷變亦何常會有妙手開湖光蒲魚自足被四方

煙艇滿目菱歌長

有關國計民生非尋常歌詠可比

山陰志鏡湖綿跨二縣週迴三百五十八里東漢馬臻始築塘蓄水溉田九千餘頃迄於宋民甚利之祥符以來並湖之民盜湖為田熙寧中遣使至越不能復湖後遂盡廢為田皆已陞科議復古以興水利者常惜之而勢不可行

復湖後遂盡廢為田皆已陞科議復古以興水利者常惜之而勢不可行

會稽志張元忭曰忭按諸家所論前乎漢而無海塘則鏡湖不可不築後乎宋而有海塘則鏡湖可以不復近者三江之間其益百倍於海塘惟時其啟閉以

欽定四庫全書

御選唐宋詩醇

土

欽定四庫全書

御選唐宋詩醇

土

常謹水利之大綱而於外塘務完之內流務濬之以時修水利之細目則受利不止一會稽矣又何鏡湖

之足論乎

早自烏龍廟歸

殘漏聲中聽更鈴翩翩吹帽出郊坰雨餘澗落雙虹白雲合山餘一髮青鐵馬蹴冰悲昨夢朱顏辭鏡感頽齡歸來獨對空齋冷鳥迹蒼苔自滿庭

齋中間咏

風號萬物作濤聲雲截千峰似几平多病支離仍老境暮秋蕭瑟更山城燕觴久罷塵痕積庭訟全稀蘚暈生莫道齋中日無事焚香埽地又詩成

六句可謂深穩

秋雨北榭作

秋風吹雨到江漬小閣疎簾曉色分津吏報增三尺水山僧歸入萬重雲飄零露井無桐葉斷續煙汀有雁羣了却文書早尋睡檐聲偏愛枕間聞

欽定四庫全書

御選唐宋詩醇

土

方回曰此嚴陵郡圃也三四極工而活

馬耆行

馬耆山頭暮煙紫牛羊聲斷行人止平沙風急捲寒蓬天似穹廬月如水大胡太息小胡悲投鞍欲眠且復起漢家詔用李輕車萬丈戰雲來壓壘

馬耆山下春雪晴莽莽惟有蒺藜生射麋食肉飲其血五穀自古惟聞名樵蘇切莫近亭障將軍臥護真長城

十年牛馬向南睡知是中原今太平

園中絕句

溪北溪南飛白鷗夕陽明處見漁舟憑誰為剪機中素
畫取天涯一片秋

晨過天慶

蘿月挂團璧松風號急灘孤燈經院曉殘雪蘸壇寒賸
欲閒扶杖何妨醉墮冠詩成興不盡萬里跨青鸞

三四語意工絕與棋聲花院靜幡影石壇高不可軒輊

出城

翩翩烏帽出林坰掠面風微酒半醒戍火難尋玉關夢
衣塵空愧草堂靈天晴山雪明城郭水漲江流近驛亭
客鬢不如堤上柳數枝春動又青青

夜登千峯榭

夷甫諸人骨作塵至今黃屋尚東巡度兵大峴非無策
收泣新亭要有人薄釀不澆胸壘塊壯圖空負膽輪囷
危樓插斗山銜月徒倚長歌一愴神

從空而下氣象高遠歸咎王呂自是千古公論

孤城寂寞近江干處處踈碪送早寒水落纔餘半篙綠

霜高初染一林丹民租屢減追胥少吏責全輕法令寬
偶有一樽聊獨醉強按黃菊助清歡

余年二十時嘗作菊枕詩頗傳於人今秋偶復采

菊縫枕囊悽然有感

采得黃花作枕囊曲屏深幌閑幽香喚回四十三年夢
燈暗無人說斷腸

少日曾題菊枕詩蠹編殘橐鎖蛛絲人間萬事消磨盡

只有清香似舊時

潘問奇曰劍南詩操觚家奉之如拱璧然一時所為翕然者不過喜其陶寫風雲流連月露而已而其惓惓宗國悱惻纏綿顧未有及之者予為一一標識之使知先生當日傷半壁之無依痛兩宮之不返終天歎悼不徒區區景物間也比少陵庶幾一飯不忘之誼云

秋興

黯然自傷與沈園二絕所感同而詞亦並工蓋發乎情者深也

東吳女兒曲

東吳女兒語如鶯十三不肯學吹笙鏡奩初喜穉蠶出窗眼已看雙繭成庭空日暖花自舞簾卷巢乾燕新乳

阿弟貪書下學遲獨揀詩章教鸚鵡

絕似皮陸

有為予言烏龍高峻不可到處有僧巖居不知其年予每登千峰榭望之慨然為作詩

樵子向予說有僧巢翠微巖扉雲共宿錫杖鶴同飛日暮松明火天寒槲葉衣棄官從此逝非子尚誰歸

楚宮行

漢水方城一何壯大路並馳車百兩軍書插羽擁修門楚王正醉章華上璇題藻井窮丹青玉笙寶瑟聲冥冥忽聞命駕遊七澤萬騎動地如雷霆清晨射獵至中夜蒼兕元熊紛可藉國中壯士力已殫秦寇東來遣誰射

妾命薄

原註太白作此篇言長門宮事子反之

妾命薄早入天家侍帷幄君王勤儉省宴遊寶柱朱弦塵漠漠日長別殿承恩稀旰是猶聞親萬機宮中雖無珠玉賜塞上不見煙塵飛不須悲傷妾命薄命薄却令天下樂

高處立闊處行

四鼓酒醒起步庭下

酒解夜過半出門步中庭天高河漢白月澹煙霧青重滴竹杪露疎見樹罅星壞欸啼寒螿深竹明孤螢秋晚雖未霜蠶葉時自零四序逝不留慨然感頽齡平生茅一把不博帶萬釘鷁溝謝拍拍鴻路追冥冥

秋霽

灝氣明山川霽色滿天地西風吹我衣忽有萬里意中原運當平所要在得士餘年猶幾何棄置復棄置短幅森嚴中極頓挫之妙

採藥

簣子編成細箬新，獨穿空翠上嶙峋。
丹砂巖際朝暎日，

狗杞雲間夜吠人，絡石菖蒲蒙綠髮。纏松薜荔長蒼鱗，

金貂謁帝我未暇，且作人間千歲身。

塞上曲

將軍許國不懷歸，又見桑乾木葉飛。
要識君王念征戍，新秋已報賜冬衣。

自合唐音

送潘德久使薊門

欽定四庫全書

御選唐宋詩醇

七

崑崙東分一枝渾，莽蹴砥柱經龍門。
羲皇受圖撫上古，神禹治水開中原。

三靈實扶藝祖業，萬國共仰東都尊。

羣兒撞壞吁可嘆，顧使殘虜今遊魂。
因君試求出師路，孟津白馬應如故。

不須更議繫河橋，北風正可乘冰渡。

頗聞盧龍已數盡，復道飛狐合屯戍。
轅門倘駐拂雲祠，烽火應過明妃墓。

君歸解鞍藉芳草，細談塞北忘予老。
讀書飲酒待賊平，萬丈旄頭方下掃。

老驥伏櫪志在千里游，豈須臾忘恢復者。
況觸事感懷，讀書飲酒待賊平。

耶端莊雜流麗，剛健含婀娜。可以語此詩之妙。

夜歸博街巷書事

近坊燈火如晝明，十里東風吹市聲。
遠坊寂寂門盡閉，只有煙月無人行。

誰家小樓歌惱儂，餘響縹渺紫簾櫳。
苦心自古乏真賞，此恨畧與吾曹同。
歸來空齋臥淒冷，燈前病骨巉巉影。

獨吟古調遣誰聽，聊與梅花分夜永。
送張野夫寺丞牧滁州

皇天方憂九州裂，建隆真人仗黃鉞。
陣雲冷壓清流闊，方憂九州裂。

欽定四庫全書

御選唐宋詩醇

六

賊壘咿嚙氣如髮，逋誅猾虜入檻車。
北風吹乾草頭血，一龍上天三百年。
舊事空聞遺老說，金印斗大誰作州。
公子玉面蒼鬚虬賦詩，健筆挾風雨。
論兵辯舌森戈矛，別君帳飲灞橋頭。
長歌為君寬旅愁，戰場遺迹尚可畫。

尺素寄我關河秋

唐之子孫不能以天下取，河北志士之慨於言外見之。

夜歸偶懷故人獨孤景畧

買酒村場半夜歸，西山落月照柴扉。
劉琨死後無奇士，老驥伏櫪志在千里游。

獨聽荒雞淚滿衣

觸緒長嗟言在此而意在彼十四字中波瀾甚濶賀裳

詩話乃謂務觀才具無多意境不遠惟善寫眼前景物

豈非但見方隅者耶

月下小酌

草樹已秋聲郊原喜晚晴風生雲盡散天闊月徐行下
箸槎頭美傳杯甕面清追歡猶可勉徂歲不須驚

鄰曲有未飯被迫入郭者憫然有作

春得香粳摘綠葵縣符急急不容炊君王日御金華殿
誰誦周家七月詩

親民之官莫如守令與人主共養百姓同休戚者其惟
良吏乎漢治之稱文景有以也

題湖邊旗亭

春色初回杜若洲佳人又典鷓鴣裘八千里外狂漁父
五百年前舊酒樓渡口遠山翠黛天邊新月挂瓊鈎
回頭笑向紅塵說也有閑愁到此不

落筆豪俊宋人常問人云君詩中有幾酒樓此亦一酒

樓也

寓懷

脫粟未為飢短褐未為寒衆毀心自可身困氣愈完茆
屋雖三間趺坐則已寬濁酒不滿瓢浩歌有餘歡祿食
妻子樂功名後人看成敗兩蝸角貴賤一鼠肝芒芒百
年夢底物堪控搏不如學餐霞駐此雙頰丹行披終南
雲飛渡黃河湍歸然過空城人言古長安霜露蒙荆榛

喟然增永嘆

國恥未雪此老終身大恨固其忠義所結然言之頻數
亦為筆墨之累此乃別有波瀾言盡而意不盡

題千秋觀懷賀亭

河湟使典珥左貂曲江相君謝不朝宮中玉環孤作妖
黠虜旁窺心已騎天維欲絕地軸搖有識凜凜憂宗祧
賀公託言師松喬黃冠徑歸侶漁樵老馬立仗不自聊
去如鸞鳳冲煙霄傾都祖錢擁渭橋賢哉大夫脫塵囂

揚州渡江木蘭橈入東夜聽錢塘潮我來故祠竹蕭蕭

黃冠野服傳生綃詞卑媿匪英瓊瑤空采蘋藻奠桂椒

虛堂斷香閉寂寥遺魂零落何由招

論古別有見解

樊江

手中一卷養魚經又向樊江上草亭朝雨染成新漲綠
春煙澹盡遠山青榜舟不厭頻來往岸幘常須半醉醒
賦罷新詩自高詠滿汀鷗鷺欲忘形

欽定四庫全書

御選唐宋詩醇

卷四十五

欽定四庫全書

御選唐宋詩醇

卷四十五

主

自饒雅韻

練塘

微風吹頰酒初醒落日舟橫杜若汀水秀山明何所似
玉人臨鏡暈螺青

歸次樊江

芳草東西路綠楊長短亭人生豈匏繫吾志本鴻冥征
袖朝靄雨歸帆夜戴星長魚幸能買且復倒殘瓶

泛湖至東涇

春水六七里夕陽三四家兒童收鵝鴨婦女治桑麻地

僻衣巾古年豐笑語譁老夫維小艇半醉摘藤花

村居初夏

天遣為農老故鄉山園三畝鏡湖傍嫩莎經雨如秧綠
小蝶穿花似繭黃斗酒隻雞人笑樂十風五雨歲豐穰
相逢但喜桑麻長欲話窮通已兩忘

盧世㴶曰此景真不可多得

東闕

欽定四庫全書

御選唐宋詩醇

卷四十五

主

臥聽蕭蕭雨打蓬

七月一日夜坐舍北水涯戲作

元傲胡床酒半醒釣筒收盡數舟橫風生細葛無三伏
月上疎林正四更北斗離離低欲盡明河脉脉去無聲
斥僂豈復塵中戀便擬騎鯨返玉京

以星河供點染少加運用便有景有情

以事至城南書觸目

十里西風吹帽帛江城衣杵遠猶聞路如劍閣逢秋雨

山似爐峯鎖暮雲原上老翁眠犢背籬根小婦牧羊羣
百錢且就村場醉舌本醇醕莫苦分

感舊意正以不露為佳

梅花絕句

憶昔西戌日夜宿僂人原風吹野梅香夢繞江南村
低空銀一鈎移野玉三尺愁絕水邊花無人問消息

題瑩上人二畫

欽定四庫全書

御選唐宋詩醇

卷四十五

天地又秋風谿山憶剡中孤舟幸閒著借我訪支公

右剡谿

曉聽楓橋鐘暮泊松江月斯人亦可人淡墨寫愁絕

右吳江

山家暮春

遼屋清陰合綠堤綠草纖起蠶初放食新麥已磨鎌苦

筍先調醬青梅小蘸鹽佳時幸無事酒盡更須添

瑣事老筆

自詠

萬事不挂眼終年常避人荒畦荷鋤晚環堵結茆新病
馬何勞斤輕鷗未肯馴雖慚市門卒聊作葛天民

蓬萊館午憩

驛門繫馬聽蟬吟翻動平生萬里心橋畔笛聲催日落
城邊草色帶煙深關河歷歷功名晚歲月悠悠老病侵
憶戍梁州如昨日憑闌西望一霑襟

盧世淮曰悲壯

欽定四庫全書

御選唐宋詩醇

卷四十五

夢遊散關渭水之間

平生望眼怯天涯客裏何堪度歲華但恨征輪無四角
不愁客路有三義驛窓燈暗傳秋柝樹煙深宿暮鴉
叱犢老翁頭似雪羨渠生死不離家

完題簡淨

秋夜

清夜不成寐出門還浩歌斷雲微翳月薄露不傾荷絡
緯知時早梧桐奈汝何非關老懷惡秋物感人多

荷花

風露青冥水面涼旋移野艇受清香猶嫌翠蓋紅粧句
何況人言似六郎

隨手翻新居然佳語

秋興

老子雖貧未易量風流猶在小茆堂蒲萄錦覆桐孫古
鸚鵡螺斟玉瀣香千點荷聲先報雨一林竹影剩分涼
秋來便有欣然處新種蓴絲已滿塘

欽定四庫全書

御選唐宋詩醇
卷四十五

重

新晴

積雨已淒冷新晴還少和稼收平野潤木落遠山多土

潤朝畦菜機鳴夜擲梭時清年歲好吾敢歎蹉跎

盧世㴶曰頷聯自是佳句

舍北望水鄉風物戲作絕句

西風沙際矯輕鷗落日橋邊繫釣舟乞與畫工團扇本

青林紅樹一川秋

禹跡寺南有沈氏小園四十年前嘗題小閣壁間

偶復一到而園已易主刻小閣於石讀之悵然

楓葉初丹槲葉黃河陽愁鬢怯新霜林亭感舊空回首
泉路憑誰說斷腸壞壁醉題塵漠漠斷雲幽夢事茫茫

年來妄念消除盡回向禪龕一炷香

周密曰放翁娶唐氏於其母為姑姪而不相得出之

後改適趙士程嘗以春日出遊相遇於禹跡寺南之

沈氏園唐以語趙遣致酒肴翁悵然久之為賦釵頭

鳳詞題園壁間集中紅酥手黃藤酒一闋是也唐氏

欽定四庫全書
御選唐宋詩醇
卷四十五

五

見而和之未幾下世

小園

窄窄柴門短短籬山家隨分有園池客因問字來攜酒
僧趁分題就賦詩晨露每看花蟲坼夕陽頻見樹陰移

原註此二事非開寂不知也
拂衣司諫猶忙在此趣淵明却少知

盧世㴶曰閑情逸事惟世外人知之

夜讀范至能攬轡錄言中原父老見使者多揮涕

感其事作絕句

公卿有黨排宗澤，帷幄無人用岳飛。
遺老不應知此恨，亦逢漢節解沾衣。

南渡之不振，實由於此扼腕而言。
自成高調，

醉臥松下短歌

披鹿裘枕白石，醉臥松陰當月夕。
寒藤天矯學草書，天風蕭森入詩律。
忽然夢上百尺顛，綠毛邂逅巢雲仙。
相攜大笑咸陽市，俯仰塵世三千年。

造語入妙

欽定四庫全書

御選唐宋詩醇

卷四十五

五

探梅

我遊東村衝暮煙，斷橋流水鳴漣漪。
欲尋梅花作一笑，數枝忽到拄杖邊。
高標元合著山澤，絕艷豈復施丹鉛。
定知曾授餐玉法，不爾恐是凌波仙。
錦江賦詩忽萬里，蓬山把酒今三年。
相逢風味宛如昨，人生何者非前緣。
頗思取醉極清賞，杖頭幸有百許錢。
但判插破烏紗帽，莫記吹落黃金船。

趣極自然調亦清婉。

題四仙像

原註
蘇子訓

世上年光東逝波，咸陽銅狄幾摩挲。
神仙不死成何事，只向秋風感慨多。

冬晴間步東村由故塘還舍作

紅藤拄杖獨相羊，路遶東村小嶺傍。
水落枯萍粘蟹根，原註
鄉人植竹以蟹謂之曰根雲開寒日上。
魚梁洛陽二頃言良是，原註
蟹根光範三書計本狂。
歷盡危機識天意，要令閑健返耕桑。

方回曰五六善用事解蟹根句尤新

欽定四庫全書

御選唐宋詩醇

卷四十五

六

盧世㴋曰瑣事寫來亦新緻

祖應世曰一路細細領畧淺，原註
溪人安能有此能有此。

夜聞湖中漁歌

夢回一燈翳復明，卧聞湖上漁歌聲。
嗚嗚乍低忽更起，嫋嫋欲斷還微萦。
初隨缺月墮煙浦，已和殘角吹江城。
悲傷似擊漸離筑，忠憤如撫桓伊箏。
放臣萬里憂國淚，戍客白首懷鄉情。
峽猿失侶方獨宿，沙雁垂翅猶遐征。
巴巫竹枝短亭晚，瀟湘欸乃孤舟橫。
世間此恨故相似。

使我百感何由平

一氣排宕有風雨驟至之勢只用一語收結老氣無敵

村夜

寂寂山村夜悠然醉倚門月昏天有暈風軟水無痕迹
為遭謾遠身由不仕尊敢嗟車馬絕同社自雞豚

潘問奇曰風軟水無痕未經人道

野意

隄長逾十里村小只三家山客弛樵擔溪翁鳴釣車花

欽定四庫全書

御選唐宋詩醇
卷四十五

五

深迷蝶夢雨急散蜂衙衰疾新年減青鞚上若耶

憶昔

憶昔西征日飛騰尚少年軍書插烏羽戍壘候狼煙渭

水秋風夜歧山曉雪天金鞭馳叱撥繡袂舞嬪娟但恨
功名晚寧知老病纏虎頭空有相麟閣竟無緣壯士埋

巴峽原註獨孤策孤身卧海壠安西九千里孫武十三篇襄

嘆蘇秦弊輶憂祖逖先何時聞詔下遣將入幽燕

筆力健舉

感懷

卜居鏡湖上一菴環翠屏竹林藏舍欹嶺路蟠青冥騫
騰立奇石巖絕瞻危亭車馬雖埽迹猿鳥與忘形我行
半九州蹋盡芒鞚青豈知雪滿鬢於茲敞雲扃丹砂收
箭鏃茯苓斬人形遼天渺歸鶴一瞬三千齡

殘年迫衰謝嬰疾歸鄉粉諸賢渡江初總角幸有聞才
非楚倚相亦能讀典墳夫豈或使之後死與斯文世儒

鑿戶牖道術將瓜分孤陋守一說百氏殆可焚後來豈

無人鼻塋誰揮斤巍巍貞觀治房魏出河汾

欽定四庫全書

御選唐宋詩醇
卷四十五

三

文集答劉主簿書前輩之學積小以成大以所有易
所無以能問於不能故其久也汪洋浩博該極百家
而不可涯涘諸名勝渡江去前輩尚未甚遠故此風
猶不墜三二十年來士自為畦畛甚狹已所未知者
輒訕薄之以為不足學詆窮經者則曰傳註已盡矣
詆博學者則曰不知無害為君子嗚呼陋哉

御選唐宋詩醇卷四十五



總校官庶吉士臣張能照
校對官中書臣王璗
謄錄貢生臣湯安泰


欽定四庫全書叢書要

集部
御選唐宋詩醇卷四十六

欽定四庫全書叢書要

御選唐宋詩醇卷四十六

山陰陸游詩五



目錄

東村散步有懷張漢州

將軍行

古別離

望夫石

欽定四庫全書

御選唐宋詩醇
卷四十六目錄

一

古別離

偶懷小益南鄭之間悵然有賦

欲出遇雨

看鏡

夜分不寐起坐園中至旦

步至湖上寓小舟還舍

笠篋謠寄季長少卿

悶極有作

詳校官原任主事臣李斯咏

三峽歌

贈道流

丈如張

郊行夜歸書觸目

歲暮感懷

山園雜詠

雨夜書感

春晚雜興

欽定四庫全書

御選唐宋詩醇
卷四十六 目錄

二

欽定四庫全書

御選唐宋詩醇
卷四十六 目錄

三

幽居初夏
晨起

殘臘

懷舊

雨夜有懷張季長少卿

客言來自上臯道中以其語作一絕

三月十一日郊行

路傍曲

秋夜

舍北晚眺

初冬感懷

聞雁

枕上偶成

欽定四庫全書
御選唐宋詩醇
卷四十六 目錄

數字而已

題韓運鹽竹隱堂絕句

舟中詠落景餘清暉輕橈弄溪渚之句蓋孟浩然

耶溪泛舟詩也因以其句為韻賦詩

秋夜紀懷

舍北搖落景物殊佳偶作

夜坐

龍頭水

書志

書憤

小舟遊西涇度西岡而歸

春行

閒身

舍北行飯書觸目

雪夜感舊

欽定四庫全書

御選唐宋詩譜
卷四十六目錄

四

雜感

蘭

感舊

露坐

新秋

秋夕露坐作

感秋

新涼

豐歲

小舟過吉澤效王右丞

秋晴見天際飛鴻有感

戊午重九

舟中

冬日感興十韻

菴中晨起書觸目

春日小園雜賦

欽定四庫全書

御選唐宋詩譜
卷四十六目錄

五

沈園

讀晉書

春晴自雲門歸三山

夜聞姑惡

讀前輩詩文有感

讀隱逸傳

秋陰

秋懷

秋思

冬晴與子坦子聿遊湖上

齋中弄筆偶書示子聿

夢中作遊山絕句

北望感懷

人日東園

枕上作

長干行

欽定四庫全書

御選唐宋詩醇
卷四十六目錄

六

小橋

觀畫山水

示友

十月

梅花

對酒戲詠

先少師宣和初有贈晁公以道詩云奴愛才如蕭
穎士婢知詩似鄭康成晁公大愛賞今逸全篇偶

讀晁公文集泣而足之

追感往事

欽定四庫全書

御選唐宋詩醇
卷四十六目錄

七

御選唐宋詩醇卷四十六目錄

欽定四庫全書
唐宋詩醇卷四十六

集部

御選唐宋詩醇卷四十六

山陰陸游詩五

東村散步有懷張漢州

扶杖村東路秋來始此回寒鴉盤陣起野菊臥枝開憂國丹心折懷人雪鬢催房湖八千里那得尺書來

將軍行

將軍入奏平燕策持笏榻前親指畫天山熱海在目中

欽定四庫全書
御選唐宋詩醇
卷四十六
下殿即日名烜赫馳出都門雪初霽直過黃河冰未坼

繡旗方掠桑乾渡羽檄已入金臺陌勇士如鷹健欲飛
孱王似兔何勞搦戎服押俘獻廟社正衙第賞頒詔冊
端門賜酺天下慶御觴尚恨滄溟遠從來文吏喜相輕
聊遣濡毫書竹帛

古別離

孤城窮巷秋寂寂美人停梭夜歎息空園露濕荆棘枝
荒蹊月照狐狸迹憶君去時兒在腹走如黃犢爺未識

紫姑吉語元無據況憑瓦兆占歸日嫁來不省出門前
魂夢何因識酒泉粉絲磨鏡不忍照女子盛時無十年
詞意俱老絕去模擬之迹而與古為化

望夫石

送君遠戍交河北男兒自以身許國不能彎弓騎惡馬
欲隨君去何由得登山矯首西北雲形容雖變心猶存
月明夜夜照淚痕鐵心石腸輸與君

不煩刻劃而意已獨至

欽定四庫全書

御選唐宋詩醇
卷四十六

古別離

君北遊司并我南適熊湘邂逅淮陰市共飲官道傍丈夫各有懷窮達詎可量臨別一取醉浩歌神激揚勲業
有際會風雲正蒼茫亂點劒鋒血苦寒芒屢霜死即萬鬼鄰生當致虞唐丹雞不須盟我非兒女腸

構思深出語警不獨摩浣花之壘亦兼入青蓮之室

偶懷小益南鄭之間悵然有賦

西戌梁州鬢未絲嶓山漾水幾題詩劒分蒼石高皇迹

原註：嶠家廟傍有高
皇試劍石，中分如截。巖擁朱門老子祠。原註三泉道上
有老君洞景趣

幽遠燒兔驛亭微雪夜騎驢棧路早梅時登臨不用頻悽

斷未死安知無後期

欲出遇雨

東風吹雨惱遊人滿路新泥換細塵花睡柳眠春自嬾
誰知我更嬾於春

我更嬾於春五字新鮮

看鏡

欽定四庫全書

御選唐宋詩醇

三

欽定四庫全書

御選唐宋詩醇

四

凋盡朱顏白盡頭神仙富貴兩悠悠胡塵遮斷陽關路
空聽琵琶奏石州

七十衰翁臥故山鏡中無復舊朱顏一聯輕甲流塵積

不為君王成玉關原註馬正惠公喜功名每曰幸未甚
衰若有邊警願預征行得良馬數疋

輕甲一聯足矣

盧世㴶曰少陵勲業頻看鏡彼簡而饒此盡而暢

夜分不寐起坐園中至旦

涼氣蘇衰疾幽情入杖藜月驚孤鵠起天帶衆星西松

菊今彭澤山川古會稽清吟殊未愜喔嗟已晨雞
頌聯對句似奇語道出正可一粲等間言語變瑰奇殆謂是耶

步至湖上寓小舟還舍

病墮支離境間尋漫浪遊湖平天鏡曉山峭石帆秋賒
酒家家許看花處處留歸途倦扶杖却上釣魚舟

箜篌謡寄季長少卿

庭樹非不禁霜露萬葉枯朋友豈我棄漸遠勢自疎中

欽定四庫全書

御選唐宋詩醇

四

夜起太息發篋覓舊書塵昏蠹蝕損行缺字欲無一讀
色已變再讀涕淚濡卷書置篋中寧使飽蠹魚

閼極有作

貴已不如賤狂應又勝癡新寒壓酒夜微雨種花時堂
下藤成架門邊枳作籬老人無日課有興即題詩

三峽歌

乾道庚寅予始入蜀上下三峽屢矣後二十五年歸
岷山陰偶讀梁簡文巴東三峽歌感之擬作

十二巫山見九峯船頭彩翠滿秋空朝雲暮雨渾虛語

一夜猿啼明月中

我遊南賓春暮時蜀船曾繫挂猿枝雲迷江岸屈原塔
花落空山夏禹祠
取境清絕一洗陽臺慣語為巫山生色

贈道流

憶在長安爛漫遊大明宮闈與雲浮今朝偶上慈恩塔

北望茫茫禾黍秋原註唐舍元殿與慈恩塔南北相直

欽定四庫全書

御選唐宋詩醇

五

贈道流而及此蓋自性情流出者

三盃兀兀復騰騰服氣燒丹總不能借問生涯在何許
孤舟風雨伴漁燈

艾如張

錦膺繡羽名山雞清泉可飲林可栖稻粱滿野棄不啄
雖有奇禍無階梯東村西村煙雨晚蕭艾離離林薄淺
翩然一下駭機發汝雖知悔安能免漢家天子南山下

萬騎合圍窮日夜犬牙鷹爪死不辭觸機折頸吁可悲

寓意深至意凡三折李賀作不能及也

郊行夜歸書觸目

老翁病起厭端居隨意東西不問途霜野草枯鷹欲下
江天雲濕雁相呼空垣破竈逃租屋青帽紅燈賣酒壚
未畏還家踏泥潦園丁持炬小兒扶

歲暮感懷

我家釋耒起遠自東封前詩書守素業蟬聯二百年長

老日零落念之心惕然每恐後生輩或為利欲遷我少

欽定四庫全書

御選唐宋詩醇

六

亦知學蹭蹬及華顛訟過豈不力壽非金石堅

我壯已早衰晨鏡每惆悵藥物姑自持耆老曷敢望造
物有乘除貧悴博無恙歸鄉更多感朋舊盡凋喪客來

多避席謂我丈人行此意詎敢忘報予以直諒

士生始志學固為聖人徒人人可稷禹世世皆唐虞仰
事與俯育治道無絕殊孔孟之所傳世俗顧謂迂申韓
尚刻薄老莊競虛無爾車非不良盍行九軌途

在昔祖宗時風俗極粹美人材兼南北議論忘彼此誰

令各植黨更仆而迭起中更夷狄禍此風猶未已臣不
難負君生者固賣死倘築太平基請自厚俗始

學有根柢故體製肅括意指宏深大家風力非徒事吟
咏者流也

文集論選用西北士大夫劄子天聖以前多取北人
南方士大夫沈抑者多仁宗照知其弊公聽並觀兼
收博采無南北之異及紹聖崇寧間取南人更多而
北方士大夫復有沈抑之歎陳瓘獨見其弊昌言於

朝曰重南輕北分裂有萌嗚呼瓘之言天下之至言
也

山園雜詠

殘春終日在林亭散髮披衣醉復醒斜斗已成龜閣閣
櫻桃初結子青青魚遊滄海寧濤沫禽慕雕籠即翦翎
薄晚東風吹小雨笑攜長鏡伴畦丁

意雖刻露語自新穎

雨夜書感

宦遊四十年歸逐桑榆暖皇恩念黎老一官猶置散春
殘桃李盡風雨閑空館有懷無與陳萬事付酒榼近代
固多賢吾意終不滿可憐杜拾遺冒死明房琯慷慨詎
非奇經綸恨才短跳梁冠中原令人歎微管

以古喻今當為張浚而發本傳云言者論游力說張浚
用兵免歸則浚之罷游未必不為之言故以甫之救琯
自比浚之與琯債事如一富平再敗與陳陶青坂何以
異詩深嘆其才短固不誣也

春晚雜興

池面萍初紫牆頭杏已青攜兒擣小艇留客坐孤亭相
法無俟骨生年直酒星正須遺萬事莫遣片時醒

方回曰留客坐孤亭雖非奇句却極有味五六亦新

異

夜歸

踰鐘渡水來素月依林上煙火認茅廬故倚船篷望

妙語似王融江皋曲

三月十一日郊行

到處人家可乞漿槐陰巷陌午風涼水陂漫漫新秧綠
山壠離離大麥黃父子力耕春漸老婦姑共績夜猶長
堯民擊壤雖難繼芹美懷君未敢忘

路傍曲

淒涼路傍曲朱門人不知秋街槐葉落正是斷腸時

秋夜

燈欲殘時酒半消斷堪踈雨共無憊老來萬事渾非昔

欽定四庫全書
御選唐宋詩醇
卷四十六
九

惟有詩情似灞橋

舍北晚眺

紅樹青林帶暮煙並橋常有賣漁船樊川詩句營丘畫
盡在先生拄杖邊

自然入畫

初冬感懷

落葉掃還積斷鴻飛更嗚羸軀得霜健老眼向書明水
瘦河聲壯箕枯馬力生竟為農父死白首負功名

聞雁

霜高木葉空月落天宇黑哀哀斷行雁來自關塞北江
湖稻粱少念汝安得食蘆深洲渚冷歲晚霰雪逼不知
重雲外何處避畢弋我窮思遠征羨汝有羽翼
意入風騷格逼漢魏與杜陵相當真乃不復多讓

枕上偶成

放臣不復望修門身寄江頭黃葉村酒渴喜聞疎雨滴

夢回愁對一燈昏河潼形勝寧終棄周漢規模要細論

欽定四庫全書
御選唐宋詩醇
卷四十六
十

自恨不如雲際雁南來猶得過中原

舍北閒望作六字絕句

潘岳一篇秋興李成八幅寒林舍北偶然倚杖盡見古

人用心

善畫似真以對面取之用意微妙

雨夜有懷張季長少卿

放翁雖老未忘情獨臥山村每自驚鴟鴞百年如電速
寥寥一笑抵河清梅初破蕊行江路燈欲成花聽雨聲

正用此時思劇飲故交零落愴餘生

潘問奇曰河清如此用形容殊苦

客言來自上臯道中以其語作一絕

日曬霜融作淺泥酒家却在斷橋西五陵今代無豪傑
獨臥茅簷聽午雞

殘臘

殘臘無多日吾生又一年林塘明夕照墟落淡春煙山
色危欄角梅花綠酒邊歲時元自好老病獨悽然

欽定四庫全書

御選唐宋詩醇

土

欽定四庫全書

御選唐宋詩醇

土

翠崖紅棧巒參差小益初程景最奇誰向豪端收拾得
李將軍畫少陵詩

張完臣曰又是一蜀道佳話

幽居初夏

湖山勝處放翁家槐柳陰中野徑斜水滿有時觀下鷺
草深無處不鳴蛙籜龍已過頭番筍木筆猶開第一花
歎息老來交舊盡睡餘誰共午瓯茶

寫得幽字意出

潘問奇曰頸聯對句更勝

晨起

齒豁不可補髮脫無由裁清晨明鏡中老色蒼然來餘
年亦自惜未忍付酒杯抽架取我書危坐闔復開萬世
見唐堯夔龍獲親陪寥寥三千年氣象挽可回豈以七
尺軀顧受世俗衰道在無不可廊廟均蒿萊
約旨植義真力彌滿清晨十字亦有蒼然之氣

六月二十四日夜分夢范至能李知幾尤延之同

集江亭諸公請予賦詩記江湖之樂詩成而覺忘

數字而已

露箬霜筠織短蓬飄然來往淡煙中偶經菱市尋谿友
却揀蘋汀下釣筒白菡萏香初過雨紅蜻蜓弱不禁風
吳中近事君知否團扇家家畫放翁
風流自賞夢中亦應得意五六調新采麗淺薄者議其
未穩真可一噱

題韓運鹽竹隱堂絕句

塵埃車馬日駿駿誰解從君一散襟待我清秋有閒日抱琴來寫萬龍吟

舟中詠落景餘清暉輕橈弄溪渚之句蓋孟浩然耶溪泛舟詩也因以其句為韻賦詩

獨鶴還故鄉歸然但城郭出門無與遊所至苦寂寞累飯事幽討此計殊不惡薄暮宿漁家蒼煙帶墟落

維舟入谷口信步造異境隔離雞犬聲滿地梧楸影瓦
欽定四庫全書
御選唐宋詩醇
卷四十六
三

甌炊香稻石泉汲新井人間苦逼反愛此須臾景老圃髮如霜見客能廢鋤與坐使之年自云八十餘老身六朝民草舍數世居力守遠祖言一字不學書沿溪得茅店酒旗出柴荆杖頭錢已空一醉何由成主人語鄭重手把甌面清勸我姑小留溪魚亦可烹

秦皇酒甕邊古有釣魚磯我來必竟日時挈雙鯉歸白鷺真可人常先孤棹飛高詠江練句令人憶元暉鏡湖三百里風止鏡面平持以照吾心俗塵安得生散

髮鷗鷺間萬事秋毫輕誰能拂東絹寫我孤舟橫

朝發雲根寺暮宿煙際橋冷螢濕不飛潛魚驚自跳菱船歌裊裊荻浦風蕭蕭平明宿鳥起我亦理歸橈

古祠照滄波老木閑雲洞輕舟不搖櫓正用一風送汲井漱甘液掃榻寓幽夢所恨山未深城笳聽三弄

禹穴探斷簡樵風泛清溪倒影森松桂避船散鳬鷺塵中有異境十里青玻瓈高塔忽招人湖邊日未低

溪行已清秋還舍尚殘暑天公為解圍簾櫳過疎雨青蔬喜小摘紅粒亦新杵一飽坐北軒蘋花泣煙渚

作者詩以萬計間適之什往往出之率易亦復數見不鮮沙中金屑每苦難披十詩直舉胸情清真古澹妙處

在神味之間不可以貌求之

秋夜紀懷

北斗垂蒼莽明河浮太清風林一葉下露草百蟲鳴病入新涼減詩從半睡成還思散關路炬火驛前迎

方回曰中四句語意至工

舍北搖落景物殊佳偶作

屋角成金字溪流作縠紋斜通小橋路半掩夕陽門孤

艇衝煙過疎鐘隔塢聞杜門非獨病實自厭紛紛

方回曰放翁此題凡五首所謂筆端有口新冬景物搜抉無遺屋角成金字本出北史斛律金傳以對溪流作縠紋亦奇

夜坐

杳杳霜鐘十里聲娟娟江月半窗明陳編欲絕猶堪讀

微火相依更有情九曲煙雲新散吏

原註時方被命再領武夷祠祿百

年鉉槧老諸生頽然待旦君無笑尚勝聞雞賦早行

溫岐詩云雞聲茅店月人迹板橋霜蓋唐人早行絕唱也

龍頭水

龍頭十月天雨霜壯士夜挽綠沉槍臥聞龍水思故鄉

三更起坐淚數行我語壯士勉自彊男兒墮地志四方
裹尸馬革固其常豈若婦女不下堂生逢和親最可傷
歲輦金絮輸胡羌夜視太白收光芒報國欲死無戰場

有古直悲涼之氣

書志

往年出都門誓墓志已決况今蒲柳姿俯仰及大耋妻孥厭寒餓鄰里笑迂拙悲歌行拾穗幽憤臥齋雪千歲埋松根陰風蕩空穴肝心獨不化凝結變金鐵鑄為上方劍釁以安臣血匣藏武庫中出參髦頭列三尺粲星辰萬里靜妖孽君看此神奇醜虜何足滅

幻想奇文不可磨滅

書憤

白髮蕭蕭臥澤中祗憑天地鑒孤忠阨窮蘇武餐氷久憂憤張巡嚼齒空細雨春蕪上林苑頽垣夜月洛陽宮壯心未與年俱老死去猶能作鬼雄

方回曰悲壯感慨不當徒以虛語視之

鏡裏流年兩鬢殘寸心自許尚如丹哀遲罷試戎衣窄悲憤猶爭寶劍寒遠戍十年臨的博壯圖萬里戰皋蘭關河自古無窮事誰料如今袖手看

小舟遊西涇度西岡而歸

小雨重三後餘寒百五前聊乘瓜蔓水間泛木蘭船雪

暗梨千樹煙迷柳一川西岡夕陽路不到又經年

穩中帶秀此境正不易到

王復禮曰較太白梨花千樹雪楊柳萬條烟似勝一
籌但水衡記以五月為瓜蔓水此屬一時誤用

春行

九日春陰一日晴強扶衰病此間行猩紅帶露海棠濕

欽定四庫全書

御選唐宋詩醇

卷四十六

七

鴨綠平隄湖水明原註杜子美曉看紅濕處花重錦官城李太白蜀江紅且明用濕字明字可謂奪造化之功世未有拈出者酒賤柳陰逢醉臥土肥稻壠看深耕

山翁莫道渾無用解與明時說太平

方回曰引少陵太白謂奪造化之功却是世未有拈出者前輩用功如此

閒身

炊煙漠漠閉柴荆聊用閒身答太平重碧飛觴心未老硬黃臨帖眼猶明吳蠶滿箔含桃熟壠麥登車搏黍鳴

補劓息黥今有地問君何處用虛名

舍北行飯書觸目

落雁昏鴉集遠洲青林紅樹擁平疇意行舍北三叉路

閒看橋西一片秋小婦破煙撐去艇丫童橫笛喚歸牛

形容野景無餘思自怪癡頑不解愁

盧世㴶曰先寫景而後入事句句宛肖

雪夜感舊

江月亭前樺燭香龍門閣上駄聲長亂山古驛經三折

欽定四庫全書

御選唐宋詩醇

卷四十六

八

小市孤城宿雨當晚歲猶思事鞍馬當時那信老耕桑綠沉金鎖俱塵委雪灑寒燈淚數行

調極清和韻聯斷句工緻可愛

吳喬曰放翁壯時有志經世故有晚歲猶思事鞍馬當時那信老耕桑之句

雜感

志士山棲恨不深人知已是負初心不須先說嚴光輩直自巢由錯到今

故舊書來訪死生時聞剥啄叩柴荆自嗟不及東家老至死無人識姓名

蘭

南巖路最近飯已時散策香來知有蘭遠求乃弗獲生世本幽谷豈願為世娛無心託階庭當門任君鋤

感舊

夜涉南沮水朝過小益城梯山天一握手度棧土微平雨

欽定四庫全書
御選唐宋詩醇
卷四十六
九

近秦雲暗霜高隴月明至今孤夢裏喝馬有遺聲

原註
喝馬

皆七字韻語聞之悲愴動人

凜凜隆中相臨戎遂不還塵埃出師表草棘定軍山壯氣河潼外雄名管樂間登堂拜遺像千載媿吾顏

我思杜陵叟處處有遺蹤錦里瞻祠柏綿州弔海棕蹉跎悲憇驥感會失雲龍生世後斯士吾將安所從

游久居蜀地於孔明子美企想獨深二詩渾成老健蓋程形賦音與其人相稱也

露坐

原註立秋前五日

旋削甘爪進酒卮斷雲漠漠斗離離北臨積水風來壯東恨長林月上遲秋近不堪聞急杵夜涼已復怯輕絲天孫老抱河梁恨豈獨人生事可悲

新秋

殘暑無多日幽居近小江酒醒中夜起松月入山窗

秋風昨夜來聲滿梧桐樹故人渺天末此夕誰與度妙語得自直尋亦清晨登龍首明月照積雪之比

欽定四庫全書

御選唐宋詩醇

卷四十六

十

秋夕露坐作

銀河半落露華清南斗闌干北斗明冉冉方悲老將至纖纖又歎月初生酒牀細滴香浮甕衣杵相聞聲滿城萬卷讀書無用處却將耕稼報昇平

感秋

秋色關河外秋聲天地間壯士感此時朝鏡凋朱顏一身寄空谷萬里夢天山噫嗚怒臂裂憤激悲涕潛古來真龍駒未必置天闊長松倒澗壑委棄同羣管得志未

可測談笑濟時艱，凜然出師表。一字不可刪。

新涼

孤首初離水蘆芽淺漬糟粳香等炊玉韭美勝炮羔露
下殘蕪濕風生萬木號從今更何事痛飲讀離騷

豐歲

豐歲歡聲動四鄰深秋景氣粲如春羊腔酒擔爭迎婦
鼈鼓龍船共賽神處處喜晴過甲子家家築屋趁庚申
老翁欲伴鄉間醉先辦長衫紫領巾

欽定四庫全書

御選唐宋詩醇

王

欽定四庫全書

御選唐宋詩醇

王

點綴斌媚煞有風致

小舟過吉澤效王右丞

澤國霜露晚孤村煙火微本去官道遠自然人迹稀木

落山盡出鐘鳴僧獨歸漁家間似我未夕閉柴扉

不必似王自饒清致

文集跋王右丞集余年十七八時讀摩詮詩最熟今

永晝再取讀之如見舊師友恨間闊之久也

秋晴見天際飛鴻有感

新晴天宇色正青羣鴻高騫在冥冥兒童相呼共仰視
我亦扶杖來中庭豐年到處稻粱滿胡不暫下栖沙汀

應須江海寄曠快肯為霜雪嗟飄零書生可笑不自喜
憔悴久翦籠中翎鷗波萬里每媿杜鵑化千載知非丁

風前哀號漫激烈月下孤影常玲珑詩成欲寫復懶去

誦似溪友聲泠泠

遣調流麗曲盡心手之妙

戊午重九

朋舊相望天一涯登高結伴只鄰家秋風自欲吹紗帽
衰鬢何曾泥菊花藥市神仙思益部餽盤節物記京華
自憐病後歡悰薄小醉歸來日未斜

舟中

柂邊潮水落還生蓬底寒燈滅復明約束長年牢繫纜

報人風雨有鼈鳴

不必有寄即事自佳

蕭蕭風雨小江秋不是愁人亦合愁忽聽疎鐘知寺近

笑尋沙路上牛頭

冬日感興十韻

霧雨天昏暝波湖地阻深蔽空鴉作陣暗路棘成林有
客風埃裏頻年老病侵夢魂來二豎相法欠三壬舊憤
開孤劍新愁感斷砧唐衢惟痛哭莊鳥正悲吟瘦跨秋
門馬寒生夜店衾但思全舊壁敢冀訪遺簪樓上蒼茫
眼燈前破碎心長謠傾濁酒慷慨壓層陰

菴中晨起書觸目

欽定四庫全書

御選唐宋詩醇

卷四十六

三

暉暉初日上簾鈎漠漠清寒透衲裘雪棘並棲雙鵠暝
金環斜絆一猿愁廉宣臥壑松楠老王子穿林水石幽

戲事自憐除未盡此生行欲散風漚原註唐希雅畫鵠易元吉畫猿宣
仲老木王仲信水石皆卷中所挂小軸

設色妍麗似晚唐人佳句

春日小園雜賦

市塵不到放翁家繞麥穿桑野徑斜夜雨長深三尺水
曉寒留得一分花悶從鄰舍分春甕閒就僧窗試露芽

自此年光應更好日驅秧馬聽繅車

夜雨一聯鬆秀可愛

沈園

城上斜陽畫角哀沈園非復舊池臺傷心橋下春波綠
曾是驚鴻照影來

張完臣曰寫得幽艷動人

夢斷香消四十年沈園柳老不吹綿此身行作稽山土

猶弔遺蹤一泣然

欽定四庫全書

御選唐宋詩醇

卷四十六

三

張完臣曰又深一步其痛愈深

紹興郡刻本題下注此放翁憶其前妻作也妻以失
歡於姑被遣後於沈園見之未幾下世翁再遊此地
追感賦詩淒苦不忍多讀

讀晉書

諸公日飫萬錢厨人乳蒸豚玉食無誰信秋風雒城裏

有人歸棹為尊鱸

不著議論而指意躍然咏史上乘

春晴自雲門歸三山

乍行春野眼增明漸減春衣體倍輕人賣山茶先穀雨

鴉隨璠祭過清明柳塘水滿雙鳧戲稻隴泥深一犢行

晚到三橋泛舟去掩關不復畏重城

夜聞姑惡

湖橋東西斜月明高城漏鼓傳三更釣船夜過掠沙際

蒲葦蕭蕭姑惡聲湖橋南北煙雨昏兩岸人家早閉門

不知姑惡何所恨時時一聲能斷魂天地大矣汝至微

滄波本自無危機秋菰有米亦可飽哀哀如此將安歸

讀前輩詩文有感

我無前輩千鈞筆造物爭功謝不能已分文章歸委塵

可憐意氣尚憑陵鸞旗廣殿晨排仗鐵馬黃河夜踏冰

此事要須推大手蟬嘶分付與吳僧

巧構形似之言要非詣力所臻不能道來親切乃爾

讀隱逸傳

終南處士入都門少室山人補諫垣畢竟只供千載笑

石封三品鶴乘軒

不以議論傷格律比勘亦自允協

秋陰

淡日披朝霧輕雲結暮陰菰蒲溪路暗松竹草堂深妙

墨雙鈎帖奇聲百衲琴古人端未遠一笑會吾心

秋懷

皇天本無心萬物各有時飛鴻何預人南翔每如期仰

看霜露墜俯歎草木衰英英籬下菊秀色獨滿枝豈無

一樽酒相與斟酌之耄老天所佚行歌復何疑

改朔甫再宿月見西南隅纖纖一銀鈎挂空疑有無我

行青楓岸遠水浮雙鳧新寒入短衣感此風霜初頗欲

呼小艇東村行芋區衣薄且言歸煙火望吾廬

閒淡有味

秋思

日落江城聞擣衣長空杳杳雁南飛桑枝空後酷初熟

豆莢成時免正肥徂歲背人常冉冉老懷感物倍依依

平生許國今何有且擬梁鴻賦五噫

冬晴與子坦子聿遊湖上

海山山下百餘家垣屋參差一帶斜我欲往尋疑路斷

試沿流水覓桃花

齋中弄筆偶書示子聿

左右琴樽靜不譁放翁新作老生涯焚香細讀斜川集

候火親烹顧渚茶書為半酣差近古詩雖苦思未名家

一窗殘日呼愁起裊裊江城咽暮笳

欽定四庫全書

御選唐宋詩醇

卷四十六
毛

少陵云語不驚人死不休放翁云詩雖苦思未名家文

人之豪故自各有著力處今人未涉其境而漫以雕琢

直率置之可乎

祖應世曰放翁七律無一字效顰四唐而獨開蹊徑

別有一天何嘗寄人籬下

陳訏曰昔蘇長公教人作詩曰字字覓奇險節節累

枝葉又曰法度法前軌後山亦云要當攻石堅勿作

搏沙散放翁詩至萬首疑其無復持擇而改詩鍊句

每形篇什數公之於詩亦列子之御風而行靈均之

桂舟玉車也而其言顧如此

夢中作遊山絕句

霜風吹帽江村路小蹇迢迢委轡行忽到雲山幽絕處

穿林啼鳥不知名

北望感懷

榮河溫洛帝王州七十年來禾黍秋大事竟為朋黨誤

遺民空歎歲時邁乾坤恨入新豐酒霜露寒侵季子裘

欽定四庫全書

御選唐宋詩醇

卷四十六
毛

食粟本同天下責孤臣敢獨廢深憂

有名論非尋常所及

人日東園

歲首未入春風氣已稍和我睡意慵起如此鳴禽何駕

言之東園落梅亦已多江南無堅冰綠池生微波挹彼

葡萄醅酌我鸚鵡螺雖無絲與竹倚樹自高歌矯首東

南望稽山鬱嵯峨兒曹幸力稽老子得婆娑

枕上作

山雨蕭蕭過沙泉 咽咽流夢中無遠道 醉裏失孤愁貧

賣相如騎寒思季子 裳兒童報新霽 襹飯出間遊
夢中無遠道 五字亦未經人道游 又有句云夢移鄉國

近則更奇矣

長干行

裙腰綠如草 彩色石榴花十二學彈箏十三學琵琶 寧
嫁與商人夫婦各天涯 朝朝問水神 夜夜夢三巴 聘金
雖如山不願入侯家 鄭袖庭花下 東風吹鬢斜

欽定四庫全書

御選唐宋詩醇

卷四十六

元

小橋

漠漠輕陰隱隱雷 石榴半落點莓苔 小橋西北闌干角
獨岸綸巾待雨來

觀畫山水

古北安西志未酬 人間隨處送悠悠 騎驢白帝城邊雨
挂席黃陵廟外秋 大網截江魚可膾高樓臨路酒如油
老來無復當年快 聊對丹青作卧遊

潘問奇曰頡聯渾成雄健在此老又為一種

示友

道向虛中得文從實處工凌空一鶚上赴海百川東氣
骨直當勉規模不必同人生易衰老君等勿忽忽

十月

十月霜侵季子裘 吾詩又送一年秋 風回斷續聞樵唱
木落參差見寺樓 久已浮雲看富貴 固應華屋等山丘
江邊海際多幽致 擬跨青驃處處遊
集中有木落寺樓高之句 與此頡聯各有佳致

欽定四庫全書

御選唐宋詩醇

卷四十六

三

梅花

春信今年早江頭昨夜寒 已教清徹骨更向月中看
對酒戲詠

淺傾西國蒲萄酒 小嚼南州豆蔻花 更拂烏絲寫新句

此翁可惜老天涯

盧世㴶曰雋麗不可名狀

先少師宣和初有贈晁公以道詩云奴愛才如蕭
穎士婢知詩似鄭康成晁公大愛賞今逸全篇偶

讀晁公文集泣而足之

仕不逢時勇退耕閑門自號景迂生遠聞佳士輒心許
老見異書猶眼明奴愛才如蕭穎士婢知詩似鄭康成
早孤遇事偏多感欲續殘章涕已傾

追感往事

諸公可歎善謀身誤國當時豈一秦不望夷吾出江左
新亭對泣亦無人

千年而後如聞歎息之聲善謀身一言尤中庸臣病根

潘問奇曰此詩雖欠含蓄然亦可知南渡後雖周伯

仁亦難得

文集跋呂侍講歲時雜記年運而往士大夫安於江

左求新亭對泣者正未易得撫卷累歎

欽定四庫全書

御選唐宋詩醇
卷四十六

三

欽定四庫全書薈要

御選唐宋詩醇卷四十七

山陰陸游詩六

目錄

春遊

三月二十日兒輩出謁孤坐北窓

西村

湖塘晚眺

秋夜

漁父

梅市

郭西

柳橋晚眺

秋社

村舍

秋日雜詠

欽定四庫全書

御選唐宋詩醇
卷四十七 目錄

一

小立

秋晚湖上

雨後至近村

題嚴州王秀才山水枕屏

追憶征西幙中舊事

解嘲

讀史

遣興

欽定四庫全書

御選唐宋詩醇
卷四十七目錄

二

送子龍赴吉州掾

正月五日出遊

初春雜興

杜叔高秀才雨雪中相遇留一宿而別誦此詩送之

村居書喜

別嚴和之

舟中作

夏初湖村雜題

書直舍壁

謝韓實之直閣送燈

直舍獨坐思成都

出東城並江而歸

立春後十二日命駕至郊外戲書觸目

河橋晚歸

後寫數

欽定四庫全書

御選唐宋詩醇
卷四十七目錄

三

與兒輩泛舟遊西湖一日間晴陰屢易

秋思

小徑登東山繚行自西北至溪上

感憤

野興

幽居春晚

閨雨

書事

明日復理夢中意作

舍南野步

出遊

山行

感昔

風雲晝晦夜遂大雪

夢華山

道室

欽定四庫全書

御選唐宋詩醇
卷四十七目錄

四

贛士曾興宗字光祖以其居貧篤谷圖來求詩

欽定四庫全書

御選唐宋詩醇
卷四十七目錄

五

春前六日作

寄隱士

訪山家

夏末野興

地僻

初夏閒居

耒陽令曾君寄禾譜農器譜二書求詩

倚樓

石帆夏日

乙丑夏秋之交小舟早夜往來湖中戲成絕句

懷舊

春雨

梨花

雜感

出遊歸鞍上口占

恩封渭南伯唐詩人趙嘏為渭南尉當時謂之趙

渭南後來將以予為陸渭南乎戲作長句

山行

初夏書感

對酒作

頃歲從戎南鄭屢往來興鳳間暇日追懷舊遊有

賦

異夢

夜坐小飲

欽定四庫全書

御選唐宋詩醇

卷四十七目錄

六

雜感十首之二

仲秋書事

秋日徙倚門外久之

聞新鴈有感

小園獨酌

古意

湖上尋梅

湖山

雪晴欲出而路濶未通戲作

春日雜興

蘭亭道上

初夏雜興

山行過僧菴不入

夏日六言

夏夜泛溪至南莊復回湖桑歸

郊行

欽定四庫全書

御選唐宋詩醇

卷四十七目錄

七

文章

思蜀

江村

示兒

御選唐宋詩醇卷四十七目錄

欽定四庫全書
唐宋詩醇卷四十七

集部

御選唐宋詩醇卷四十七

山陰陸游詩六

春遊

春風堤上草萋萋草軟沙平護馬蹄似蓋微雲纏障日如絲細雨不成泥千秋觀裏逢新燕九里山前聽午雞

追憶舊遊愁滿眼綵船曾繫畫橋西

三月二十日兒輩出謁孤坐北窓

欽定四庫全書

御選唐宋詩醇
卷四十七

園林春已空陂港雨新足泥深黃犢健桑老紫椹熟豐

年逋負少村社饜酒肉微風吹醉醒起和飯牛曲

樸直有味

西村

亂山深處小桃源往歲求漿憶叩門高柳簇橋初轉馬

數家臨水自成村茂林風送幽禽語壞壁苔侵醉墨痕

一首清詩記今夕細雲新月耿黃昏

湖塘晚眺

綠樹暗村墟青山繞草廬奉祠神禹舊馳道暴秦餘浦

色沉煙網畦聲入雨鉏清秋又如許幽憤若為攄

病起閒無事時來古渡頭煙中賣魚市月下采蓮舟帆鼓娥江晚菱歌姥廟秋長吟無傑句聊以散吾愁

氣體高妙在盛中之間

秋夜

老病睡眠少如斯秋夜何長庚未配月織女已斜河莎徑蟲吟苦柴門葉落多誰知窮甯戚不作飯牛歌

欽定四庫全書

御選唐宋詩醇
卷四十七

漁父

千錢買一舟百錢買兩槳朝看潮水落暮看潮水長持魚換鹽酪縣郭時下上亦或得濁醪不復計瓶盃浩歌忘遠近醉夢墮莽蒼元真不可逢悠然寄遐想

梅市

梅市柯山小繫船開蓬驚起醉中眠橋橫風柳荒寒外月墮煙鐘縹渺邊客思况經孤驛路詩情又入早秋天

如今老病知何恨判斷江山六十年

清和宛轉可謂物理俱美情致兼深矣

盧世㴶曰是雲林寫景

郭西

鵠下川原黑船行浦漱空橋燈搖水影樓角散天風野
眺飛埃外漁歌冷翠中不須嘲病翼要是脫樊籠

柳橋晚眺

小浦聞魚躍橫林待鶴歸閒雲不成雨故傍碧山飛

有手揮目送之趣

欽定四庫全書

御選唐宋詩醇

三

欽定四庫全書

御選唐宋詩醇

四

秋社

雨餘殘日照庭槐社鼓鼈鑿賽廟回又見神盤分肉至
不堪沙鴈帶寒來書因忘作間終日酒為治聲醉一盃
記取鏡湖無限景蘋花零落蓼花開

村舍

生理嗟彌薄吾居久未完蝶飛窓紙碎龜坼壁泥乾小

雨牛欄濕微霜碓舍寒晚禾蟲獨少鄰里共相寬

原註今年

晚禾苦蟲蛙予鄉獨免

潘問奇曰生芻不肯蹈襲一字

秋日雜詠

菰蒲風起暮蕭蕭煙斂林疎見斷橋白蟹鱉魚初上市

輕舟無數去乘潮

竹枝遺調

小立

紅樹園廬晚碧花籬落秋荒陂船護鴨斷岸笛呼牛酒
賤村村醉山寒寺寺幽聊須岸烏幘小立埭西頭

秋晚湖上

已過西成賽廟期家家下麥不容遲夕陽遍野人歸後
秋水生灘鷺集時靈藥不治懷抱惡好詩空益鬢毛衰
從來未識蘇司業愁絕西風滿酒旗

結聯善於運化有縹緲之韵

雨後至近村

夜雨曉方止朝雲猶作陰山餘一寸碧溪長半篙深卧
泛白鷗渚行穿黃葉林老農能共語真率會人心

題嚴州王秀才山水枕屏

我行天下路幾何三巴小益山最多翠崕青嶂高嵯峨

鶴傳山信疏泉洗藥苗晚來幽興極乘月過溪橋

讀史

紅棧如帶紫巖阿下有駭浪千盤渴一跌性命委蛟鼉

日馳三百一烏驃雪壓披纏泥滿韓驛亭沃酒醉臉酡

長笛腰鼓雜巴歌大散關上方橫戈豈料世變如翻波

東歸輕舟下江沱回首歲月悲蹉跎壯君落筆寫岷嶓

意匠自到非身過偉哉千仞天相摩谷裏人家藏綠蘿

使我恍然越闊河熟視粉墨頻摩挲

民間斗米兩三錢萬里耕桑罷戍邊常使屏風寫無逸
應無烽火照甘泉

保泰持盈之指借明皇發之不落言詮自近風雅

遣興

家住城南剗曲傍門前山色蘸湖光三朝執戟悲年往

二頃扶犁樂歲穰名姓已隨身共隱文辭終與道相妨

家住城南剗曲傍門前山色蘸湖光三朝執戟悲年往

二頃扶犁樂歲穰名姓已隨身共隱文辭終與道相妨

鏗然徹耳煥然奪目意匠自到非身過尤有妙理

追憶征西幙中舊事

小獮南山雪未消繡旗斜卷玉驄驕不如意事常千萬

空想先鋒宿渭橋

昨夜王師戍隴回遺民日夜望行臺不論夾道壺漿滿

洛濱河鮀次第來

原註在南鄭時闢中
將吏有獻此二物者

解嘲

一壑棲遲久多生習氣消行藏無愧怍夢覺兩逍遙倩

欽定四庫全書

御選唐宋詩醇

卷四十七

五

欽定四庫全書

御選唐宋詩醇

卷四十七

六

子孫勉守東臯業小甌吳粳底樣香

方回曰五六議論最妙

送子龍赴吉州掾

我老汝遠行知汝非得已駕言當送汝揮涕不能止人

誰樂離別坐貧至於此汝行犯胥濤次第過彭蠡波橫

吞舟魚林嘯獨腳鬼野飯何店炊孤櫂何岸儀判司比

唐時猶幸免笞箠庭參亦何辱負職乃可恥汝為吉州

吏但飲吉州水一錢亦分明誰能肆讒毀聚俸嫁阿惜

擇士教元禮我食可自營勿用念甘旨衣穿聽露肘履
破從見指出門雖被嘲歸舍却睡美益公名位重凜若
喬嶽峙汝以通家故或許望燕几得見已足榮切勿有
所啟又若楊誠齋清介世莫比一聞俗人言三日歸洗
耳汝但問起居餘事勿挂齒希周有世好敬叔乃鄉里
豈惟能文辭實亦堅操履相從勉講學事業在積累仁
義本何常蹈之則君子汝去三年歸我儻未即死江中
有鯉魚頻寄書一紙

欽定四庫全書

御選唐宋詩醇

卷四十七

七

以韻語作訓詞真情極切自然成文樸茂渾堅大家本

領

正月五日出遊

久作閒人不慣愁新春天氣更清柔未為遼海千年別
且繼斜川五日遊細柳拂頭穿野徑落梅裊袖上漁舟
此身定去神仙近倚遍江南賣酒樓

初春雜興

水長鷗初泛山寒茗未芽深林聞社鼓落日照漁家渡

遠呼船久橋傾取路斜客愁慵遠眺不是怯風沙
方回曰八句皆佳而三四尤古遠

老病倦遊陟偶尋溪友期殘冰擁魚笱新暖入桑枝山

崦巨然盡煙村摩詰詩何人為收拾愧我不能竒

杜叔高秀才雨雪中相遇留一宿而別誦此詩送

之

久客方知行路難關山無際水漫漫風吹欲倒孤城遠

雪落如篠野寺寒暮挈衣囊投土室晨沽村酒挂驢鞍

欽定四庫全書

御選唐宋詩醇

卷四十七

八

文章一字無人識胸次徒勞萬卷蟠

用箋字新異可喜

村居書喜

紅橋梅市曉山橫白塔樊江春水生花氣襲人知驟暖
鵲聲穿樹喜新晴坊場酒賤貧猶醉原野泥深老亦耕
最喜先期官賦足經年無吏叩柴荆

別嚴和之

器之魂逝已難招尚有和之慰寂寥今夜月明空歎息

想君孤棹泊溪橋

舟中作

晤語無人與遣愁，出門聊復弄輕舟。
山穿煙雨參差出，水赴陂塘散漫流。
隔葉雄雌鳴谷鳥，傍林子母過吳牛。
數家清絕如圖畫，吹黍何妨得小留。

盧世㴶曰寫景閒雅

夏初湖村雜題

嫩日輕風夏未深，曲廊倚杖得閒吟。
地偏草茂無人跡，嫩日輕風夏未深。

一對茭雞下綠陰

道山西下路杳杳歷重廊，地寂聞傳漏。
簾疎有斷香渠

書直舍壁
錦城花絮送吳船，屈指東歸又幾年。
羣玉峯頭花老矣，百花潭上夢依然。
青衫尚記稱狂客，白髮寧知作老仙。
所恨酒腸非復昔，閒遊空負杖頭錢。

出東城並江而歸

清水馬健屋老瓦松長，欲出重欹枕無何覓故鄉。
方回曰水馬瓦松詩人罕用此聯可喜

謝韓實之直閣送燈

玉作華星綴絳繩，樓臺交映暮天澄。
東都父老今誰在，腸斷當時諫浙燈。

盧世㴶曰詩自謝燈意別有在
張完臣曰無限感慨觸物而流

蘇軾諫浙燈劄子伏見中使傳宣下府市司買浙燈
四千餘盞。有司其實直以聞陛下，又令減價收買見
已盡數拘收禁止私買以須上令。臣始聞之驚愕不
信，咨嗟累日竊為陛下惜此舉動也。

直舍獨坐思成都

錦城花絮送吳船，屈指東歸又幾年。
羣玉峯頭花老矣，百花潭上夢依然。

欽定四庫全書

御選唐宋詩醇

卷四十七

十

立春後十二日命駕至郊外戲書觸目

宮雲縹緲漏聲遲，夢裏華胥却自疑。
春淺風光先盡盡，時平節物共熙熙。
畫簾不捲聞人語，玉勒徐行避酒旗。

閱盡輩流身獨健況如隨計入都時

河橋晚歸

曲巷連新市層樓近小橋青帘猶滴雨綠浦恰通潮簾
影晴方見笙聲冷未調斜陽覓歸路偏愛玉驄騎
筆墨間有香氣似初唐人佳製

後寓歎

貂蟬未必出兜鍪要是蒼鷹憶下韁彭澤徑歸端為酒

輕舟已老豈須侯千年精衛心平海三日於菟氣食牛

會與高人期物外摩挲銅狄灞城秋

吳喬曰此當有後進妄生長短如韓君在夷門也

與兒輩泛舟遊西湖一日間晴陰屢易

逢著園林即欵扉酌泉鬻筍欲忘歸楊花正與人爭路
鳩語還催雨點衣古寺題名那復在後生識面自應稀
傷心六十餘年事雙塔依然在翠微

寫景最工著語一何娟妙

秋思

鳥桕微丹菊漸開天高風送鴈聲哀詩情也似并刀快

翦得秋光入卷來

小徑登東山繚行自西北至溪上

原註是夕子聿置酒

行穿犖確度硶砑小立風中客袖斜衰草雙雙點飛蝶
長空一一送栖鴟荻洲薄暮收魚網茆舍初寒響緝車
誰道老人多感慨未妨尊酒樂年華

感憤

形勝靖潼在英豪趙魏多精兵連六郡要地控三河慷慨

慨鴻門會悲傷易水歌幾人懷此志送老一漁蓑

野興

掃盡紅塵閒是非舍傍好在舊苔磯壺中春色松肪酒
江上秋風槲葉衣一片共知雲偶出千年誰識鶴重歸
勿言野外無供給雪後連山藥草肥

五六情事恰合

幽居春晚

老廢讎書病廢詩畫間惟與睡相宜未尋內史流觴地

又近龐公上塚時花發遊蜂喧院落筍長馴鹿入藩籬

石帆山下春如許野老來招不用辭

盧世灌曰三四從上轉下機軸一貫

閔雨

歲秋固多雨每恨不及時黃塵蔽赤日苗槁已不遲踏
車聲如雷力盡真何為天豈不念民雲族風散之窮民
守稼泣便恐化棘茨妻子不望活所懼尊老飢我願上

天仁顧哀民語悲鞭龍起風霆尚繼豐年詩

詞旨深厚

書事

北征談笑取關河盟府何人策戰多掃盡煙塵歸鐵馬
剪空荆棘出銅驅史臣歷紀平戎策壯士遙傳入塞歌

自笑書生無寸效十年枉是枕珊瑚

明日復理夢中意作

白盡髭鬚兩頰紅頽然自以放名翁客從謝事歸時散
詩到無人愛處工高挂蒲帆上黃鶴獨吹銅笛過垂虹

閒人浪迹由來事那計猿驚蕙帳空

劉克莊曰近歲詩人雜博者堆隊仗空疎者窘材料

出奇者費搜索縛律者少變化惟放翁記問足以貫
通力量足以驅使才思足以發越氣魄足以凌暴南
渡而下故當為一大宗末年詩云客從謝事歸時散
詩到無人愛處工又云外物不移方是學俗人猶愛
未為詩則皮毛落盡矣

舍南野步

枯蔓絡荆籬幽花映荻扉馴麋驚不起歸鶴倦猶飛野

色連收網邊愁入搗衣壯圖空自笑事事與心違

寫入邊愁一句便覺情景混融通體靈妙

出遊

山有藍輿步有舟放翁身健得閒遊羊牛點點日將夕

蒲柳蕭蕭天正秋細雨僧歸雲外寺疎燈人語酒家樓

歸途更愛湖橋月獨倚闌干為小留

山行

山光秀可餐溪水清可啜白雲映空碧突起若積雪我

行溪山間靈府為澄澈峻嶒崖角立蟠屈路九折黃楊

與冬青鬱鬱自成列其根貫石罅橫逆相糾結上捫鶲

鶲巢下歷豺虎穴流泉不可見鏘然響環玦出山日已

暮林火遠明滅小憩得樵家題詩記幽絕

不失子美家法

感昔

白帝城邊鶯亂啼憶騎瘦馬踏春泥老來感舊多悽愴

孤夢時時到瀼西

風雲晝晦夜遂大雪

大風從北來洶洶十萬軍草木盡偃仆道路暝不分山

澤氣上騰天受之為雲山雲如馬牛水雲如魚龜朝闔

翳白日暮重壓厚坤高城岌欲動我屋何足掀兒怖牀

下伏婢恐堅閉門老翁兩耳贖無地著戚欣夜艾不知
雪但覺手足皺布衾冷似鐵燒糠作微溫豈不思一飲
流塵暗空樽已矣可奈何凍死向孤村

奇崛

夢華山

古松偃蹇谷谺砑太華峯前野老家久客未歸丹竈冷

碧桃八十一番花

道室

簷遇風山第六爻翛然盡謝俗間交謀生舊買雲三頃

託宿新分鶴半巢露下丹芽生藥壠月明金粉落松梢

眉間喜動君知否借得丹經手自抄

鏗然清響殊有仙靈之氣

倚樓

曲曲闌干縹緲間哦詩本欲破除閒無端又起天涯感

淡墨生綃數點山

石帆夏日

短棹飄然信所之茶園漁市到無時風從蘋末蕭蕭起
月過花陰故故遲蓆菜煮羹吳舊俗竹枝度曲楚遺辭
頗聞項里楊梅熟隣曲相招莫後期

乙丑夏秋之交小舟早夜往來湖中戲成絕句

橫林渺渺夜生煙野水茫茫遠拍天菱唱一聲驚夢斷始知身在釣魚船

有聲有情迥然高唱

娥江道上月三更垣屋參差閉月明倚施賦詩無傑思
斷腸分付棹歌聲

懷舊

身是人間一斷蓬半生南北任秋風琴書昔作天涯客

欽定四庫全書

御選唐宋詩醇

卷四十七

十七

蓑笠今成澤畔翁夢破江亭山驛外詩成燈影雨聲中
不須強覓前人比道似香山實不同

王世貞論詩以樂天放翁為廣大教主為其情事景物

之悉備也此老情事頗近子美其意中亦欲與浣花老

叟相視而笑故其自道如此

春雨

春陰易成雨客病不驚寒又與梅花別無因一倚欄

梨花

開向春殘不恨遲綠楊窄地最相宜征西幕府煎茶地

一幅邊鸞畫折枝

原註宣司靜鎮堂屏上有邊鸞梨花

盧世㴶曰梨花詩至此又是一種結構

雜感

春晚晴還雨村深醉復醒溪添半篙綠山可一窓青藥
品隨長鏡花名記小屏閒身幸無事吟嘯送餘齡

可字雖出唐人自成佳句

出遊歸鞍上口占

欽定四庫全書

御選唐宋詩醇

卷四十七

十八

渺渺煙波飛槳去迢迢桑野策驢還寄懷楚水吳山外
得意唐詩晉帖間每惜好春如我老誰能長日伴人間
世間自是無兼得勛業元非造物慳

初夏閒居

川雲漠漠雨冥冥濁酒閒傾不滿瓶蠶簇尚寒憂繭薄
稻陂初滿喜秧青王師護塞方屯甲親詔憂民已放丁

病起自憐猶健在不須求應少微星

琢句工穩而氣格不傷

地僻

地僻臨湍瀨門幽長綠苔客書疑誤達僧刺愧虛來清
露蘋花坼斜陽燕子回自憐猶有恨佳日對空罍
何其風秀

耒陽令曾君寄禾譜農器譜二書求詩

欽定四庫全書
御選唐宋詩醇
卷四十七
十九

歐陽公譜西都花蔡公亦記北苑茶農功最大置不錄
如棄六藝崇百家曾侯奮筆補多稼儋州讀罷深咨嗟
一篇秧馬傳海內農器名數方萌芽令君繼之筆何健

古今一一辨等差我今八十歸抱耒兩編入手喜莫涯

神農之學未可廢坐使末俗慙浮華

文獻通考陳氏曰禾譜五卷宣德郎溫陵曾安止移
忠撰東坡所謂賦秧馬歌也謂禾譜文既溫雅事亦
詳實惜其不譜農器故以此歌附之農器譜三卷續

二卷耒陽令曾之謹撰安止之姪孫也追述東坡作
歌之意為此編周益公為之序陸務觀亦作詩題其

後

夏末野興

半世天涯倦遠遊還鄉不減旅人愁數聲相應鳩呼雨
一片初飛葉報秋山鳴風煙僧院路河梁燈火酒家樓
絕知雪鬢宜蓑笠分付貂蟬與黑頭

訪山家

欽定四庫全書
御選唐宋詩醇
卷四十七
二十

捨舟步上若耶溪壽櫟修藤路欲迷僧院倚山馴栗鼠
野塘灘水下茭雞草侵古路迢迢遠雲傍行人故故低
薄暮但尋遺毳去山家正在鶴巢西

寄隱士

乳竇寒猶滴巖扉夜不扃奇書窺鳥跡靈藥得人形浩
浩天風積冥冥海氣清儻逢王內史更為乞黃庭
較少陵押形字更新

春前六日作

夜枕夢回春雨聲曉窓日出春鳥鳴典衣沽酒莫辭醉
自有梅花為解醒

贛士曾興宗字光祖以其居質當谷圖來求詩

高人心虛萬物宗家世常以仕易農買山本愛坡上竹

秋夜

手種已偃巖前松瀑泉三伏凜冰雪谷聲十里酣笙鏞
了知自是一丘壑不與金精為附庸原註地與金精
山青牛峽為隣

磊砢多奇宮商悉諧第六句蓋取諸坡仙者

夏日雜題

午夢初回理舊琴竹爐重炷海南沉茅簷三日蕭蕭雨
又展芭蕉數尺陰

西村晚歸

欽定四庫全書

御選唐宋詩醇
卷四十七

三

小鴨花垂盡平隄草次迷日長鶯語久風定絮飛低子
響聞基院舟橫傍釣溪歸途不知處依約埭東西
古今得意句難得一聯悉稱暗牖懸蛛網不如空梁落
燕泥傍水見寒花不如出闕逢落葉也田藝衡詩談云

爾如比詩風定絮飛低五字亦豈易稱

早嘆常思雨沉陰却喜晴放船蓮蕩遠岸幘竹風清淮
浦戎初遁興州盜甫平為邦要持重恐復議銷兵

落葉鳴遙夜啼螢送暮秋不知何許笛故作此時愁青
海三年戍黃旗萬里侯何如石帆下煙雨釣滄洲

風格道上故應突過錢郎

累日濃雲作雪不成遂有春意

釀雪經旬竟不成一霜却作十分晴雲歸岫穴千峯立
暖入郊原萬耦耕葛葉離離豐歲候梅花眷眷故人情

道傍孤店新醅熟已有幽禽一兩聲

欽定四庫全書

御選唐宋詩醇
卷四十七

三

野望

偶携一小豎徙倚望南山船笛為誰怨溪雲如我閒洲
長歸鴈下天迥暮鴉還安得一竿去終年煙水間

春晴

常年春日少春晴拂面今朝暖吹輕水閣家家橫小舫
園亭處處聽新鶯桃花不管詩人老葛葉空催野叟耕
自笑此生餘幾許銅駝荆棘尚關情

恩封渭南伯唐詩人趙嘏為渭南尉當時謂之趙

渭南後來將以予為陸渭南乎戲作長句

老向人間久倦遊君恩乞與渭川秋虛名定作陳驚坐

好句真慙趙倚樓棧豆十年霑病馬煙波萬里著浮鷗就封他日輕裘去應過三峯處處留

盧世淹曰欲遂欲任兩意俱有

山行

山鳥啼孤戍煙蕪入廢亭隄成陂水白雨細稻秧青草市少行旅叢祠多乞靈最憐投宿處微火暮晶熒

欽定四庫全書

御選唐宋詩醇

二十三

初夏書感

春與人俱老花隨夢已空遊蜂黏落蕡輕燕接飛蟲桑

悴知蠶起壯肥賽麥豐為農當自力相戒勿怱怱

諸詩皆莫年之作老氣縱橫而格律彌細

對酒作

飲酒豪如卷白波遣愁難似塞黃河多聞自解為身累

後死空令見事多未試神仙餐玉法且賡壯士入闕歌

此心不道無人識雪鬢蕭蕭奈老何

賦

昔戍蠶叢北頻行鳳集南烽傳戎壘密驛遠客程貪春盡花猶坼雲低雨半含種畬多菽粟蕪木雜松柏婦汲

惟陶器民居半草菴風煙迷棧閣雷霆起湫潭城郭秦

風近村墟蜀語參快心逢曠野刮目望浮嵐考古時興感無詩日每慚嘉陵最堪憶迎馬柳毵毵

方回曰放翁詩出於曾茶山而不專用西江格有晚

欽定四庫全書

御選唐宋詩醇

二十四

唐有中唐亦有盛唐此篇雖陳杜沈宋亦不過如此

流麗綿密

異夢

山中有異夢重鎧奮雕戈敷水西通渭潼關北控河淒涼鳴趙瑟慷慨和燕歌此事終當在無如老死何

夜坐小飲

零落槐花已滿溝江湖又見一番秋冰輪有轍凌空上銀漢無聲接地流丹荔甘寒勞遠致玉醅醇冽喜新築

移牀坐對西南電好雨心知不待求

雜感十首之二

呂釣渭水濱說築傅巖野雖曰古盛時得士益亦寡天
將啟治亂人才有用舍向非萬牛力孰與成大厦
洙泗日已遠儒術日已喪學者稱孔墨為國雜伯王書
生幸有聞力薄不能倡默默世俗間汝職無乃曠
詞旨宏深雖筆意微斂却有大篇氣象

仲秋書事

欽定四庫全書
御選唐宋詩醇
卷四十七

斷雲歸岫雨初收茅舍蕭條古渡頭短褐老人垂九十

松枯石瘦不禁秋

秋日徙倚門外久之

舍前煙水似瀟湘白首歸來愛故鄉五畝山園鬱桑柘
數椽茅屋映菰蔣翻翻小繖船歸郭渺渺長歌月滿塘

却掩柴荆了無事篆盤重點已殘香

聞新鴈有感

新鴈南來片影孤冷雲深處宿菰蘆不知湘水巴陵路

曾記漁陽上谷無

如此寓感亦匪夷所思

小園獨酌

橫林搖落弄微丹深院蕭條作小寒秋氣已高殊可喜
老懷多感自無歡鹿初離母班猶淺橘乍經霜味尚酸
小酌一卮幽興足豈須落佩與頽冠

古意

千金募戰士萬里築長城何時青塚月却照漢家營

欽定四庫全書
御選唐宋詩醇
卷四十七

夜泊武昌城江流千里清寧為鴈奴死不作鶴媒生

工於用古

湖上尋梅

鏡湖渺渺煙波白不與人間通地脉騎龍古仙絕火食
慣住空山齧冰雪東皇高之置度外正似人中巢許輩
萬木僵死我獨存本來長生非返魂

小雪湖上尋梅時短帽亂插皆繁枝路人看者竊相語
此老胸中常有詩歸來青燈耿窗扉心鏡忽入造化機

墨池水淺筆鋒燥笑拂吳箋作飛草

仗氣愛奇遂成異境方取梅花詩十五篇殊不逮此

湖山

坡陁度小嶺軒豁見平湖但醉梅花下民家酒可沽

原註

花徑
小嶺

故堞無遺跡蕭然數十家茶煙映山起酒旆傍隄斜

原註

古城

雪晴欲出而路濶未通戲作

欽定四庫全書

御選唐宋詩醇
卷四十七

欲覓溪頭路春泥不可行歸來小窓下袖手看新晴

春日雜興

行人陌上思悠悠十里斜陽古渡頭一片落花無覓處

只教芳草管閒愁

蘭亭道上

湖上青山古會稽斷雲漠漠雨淒淒籃輿晚過偏門市

滿路春泥聞竹雞

箭箙弓弢小獮回壯心自笑未低摧前身家近盤閭路

曾看吳王射雉來

蘊藉不失唐人風調

初夏雜興

隱趣與誰論深居湖上村避蘭寧改路惜苟不開園庭
草饒生意溪沙記漲痕愁來時淺酌隨事有雞豚

山行過僧菴不入

垣屋參差竹塢深舊題名處嬾重尋茶爐煙起知高興
碁子聲踈識苦心淡日暉暉孤市散殘雲漠漠半川陰

欽定四庫全書

御選唐宋詩醇
卷四十七

長吟未斷清愁起已見橫林宿暮禽

方回曰詩極高勝尤有工夫針線如老杜所謂裁縫

滅盡針線迹也殘雲一聯及末句結乃結煞山行一

段餘意前輩詩例如此須合別有擺脫老杜縛雞行

山谷水仙花皆然

夏日六言

醉面貪承夕露釣竿喜近秋風借問孤舟何處深入笑

蕖浦中

溪漲清風拂面月落繁星滿天數隻船橫浦口一聲笛

起山前

夏夜泛溪至南莊復回湖桑歸

不求奇骨可封侯但喜枯腸不貯愁數點殘燈沽酒市

一聲柔嫋採菱舟元知澤國偏宜夜已就天公探借秋

歸過三更風露重紗巾剩覺髮颺颪

郊行

淒風吹雨過江城緩策羸驥竝水行古路初驚秋葉墮

欽定四庫全書
御選唐宋詩醇
卷四十七
三九

荒郊已放候蟲鳴壯心耿耿人誰識往事悠悠恨未平

斜日半竿羌笛怨西陵寂寞又潮生

結有神韵

文章

文章本天成妙手偶得之粹然無疵瑕豈復須人為若

看古彝器巧拙兩無施漢最近先秦固已殊淳漓胡部

何為者豪竹雜哀絲后夔不復作千載誰與期

深識妙解非淺人所能與游常言詩欲工而工亦非詩

之極鍛鍊之久乃失本指斲削之甚反傷元氣觀其所言其自命可知矣李東陽謂宋人之詩但一字一句對偶雕琢之工而天真興致未可與道者不知能識此意否

楊大鶴曰放翁詩至萬首然翁又言文章本天成妙手偶得之粹然無疵瑕豈復須人為自言間為長謠

短章楚調唐律酬答風月煙雨之態度非為娛耳目遣暇日而已此豈粘頭綴尾朝鎊夕琢必待月久歲

欽定四庫全書
御選唐宋詩醇
卷四十七
三十

深以多作為能者哉

思蜀

西遊陳迹浩無窮回首真同一夢中柳拂驛牆思鳳集

鼓喧市里憶蠶叢故人丘壠秋蕪碧舊隱園林夕照紅

自閔未能忘感慨浩歌彈劍送飛鴻

江村

江村連夜有飛霜柿正丹時橘半黃轉枕却尋驚斷夢

撥爐偶見爇殘香醫無絕藝空三易死與浮生已兩忘

拈得一書還嬾看臥聽孫子誦琅琅

陳訏曰放翁一生精力盡於七律故全集所載最多
最佳古詩稍有鬆處然至其精彩發露自斑駁可愛

示兒

死去元知萬事空但悲不見九州同王師北定中原日

家祭無忘告乃翁

祖應世曰放翁易簣嘉定中國弱已極而尚作此想

其齋志可悲矣

褚人穫曰示兒一絕有三呼渡河之意

周之麟曰觀於家祭無忘之語千秋而下亦為長慟

此其用心與子美何以異哉



總校官庶吉士臣張能照
校對官中書臣王璣

謄錄貢生臣湯安泰